



楊 樹 達 文集之十

上 海 古 籍 出 版 社



## 漢書窺管卷六

## 賈鄒枚路傳第二十一(漢書五十一)

師古曰:戴目者,言常遠視,有異志也。 (一下)使天下之人戴目而視,傾耳而聽。(一下)

樹達按:戴載通用,載則亦通用一點目即側目也。

颜說非。

起咸陽而西至雍,離宮三百。《學》[5]

樹達按:注此字景祐本作凡。三百以成數言之, 圧說泥。 咸陽之旁二百里內宮觀二百七十。」據此咸陽以西離宮止有二百七十,非三百也。 師古曰:此言離宮者,皆謂於別處覆之,非常成居也。 **冼謙曰:官本注此作凡,是。** 

始皇紀二万令

道廣五十步,三丈而樹。(三上)

王先愼曰"三丈,中央之地,惟皇帝得行,樹之以爲界也。三輔黃圖云"「漢令"諮侯有制得行馳道 中者行旁道,無得行中央三丈也。不如令,沒入其車馬。」蓋沿湊制。

樹達按"三丈而樹、謂道之兩旁每三丈植一樹。」王說附會黃圖、非是。

賈鄒枚路傳第二十一(漢書五十一)

漠

**蒸塗其外。**(二下

樹達按:說文六篇下泰部云:「泰,木汁可以髹物。 象形泰如水滴而下。」經傳通用漆字,此獨用本

字,漢書多古字古言,信矣。

萬鈞之所壓,無不糜滅者。(三上)

樹達按"說文七篇上米部云"歷, 糁也。

與本文義不合。字當讀爲糠,說文云:糠,碎也。

祝鍧在前,祝鯁在後。(四上)

樹達按:說文五篇下食部位從臺聲,干篇下壺部壹字則從吉聲。師古曰:饋古億字。宋祁曰:饋當作貸。

用民之力不過歲三日。(四下)

DIOING C

如顏說餡爲古億字,

則字從吉作

簡者是也。 宋說誤。

歲不同,雖豐不得過三日。」若云不過歲三日,則是歲止以三日爲限,且猶有一日二日之差,而城郭 不得過三日,自下皆然。 王文彬曰:不過歲三日當作歲不過三日,此禮記王制文。 按周禮均人云:豐年,旬用三日;中年,旬用二日;無年, 孔疏云:「謂使民治城郭道渠,年歲雖豐, 旬用一日。年

正作歲不過三日。 道渠之治,安能暫時墨事乎?本書食貨志:毋過歲什一,與此句例相似而義不同。 **先** 日. 資禹傳

樹達按:歲謂每歲,非謂樂歲。

不過歲三日即歲不過三日,文字次序不同,而義訓無二。 王氏強生

分別,殊爲無理。禮記疏引周禮均人爲說,然豐年旬用三日,與歲不過三日全是兩事,絕不相涉。蓋 以歲計,一以旬計也。用民者不必同時用之,更迭相續,何患事之不畢乎!汪說固滯不通甚矣。

篩土築阿房之宮。(五上)

師古曰"篩,以竹簁爲之。篩音師。簁音山爾反。

釋爲名字,此文篩字作動字用 樹達按"篩字說文作麗。 五篇上竹部云三篇,竹器也, ,猶梳字器名曰梳,理髮亦曰梳也。 可以取麤去細。」古名字動字義相因。

親文

[詩 匪言不能 胡此畏忌 聽意則對。獨看則退。(六上)

**喜賢者見事之是非** 

),非不能分別言之,而不言者,何也?此但畏忌犯

樹達按"顏說胡此畏忌本鄭箋。今按"胡此畏忌者,顏得罪罰也。今詩本云"聽言則對,誦言如醉。

師古

曰:此大雅桑柔之篇也。

稱, 哀江南賦云:「天何爲而此醉!」亦言如此醉也。 謂毋如此稱也。 孟子告子上篇著《非天之降才爾殊也,」 如鄭顏說,則當于胡字逗句,與文義不合。 言何爲如此畏忌也。莊子德充符云:「子毋乃 謂如此殊也。 句 例並同。 庾子山 按

師古曰:言心實憂念之,不爲禮飾也。

疾則臨視之亡數。(六上)

樹達按 此以疾有久暫 ,故臨视無定數, 數非謂禮數, )顏說非。 喪大記所稱「君子大夫疾三問之」

賈鄒枚路傳第二十一(漢書五十一)

者,三乃泛言其多,非謂三 一次也。

省廐馬以 樹達按一上文舉賢良方正及此省馬事皆在文帝二年,見紀。通鑑列此書於二年,是也。 賦縣傳。(七上)

九十者一子不事,八十者二算不事。(七上)

樹達按"武紀建元二年詔"「八十復二算,九十復甲卒。」山在文帝時,而有此語,則文帝時已先行

之,紀失載耳。

赦罪人,憐其無髮,賜之巾,憐其衣赭書其背,父子兄弟相見也而賜之衣。(七上) 沈欽韓曰:書其罪於衣稽,今時猶然。 周官司國 加明刑。」疏云:「以版牘書其罪狀與姓名,著於

背,曰:「諂貴賣友,貪官埋母。」先讓曰:經緣之人,不復衣赭,沈說乃明刑之事,於憐意不合。 背,表示於人,是明刑也。」後漢書、河南尹李聚遇甄邵於途,使卒投諸溝中,笞捶亂下,大署帛於其

罪人已放歸,與父子兄弟相見,上憐其無髮,則賜之巾,憐其曾衣赭書背,則賜之衣也。文特參錯 此言

其常。

去耳。 愧對父兄。文帝憐其如此,故賜之以衣巾耳。文本當云:憐其無髮父子兄弟相見,以與下文複,省 樹達按一罪人初被赦,無所得衣巾,無已,則當以無髮之首及書背之赭衣與其父子兄弟相見, 王不得其解而斥沈說,又云參錯其辭,並非。 使其

今從豪俊之臣,方正之士,直與之日日獵射,擊冤伐狐。(七下)

樹達按:從音縱,謂使人隨行。 直,但也。

又訟淮南王無大罪,宜急令反國。(八下)

棄市。 樹達按"淮南王傳"「文帝六年,厲王謀反事覺,使使召淮南王至長安,丞相張蒼等奏長犯不軌, 韶列侯二千石議。」山言此蓋在此時。

又言柴唐子爲不善,足以戒。(八下)

樹達按 淮南傳明云棘蒲侯柴武太子高,王大誤。 大罪。文似分爲二事,實一事也 又按"山以淮南反事盡蔽罪於柴奇,故以爲王無

淮南王傳。此文應云柴武子,疑唐字訛。佐謙曰:淮南傳但言棘蒲侯太子奇,不云柴武柴奇也。 鄧展曰:淮南傳:棘蒲侯柴武太子柴奇與士伍開章謀反。齊召南曰:按棘蒲侯柴武太子奇謀反,見

其後復禁鑄錢云。(九上)

DIONIA C

樹達按:此言山之先識。

胡馬遂進鏡於邯鄲,越水長沙,還舟靑陽。(千上)

者,陽蓋謬言:越先以水軍攻長沙,而後還舟侵吳也。 張晏曰:青陽,地名。 還舟,聚舟船也。 言胡爲越難, 下文云:水章即, 越爲吳難, 不可恃也。 是其爲文如此。 劉奉世曰:越水長沙 青陽

二十六年,荆王獻青陽以西,是也。」先謙曰:文選注:「蘇林曰:青陽,水名也。 沈欽韓曰:"水經注引蘇林曰:"「青陽,長沙縣也。」輿地廣記:"潭州,長沙縣,故靑陽地。秦始皇 言胡越水陸共伐漢

地。

賈鄒枚路傳第二十一(漢書五十一)

三九三

也。 善云:此同孟康之義也。」按水長沙,劉說是。 漠 書 窥 卷 六 韓退之龍說:「水下土,」 亦用此爲文。 三九四 青陽,沈

說是。 之義,善注備之。 樹達按:胡助趙而反言之曰窺, 越至靑陽,已據上游,將爲吳忠。 實則謂胡與趙爲一耳。 下文越亦益深,則其辭又進,然不敢斥言侵吳也。 越水長沙, 還舟靑陽, 亦言吳與越爲一, 其隱顯

青陽吳地之說得之。王說殊非鄒意。 還當音旋

臣聞:交龍襄首奮翼,則浮雲出流,霧雨減集。(十一上)

樹達按:襄假為驟。說文十篇上馬部云:職為表近仰也。

故願大王之無忽,祭聽其志。

先謙曰:志不可聽。 樹達按:聽,從也。 察聽其志,謂察其意而從之 文選志作至,李善注云:劉藏周易注:至,極也,謂極言之。 至但訓極,無極言之義。 善注增字爲釋,不可從。 據此志爲至之譌。

臣聞 王說非是。 鷙鳥絫百,不如一鶚。(十一上)

陸擊則荆王以失其地。(十二下) "荆亦楚也,謂項羽敗走。

樹達按:宋人芥隱筆記

云:二語出史記,趙簡子語。

樹達按:百鴞古鐸部韻。

樹達按:上文言西楚大破,故此變楚言荆,此避複變文之例也。

介於羊勝公孫詭之間。(十三上)

師古曰:介謂間廁也。 周壽昌曰:介,特也。言陽特立於勝詭之間,不肯苟合,故勝等疾之。

樹達按:顏說是也。

勝等疾陽,惡之孝王。(十三上)

師古曰:惡謂讒毀也。其下亦同。

樹達按…惡本字作證。說文三篇上言部云:題,相毀也。从言,亞聲。徐音宛古切。

此二人者,皆信必然之畫,捐朋黨之私,挾孤獨之交,故不能自免於嫉妒之人也。(十五上)

樹達按…工於信字如字讀之,非是。 余謂信當讀爲伸。 光謙曰:信必然之畫,以爲計畫必行,果於自信。

此二國豈係於俗,牽於世,繫奇偏之浮辭哉。(千六下)

先謙曰"奇偏無義,史記作阿偏,奇與阿形近致誤也。

樹達按:奇當讀爲倚。禮記中庸篇云:「中立而不倚。」又云:「夫焉有所倚?」倚皆謂偏也。掎說文

倚與偏同義,故文以奇偏連文。

古音同,假阿爲倚耳。三說奇偏無義,謂奇爲阿之誤字,此疏於訓詁之說也。 史記作阿者,阿倚

亦訓偏引,踦訓一足,大抵奇聲字皆具偏義也。

是以聖王覺寤,損子之之心而不說田常之賢。(十六下)

先謙曰:官本損作捐,是。

買鄒枚路傳第二十一(漢書五十一)

漢

三九六

樹達按:景祐 本作捐

終與之窮達,無愛於士。(十七下)

王文彬曰"窮,盡也。言舉情素德厚盡達之於士,無所愛惜也

樹達按:孟子盡心上篇云:「窮則獨善其身,達則彙善天下。」窮與達爲對文。

終與之窮達,

猶言與

之同憂樂,共甘苦耳。 王說誤。

然則 阿制港七 )族,要離燔妻子,豈足爲大王道哉!(十八上)

師古曰:

此說云湛七族,無荆字也。

尋諸史籍,

荆軻無湛族之事,

不知陽所云者定何人也。 宋祁曰: 湻化本作荆軻,

景祐 劉敞

木 王念孫云 無荆字。 :劉說是也。 按浙本郭 本去荆字,云據注無荆字,南本徐鍇亦滅荆字。 錢大昭 日 | 園本則 下有荆字。 大同,則

曰"王充書言"秦怨荆軻,幷殺其九族,殺則是湛矣,非必沈之水也。

漢時傳語固有荆軻滅族之事矣。 "軻,荆軻也。 論衡語增篇仲任不信町町之說,而信滅九族之語,九族七族小異而 且荆軻游七族,要離燔妻子,相對爲文, 今直云荆軻爲燕刺秦始皇,則正文原有荆字甚明 則正文內當有荆字。若

師古

所見本

無荆

字

則

應

注

當

云

先謙曰 偶脱 荆字,遂云不知何人, 治要引 此文亦有荆字。 誤矣。 文選劉孝標廣絕交論云 諮校本去荆字, 卽惑於師古之說也。 "約同要離焚妻子,誓殉荆軻湛七族,即用 使記新序文選皆有削字。

此 文,明 有荆字, 師古未深考耳。

樹達按一一分景印景站本有荆字,與宋說景站本無荆字者不同。 然細繹今本, 荆字上下數字字體特

是使布衣之士不得爲枯木巧株之資也。(十九上) 。明是出於剜補。據文荆字當有,二王之說是也。

先謙曰"巧官本作朽,是。

樹達按:景祐本作朽。

使不羈之士與牛驥同阜。(十九下)

師古曰"阜,歷也。楊雄方言云"「梁宋齊楚北燕之間謂歷曰阜。」阜音在早反。

樹達按:阜本字當作槽。說文六篇上木部云:槽,畜獸之食器。

樹達按:史記鄒陽傳文至此止。

害奏,孝王立出之,卒爲上客。<<br />
三十下)

夫仁人之於兄弟,無臧怒,無宿怨,厚親愛而已。(二十二上)

樹達按: 孟子萬章上篇云: 仁人之於弟也,不臧怒焉,不宿怨焉,親愛之而已矣。

慶父親殺閔公,季子緩追免賊,春秋以爲親親之道也。(二十二上) 師古曰:公羊之說也。言季友親其兄也。

追以免賊,作免與此同。疑此與桓寬所據皆是嚴氏春秋,故與何休本異也

樹達按一見閱公二年公羊傳。 発字今傳文作逸,隱公元年穀梁傳同。鹽鐵論周泰篇云:「聞兄弟綾

漢既破吳齊王自殺,不得立嗣。 買鄒枚路傳第二十一(漢書五十一) 濟北王亦欲自殺,幸全其妻子。(二十二下)

**淡 書 窺 管 卷 六** 

樹達按"以齊濟北初皆與吳通謀也。

權不足以自守,勁不足以扞寇。二十二下)

王念孫曰一勁當爲埶,字之誤也。權輕則不足以守國, 数弱則不足以扞寇, **埶與權正相對**。

加謀力二字以曲通其義,

而不知勁爲埶之譌

岩作

必勁字句義乃貫作執則泛

勁,則與權不相對矣。師古云:權謀勁力不能扞守,王念孫曰:勁當為埶,字之誤也。 權輕則不足以守國

也。 樹達按:說文十三篇下力部云 漢紀孝景紀作勢不足以扞寇,以是明之。 …勁,强也。 言濟北之疆不足以扞寇也。

而不切矣。漢紀喜竄改班書,往往點金成鐵,豈可據信耶!

灣北王得不坐,徙封於淄川。(二十三下)

樹達按:淄當作菑。

欲湯之凔。(二十四下)

沈欽韓曰:逸周書:天地之閒有滄熱,善用道者絕無竭。 樹達按:逸周書見周祝解,絕無竭原書作終無竭,絕字誤。 孔晁注: 滄,寒也。

不如絕薪止火而已。(二十五上)

樹達按"呂氏春秋見盡數篇。原書作夫以湯止沸,此奪以字。先謙曰"文選注"呂氏春秋曰"夫湯止沸,沸愈不止,去火則止矣。

不絕之於彼而救之於此,譬猶抱薪而救火也。二十五上

樹達按:抱讀如抛,說詳五十四李廣傳。

福生有基,禍生有胎。 納其基,絕其胎,禍何自來?(三十五上)

樹達按:基、胎、來,古韻同在哈部。

夫銖銖而稱之,至石必差;寸寸而度之,至丈必過。(二十五下)

樹達按:差、過,古韻同在歌部。

夫十圍之木,始生如蘗,足可搔而絕,手可擢而拔。(二十五下)

樹達按:葉、絕、拔,古韻同在月部。

據其未生,先其未形也。(二十五下)

樹達按:生形古韻同在靑部。

夫吳有諸侯之位,而實富於天子;有隱匿之名,而居過於中國。(二十七上) 師古曰:隱匿謂僻在東南。

隱匿與隱慝同。 樹達按:僻在東南,不得言有隱匿之名, 漢誅三公以謝前過,是居其過於漢也。文義甚明,顏殊誤解。 中國指漢言。 吳有叛亂之心而迹未顯,故云隱慝,然天下皆知其事, 顏說非也。 僖公十五年左氏傳云:「於是展氏有隱隱焉。」 故云有隱慝

皋不通經術,詼笑類俳倡,爲賦頌,好嫚戲,以故得媟黷貴幸,比東方朔郭舍人等,而不

得比嚴助等得尊官。(二十九下) 買鄒枚路傳第二十一(漢書五十一)

之名。

漢

樹達按:郭舍人事見東方朔傳。 可與此參證。 嚴助傅云:前皋不根持論,上頗俳優畜之,唯助與壽王見任用。」

又自詆娸,其文骫鮍曲隨其事,皆得其意。(三十上)

師古曰:骫古委字也。 骳音被。 骫骳猶言屈曲也。

樹達按:倉頡篇云: 骩, 曲也。

臣聞"春秋正即位,大一統而慎始也。(三十一下)

陛下初登至尊,與天合符,宜改前世之失,正始受命之統。(三十一下) 樹達按:大一統見隱公元年公羊傳。

與改前世之失對文,則本無命字明矣。漢紀及說苑貴德篇皆無命字。

王念孫曰:命字涉上文受命而衍。上文云:春秋正卽位,大一統而慎始也,故此云正始受之統,且

樹達按"王氏校衍命字,但云始受,則受者爲何物乎?文不可通矣。 因求字數之對稱而損文義,

遏過者謂之妖言。(三十一下)

王氏校書之失,此爲最甚矣。

說遊貴德篇明云始受命之統,王氏云無命字,尤爲疏失。

師古曰:遏,止也,音一曷反。

樹達按:遏疑當讀爲謁,謁,白也。

方今天下賴陛下恩厚,亡金革之危,飢寒之患。(三十一下)

樹達按:恩厚說苑作厚恩。

(書曰:與其殺不辜,寧失不經。(三十二上)

師古曰:虞書大禹謨載各繇之言。

樹達按一襄公二十六年左傳楚聲子引夏書如此,偽古文尚書大禹謨襲用之。

上奏畏卻,則鍛練而周內之。(三十二下)

先謙曰"說文"鍛,小冶也。

練,練繒也。鍊,冶金也。

樹達按:說苑正作鍊字。下文「成練者衆」、字亦作鍊。 鍛練二字義不相屬,練當爲鍊之借字。

故俗語曰:畫地爲獄議不入,刻木爲吏期不對。(三十二下)

敗法亂正,離親塞道,莫甚乎治獄之吏。(三十三上) 樹達按…正讀爲政、說苑貴德篇字作政。 樹達按:語又見司馬遷傳遷報任安書。

省法制寬刑罰以廢治獄。(三十三上)

先謙曰:廢,除也,謂除去治獄之弊政。

樹達按"治獄不可廢,王亦強說。 說苑作煩獄,於義爲長。

上善其言。(三十三上) 樹達按:宣帝因溫舒言詔置廷平,見卷二十三刑法志。

賈鄒枚路傳第二十一(漢書五十一)

時,詔書令公卿選可使匈奴者,温舒上書:願給廝養,暴骨方外。(三十三下) 漢 書 窥 管 卷 六

師古曰:求爲卒而隨使至匈奴也。 樹達按:顏說固誤,周駁之,是也。 然給廝養猶云効犬馬,乃臣下謙卑之辭,周認實,亦非是。 周壽昌曰:求以廝養卒給之,出使匈奴,非自求爲卒也。

竇田灌韓傳第二十二(漢書五十二)

|孝景三年,吳楚反,上察宗室諸竇,無如嬰賢。(一下)

樹達按:最錯傳:錯請讁削諸侯,公卿列侯宗室莫敢難,獨嬰爭之。當此禍發, 景帝賢嬰, 殆由於

此。 蓋時帝已有悔用錯計之意,亦卽錯被殺之見端。錯愚不知,袁盎則已窺見帝隱而進其讒矣。

不然,盎於淮南厲王之縣, 固亦嘗主讁削諸侯矣。 今則自違前議,忽獻計誅錯,不憚以反覆見詰

太后亦慙。(三上) 者,正非無故也。

樹達按:慙前遇嬰過甚也。

嬰言爱盎、欒布諸名將賢士在家者進之。(三上)

云…是時諸陵長安中賢大夫爭附嬰盎,車騎隨者日數百乘

樹達按:爱盎傳,盎與嬰素相善,盎時叉夜見嬰,為言吳所以反,願至上前對狀,故嬰薦之。

盎傳

七年,栗太子廢,嬰爭,弗能得。(三下)

樹達按一栗太子廢爲臨江王,有罪對簿,欲得刀筆,到都弗予,嬰使人問予之,見都傳。

用建陵侯衞綰爲丞相。(三上)

樹達按: 縮性醇謹敦厚, 與魏其正相 反也。

寶嬰已爲大將軍,方盛,魵爲諸曹郎。(三上)

末年甫及十餘歲,何能以材辯稱。 前尚生三公主,嬰爲大將軍在景帝四年,豈有臧兒晚嫁至是方生田蚡之理。且魵以是時生,至孝景 先謙曰: 史記方盛上有後字,則似覽嬰七字與上生長陵相屬爲義。 漢書刪後字,以「躛嬰已爲大將軍」爲句,連下爲文,是也。 王皇后生武帝在景帝元年, 疑史 其

樹達按:縱有後字,竇嬰句決無上屬之理。 王氏強誣史記,輒肆非難,疏謬甚矣。

辯有口。(三下)

文失實。

樹達按:外戚傳云:田蚡勝貪,巧於文辭。

|粉以舅封爲武安侯,弟勝爲周陽侯。(三下)

藉福賀嬰,因弔,日"君侯資性喜善疾惡。(四上) 樹達按:周壽昌云 王田別族,魵滕猶得以母舅封侯,故成帝云:「封田氏非正也。

」見元后傳。

蓋

又先弔而後賀。

樹達按 戰國以來風習如此。 國策燕策記蘇秦說齊王 ,再拜而賀,因仰而弔。 蒯通傳記通說范陽令,

寶田灌韓傳第二十二(漢書五十二)

嬰、魵俱好儒術,推轂趙綰爲御史大夫,王臧爲郎中令。(四上)

漢 音 窺 管 卷 六

樹達按"縮臧皆申公弟子,見儒林傳。

令列侯就國。(四下)

以禮爲服制。(四下) 此議耳。 樹達按:文紀云:二年,詔令列侯之國。三年,又遣丞相率列侯之國。 蓋此事迄未實行,

故今復有

樹達按:此欲革文帝短喪之制也。

二年,御史大夫趙綰請毋奏事東宮。(四下)

樹達按"史記二年上有建元二字,是。

迺罷逐趙綰、王臧。(四下)

以柏至侯許昌爲丞相。(四下)

樹達按"卷二十五郊派志云"縮臧自殺,諸所興爲皆廢。

樹達按:昌爲功臣許盎之孫,見卷十六高惠高后文功臣表。 已,無所發明。

**魵雖不任職,以王太后故親幸,數言事,多效。**(四下)

樹達按:六十四嚴助傳:建元三年,東甌告急於漢,帝以問魵,魵欲不救,亦見兩喪傳, 正蚡不任職

卷四十二世屠嘉傳云:昌爲相,備員而

而言事之證也。

上以魵爲丞相。(五上)

言瓠子決河不必塞,見二十九溝洫志。

肅。(五上)

又以爲諸侯王多長,上初卽位,富於春秋,魵以肺附爲相, 樹達按:粉徵張湯為丞相史,見五十九湯傳。

非痛折節以禮屈之,天下不

與此文可相參證。

以爲漢相尊,不可以兄故私橈,由此滋驕。(五下)

樹達按:卷五十汲黯傳云:中二千石拜謁,魵弗爲禮,亦魵驕之一事也。

樹達按"時數炎暴諸侯王過惡,諸侯王多自以侵冤,見卷五十三中山靖王勝傳,

夫以千人與父俱。(六上)

樹達按"斬歙傳注"如湻曰"騎將率號爲千人。漢儀注"邊郡置部都尉千人司馬候也。 卷韓延壽傳補注。

別詳七十六

孟年老,類陰侯疆請之,鬱鬱不得意。(六上)

先謙曰: 孟年老, 太尉亞夫不欲用之, 潁陰侯強請而後可, 故孟不得意也。

樹達按:「孟年老,不欲行,,潁陰侯強請,不得已而行,故不得意耳。

吳軍敗。(六下)

先謙曰:官本敗作破。

**愛田灌韓傳第二十二(漢書五十二)** 

四〇五

漢 窺 管 卷 六

樹達按:景祐本作破。

以爲准陽天下郊,勁兵處。(七上)

樹達按:郊假爲交。顏注意是,而不明言其爲通假,非也。 師古曰:郊謂四交輻湊,而兵又勁彊。

|夫不好文學,喜任俠。(七上)

樹達按"三十七卷季布傳"季心爲任俠,弟畜灌夫,正以氣類相合故爾。

潁川兒歌之曰"潁水清,灌氏寧; 潁水濁,灌氏族。(七下)

樹達按:清、寧,古青部韻,濁、族,古屋部韻。

|福惡兩人有隙,乃謾好謝||蚡曰:魏其老,且死,易忍,且待之。(八下)

樹達按"三十七卷季布傳,季心弟畜灌夫籍福之屬。然則福亦游俠之徒,故頗有排難解紛之意也。

夫亦持魵陰事,爲姦利,受淮南金與語言。(九上)

淮南金與語言,見本傳下文。 樹達按:下篇韓安國傳: 蚡受安國 五百金, 受王恢千金,

爲恢言於太后,

皆其爲姦利之事也。

受

賢方與程不識耳語。(九下)

|粉更皆爲耳目,諸灌氏皆亡匿。 樹達按:不識事詳見五十四卷李廣傳。

大繫,遂不得告言财陰事。(+下)

樹達按"朱安世在獄中,尚得上書告公孫敬聲,夫竟不得告者,魵多耳目之故也。

主爵都尉汲黯是魏其。(十一下)

樹達按:五十卷黯傳云 **:**黯善灌夫鄭當

今日廷論,局趣效轅下駒。(十一下)

應劭曰:局趣,賦小之貌也。

樹達按:趣假爲促。說文八篇上人部云:促,迫也。

趣促通假,本書屢見。

且帝寧能爲石人邪?(十一下)

文帝以俱外家故廷辯之爲解,尤可證明。 敢堅對,帝怒責之,可以見矣。太后亦知此意,故以石人責之,謂其不應不自主張,反問 師古曰:言徒有人形耳,不知好惡也。 樹達按:武帝意本不直武安,特以太后故,不欲出之於己,故借羣臣廷辯之言以張目。 一曰:石人者,謂常存不死也。 顏前說是。 李拘於下文百歲後之語,謂後說爲是,非也。 李慈銘曰:一說是也。 觀鄭當時 羣臣也。下 不

君何不自喜!(十二上)

師古曰:何不自謙遜爲可喜之事也。 先謙曰:言何用多怒爲也。 集解引蘇林曰: 何不自解釋為喜

樹達按:黃生云:史記外戚世家:壹何不自喜!酈生傳:足下何不自喜也!諸云不自喜,卽今俗云 樂邪?得此文意。 好不思量之意,必當時方言如此。 顏說非。 , 史記蘇林注何不自解釋爲喜樂,與顏說俱牽強, 且於外戚世家

**鑁田灌韓傳第二十二(漢書五十二)** 

漢 書 窺 管 卷 六

酈傳不可通

魏其必 媳,杜門鮨舌自殺。(十二上)

師古曰:杜,塞也。 醋,齧也,音仕客反。 先謙曰:史記端作齡,同。

儲,認也。

或作齡。

劾繫都司空。(十二下) 樹達按"杜說文三篇下支部字作敗,云"閉也。 二篇下齒部云

樹達按"太史公報任少卿書云"魏其,大將也,衣緒衣,關三木。

春,魵疾,一身盡痛,若有擊者,謼服謝罪。(十三下)

樹達按:論衡死僞篇云:田蚡病甚,號曰:諾諾。

元朔中,有罪免。(十三下)

樹達按:十八卷外戚恩澤侯表云:坐衣襜褕入宮,不敬,免。

唯梁最親,爲限難。(十四上)

周壽昌曰:言七國自東向 西,梁限止其間,與之爲難。

樹達按:難猶阻也。

難義近,故連云限難,周析言之,非是。 國,必有不可犯之難,謂君子爲國必有不可犯之險阻也。 此難字義亦當訓阻,謂梁爲之限阻也。限

鹽鐵論險固篇云:吳有三江五湖之難,謂吳有三江五湖之阻也。 又云:君子爲

言之,帝心迺解,而免冠謝太后曰"兄弟不能相教,迺爲太后遺憂。(十四下)

樹達按:此與五十卷張釋之傳文帝謝教兒子不謹事正同。 合觀之,可見漢廷家法。

獄吏田甲辱安國。(十五上)

樹達按 不知其名,故云甲,與五十九卷張湯傳田甲同。

王新得齊人公孫詭,說之,欲請爲內史。竇太后所,乃詔王以安國爲內史。(十五上) 先謙曰"於太后所請之也。 史記作竇太后聞,句讀不同

樹達按:所是誤字,當從史記作聞。若作所字,下文乃詔句無所承矣,明是字誤也。

樹達按:父、虎,古模部韻,兄、狼,古唐部韻。

語曰:雖有親父,安知不爲虎;雖有親兄,安知不爲狼。(十五下)

时重要::计戏專頁生以::效,效檢心。此二聖之迹,足以爲效矣。(十七下)

此仁人之所隱也。(十八上) 樹達按:外戚傳顏注云:效,徵驗也。

張晏曰:隱,痛也。

樹達按:說文十三篇下風部云:飆,扶搖風也。 奏,省借字。

**愛田灌韓傳第二十二(漢書五十二)** 

師古曰:舜,疾風也,音必遙反。

漢

并國十四。(十八下

樹達按:韓非十過篇及史記秦本紀十四作十二。

單于可禽,百全必取。(十九下)

齊召南曰:安國與王恢論馬邑之計,反覆折辨,較史記爲最詳。

樹達按:文具新序善謀下篇,班氏蓋采之彼。

安國爲人多大略,知足以當世取舍,而出於忠厚。(二十下)

樹達按一劉劭人物志流業篇云:術家之流,不知創制垂則,而能遭變用權,權智有餘,公正不足,是

日智意:陳平韓安國是也。

安國壁迺有七百餘人。(三十一下) 上欲用安國爲丞相,使使視,蹇甚,迺更以平棘侯薛澤爲丞相。(二十一下) 樹達按:四十二卷申屠嘉傳附載諸丞相,班氏所謂齒齒廉謹爲相備員者,澤亦其一人也。 樹達按:迺,裁也,僅 也。 說詳項籍傳。

樹達按"遂定律歷事詳二十一卷律歷志。 志稱大中大夫壺遂。

## 景十三王傳第二十三(漢書五十三)

賈夫人生趙敬肅王彭祖、中山靖王勝。(一上)

樹達按:買夫人即買姬,又見九十卷酷吏郅都傳。

河間獻王德以孝景前二年立。(一上) 樹達按 字君道唯見於此。 "姚振宗云"金樓子說蕃篇云"昔蕃屏之盛德者,則劉德字君道,造次儒服,卓爾不羣。 又按:衛綰爲王太傅,見四十六卷綰傳。

被服儒術,造次必於儒者。(三上)

皆有矩度。 師古曰:造次謂所嚮必行也。 先謙曰:索隱引顏注,「謂所嚮必行也」作「謂所向所行皆法於儒者,」 此文傳寫誤也。 史記作被服造次必於儒者,則謂不服奇豪,不苟行止也。 顏訓造次爲所向所行,義尚微隔。 造當訓行,次當訓止,造次必於儒者,言其行止 集解引杜業奏亦云:「被服造

樹達按 次必於仁義。」皆以被服造次平列。後儒訓造次爲急遽苟且之時,與古義異矣。

訓急遽者爲非古義,是以不狂爲狂矣。 」集解引馬融云:「造次,急遽也。 :廣雅釋詁云:造,猝也。 次字說文作越,二篇上走部云:倉卒也。 '」 造次雙聲連語,二字義同,不得分訓。 論語里仁篇云:「造次必 王分訓爲行止而以

於是。

景十三王傳第二十三(漢書五十三)

山東諸儒者從而游。(三上)

錢大昕曰:者閩本作多。 窺 管 卷 先謙曰:官本作多,史記亦作多從之游,者字誤。 六

樹達按 :景祐本作多。 叉按

一錢說出漢書辨疑,大昕當作大昭。

武帝時,獻王來朝,獻雅樂。(三上) 樹達按:二十二卷禮樂志云:獻王以爲治道非禮樂不成,因獻所集雅樂。 三十卷茲文志云:獻八佾

其對推道術而言,得事之中。(三上)

樹達按一說苑君道建本二篇屢引獻王語,其云曉存心於天下,及馬稱民無食則我不能使云云,皆推

中尉郅都簿責訊王,王恐,自殺。(三下)

本儒術之言。

好治宮室苑囿狗馬。(四上) 樹達按:時王欲得刀筆,都禁弗子,後得之,為書謝上,乃自殺,見九十卷酷吏都傳。

樹達按"田叔傳云"魯王好獵,與傳此文合。 又云:「叔初至官,民以王取其財物, 自言者百餘人。」

然則王固非令主也

於其壁中得古文經傳。(四下)

樹達按…三十六卷劉歆傳云:得逸禮三十九篇,書十六篇 先謙曰…藝文志…得古文尚書及禮記論語孝經凡數十篇,皆古字。

非好氣力。(五上)

樹達按:非入朝武帝,從獵上林,見九十三卷佞幸韓媽傳。

|魵宣言曰:子迺與其公爭妻。(五上)

樹達按"廣雅釋親云"公,父也

健自殺,后成光等皆棄市。(七上)

樹達按"建有女細君,武帝元封中,以妻烏孫,見九十六卷西城傳。

膠西于王端。(七上)

樹達按…端嘗議淮南王安為逆事,見四十四卷安傳。

彭祖爲人巧佞,卑諂足共。(八上)

師古曰:共讀曰恭。足共謂便辟也。 樹達按…論語公治長篇云…巧言、令色、足恭,左丘明恥之,丘亦之恥。集解孔安國云…足恭,便僻貌。

一千石欲治者,則以此迫扨,不聽,迺上書告之及汙以姦利事。(八下) 偃湯皆以此被誅, 其中傷人之力且及中

樹達按:彭祖告主父偃受諸侯金,告張湯與魯謁居有姦,

朝矣。

彭祖立六十餘年。(八下)

樹達按:彭祖嘗議淮南王安大遊事,見四十四卷安傳。

景十三王傳第二十三(漢書五十三)

漢 窺 管卷

彭祖上書冤訟丹。(九上)

議者勿冤晁錯之策。(十上) 樹達按:書見四十五卷江充傳。

先謙曰:官本勿作多,是。

樹達按:景祐本作多。據錢大昭校,閩本亦作多,王氏漏采。

皆以諸侯連城數十,泰強,欲稍侵削,數奏暴其過惡。(十上)

沈欽韓曰:或謂此對疑亦文士寓言,非當時辭令。

勝聞樂聲而泣,問其故:勝對曰。(十上)

樹達按:此田蚡之策也,五十二卷蚡傳文可證。

臣聞:悲者不可爲累欷,思者不可爲歎息。(十上) 樹達按:沈引或說,乃何焯說,見義門讀書記。

故高漸離擊筑易水之上,荆軻爲之低而不食。(十上)

樹達按:為字當讀去聲。

樹達按:息、食,古德部韻。

千下 雅門子壹微吟, 孟嘗君爲之於邑。今臣心結日久, 每聞幼眇之聲, 不知涕泣之横集也。

樹達按:邑、集,古合部韻。

夫衆煦漂山,聚蟁成靁,朋黨執虎,十夫**橈椎。(+下)** 

樹達按:靁、椎,古微部韻。

是以文王拘於牖里,孔子阨於陳蔡,此乃烝庶之成風,增積之生害也。(千下)

樹達按:蔡、害,古曷部韻。

塵埃抪覆,昧不泰山。(十一上)

錢大昭曰:泰山上脫見字。 先謙曰:官本有見字。

有子百二十餘人。(十二上)

樹達按:景祐本有見字。

樹達按:六十六卷劉屈氂傳:屈氂,王子也。

子刺王建德嗣。(十三下)

樹達按:近年長沙建德后墓被掘,出器物甚多。

去即繆王齊太子也,師受易論語孝經,皆通。(十四下)

樹達按:文本當云從師受易,省從字耳。王說非。

先謙曰 受疑當作授。下文云:事師受易,言事師則可云受易,師但可云授易也。

更愛之。(十四下)

景十三王傳第二十三(漢書五十三)

樹達按…更,改也,謂舍昭平地餘而改愛昭信。

崔修成爲明貞夫人,主永巷。(十五上)

錢大昭曰:永巷二字誤,南監本閩本皆作衣服。

樹達按:景祐本作永巷。

昭信知去已怒,即誣言"望卿歷指郎吏臥處,

具知其主名, 又言郎中令錦被,

疑有姦。

(十五下)

無令出敖。(十六上) 師古曰:敖謂游戲也。 樹達按:此以望卿主繒帛,疑郎中令之錦被爲受之望卿也。

愁莫愁,居無聊。(十六下) 樹達按:說文四篇下放部云:敖,出游也。

从出,从放。

樹達按:愁、聊,古韻同在幽部。

內茀鬱,憂哀積,上不見天,生何益。(十六下) 師古曰: 茀音拂。

樹達按"茀本字作佛。說文十篇下心部云"怫,鬱也。

積、益,古韻同在錫部。

日崔隤,時不再,願棄驅,死無悔。(十六下)

四一六

樹達按:再、悔,古韻同在哈部。

倡辭"本爲王敎修靡夫人望卿弟都歌舞。(十六下)

樹達按:九十七卷外戚傳,買長兒妻貞及從者師遂辭。

顏注云:辭,對辭。

師古曰:死者,尸也,次下求其死亦同。

先謙曰:都死之死即屍字省文。

說文:屍,終主。

从尸,从

望卿前亨煮,即取他死人與都死幷付其母。(十六下)

今作尸,非也。 史記魯世家「以其死與之,」與此同。

死。

人。按段說是也。 樹達按"說文四篇下奶部云", 斯也, 人所離也。 从歺人。 段氏云"形體與魂魄相離, 故其字从歺 **外即屍之初字,葬字从死在茻中,是其證也。 死加尸旁爲屍,乃後起字,王謂死** 

爲屍之省文,非也。

他死人疑當作他人死。

有司 ·請廢勿王,與妻子徙上庸。(十七上)

先謙曰:去妻卽昭信,下云昭信棄市,不得與去俱徙,明妻字衍。

樹達按:正說固有因,然恐非當時事實。 去得與妻子徙上庸者, 漢廷之寬典,

此與下常

Щ

嗣王勃

漢廷當日必有棄市之令,而班書偶遺之耳。 王以後事疑前文,殆未能心知其意矣。 以家屬處房陵事同。 及去道自殺,昭信本首惡之人,漢廷初以寬去而並及昭信者,今則不必矣。特

又海陽女弟爲人妻,而使與幸臣姦,又與從弟調等謀殺一家三人,已殺。(十七下)

樹達按:海陽及調事詳七十六卷張敞傳。 景十三王傳第二十三(漢書五十三)

於是上聞寄有長子賢,母無寵,少子慶,母愛幸,寄常欲立之。(十八上) 漢 窥 管 卷 六

樹達按一寄后為樂成侯之姊,無子,見二十五卷郊祀志,則賢慶之母皆諸姬也

清河哀王乘以孝景中三年立。(十八下)

樹達按"儒林傳"轅固生景帝時爲淸河太傅,蓋傅乘也。

樹達按:儒林傳:韓嬰景帝時官常山太傅,蓋傅舜也。常山憲王舜以孝景中五年立。(十八下)

子共王普嗣。(十九下)

樹達按:共王有女嫁郭昌,見後書光武郭后紀。

泗水思王商。(十九下)

樹達按:傳世有泗水王虎符,見吳大澂恆軒吉金錄。

何則,沈溺放恣之中,居勢使然也。(二十上) 樹達按:居勢二字平列,或倒云勢居。 淮南子原道篇云:形性不可易,勢居不可移也。

鹽鐵論險固

篇云:險阻固而勢居然也。

樹達按"司馬相如傳云"揜羣雅。張揖曰"詩小雅之夫唯大雅,卓爾不羣,河間獻王近之矣。(二十上)

(傳云:「醫行覩有國者益淫侈,不能尚德,若大雅整之於身施及黎庶矣,乃深觀陰陽消息,而作怪迁 張揖曰:「詩小雅之材七十四人,大雅之材三十一人。」 」史記孟荀

之變終始大聖之篇十餘萬言。」按史記及此文大雅,皆謂大雅之材也。

## 李廣蘇建傳第二十四(漢書五十四)

典屬國公孫昆邪爲上泣曰。(一下)

錢大昕曰:即平曲侯公孫昆邪,丞相賀之大父也。

樹達按:錢說據賀傳文,功臣表則云貿爲昆邪之子。

匈奴入上郡。(二下)

先謙曰:官本入作侵。

|博之上1,望可又攻斤奇。

已縛之上山,望匈奴數千騎。(三上)

周壽昌曰:史記作上馬,是。若廣先上山,匈奴又何以上山陳耶! 樹達按:問說誤。上山望匈奴數千騎,文意正相貫,戰地豈只有一山耶!

莫府省文書。(三上)

樹達按"說文十二篇下汝部云"始,減也。省乃省借字。

程不識正部曲行伍營陳,擊刁斗,吏治軍簿至明,軍不得自便。(三下) 樹達按:顏於軍簿下置注,今按「吏治軍簿至明」六字當連讀

李廣蘇建傳第二十四(漢書五十四)

漢 窺 普 卷 六

還至亭,霸陵尉醉,呵止廣。(四上)

江充傳館陶公主行馳道中充呵止之」皆作抲爲是。 譚宗浚曰:按說文無呵字,呵當作抲。 說文抲下云:撝也。 抲止謂撝止不使行也。 从手, 可聲。 凋書曰:盡執河。 呵字或淺人所改耳。又 疑此及

說文訶下云:「大言而怒也」,與抲止之抲義相通而微異。

樹達按:呵字从口,與从言之訶義同。 廣韻七歌謂訶呵同字,是也。 譚說非是。

以征不服。

司馬法曰:登車不式,遭喪不服,振旅撫師,

率三軍之心, 同戰士之力, 故怒

形則千里竦,威振則萬物伏,是以聲名暴於夷貉,威稜憺乎鄰國。(四下)

彌節白檀。(四下) 樹達按:式、服、力、伏、國,古德部韻。

樹達按:彌讀爲弭,是也。 先謙曰:顧炎武云:彌與弭同。 仗信節也。 此文當訓止,訓低不合。 司馬相如傳:「於是楚王乃弭節徘徊。」郭璞曰:「弭猶低也。節,所

諸將多中首虜率爲侯者。(五下)

竹仲反。 如湻曰:中猶充也,充本法得首若干封侯也。 其下率 亦同。 師古曰:率謂軍功封賞之科, 著在法令者也。 中音

樹達按"穆天子傳注"中猶合也。 禮記月令注:中猶應也。 此文中字當訓合訓應,言與首虜率相合

相應而封侯也。 訓充不切、

而廣身自以大黃射其裨將。(五下)

樹達按三晉舉黃間,沈舉赤黑間, **黃間白間,皆在弩機上名之也。** 服虔曰:黄肩弩也。 日…文選射雉賦…「奉黃間以密殼。」鐘鼎款識…右中郎將餐機上字云…「中郎將曹悅 晉灼曰:黃肩卽黃間也。 先謙曰"集解韋昭曰"角弩色黃而體大也。 外尚有紫間。 大黃,其大者也。 李光廷古金志存卷四載漢弩機云二章和元年八月 師古曰:服晉二說是也。 索隱: 韋說是 赤黑間 一按所謂 沈欽韓

初,廣興從弟蔡俱爲郎,事文帝,景帝時,積功至二千石。武帝元朔中,爲輕車將軍。(六上) 機」並其事也。 二月三日,左尚方治弩一具,監作史炅隽,司馬楊式,臂師黑所置紫間。」陸機七導云:操紫間之神 沈引鐘鼎款識,見阮元積古齋鐘鼎舞器款識卷十。

朔日,中尚△當是方字造所△當是置字紫間△一,臂師衡。」馮雲鵬金索載晉太和弩機云:「太和元年十

樹達按"衞青傳云"代相李蔡爲輕車將軍。按諸侯王相秩二千石,此云積功至二千石,謂代相也。

蔡爲人在下中。(六上) 中。」漢人以上中下差別人之法如此 樹達按:"外戚傅云:「曾孫體近,下人乃關內侯。」及此文言「蔡爲人在下中,」下文又云:"「材能不及

大將軍陰受上指,以爲李廣敷奇。(七下) 樹達按:黃生云:後漢書桓譚傳云:「陛下聽納讖記,其事雖有時合,譬猶卜數奇偶之類。

李廣蘇建傳第二十四(漢書五十四)

蓋古有此

漢 普 卷 六

占法,以偶爲吉,奇爲凶。霍去病傳三諸將留落不偶, 亦此意也。

大將軍弗聽,令長史封書與廣之莫府,曰:急詣部,如書!(八上)

封書爲贅文矣。

廣莫府告以不從之意。揣此時青務欲避廣,不與相見, 理不合,文理亦絕不可通。正義說並無差誤,王則全未瞭然耳。 樹達按一急詣部如書,乃長史致書時之辭,非靑面告廣也。 何至有面告之事乎!若如王說,不惟於事 青旣不聽廣請,又不欲面拒, 故封書與

在言外,故廣不謝而起行也。正義謂令廣如其文牒急引兵徙東道,是以爲青明告廣徙東道,

則上

先謙曰:此青面告廣之言,詣部即下所云就部也。不明示之,但令詣部如書指而行,然弗聽之意已

廣結髮與匈奴大小七十餘戰。(八下)

本文及蘇武詩三結髮爲夫妻,恩愛兩不疑,

皆指初權頭

敢從上维至甘泉宮獵。(九上) 時而言。今人以結髮之義屬妻言,誤也。 樹達按:黃生云:結髮猶今人擁頭之謂。

師古曰:雍之所在地形積高,故云上也。

敢男禹有寵於太子,然好利,亦有勇 召禹,使刺虎。(九下) 樹達按:史記索隱引大顏云:雍地形高,故云上,知師古此說乃襲之於游秦。 嘗與侍中貴人飲,侵陵之,莫敢應。

後愬之上,上

樹達按「儒林倬云「資太后怒轅固,使固入圈擊彘,上知太后怒,而固直言無罪,迺假固利兵,下圈

而 刺
此
,
正 小變者。 一中其心,旅應手而倒,太后默然,無以復罪。」與此事正 說文十篇上寫部云「寫,解寫獸 也,似山羊,一角。 一相類。 古者決訟令觸不直 按此乃古以解廌觸人之遺法 又云、源,刑

而 以人刺獸,刺獸死者爲無罪,視古爲進矣。以是古人之遺,相承爲之,故刑法志不載也。 , 平之如水, 从水。 寫所以觸不直者去之,從去。」蓋古者令獸觸人,事近殘暴,漢人用古人<u>遺</u>意

陵日"吾士氣少衰,而鼓不起者,何也?軍中豈有女子乎!(十一下) 樹達按:杜詩云:「婦人在軍中,兵氣恐不揚。」本此。

**尙四五十里得平地,不能破,迺還。(十二上)** 

樹達按:尚,更也。

父韓千秋,故濟南相,無擊南越,戰死。(十二下)

樹達按一事具南學傳,濟南彼傳作濟北。

其後乘隅,下壘石。(十二下)

石。」先謙曰,周禮量人注,軍壁曰壘。 廣雅釋詁:壘,重也。 石投之。亦謂之關石:量錯傳云:「具關石。」服虔曰:「閱石, 師古曰:言放石以投入,因山隅 ,故云壘石。 陵入谷欲南出,而匈奴遮其後,乘山隅下石以壘斷谷口也 H ifij 下也。 壘音鷹對反。 錢大昭 可投人石。 又云:積也。 H 陵居谷中,房在 石重積 如湻 岩投人之石,無壘石之 日 而下, 三 關石, 111 高岩軍壁 城上雷 故 以壘

**74** 

李廣蘇建傳第二十四(漢書五十四)

四二四

漢書鏡管卷

六

名, 演錢說亦誤 也

「下礧成雷,榛殘本碎,」是也。以上孤疏畫據此,礧石壘石電石並同。 鄭玄云「用金石者,作槍雷之屬。」雷即礧也。 樹達按"左傳襄公十年云"「親受矢石。」孔疏云"周禮 兵法三守城用礧石以擊攻者。」 職金:「凡國有大故而用金石, 礧藺雙聲字, 陳思 亦名藺石,錢說 王征蜀論云: 則掌其令。」

財令陵爲助兵。(十四上)

得之。王乃據壘字字形爲說,

又云投人無疊石之名,疏謬甚矣。

師古曰:財與纔同,謂淺也,僅也。史傳通用字。他皆類此。 王念孫曰:廣雅, 少也。 蓮與僅

樹達按正此王氏校賈誼傳語,補注於誼傳已采錄之。 同。凡言財幸裁幸財察裁察財擇財哀財覽,義皆訓少。 葵園以王氏雞志原文引及此注。

復節錄於此。

然此文顏訓財爲僅,其義已明,復訓爲少,義轉迁矣。

而數數自循其刀環。(十五下)

樹達按 師古曰:循謂摩順也。 說文十二篇上手部云"插 周壽昌曰:環者還也,故循刀環。 , 摩也。 从手,盾聲。 文假循爲揗。 先謙曰:官本注順作循,是。 釋名釋兵云:刀 其本曰環,

形似環也。

握其足,陰論之,言可還歸漢也。(十五下)

樹達按:文公十三年左傳:晉人謀復士會,魏壽餘至秦,履士會之足於朝。 立政提武足,意正同也。

叉按 商子大略篇云: 絕人以玦, 反絕以環。 楊倞注云。古者臣有罪,待放於境,三年不敢去, 與之

環則還,與之玦則絕,皆所以見意也。 此古人以環示還之事也。

後陵 、律持牛酒勞漢使,博飲。(十五下)

僅牛酒。當時中外儉約相同,視後世餚饌紛陳者大異矣。 樹達按: 寶嬰爲田蚡張具,所市者牛酒,此漢故丞相飲今丞相也。

陵律以何奴王勞漢使,所持者亦

元平元年,病死。(十六上)

先謙曰 天漢二年至宣帝元平元年,二十六年。

以校尉從大將軍青擊匈奴。(十六上) 樹達按一當云昭帝元平元年,宣字誤。

樹達按:建嘗說青招士,見衛青霍去病傳贊。

以右將軍再從大將軍出定襄。(十六下)

失軍,當斬,贖為庶人。(十六下) 樹達按:朱一新云:右將軍功臣表作前將軍。

樹達按:事詳衛青霍去病傳。

樹達按

賢爲騎都尉。(十六下)

賢字孺卿,見下文。

李廣蘇建傳第二十四(漢書五十四)

漢

中子武、最知名。(十六下)

樹達按"建八世孫章,後書有傳。

盡歸漢使路充國等。(十六下)

樹達按一何奴傳云一漢使之不降者路充國等。

衞律驚, 自抱持武, 馳召鑒。 鑿地爲坎, 置煴火, 覆武其上, 蹈其背以出血。(+七下) 馬融長笛賦云:指膺辦標。」指曆謂叩胸也。招背者,輕叩其背使出血,不令血淤滯體中爲害也 樹達按:背不可蹈, ,况在刺傷時耶!蹈當讀爲搯。 國語魯語 云:「無掐膺。」 **韋注云**「稻,叩也

女爲人臣子,不顧恩義,畔主背親。爲降虜於蠻夷,何以女爲見?(+八上) 以伐爲」耳。若云何以女爲見,則文不成義矣。漢紀孝昭紀作何用見女爲兄弟乎,爲下加兄弟 師古曰:言何用見女爲也。正念孫曰:見字本當在女字上,何以見女爲,猶論語言:何以文爲」

字,遂失其指。然據此知漢書本作何以見女爲也。

女也。 與此句例同。 樹達按一顏王說皆非也。 此為字與左傳「固敗是求」「唯余馬首是膽」之是字用法同。 荀子禮論篇云:「故人苟生之爲見,若者必死;苟利之爲見,若者必害 何以女爲見, 言何用

使牧羝,羝乳乃得歸。(千八下)

樹達按一說文十二篇上乙部云"「人及烏生子曰乳,獸曰產。」按許氏析言之,統言則可凡通,此言

乳是也。

教使者謂單于言"天子射上林中、得雁,足有係帛書,言武等在某澤中。(三十一上) 王念孫曰"某澤二字文義不明,某當爲荒,字之誤也。 變文類聚爲部中引作某澤,則此字之爲已

**久**。漢紀正作荒澤。

日知錄卷二十六云:「漢紀與漢書小有不同、皆以班書爲長、」真篤論也。或疑荒澤是當時澤名、此 云荒澤,泛言無所確指,單于必不聞之而驚矣。 樹達按 "某澤者,當時教使者時必質言何澤,故單于聞之而驚。史家不詳澤名,故但云某澤耳。若 荀悦妄改可笑如此, 而王氏從之,虞矣。 顧炎武

師古曰:讓,貴也。

如息語以讓單于 (二十一上)

不可信。

班氏所不詳, 荷悅無由知之也。

樹達按一貴字誤,當作責。景祐本作責,不誤。

庶幾乎曹柯之盟。(二十一下)

李奇曰:欲劫單于如曹劌劫齊桓公柯盟之時。

歌曰:徑萬里兮度沙幕,爲君將兮奮匈奴。 死,雖欲報恩,將安歸?(三十一下) 樹達按:劉台拱云 一一酸自以敗軍之將,欲立功自贖,故引曹劌爲比。 而李云欲劫單于,不近事情。 路窮絕兮矢刃摧,士衆滅兮名已隤,老母已

李廣蘇建傳第二十四(漢書五十四)

樹達按:幕、奴,古韻同在模部,隤、死、歸,同在微部。

漢

書 窺

管 卷

六

常惠、徐聖、趙終根皆拜爲中郎。(二十二上)

樹達按"惠傳云"「漢嘉其勤勞,拜爲光祿大夫,」與此異。

自丞相黃霸,廷尉于定國,大司農朱邑,京兆尹張敞,右扶風尹翁歸,

皆以善終,著名宣帝之世,然不得列於名臣之圖,以此知其選矣。(二十三下)

及儒者夏侯勝等,

樹達按 麒麟閣一事足以伸眉身後,故班氏特以此事系之傳後,以慰讀史者之心。 ··論衡須頌篇云··宣帝之時,畫圖漢列士,或不在於畫上者,子孫恥之。 良史用心之苦, 李慈銘云:蘇武惟畫 非晉宋

志而晦之旨者也。 樹達按:李說至確,可謂善讀書者矣。 圖畫麒麟功臣事必當屬之霍光傳矣。

以後史家所知。

如以後世史法論,

此知班氏猶得森秋微而

衛青霍去病傳第二十五(漢書五十五)

#### 人奴之生。(三上)

沈欽韓曰一人奴謂衞媼本主家僮也。

云 樹達按:母爲家僮,青無自言之理,沈說殊戾人情。按上文云:「父使青牧羊。」牧羊奴虜之事,故青 爾 公孫弘傳費云『衞青奮於奴僕,」亦謂青身爲奴僕,其確證也。

上目。(三下)

樹達按一姜宸英湛園集書史記衞霍傳後云一「驃騎戰功三次,皆於天子詔辭見之, 此良史言外褒貶

法也。」按姜說甚諦。 衞青戰功,史漢亦如此殺之,不獨驃騎也。

### 已封爲列侯。(四上)

樹達按:此五字疑當在下文「益封青三千八百戶」句上,史記亦同誤。

青問其罪正閎,長史安,議郎周霸等。(六下)

先謙曰:集解徐廣曰 霸,儒生。 索隱:案郊祀志議封禪有周霸,故知儒生也。

樹達按…示後無反意,謂教示後人以遂降匈奴不必反歸漢朝之意。

自歸而斬之,是示後無反意也,不當斬。(六下)

樹達按一安始即下文之任安。 霸為申公弟子,明見儒林傳。

小司馬

引郊祀志,迁矣。

霍去病,大將軍青姊少兒子也。(七上)

援融兩傳兩云扶風茂陵人,於文爲繁矣。 樹達按:霍光傳云:「光,去病弟也,父中孺,河東平陽人也。」邑里已具於彼,故此傳不及。賈捐之傳 云:「捐之,賈誼之曾孫也。」不復敍其爲洛陽人,此班書精密處。 後漢馬融爲馬援之兄孫, 范書於

甯乘說青日"將軍所以功未甚多,身食萬戶,三子皆爲侯者,以皇后故也。(八上)

樹達按:此史家見意處。

元狩三年春,爲票騎將軍,將萬騎,出隴西。(八上)

衛青霍去病傳第二十五(漢書五十五

樹達按一時去病道出河東,迎其父霍仲孺,爲買田宅奴婢,見霍光傳。 漢 窺 管 卷 六

捷首虜八千九百六十級。(九上)

先職曰 捷猶斬也。下文捷首房三萬二百,史記捷作斬,可證。 樹達按一王說是也。後漢書西羌傳注引竹書紀年云一大丁十一年,周人伐翳徒之戎,捷其三大夫。」

捷字用法同。捷古韻在帖部,斬在添部,二部爲對轉音。

悉以李敢等爲大校,當裨將,出代右北平二千餘里,直左方兵。(十四上)

近而 左王將皆遁走,是其證。 先謙曰:左方當爲左王。 誤也。 史記亦誤。 此與左王接戰,故云直左王兵,若左方,但虛指其地,則所直爲誰之兵乎? 何奴傳…票騎之出代二千餘里,與左王接戰, 漢兵得胡首虜凡七萬餘人, 功臣表:路博德、復陸支、伊卽軒下皆作擊左王, 無作左方者。 方與王音

史文舉無此例。 未當也。 胡注以爲匈奴分其國爲左右,故謂之左右方,亦曰左右地,說雖有據, 以釋此文,

旗鼓,是其事也。 樹達按:王說是也。 左王卽左賢王。 李廣傳云一敢以校尉從票騎將軍擊胡左賢王, 力戰,奪左賢王

上嘗欲教之吳孫兵法,對曰:顧方略何如耳,不至學古兵法。(十六上)

樹達按:不至與今語不必同,說詳本書卷九匡衡傳

其在塞外,卒乏糧,或不能自振,而去病尚穿域躢翱,也事多此類。(十六上)

例不合。余謂也它古同字,此也字當讀爲它,與下事多此類連讀。 樹達按一史記無也字、孟堅於史記嚴助之字住往節去,此文史記本無也字,而班獨增之, 與全書體

|青仁喜士退讓。(十六下)

先謙曰:史記作爲人仁,善退讓,不言喜士。

樹達按"贊云"「青言"人臣奉法遵職而已,何與招士!」此不當又言其喜士。 蓋喜善二字形近,古

又按一汲黯不拜靑而靑愈賢黯,遇之加於前,

足為青退

書多相亂,善誤爲喜,後人又妄增士字耳。

以和柔自媚於上。(十六下)

讓之證

樹達按"汲黯傳云"「大將軍青侍中,上踞廁視之。 觀此語可知其故。

嬗字子侯,上愛之,幸其壯 而將之。爲奉車都尉,從封泰山而薨。(十七上)

詩。黃注引漢武帝集云:頗死,上甚悼之,乃自爲歌詩。」史記封禪書索隱云:顧胤然:武帝集,帝 與子侯家語云:「道士皆言子侯仙去,不足悲。」帝愛嬪之深,可以推見。 樹達按:郊祀志云:「子侯暴病,一日死」文心雕龍哀用篇云:「漢武封禪而霍子侯暴亡,帝傷而作 又案初學記十八離別門引

無子,國除。(十七上) 武帝與奉車子侯家韶, 史記注語字乃韶字之誤。

樹達 之按:霍光傳,光病時,請分國邑封兄孫山爲列侯以奉去病祀。 光既葬, 山封樂平侯。

衞青翟去病傳第二十五(漢書五十五)

漢 書 窺 管 卷 六

再益封,凡萬六千三百戶。(十七下)

宋祁曰:景德本無益字。

樹達按:據上文益封二次,益字當有。 景祐本亦脫益字。

七歲,復以因杅將軍再出擊匈奴,至余吾。(千八下) 樹達按:蔡附見李廣傳,襄附見曹參傳,說附見韓王信傳。 本廣、張騫、公孫賀、李蔡、曹襄、韓說、蘇建皆自有傳。(十七下)

樹達按:時武帝遣敖迎李陵,見陵傳。

坐妻爲巫蠱族。(十八下)

樹達按:事在征和二年。

以校尉從大將軍,封岸頭侯。(十八下) 樹達按:義縱傳云 :以勇悍從軍敢深入有功封。

路博德,西河平州 人。(十九下)

賊,幷州平州尤甚。 錢大昕日 地理志 西河郡有平周,無平州。 西河郡平州在幷州部內,故云,或當時周州通假也。 先謙曰 "史記亦作平州。 王莽傳 :民藥城郭,流亡為盜

作之證。 樹達按:左傳華周,古今人表作華州。 韓非子難三篇云:遂以東州反,東州即東周, 此皆州周通

爲強弩都尉。(十九下)

樹達按…天漢二年,李陵擊匈奴,武帝詔博德將兵牛道迎陵軍,正其為強弩都尉時事。

居匈奴中十歲,復與其太子安國亡入漢。二十上

宋祁云:越本國作定。

樹達按:景祐本作定。

也。 |青謝日:自魏其武安之厚賓客,天子常切齒,彼親待士大夫, 人臣奉法遵職而已,何與招士!票騎亦方此意,爲將如此。(二十下) 招賢黜不肖者, 人主之柄

樹達按:論衡講瑞篇及定賢篇並云:漢將軍衞青及將軍霍去病門無一客。自,雖也,說詳本書卷一

### 董仲舒傳第二十六(漢書五十六)

少治春秋,孝景時爲博士,下帷講誦。(一上)

樹達按:論衡別通第云:董仲舒賭重常之鳥,劉子政曉貳戶之尸,皆見山海經。 董劉不讀山海經,

不能定二疑。又按古文苑載董子士不遇賦。

弟子傳以久次相授業,或莫見其面。(一上) 師古曰:言新學者但就其舊弟子受業,不必親見仲舒。 劉氏曰:人,衍字。 先謙曰:史記亦有久字,

董仲舒傳第二十六(漢書五十六)

文義較足、劉訟非。 據顏注,授業當作受業,且上言傳,則下不得復言授, 轉寫誤授耳。 史記正作

樹達按"傳讀爲轉,謂轉相授業,授字義長。王誤讀傳爲傳授之傳,故欲改授爲受,非也。 說其事,故與正文授業字不同耳。 又案:久次爲漢人恆語,謂年時久暫之次序。漢官陞遷有以久次 額注詳

亦云久次,删久字則非其義矣。 云:「以射策爲掌故,功次補廷尉文學卒史,」是也。 ···孔光傳云··「稱見國家故事,尚書以久次轉遷,」 圧駁劉說雖是,而云文義較足,則猶非真知灼見者。 是也。 董生以在門下較久之弟子教授後至之學者,故 此即後世之年資。 有以功次者:兒寬傳 又按:仲舒弟

子有褚大、嬴公、段仲、呂步舒,見儒林傳,步舒亦見本傳。又有吾邱壽王,見壽

或夭或壽,或仁或鄙,陶冶而成之,不能粹美,有治亂之所生,故不齊也。(四下) 王傳。

陽不得陰之助,亦不能獨成歲。(五下)

樹達按:有讀爲又。

樹達按:禮樂志作成歲功。

刑者不可任以治世,猶陰之不可任以成歲也。

樹達按:刑者禮樂志作刑罰,是也。 者字誤。

薄惡,人民囂頑抵冒,殊扞孰爛如此之甚者也。(七上) 自古以來,未嘗有以亂濟亂,大敗天下之民如秦者也。 其遺毒餘烈,至今未滅,使習俗

樹達按:殊扞孰爛句與上文不相承,疑有訛奪。 禮樂志有此文,但云習俗薄惡,民人抵冒, 無殊打

以下十字。

如以湯止沸,抱薪救火,愈甚,無益也。(七下)

樹達按:抱字古有抛音。

宋祁曰:越本甚作其,甚與其小差,則成誤矣。 然其字施於此,則未安也。

抱,普交反。 按普茅普交皆抛字之音也。 , 史記三代世表褚先生補云:「抱之山中。」 集解云 宋校其爲誤文,是也。 禮樂志作甚。 景祐本亦誤作其。

拖,

普茅反。

索隱云:

故漢得天下以來,常欲善治,而至今不可善治者。(七下)

宋祁曰:越本無上一善字,然善治要須複語,不容上言治而下言善治也。

浙本亦同有善字。

樹達按:禮樂志作常欲善治。

臨淵羨魚,不如蛛而結網。(七下)

錢大昭曰:蛛南監本閩本並作退。 先謙曰:官本作退。

樹達按:景祐本作退。

未始云獲也。(九上)

樹達按:云猶有也,見經傳釋詞。

廉恥貿亂,賢不肖渾淆。(九上)

樹達按"下文又云"「廉恥異路,賢不肖異處,」皆以廉恥與賢不肖爲對文。 董仲舒傳第二十六(漢書五十六)

然則廉謂廉士,

恥謂 ग

漢 書 窺 管 卷 六

故詳延特起之士,意庶幾乎!(九上)

恥之人,與恆言廉恥異義。

宋祁曰:古浙本有意字,他本無

動作應禮,從容中道。(九下) 樹達按:景祐本無意字。

樹達按:廣雅釋訓云:從容,舉動也。

故太公起海濱而即三公也。(十上)

樹達按:新語道基篇云:太公自布衣昇三公之位。

臣聞"良玉不豫,資質潤美,不待刻豫。(十下)

樹達按"說苑反質篇云"孔子曰:丹漆不文,白玉不雕,實珠不飾,何也?質有餘者不受飾也。

先謙曰:韓非至秦即死,秦未嘗行其說,秦所行與非說合耳。

行韓非之說。(十一上)

樹達按:韓非力詆儒術,五蠹篇言明王無書簡之教,以更為師,秦焚書坑儒正行其說也。王說殊誤。

宋祁曰:景德本無天字,古本有。

非有文德以教訓於天下也。(十一上)

樹達按:景祐本無天字。按有天字文雖可通,然下文云:今吏旣亡敎訓於下,則無天字者是也。

曾子曰:尊其所聞,則高明矣;行其所知,則光大矣。(十一下)

樹達按:光與廣古音同,光當讀爲廣,光大卽廣大也。

貧窮孤弱,宽苦失職。(十二上)

樹達按"冤讀爲怨。 鹽鐵論毀學篇云"「是以終日言無口過,終身行無冤尤。」用孝經之文,以冤尤

爲怨尤,是古冤怨字通之證。

晏然自以如日在天。(十六上)

樹達按"尚書大傳云"傑云"天之有日,猶吾之有民。日有亡哉!日亡,吾亦亡矣。

然夏上忠,殷上敬,周上文者,所繼之捄,當用此也。(+六下) 樹達按:鹽鐵論亦云:「夏忠,殷敬,周文,」與他書言殷質者不同,蓋公洋家說如此。

樹達按…動字無義,疑勤字形近之誤。 古之所予祿者,不食於力,不動於末。(+七下)

及至周室之衰,其卿大夫緩於誼而急於利,亡推讓之風,而有爭田之訟。(十八下) 樹達按一左傳成公十一年一一晉卻至與周爭爾田,王命劉康公、單襄公訟諸晉。」然則爭田者實周王,

若居君子之位,常君子之行,則舍公儀休之相魯,亡可爲者矣。(十九上) 樹達按:武帝他日興利之政,仲舒蓋早有所窺見,故其言如此。

董仲舒傳第二十六(漢書五十六)

此言卿大夫,蓋恐直斥武帝,故曲言之歟!

四三七

粤王句踐與大夫泄庸、種、蠡謀伐吳,遂滅之。 漢 管 卷 大 孔子稱殷有三仁, 寡人亦以爲廖有三仁。

(十九上)

師古日 一泄庸,一也;大夫種,二也;范蠡,三也。

以爲粤有三仁。」是以句踐蠡種爲三仁,與此文異。 樹達按:春秋繁露對膠西王越大夫不得爲仁篇云:「今以越王之賢與蠡種之能,此三人者,寡人亦 又繁露以爲膠西王問,與漢書以爲江都王者又

不同,疑繁露得其實也。

繇此言之,粤本無一仁。(十九下)

樹達按:「粤本無一仁,」語意末了,當據繁露補「而安得三仁」五字。此由句末並有仁字,

傳寫混

脱耳。

故求雨,閉諸陽,縱諸陰,其止雨反是。(十九下)

師古日 ·謂若閉南門,禁舉火,及開北門,水灑人之類是也。

行道之人,殆可笑。」是水灑人之法,後世猶有行之者。 公,無限日,得雨而止。宋邵博聞見後錄云: 汾晉間祈雨,裸袒叫呼,奮臂爲反覆手狀, 樹達按:北史魏孝靜帝紀:天平二年夏五月,大旱。 。 勒城門殿門及省府寺署坊門以水澆人,不簡王 又以水洒

公孫弘治春秋不如仲舒而弘希世用事,位至公卿。(三十下) 師古曰:希,觀相也。

樹達按:希字無觀相之義,蓋假爲睎。 說文四篇上目部云:睎、望也。 从目,希聲。

膠西王 亦上兄也, 尤縱恣, 數害吏二千石。 弘迺言於上曰:獨董仲舒可使相膠西王。

樹達按:王鳴盛謂此事弘欲死仲舒,是也。

三十下)

教令國中,所居而治。(二十下)

樹達按"循吏傳序云"江都相董仲舒居官可紀。

仲舒在家,朝廷如有大議,使使者及廷尉張陽就其家而問之,其對皆有明法。(二十下) 樹達按:春秋繁露郊祀對篇 云"臣湯承制以郊事問故膠西相仲舒云云, 即其事也。仲舒請令關中

民種宿麥及限民名田,見食貨志,又論匈奴事見匈奴傳費。

年老,以壽終於家。(三十一上)

卒當在元狩五六年及元鼎元年三年間也。又按"夏侯始昌傳云"「自董仲舒韓嬰死後,武帝得始昌, 元封太初時矣。 篇爲同時事。 柏梁臺,高數十丈,宮室之修,繇此日麗。 愈甚,天下虛耗,人復相食。」據武紀, 樹達按:平江 蘇厚庵先生著董子年表,繫董生卒於太初元年。 築柏梁臺、關東水災,據紀皆在元鼎二年。 先生云:「止雨篇有二十一年之文,知董生元狩四年尚存,」此說甚是。 關東郡國飢, 是時山東被河災,及歲不登數年,人或相食。」 人相食, 則董生之卒,當在元鼎二年以前,不及至 今考食貨志上云:「仲舒死後, 事在元鼎三年。 又食貨志下云:「作 然則董之 所敍 與上 功費

董仲舒傳第二十六(漢書五十六)

漢

書

甚重之。 月乙酉,此十一月,實爲太初元年之第二月。計董生死而帝始得始昌,始昌先言柏梁臺當災,而後 始昌先言柏梁臺災日,至期日,果災。」據五行志上及武紀, 柏梁臺之災在太初元年十

柏梁臺始災,其間爲時自當不少。然則董生不得卒於太初元年,又甚明也。

此一人爲能當之。(三十一下) 至向子歊,以爲伊呂迺聖人之耦,王者不得則不興,故顏淵死, 孔子曰:噫! 天喪余!唯

師古曰:事見論語。噫,歎聲也,言失其輔佐也。

樹達按"哀公十四年公羊傳云"「顏淵死,子曰"噫!天喪予。子路死,子曰"噫!天祝予! 云二、天生顏淵子路爲夫子輔佐,皆死者,天將亡夫子之徵。」按此公洋家說。

劉歆素主左氏,

唯顏淵一人爲能當伊呂,則謂子路不足當輔佐之目,實暗駁公羊家義也

自宰我、子贛、子游、子夏不與焉。(二十一下) 樹達按"自,雖也,詳卷一高孤紀。

## 司馬相如傳第二十七上(漢書五十七)

卓王孫僮客八百人,程鄭亦數百人,迺相謂曰:令有貴客,爲具召之。(二下) 樹達按: 呂公客沛令所, 沛人以令有重客, 皆往賀, 與此事正同, 可見秦漢問風俗。

相如爲不得已而強往。(三上)

樹達按:為與偽同。

故相如

|繆與令相重而琴心挑之。(三上)

師古日 樹達按 :寄心於琴聲以挑動之也。 :相重謂相引重。 灌夫傳云:「兩人相爲引重,」 挑音徒了反。 是也。 挑假為訛,

相呼誘也。

此謂以琴心

誘之。

相如時從車騎,雍容閒雅,甚都。(三上)

樹達按:都鄙對文,都謂都邑,鄙謂鄉邑也。由都邑引申之,則都訓皆美義。 韋昭曰:都邑之容也。 師古曰:都,閑美之稱也。 章言都邑,失之遠矣。 廣雅釋詁云:都,

及此注顏訓美,皆美義也。 詩有女同車傳云:都,閑也。 鄙爲鄉邑,引申之,鄙訓皆惡義。 史記相如傳索隱引郭璞云:都,

雅也。

又集解引韋昭云

都,

廣雅釋詁云:鄙,

小也。

孟子盡

也。

也。

心篇注云"鄙,狹也。史記樂書云"鄙,陋也。 云…鄙,俚也。一切經音義二十五引廣雅云…鄙,猥也。本書董仲舒傳注云…鄙,不通也。皆惡義也。本 昭公十六年左傳注云一鄙,賤也。文選稽叔夜幽通詩注

及飲卓氏,弄琴,文君竊從戶窺,心說而好之,恐不得當也。(三上)

書都固訓美,韋云都邑之容者,乃採語源爲說,以都邑之容無不美也。

顏不知其意而斥之, 妄矣。

師古曰:當謂對偶之。

樹達按:周壽昌云:當音丁浪 切, 言恐不得當其意也。 禮記學記:水無當於五色。 哀公問: 求得當

司馬相如傳第二十七上(漢書五十七)

欲,不以其所。昏義:而後當於夫。 漢 窺 卷 六 注:當、合也。 一曰稱也。 不當如顏說。

樹達按"說文十篇上犬部云"獲,獵所獲也。

獲多乎?日:少。(四上)

I DE ET ICO LE

植梨 传栗。(九下)

今北京俗呼爲黑棗。

右夏服之勁箭。(十一上) 樹達按:轉即曾子所嗜之羊棗也。

伏儼曰:服,盛箭器也。

師古曰:箭服即今之步叉也。

樹達按:如注說,字當作箙。說文五篇上竹部云:箙,弩矢箙也。

洞胷達掖,絕乎心繫。(十二下)

樹達按:說文十二篇上手部云:掖,臂下也。

份份徘彿,揚袖戌削。(十三下)

或舉或鬼,則戌削然見其降殺之美也。

錢大昭

**她史記文選並作**施。

玉篇:衪,衣緣也。

類篇:施,裳下緣也。

袖袘施同

曰"說文"初,長衣貌。 張揖曰:她,衣袖也。 字,訓爲裳緣。 師古曰:揚、舉也。 裵,長衣貌。 先讓曰:史記戌作卹。 衪,曳也。

樹達按"文言揚袖,裳緣不可揚,王說非也。

下文云:曳獨繭之褕裡,眇閻易以恤削。」張揖曰:褕,

襜褕也。 袣, 褏也。

浮文鷂。(十五下) 郭璞曰:"閻易,衣長貌也。 勘校兩文,旨義相同,則張訓祉爲衣袖者是也。

榜人歌,聲流喝。(十六上)

後人改耳。

樹達按: 鷁字說文四篇上鳥部作鴉,

又或體作鵝,云…司馬相如說从赤。然則此賦原文當作鵝字,

郭璞曰:言悲嘶也。 先謙曰:喝讀若曖,所謂曖迺之聲,卽權歌也。 噯迺與欸乃同,參諸郭說,若今

歌之尾聲羨字,激楚含哀矣。

樹達按:莊子庚桑楚釋文引崔譔云 流喝謂音聲斯散,郭王說並非也。 後漢書張酺傳云"王青被矢貫咽,

"喝,啞也。

音聲流喝。

然則

泊乎無爲,澹乎自持。(十六下)

師古曰"泊澹皆安靜意也。 先謙曰"泊澹文選作怕憺。

樹達按:澹借字,儋乃本字。 說文十篇下心部云:儋,安也。

一者無一可,而先生行之,必且輕於齊而累於楚矣。(十八上) 師古曰:言楚使者失辭,自爲累重,而於齊無所負擔,故云輕也。

先謙曰"文選注"使者失辭爲輕於

齊,使非其人,爲累於楚也。 較顏說爲長。

呂氏春秋審分篇注云:累猶負也。按累又有害義,論衡有累害篇。顏

樹達按:輕於齊謂見輕於齊。

漢 窺 管

卷

六

云累重,非是。

射乎之罘。(十八上)

横流逆折,轉騰獙冽。(二十一下) 樹達按一閻若璩四書釋地云一秦始皇三十七年,自琅邪北至樂成山,射巨魚之罘,此暗用秦皇事。

孟康曰:轉騰,相過也。

說文十一篇上水部云"滕,水超湧也。

轉滕謂或轉或滕,

非相過也。孟說非。

樹達按:騰當讀爲滕。

明月珠子,的皪江靡。(二十四上)

隨風澹淡。(二十五下) 樹達按:的皪本字當爲玓瓅。 說文一篇上玉部云:玓瓅,明珠色。

樹達按:說文十一篇上水部云:澹,水搖也。

樹達按:沈欽韓云:香橼即奏也。

黄甘橙榛。(三十四下)

亭奈厚朴。(三十四下)

張揖曰:厚朴,藥名也。

樹達按"張文虎云"此文所舉皆爲果。

李時珍注本草云:「厚朴實如冬青子,有核,七八月采之,味

甘美,」是亦果也。 注以爲藥名,失之。

沙棠櫟儲。(三十五下)

樹達按:儲味苦,長沙呼苦儲子。

柴池茈虒,旋還乎後宮。(三十七下)

郭璞曰:柴音差。

瑳兮瑳兮。 是此聲差聲相通之證也。 樹達按:柴古音在支部,差在歌部,二部音近多通。

詩君子偕老云:班兮班兮。

周禮內司服注引作

偃蹇杪顚。(三十九上)

師古曰:妙顯,枝上端也。

江河爲法。(三十九上)

樹達按:頭假為損。

說文六篇上本部云:填,木頂也。

樹達按"說文十四篇下追部云"法,依山谷爲牛馬圈也。

**終白虎。(四十二上)** 張揖曰:著白虎文約也。 師古曰一統,古袴字。先謙曰 "集解引郭璞曰" 綺謂絆絡之,不如張說爲合。

說非。 樹達按

:說文三篇下聲部云:「鑿,

羽獵韋絝。

」是獵絝以韋爲之。

此蓋謂以白虎之皮爲絝耳。

張

羂要褭。(四十二下)

司馬相如傳第二十七上(漢書五十七)

漢

四四六

師古 日 : 羂謂羅繫之也。

樹達按 : 羂說文四篇下网部字作 曩, 云:網也。 聲類云 覆,以繩係取獸也。 楊雄傳:絹嘄陽, 以絹

字爲之。

流離輕禽,躄履狡獸。(四十三上)

樹達按 師古曰:流離,困苦之也。 :流離張訓放散,是也。 先謙曰:文選注 王說非是。 "張揖曰"流離,放散也。 困苦與蹙履意對,放散獨不對乎? 案流離當如顏說,與蹙履意對。

彎蕃弱。(四十三下)

文穎曰:彎,牽也。 蕃弱,夏后氏之良弓名。

**揜焦明。(四十四下)** 

樹達按"說文十二篇下弓部云"彎,持弓關矢也。 文訓牽,非是。

非焦朋,吳都賦無緣作鷦鵬也。 先謙曰:文選作焦朋,楚辭遠遊:「從玄鶴與鷦朋。」王注:「鷦朋,俊鳥。」吳都賦作鷦鵬。 又云:焦明,鳳凰屬也。 是明朋互寫,其來已久,疑以朋爲正。

此鳥鳳屬,朋鵬二字並鳳之異文,且

廣雅釋鳥

樹達按 豈不皆失其韻耶!且吳淼賦以鳴驚鵬鶄爲韻,惟漢人讀明入青部,與今讀同,故可相叶,若朋則漢 篇上鳥部鷛字下亦以明明鷞昌皇爲韻。皆古韻唐部果如王說明字作朋,朋爲登部字,與唐部不相通, "楚辭作鷦明,吳都賦作鷦鵬,王據誤本爲說,殊爲疏失。 且本文以凰明羊鄉爲韻, 說文四

時與青部亦不相通也。

鏗鎗園幹。(四十六下)

師古曰:闛鞈, 鼓音也。 先謙曰:汲古本史記作鏗鏘鐺馨。 文選注:"毛詩日: 擊鼓其鐘。

關,鼓聲。 園與愛, 關與輪, 古字通。

樹達按:說文五篇上鼓部云:臺,鼓聲也。 馨,鼓聲也。

古文馨从革作鞈。

毛詩之鐘, 史記之鐺, 及

字書日:

實陂池而勿禁。(四十九上) 此文之闉,皆以音近通假耳。

取也。 與顏說異,於義並通。

師古曰:實謂人滿其中,言恣其有所取也。

先謙曰:文選注引司馬彪曰:養魚鼈滿陂池,

而不禁民

樹達按一陂池不可實人,司馬說是。

僕恐百姓被其尤也。(五十下)

師古曰:尤,過也。

樹達按:說文三篇上言部云:就,過也。 尤乃省借字。

司馬相如傳第二十七下(漢書五十七)

發巴蜀之士各五百人以奉幣, 衞使者不然。(二上)

司馬相如傳第二十七下(漢書五十七)

四四八八

治道二歲,道不成,士卒

樹達按:墨子辭過篇云:府庫實滿,足以待不然。

唐蒙已略通夜郎,因通西南夷道,發巴蜀廣漢卒,作者數萬人。

多物故。(三下) 樹達按:食貨志云:作者數萬人,千里負擔飢饟,率十餘鍾致一石,數歲而道不通。

蜀民及漢用事者多言其不便。(三下)

樹達按:用事者言其不便,公孫弘其一人也,時弘爲御史大夫。

且因宣其使詣。(六上)

樹達按:景祐本作指。

錢大昭曰: 詣當作指, 史記及閩本俱作指。 先謙曰: 官本作指。

**耆老大夫搢紳先生之徒二十有七人嚴然造焉。**(六上)

樹達按:蒸策云:今先生儼然不遠千里而庭敎之。 高注云:儼然,矜莊貌。

今割齊民以附夷狄。(六下)

何說。 何焯曰:"附,附益之也。割齊民謂賂以巴蜀吏幣物。 先讓曰"文選注"附謂令之親附也,非是,當從

僕尚惡聞若說!(六下) 樹達按:附字文選注說是也。

汝 師古曰:尚,獨也。若,如也。 爾也。 莊子「予語若」之類,不容詁爲如。 言僕猶惡聞如此之說,况乎遠識之人也。惡音一故反。宋祁曰"若, 先謙曰:宋說是。 索隱引張揖云 ·惡聞若曹之言也。

樹達按 **"惡,於何也,顏音誤。若字張宋訓固** 可通,惟語氣較促。 今按:若當訓此, 文言巴蜀不變,

夏后氏戚之,乃堙洪原。(七上)

則君等至今爲夷人,僕無由聞此論也

樹達按:說文十篇下心部云:感,憂也。 經傳通假戚爲之。

此文合。 樹達按一嚴助傳云一其尤親幸者,東方朔,枚皋,嚴助,吾丘壽王,司馬相如,相如常稱疾避事。」與 常稱疾閒居,不慕官爵。(十上)

信讒不寤兮,宗廟滅絕。(十二上)

師古曰:信讒,謂殺李斯也。

樹達按:信讒但謂信任趙高 耳,不必專指殺李斯事言。

魂亡歸而不食。(十二上) 樹達按:文心雕龍哀弔篇云: 相如之弔二世,全為賦體,桓譚以爲其言惻愴,讀者歎息。

乃遂奏大人赋。(十二下)

先謙曰:史記奏作就。

司馬相如傳第二十七下(漢書五十七)

案上文云:「嘗爲大人賦未就,請具而奏之。」後文云:「相如奏大人賦, 四四 則此

漢

書

四五〇

處作就者是,疑涉下奏大人賦而誤耳。

奏也。 樹達按 此云奏,與上下相承,最適宜爾。 , 史作就, 班改史作奏, 於義為長。

上文「請具而奏,」猶未奏也。

下文「旣奏大人賦」」

則已

靡屈虹而爲綢。(十三上)

張揖曰:綢,韜也。

樹達按:爾雅釋天云:「素錦綢杠。」郭注云:「以白地錦韜旗之竿。」以綢爲韜,爲相如所本。

**姪**踱輵蟮,容以骫麗兮。(十四上) 師古曰: 跮音丑日反。

張揖曰:跮踱,互前郤也。

踱音丑略反。 先謙曰:集解引徐廣曰: 跮踱,乍前

乍卻也。

樹達按: 姪踱說文作 不是。 二篇下介部云:分,小步也。又远部云:是,乍行乍止也。

吾欲往乎南娭。(十五下)

非也。 先謙曰:埃史記作嬉。 樹達按:娭嬉同字, 上卷「娭游往來」補注引王念孫說已詳言之。 楚辭招魂注:埃,戲也。 廣雅釋詁"嬉,戲也。 此處忽忘前說, 義得兩通。 作此游移之詞,

騷擾衝蓯其相紛挐兮。(十五下)

樹達按:史記衞霍列傅正義引倉韻解話云:紛挐,相牽也。

杭絕浮渚涉流沙。(十六下)

張揖曰:杭,船也。

樹達按"說文八篇下方部云" ,方舟也。 此與下文「躍魚隕杭」皆假杭爲之。

樹達按:武帝奇其書,以問兒寬,後因封禪,詳寬傳。其遺札書言封禪事,所忠奏焉,天子異之。(十九下)

伊上古之初肇,自顯穹生民。(十九下)

皇皇哉斯事,天下之壯觀,王者之卒業,不可貶也。(二十四上) 樹達按"此文多以訓詁之字代通用之字,爲楊子雲文所自昉。

師古曰"皇皇,盛貌也。卒,終也,字或作本,或作丕。丕,大也。先謙曰"史記作丕。

作本,則非其旨矣。隸書丕或作罕,本或作本,卒或作卒,三者皆相似,故丕譌作卒,又譌作本。 樹達按"王念孫云"爾雅云"一壯,大也。」壯觀丕業,皆承上皇皇哉斯專言之, 則作丕者是也。 作卒

史記正作不,五臣本文選同。

滋液滲漉,何生不育?(二十五下)

泉之滋。」滋皆謂液也。 樹達按:滋液連言,滋亦液也。鄒陽酒賦云:「甘滋泥泥。」楊雄羽獵賦云:「上獵三靈之流,下決體

蓋聞其聲,今視其來。(三十六上)

司馬相如傳第二十七下(漢書五十七)

窺

師古曰:來合韻音郞代反。 瞿鴻禨曰:來與之哉喜態皆叶,顏讀非也。

慕爲韻,之字不入韻也。 樹達按:之古韻在咍部,與哉喜態固爲同韻,然上文匪唯雨之以下六句乃以古韻模鐸部之雨 名山顯位以下十二句以來哉囿喜態來爲韻,懼不舉囿字, 亦非也。 瞿氏

不瞭古音,故出入兩失之如此。

厥之有章,不必諄諄。(二十六下)

樹達按…孟子萬章上篇云…「萬章曰…天與之者,諄諄然命之乎?孟子曰…否。」此爲相如語意所本。 文穎曰:天之所命,表以符瑞,章明其德,不必諄諄然有語言也。

之字當與萬章篇下文「天下諸侯朝覲者不之薨之子而之舜,訟獄者不之薨之子而之舜」諸之字義 同,當訓爲往。 此謂龍之所往,即所以章顯天意,不必由天諄諄然命之也。」文說未是。

樹達按一武帝令相如作詩碩,見李延年傳。

采其尤著公卿者云。(二十七上)

相如雖多虛辭濫說,然要其歸引之於節儉,此亦詩之風諫何異。(二十七下)

樹達按:亦當作目,目,與也。音近誤耳。景祐本亦誤作亦。

楊雄以爲:靡麗之賦勸百而風一,猶騁鄭衞之聲,曲終而奏雅,不已戲乎!(二十七下)

張揖曰:不亦輕戲乎哉。 宋祁曰"已當作亦。 先謙曰 :謂楊雄之論過輕相如也。

樹達按::已,太也,過也。 宋謂當作亦,非也。 文謂先騁淫聲,曲終奏雅,不太輕戲乎!汪說誤。

# 公孫弘卜式兒寬傳第二十八(漢書五十八)

公孫弘卜式兒寬傳第二十八。二上

樹達按:此以諸人同爲御史大夫合傳。

年四十餘,乃學春秋雜說。(二下)

藝文志亦有公羊雜記八十三篇。

何焯曰:雜說,雜家之說,無儒墨,合名法者也。 術之原也」一條味之,其學蓋出於雜家,則此雜說非春秋經師之雜說也

樹達按"弘受春秋於胡母生,見儒林傳。

何說春秋與雜說爲二事,

是也。

韓安國傳云一受韓子雜 與此並同,足以爲證。

以宏所對「智者

是時弘年六十,以賢良徵。(二下) 樹達按:時弘仄目視轅固生,生諷弘以無曲學阿世,見儒林傳。

說、謂韓子與雜說也。燕刺王旦傳云:「博學經書雜說、」謂經書與雜說也。

問子大夫。(三上)

先謙曰:官本問上有敢字,是。

樹達按三景祐本有敢字。

夫厚當重刑。(二下)

錢大昭曰:當閩本及漢紀並作賞。 公孫弘卜式兒寬傳第二十八(漢書五十八) 先謙曰:官本作賞,是。

漢 窺 管 卷

六

樹達按:景祐本作賞。

通塞之塗。(三下)

樹達按:景祐本有壅字。又按錢說本云量錯傳注所引,補注脫去傳注二字。 錢大昭曰:通下脫壅字,南監本閩本及鼂錯所引並有壅字。

順之和起,逆之害生。(四上)

王念孫曰:和當爲利,草書之誤也。

順逆利害皆對文,若作和,則與害不相對矣。

漢紀作和,

亦後

人以誤本漢書改之。文選永明十一年策秀才文注引此正作利。

樹達按"三校大誤。上文「氣同則從」以下一節專論和,和字凡十餘見,大意謂人主有和德則天地

害之害也。但求文字爲對文,不顧立言之主旨,王氏之疏,斯爲甚矣。

此節承彼爲言,意謂水旱爲主德不和所致,順天則和起,逆天則害生,害謂災害,

非利

之和應之。

及其教馴服習之。(四下)

師古曰:馴,順也。

樹達按:剔當讀爲訓。 說文三篇上言部云"訓,說教也。

訓馴二字同從川聲,故得通用耳。

習文法吏事。(四下)

緣飾以儒術。(四下) 樹達按"何焯云"弘習文法吏事,以少爲獄吏力也。

樹達按"食貨志云"「公孫弘以春秋之義繩臣下,取漢相,」所謂緣飾儒術者也。

歲中至左內史。(五上)

樹達按"循吏傳序云"內史公孫弘居官可紀。

常與主質都尉汲黯請間,黯先發之,弘推其後,上常說,所言皆聽。(五上)

樹達按"何焯云"他人先發而推其後,則先以他人試上之喜怒也。

齊人多詐而無情,始爲與臣等建此議,今皆背之,不忠。(五上)

**|**先謙曰:史記情下有實字,始下無爲字。爲讀曰僞。

將,句例與此正同。 定襄,當單于。 樹達按一如圧說,始偽建議而今背之,但爲不信於友耳,非不忠也。今按爲猶將也。 云:"克告於君,君爲來見也。」趙注云:"君將欲來,」 捕虜、房言單于東,乃更令驃騎出代郡。」始爲出定襄,始將出定襄也。 若云始僞出定襄,不可通矣。 是也。 史記衞將軍驃騎傳云:「驃騎始爲出 孟子梁惠王篇 以始爲爲始

遷御史大夫。(五上)

樹達按一弘爲御史大夫,止武帝勿以甯成爲郡守,見酷吏義縱傳。 議殺郭解, 見游俠傳。

元朔中,代薛澤爲丞相。(五下)

樹達按"弘爲相,請禁民毋得挾弓弩,見吾丘壽王傳。 數稱張湯之美,見湯傳。

其後以爲故 事,至丞相封 自弘始也。(六上)

公孫弘卜式兒寬傳第二十八(漢書五十八)

漢 窺 管 卷 六

樹達按:文帝時申屠嘉爲相曾封侯,但不爲故事,

爲故事實自弘始。

宋程大昌改古編卷六謂丞相

封侯實始於申屠嘉,不始於弘者,似是而實非也。

樹達按:朱雲傳:「薛宣爲丞相,語雲:且留我東閣,可以觀四方奇士。」是客館後雖就廢,

東閣之名

於是起客館,開東閣以延賢人。(六上)

固終漢世存也。

弘身食一肉,脫粟飯。(六下)

樹達按:食貨志云:公孫弘以宰相食不重味爲下先,然而無益於俗。

殺主父偃,徙董仲舒膠西,皆弘力也。(六下)

樹達按:從董事詳仲舒傳。

後淮南衡山謀反,治黨與方急。〈六下〉

陛下過意擢臣弘卒伍之中。(七上) 樹達按:淮南王傳:弘以審卿之言,深探淮南之獄,則治黨與之急亦弘爲之。

樹達按:周衍齡云:頁馬傳:「陛下過意徵臣,」亦用過意字。

守成文。(七上) 錢大昭曰:成下脫上字,

尙文。

南監本閩本皆有。 先謙曰:官本有上字。 據下注顏本有上字,

樹達按:景祐本有上字。

年八十,終丞相位。(八上)

先謙曰 陳鵬年云 "按处記,弘以建元元年徵爲博士,罷歸年六十。

其後李蔡、嚴靑翟、趙周、石慶、公孫賀、劉屈氂繼踵爲丞相。(八上) 年當爲六十一也。姚振宗云"恩澤侯表云"平津獻侯公孫弘元朔三年十一月乙丑封,則其諡曰獻。 樹達按一弘以元狩二年卒,年八十,則當生於漢高帝七年辛丑。徵博士罷歸事在建元元年,其年弘

樹達按:蔡爲李廣之從弟,事詳廣傳。

自蔡至慶,丞相府客舘丘虚而已,至賀屈氂時,壞以爲馬廐車庫奴婢室矣。(八上) 樹達按:鹽鐵論救匱篇云:「公孫丞相兒大夫側身行道,分祿以養賢,卑己以下士,而葛繹澎侯之等

際壞其緒,紕亂其紀,毀其客館議堂,以爲馬廐婦舍,無養士之禮,而尚縣矜之色,廉恥陵遲而爭於

唯慶以惇謹復終相位,其餘盡伏誅云。(八上)

利矣。」按質封葛釋侯,屈氂封澎侯。

樹達按一慶雖不見誅,然武帝以慶乞休,詔報深責,至有勸慶引決者,其不見誅亦僅矣。

今天下不幸有事,郡縣諸侯未有奮繇直道者也。(十上)

奮,憤激也。 孟康曰:未有奮迅樂出身勞於徭役者也。臣瓚曰:言未有奮厲於正直之道也。師古曰:二說皆非也。 絲讀 與由同,由,從也。 直道謂報怨以直,征南越也。 言無欲奮厲而從於報怨之道。

公孫弘卜式兒寬傳第二十八(漢書五十八)

四五七

樹達按:臣瓚說是也。 顏 說 並 非。 爾雅云:「繇,於也。」詩大雅抑云:「無易由言。」箋云:「由,於也。」繇由字通,

其賜式爵關內侯,黃金四百斤,田十頃,布告天下,使明知之。(十下)

先謙曰"官本作黃金四十斤,以理度之,十字是也。 史記作金六十斤,又詔文與此多不同。

式旣在位,言郡國不便鹽鐵而船有算,可罷,上由是不說式。(十下)

樹達按:食貨志作四十斤。

樹達按…詳見食貨志下卷。據志文,式因孔僅言之。又此類皆桑弘羊主其事,武帝正信賴弘羊甚,

而式力詆洋,亦見食貨志故武帝不說也。

治尚書,事歐陽生,以郡國選詣博士,受業孔安國。(十下)

陽生之子,歐陽大小夏侯之學,皆出於寬也。 樹達按:論衡正說篇謂量錯從伏生受尚書而傳於兒寬, 與此及儒林傳並不同。 儒林傳云:寬授歐

樹達按:有當爲以。 蓋以古字作目,形近誤爲有耳。 張敞傳云:「以經術自輔,」句例同。

寬爲人温良,有廉知自將。(十一上)

善屬文,然懦於武,口弗能發明也。(十一上) 樹達按:鹽鐵論刺復篇云 :曹丞相日飲醇酒,兒大夫閉 口不言。

寬旣治民,勸農桑,緩刑罰,理獄訟,卑體下士,務在於得人心。(十一下)

樹達按:周壽昌云:鹽鐵論救匱篇云:倪寬練袍, 道,分祿以養賢,卑己以下士。 衣若僮僕, 食若庸夫。 又賢良曰:倪大夫側身行

課更以最。(十二上)

樹達按"循吏傳序云"孝武之世,惟江都相董仲舒,內史公孫弘兒寬居官可紀。

官屬易之。(十四上)

樹達按:易本字作傷。 師古曰:易,輕也。

說文八篇上人部云一傷,輕也。

公孫弘卜式兒寬皆以鴻漸之翼,困於燕舒。(十四上)

形。所以飲器象雀者,取其鳴節節足足也。」二字音近,故經傳多假質爲雀。 樹達按:說文四篇上推部云:「雀,依人小鳥也。

讀與爵同。」又五篇下鬯部云:「爵,禮器也,象雀之

始以蒲輪迎枚生。(十四上) 樹達按:枚乘也,事具乘傳。

張湯傳第二十九(漢書五十九)

訊鞫論報。(一上) 樹達按: 勒當作鞠。

張楊傳第二十九(漢書五十九)

說文十篇下來部云三衛,窮治罪人也。

从李,从人,从言,竹聲。」又云:「報,當 四五九

漢 書 窺 管 卷 六

罪人也。 从奔,从艮。艮,服罪也。」

**丼取鼠與肉具獄磔堂下。**(1下)

孟康曰:方中,陵上土作方也。

蘇林曰 "天子卽位,豫作陵,諱之,故言方中,或言斥土。

治方中。(三上) 樹達按"說文五篇下桀部云"磔,辜也。 从桀,石聲。

樹達按:趙廣漢傳又云方上。

與趙禹共定諸律令。(三上)

樹達按…晉書刑法志云:張湯越宮律二

一十七篇,

趙禹朝律六篇。

太平御覽刑法部引張裝律序云:

張湯制越宮律,趙禹作朝會正見律。

湯爲廷尉。(三上)

樹達按:湯爲廷尉,汲黯駡湯,見黯傳。 爲湯廷尉史者有杜周王溫舒,見周及溫舒傳。

始爲小吏,乾沒。(三下) 樹達按"黃生云"此言以公家財物入己,如水之淹物,沉沒無迹也。不水而沒,

是時上方鄉文學,陽決大獄,欲傅古義,乃請博士弟子治倘書春秋補廷尉史。(二下) 意同。 故曰乾沒, 與陸沉

先謙曰:用兒寬是其一證。

四六〇

樹達按:兒寬傳載廷尉有疑奏,再見卻,寬爲奏,即時得可。 武帝以問湯,湯言兒寬, 湯由是鄉學。

然則湯決獄欲傅古義,正是由寬啓之,王說倒因爲果。

上所是,受而著讞法廷尉挈令。(三下)

韋昭曰:在板挈也。師古曰:著謂明書之也。挈,獄訟之要也,書於讞法挈令以爲後式也。 曰:言上所允行者,則受而書之於板,著其上請之事爲定法, 復舉此令以宣布上美。杜]順云:後

先謙

主所是疏爲令也。 挈,舉也。 史記作絜,借字,挈絜古通用。

樹達按"沈家本云"著讞法廷尉挈令,言著其所讞之法於廷尉之挈令也。 顏注不明。 按王說繳繞

沈說是也。

遷御史大夫。(三下)

樹達按:湯爲御史大夫,問通廢斜道事,見溝洫志。 見武五子傳。 劾奏徐偃矯制,見偃傳。 爲御史者有尹齊,見齊傳。 治顏異罪論死, 見食貨志。

見使立齊懷王閎,

陽承上指,請造白金及五銖錢。(四上)

樹達按:指讀爲恉。 說文十篇下心部云"指,意也。

湯之治淮南、江都, 以深文痛詆諸侯, 別疏骨肉 使藩臣不自安, 臣固知湯之爲詐忠。

(四下)

樹達按:固與故同。

張湯傳第二十九(漢書五十九)

四六一

漢書窺管卷六

河東人李文,故嘗與湯有隙,已而爲御史中丞,

薦數從中,

文事有可以傷湯者,

不能爲

地。(五上) 服虔曰:薦,藉也。 文與湯故有隙,已而爲御史中丞,藉己在內臺, 中文書有可用傷湯者, 因會致

之,不能爲湯作道地。

蘇林曰:薦,仍也。 師古曰 "薦數義同,蘇說是也。 數數在其中,其有文書事可用傷湯者,不爲作道

樹達按:不能爲地,服蘇釋不爲作道地,是也。地也。先讓曰:不能爲地,不爲陽餘地也。

酷吏田延年傳云:「霍將軍召問延年,欲爲道地。」是

其證矣。 灌扶傳云:「程李俱東西衞尉,今衆辱程將軍,仲孺獨不爲李將軍地乎?」單用地字,與此

湯常排趙王。(五下)

傳同,蘇亦釋爲不除道地。

樹達按:趙王彭祖也。

遂自殺。(七上)

樹達按:食貨志云:湯死而民不思。

復稍進其子安世。(七上)

樹達按:湯有子卬爲漢中守,見溝洫志。

王行淫亂,光復與安世謀廢王。(八上)

樹達按一時光以夏侯勝言臣下有謀上者,疑安世泄語,安世實不言,見勝傳。

功次大將軍光。(八上)

樹達按:據杜延年傳,當時論功,以誅諸呂事爲比,光功過周勃,安世比陳平也。

毋空大位以塞爭權。(八上)

師古曰:大臣位空,則起爭奪之權也。

樹達按:注當云則起爭權之事。

君而不可,尙誰可者?(八下)

樹達按:而,如也。

數月,罷車騎將軍屯兵,更爲衞將軍。(八下)

樹達按…時安世薦蘇武明習故事,奉使不辱命,見武傅。

蓋寬饒劾奏安世居位無補,見寬饒傳。

安世瘦懼,形於顏色。(八下)

樹達按:瘦懼二字義不貫,懼疑臞字之誤。 說文四篇下肉部云:臞,少肉也。

其欲匿名迹、遠權埶如此。(九上)

求自発也。 樹達按"何焯云"宣帝尤多忌,不欲權在臣下。觀趙充國傳,安世始亦嘗不快上,故務爲畏謹抑退,

及曾孫壯大,賀教書,令受詩。(九下) 張楊傳第二十九(漢書五十九)

四六四

窺 管

六

樹達按"宣帝紀云"受詩於東海復中翁。

爲取許妃。(九下)

樹達按:事詳外戚傳。

賀聞知,爲安世道之,稱其材美,安世輒絕止。 以爲少主在上,不宜稱述曾孫。(+上) 樹達按:少主謂昭帝也。賀嘗欲以女孫妻曾孫,安世止之,見外戚傳。

彭祖又小與上同席研書,指欲封之。(十上)

先謙曰:書指欲封之,言詔書意欲封之。

樹莲按:帝欲封則竟封矣,書意欲封,於事理不合。 於書字句絕。研蓋研討之謂,王氏誤讀也。

佞幸傳云:「彭祖少與帝微時同席研書,」

上自處置其里,居冢西鬭雞翁舍南,上少時所嘗游處也。(十上)

樹達按:宣帝紀云:帝喜游俠鬬雞走馬。

其封賀弟子侍中關內侯彭祖爲陽都侯。(十下)

樹達按"佞幸傳云"彭祖以舊恩封陽都侯,出常參乘,號爲愛幸。

天子甚尊憚大將軍,然內親安世,心密於光焉。(十下)

毒,薨,國除。

樹達按:霍光傳云:「光驂乘,宣帝若芒刺在背;安世驂乘,則從容肆體,甚安而近焉。」又按趙充國

其人謹敕,無所虧損,爲其小妻所

深。「上欲誅安世,充國爲言,乃得免。」然則宣帝於安世,亦非能魚水無間也**。** 

諡曰敬侯。(十一上)

樹達按:安世爲麒麟閣畫象第二人,見蘇武傳。

如故而租稅減半,薨。(十一下)

大官私官並供具第。(十二上) 樹達按:宣帝嘗遺延壽問蕭望之以匈奴事,見望之傳。

錢大昭曰:具南監本閩本作其。

先謙曰:官本作其,是。

樹達按:景祐本作其。

常從爲微行出游。(十二上)

樹達按:周壽昌云:成帝與放游行,自稱富平侯家,時童謠所云張公子也。

數月,復徵入侍中,太后以放爲言。(十三上)

歎曰:霍氏世衰,張氏興矣。(十三下) 樹達按一般傳載太后與帝書云一前所道尚未效,富平侯反復來,其能默厚!

適子女。」又云:「不忍以一知之罪,滅稽侯狦之世。」義並同。 王莽時不失爵。(十三下)

樹達按:世謂後世,即今言後裔或子孫也。

王莽傳云:「博采二王後及周公孔子世,

列侯在長安者

放子純嗣侯,恭儉自修,明習漢家制度故事,有敬侯遺風。 張湯傳第二十九(漢書五十九)

書 窺 管 卷 六

漢

錫,純名居首,然則純實以阿漭得全也。 樹達按"後書純傳亦云"「純王莽時至列卿, 此殆以班修書時張氏正盛, 以敦謹守約保全前封。」 今按列侯九百二人為莽求九 不免曲筆, 范氏不察, 仍用

四六六

班說耳。

其推賢揚善,固宜有後。(十四上)

媚工諛以熒惑主心者乎!天道若遠若近,未可以是定之。

樹達按"沈欽韓云"湯之深文導諛,毒被天下,區區之善,足以食其報乎!矧彼之推賢揚善,即其獻

#### 杜周傳第三十(漢書六十)

大氏盡詆以不道目上。(三下)

先謙曰:罪至不道極矣,更無所謂不道以上也。 索隱道字絕句,以上屬下讀,謂吏具獄以上之廷尉

及中都官也。 似當從之。

上奏於天子耳。 樹達按:索隱讀是,而說則非。 此文敍周爲廷尉事,不得云以上之廷尉及中都官,乃謂決其獄以之

延年字幼公,亦明法律。(三上)

樹達按"後書郭躬傳云"「躬父弘習小杜律。 云:「治律小杜。」蓋延年父子所定律法爲世所重如此。 」又荆州從事范鎭碑云:「韜律大杜。」 丹陽太守郭旻碑

上官桀父子與蓋主燕王謀爲逆亂,假稻田使者燕倉知其謀。(三上)

樹達按…燕王旦傳云…蓋主舍人父燕倉,彼敍其關繫,此書其官稱,史家互見之例也。

由是擢爲太僕右曹,給事中。(三上)

樹達按 延年為太僕,承韶問路溫舒求出使匈奴狀,罷溫舒,

見溫舒傳。

奇張敞,

見微傳。

簿責

田廣明,白霍光欲救田延年,並見酷吏傳。

光以 師古曰:謂終丞相之身無貶黜也。 近廷尉 少府弄法輕重,皆論棄市,而不以及丞相,終與相 先謙曰:姚範云: 言不窮竟其事耳。 竟。 (四上) 十字 句讀。

案顏姚二說

樹達按:終與相竟,謂終不傷丞相。 顏說意是,姚說非也。

並通。

韶有司論定策功,大司馬大將軍光功過太尉絳侯周勃。(五上)

樹達按:此及下皆以誅諸呂時功爲比也。

皆封侯益土。(五下)

樹達按 之侯皆在昭帝時。 霍光以武帝遺詔封 據宣紀, 此時封侯者僅趙充國、田延年、史樂成三人。 侯,張安世、杜延年以告上官桀反事封,楊敞、蔡誼 蓋未侯者則封侯,已侯者 以為 丞 相 封, 與韓增

延年 迺選用良吏, 捕繫豪強。(五下)

杜周傳第三十(漢書六十)

則益土。

漢

劉奉世日 繫當爲擊,字之誤也。

達按 劉說是也。 景祐本作擊。

延年遂稱疾篤。(六上) 錢大昭曰:疾南監本閩本作病。 先謙曰:官本作病。

後數月薨,諡曰敬侯。(六上)

樹達按:景祐本作病。

樹達按:據蘇武傳,延年為麒麟閣圖象功臣之一人。

子緩嗣。(六上)

樹達按:後書杜篤傳,篤爲延年玄孫。

茂陵杜鄴與欽同姓字,俱以材能稱京師,故衣冠謂欽爲盲杜子夏以相別。(六下)

讀明矣。 士大夫也。 漢紀作「俱好學,以才能稱,故京師謂飲爲盲子夏,」則「故京師」三字又連讀明矣。 白帖十二引此作「京師衣冠謂飲為盲杜子夏,」御覽疾病部三同,則「京師衣冠」四字 王念孫曰:「俱以材能稱」絕句,故字當在京師上,而以「故京師衣冠」五字連讀。

京師衣冠,謂京師

連

樹達按…王氏歷引漢紀及類書作證,欲乙故字於京師二字之上,似覺言之成理矣,然實非也。 `疑京師二字當下屬,故妄倒乙其文,不足據也。 以材能稱京師」爲句、稱京師者、見稱於京師也、 余意"校勘者改字乙字,必原文決不可通,萬不 班省去於字耳。漢紀及類書不知文有省 此文

略

當以「俱

誤,惜哉!抑思班孟堅本一能文之人,其學識超出荀悅輩遠甚。今不信孟堅可通之文, 得已而後爲之,若原文可通,則不當改,不當乙也。王氏可謂善於校書矣,往往爲漢紀及類書所 而盲從若

輩低能之改竄, 豈非大不智乎?

**迺爲小冠,高廣財二寸。**(六下)

師古曰:財與纔同,古通用字。

樹達按"李慈銘云"財與才通。 才,物之始生也。 纔乃假字,說文:纔,帛雀頭色也。

廢而 不由,則女德不厭。(七下)

師古曰:女德不厭,言好色之甚也。

樹達按"說文五篇上廿部云"狀,飽也。 此假厭爲之,不厭謂無厭足。

則其原不可救,而後徠異態,則正后自疑,而支庶有間適之心。(七下) 男子五十好色未衰,婦人四十容貌改前。 以改前之容,侍於未衰之年,而不以禮爲制,

樹達按…韓非子備內篇云…「丈夫年五十而好色未解也,婦人年三十而美色衰矣。以衰美之婦人,

之所以用也。」此爲欽語意所本。 事好色之丈夫,則身疑見疏賤,而子疑不爲後, 按成帝後竟死於趙氏姊妹之手,此孟堅贊所以稱飲為識微也。 此后妃夫人之所以冀其君之死者也。 此鴆毒扼昧

後有日蝕地震之變。(九上)

樹達按"谷永傳云"建始三年冬,日食地震同日俱發。 杜周傳第三十(漢書六十) 又見五行志。

漢

四七〇

臣欽愚戆,經術淺薄。(九下)

臣竊觀人事以考變異,則本朝大臣無不自安之人。(九下) 樹達按"谷永傳云"永於經書汎為疎達,與杜欽杜鄴略等,不能治浹如劉向父子及楊雄也。

樹達按:李慈銘云:本朝謂朝廷也,自晉以前語皆如此。

戊夫,土也。(九下)

錢大昭曰:夫當作未,南監本閩本皆不誤。 先謙曰:官本作未。

樹達按:景祐本作未。

數御安車,由輦道。(十上)

次己爲七言,則己と以未辞也。樹達按:成帝好微行,故欽有此言。

叉按:成紀載鴻嘉元年始爲微行出,

據此疏上於建始三年冬

近觀其所爲,遠觀其所主。(十一上)飲已爲此言,則紀文似未審也。

師古曰:所爲主謂託人以爲援而自進也。 其所主爲令援而進也。 劉攽曰 當云近觀其所爲主。 泔

樹達按:"孟子萬章上篇云:"「吾聞觀近臣以其所爲主,觀遠臣以其所主。」此飲語所本。 文舊有,妄刊去之。宋祁曰:爲字下南本浙本並有主字。 先謙曰:據下顏注,明有主字, ,是也。 景祐本為

字下亦奪主字。

此則衆庶咸說,繼嗣日廣,而海內長安。 萬事之是非,何足備言。(十一下)

私人,爲人正與谷永類,此亦猶永之所爲也。 樹達按一此皆刺趙氏姊妹專寵事也。其論不爲不正,然谷永傳載永黨於王氏,專攻後宮,飲亦王氏 又按泳傳云:「時對者數十人,永與飲爲上第,上皆以

其書示後宮。」

飲以前事病,賜帛器。(十一下)

樹達按前 先謙曰:因前事稱病,故未錄用。 事蓋即上文司馬君力與欽兄子私通事。 前事病殆謂因前事爲累,故賜罷,非謂稱病也。

王說非是。

及繼功臣絕世,塡撫四夷,當世善政,多出於飲者。(十二上) 樹達按:飲上疏追訟馮奉世誅莎車之功, 見奉世傳。

說王鳳遣楊焉等與王延世等治河,見溝洫志。

西南夷傳載欽說王鳳請討夜郎王興等,西域傳載欽諫遣使送罽賓使者,皆其塡撫四夷之事也。

又匈奴傳載欽諫止受匈奴使伊邪莫演之降,

欽

心不介然有間。(十二上)

以「介然有間」連文,是亦屬上讀。 樹達按: 孟子盡心下篇云: 「山徑之蹊間介然,用之而成路。」 今讀以介然屬下讀,非也。 趙岐注以介然屬上讀。 此文用猛子,

毋使范睢之徒得間其說。(十二下)

樹達按一欽嘗說鳳尊重成帝后父許嘉,見外戚傳。

杜周傳第三十(漢書六十)

四七一

漢 窺 管 六

雖然,是無屬之臣,執進退之分,絜其去就之節者耳。(十二下)

曰:無屬,無親屬於上也。分音扶問反。字或作介,介,隔也,其義兩通。

合則進,不則退,辨之畫然,守而不移,故曰執進退之分。

分介隸形相亂,經典字多互用,

先謙曰"分,别也,介

師古

亦別也。

陸氏釋文中不可枚舉。 惟顏訓介爲隔,王訓爲別,說皆非是。

樹達按:分介兩字皆可通。

進退之介,絜其去就之節,介與節文異意同。 絜今字作潔。

楚辭悲回風注云:介,

節也。

執

夫欲天下治安變異之意,莫有將軍。(十三上)

師古曰:言衆人之意皆不如也。

顏注云"皆不如,則所見本不誤。 景祐本亦誤。

如是,塞爭引之原,損寬明之德。(十三下) 樹達按:有當作若,形近致誤。

樹達按:爭讀爲諍。 說文三篇上言部云"諍,止也。

欽之補過將美,皆此類也。(十三下)

樹達按一後王商輔政時,翟方進爲丞相,欽過方進,欲爲陳咸解說,見方進傳。

長舅紅陽侯立與業書曰:誠哀老姊垂白,隨無狀子出關,願勿復用前事相侵。(十四上) 樹達按:以業爲關都尉,長出關當過之,故立以爲請也。

今在長者歸故郡,已深一等。(十四下)

錢大昭曰:在當作坐,南監本閩本不誤。 先謙 曰:官本作坐。

樹達按:景祐本作坐。

刑罰無平,在方進之筆端。(十四下)

樹達按"金樓子雞記篇云"子路問夫子"上士殺人,如之何?曰"用筆端。

方進素與司直師丹相善,臨御史大夫缺,使丹奏咸爲姦利,請案驗, 方進果自得御史大夫。(十四下)

卒不能有所得,

而

今聞方進卒病死。(+五上) 樹達按:據方進傳,時陳咸、逢信與方進三人俱在選中,故方進亟排咸也。

樹達按:方進實自殺死,以成帝祕其事,故此云病死也。

業復上書言:王氏世權日久,朝無骨骾之臣,宗室諸侯微弱,

與繫囚無異。

自佐史以上

至於大吏,皆權臣之黨。(十五下)

高陽侯薛宣有不養母之名。(十五下) 樹達按:何焯云:此因哀帝素惡王氏之專,故爲此奏,與請爲恭王立廟同耳。

樹達按:詳見宣傳。

前後所言,皆合指施行。(十六上) 樹達按:業疏請繼功臣絕世,見高惠高后文功臣表。

杜周傳第三十(漢書六十)

#### 漢書窺管卷七

## 張騫李廣利傳第三十一(漢書六十一)

竟不能得月氏要領。(三上)

師古曰 要,衣要也。

領,衣領也。

凡持衣者則執要與領。

言騫不能得月氏意趣,

無以持歸於漢,

故以要領爲喻。

樹達按:儀禮旣夕禮云:復者朝服,左執領,右執要。

禮記雜記上篇云"襚者執冕服,左執領,

右執

要。 此古人執衣要領之證也

臣在大夏時,見四竹杖、圖布。(三下)

服虔曰:布,細布也。

樹達按:說文十三篇上糸部云: 穩, 蜀細布也。

迺封 

後宣帝復以封王舜爲侯。 師古曰:取其能廣博瞻望。 顏不引地志,但取美名,幾疑無此地名矣。 周壽昌曰:地理志:南陽博望縣。 注: 侯國。 冰經注亦以爲卽騰所封。

樹達按"李慈銘云"漢中世後封侯或於地名取義,如霍去病之冠軍,田千秋之富民,李廣利之海西,

及騫之博望,皆是。

其秋,渾邪王率衆降漢,而金城河西西並南山至鹽澤,空無匈奴。(四上)

錢大昭曰:南監本閩本皆不重西字。 先謙曰:官本不重西字,史記重。

樹達按:景祐本不重西字。

則是斷匈奴右臂也。(五上)

右臂也。 樹達按:趙策張儀說趙王云 "楚與秦爲昆弟之國,而韓魏稱爲東蕃之臣,齊獻魚鹽之地, 此斷趙之

騫還,拜爲大行。(六上)

樹達按一屬為大行,被遣驗問常山憲王子稅告言王太后事,見景十三王傳。

初,天子發書易。(六上)

鄧展曰:發易書以卜。 樹達按:易猶云占,乃動字。 宋祁曰:古本作發易書。 西域傳云:「易之,卦得大過爻九五」。 先謙曰:史記亦作發書易。然詳鄧說,則古本是也。 是其證也。 宋引古本, 果何自

來?未可信也。

來還不能無侵盜幣物及使失指。 天子爲其習之。 輒覆按致重罪,以激怒令贖復求使。

(七上)

張騫李廣利傳第三十一(漢書六十一)

漢

樹達按"顏注「天子爲其習之」云"言其串習,不以爲難,必當更求充使也。 令立功以贖罪。 郭嵩燾云:顏注非也。 漢法 "死罪皆聽贖罪,罪愈重則贖金愈多。所侵盜幣不足當 又注「以激怒令贖」云:

四七六

樹達按:「以激怒令贖復求使,」八字當作一句讀。」武帝意以諸人旣習外國事,故因其有過失,傅致 重罪,輒加覆按致之重罪,使蠲所侵盜以贖。 旣贖而復求使,是以其事益習而其法益 輕

也 以重罪,激怒之使復求使以自贖。 顏全未了,郭說尤繳繞不通,全非史意,王氏取之,疏矣。 蓋欲往使者之衆,不在罪其侵盜失指, 即上文所謂廣其道之意

|騫孫猛,字子游,有俊才,元帝時爲光祿大夫。(九下)

樹達按 一時猛止元帝乘樓船,見薛廣德傳。

使匈奴。(九下)

爲石顯所譖,自殺。(九下) 樹達按:時猛與呼韓邪單于盟約,見匈奴傳。

太中大夫,是猛曾任太中大夫,而本傳脫之。 樹達按:顯譖猛事詳劉向傳。 石顯傳云:自殺於公車,云太中大夫張猛。 向傳初稱光祿大夫,後稱

漢所爲攻宛,以王毋寡。(十一下)

樹達按:自「其外城壞」至「以王毋寡」正文只三十二字,非六十九字也。 王念孫曰:「其外城壞」至「以王毋寡」錯簡正文六十九字,當依史記移置

「攻之四十餘日」下。 王氏雜志原文標題稱「誤

簡正文六十九字」者,以自「匿善馬」至「共殺王」凡三十七字錯簡在上,二事合數之,則爲六十九字

也。雜志原文本極明白,補注不細審核,籠統言之,疏略甚矣。

漢軍取其善馬數十匹。(十二上)

樹達按:陳湯傳云:三十四匹。

校尉王申生、故鴻臚壺充國等。(十二上)

樹達按:充國嘗副司馬相如使西夷,見相如傳。

四人相謂"郁成,漢所毒,今生將,卒失大事。(十二下)

師古曰"卒讀曰猝。先謙曰"恐其猝佚去,事重大也。

樹達按:如顏說,則文義未了。 如王說,則卒失當爲一讀,大事又爲一讀,

文亦未安。

余謂卒當如

字讀,義當訓終,謂終失大事也。失大事猶今言害大事也。

天子爲萬里而伐,不錄其過。(十三上)

危須以西及大宛皆合約殺期門車合、中郎將朝及身毒國使。(十三下) 樹達按:陳湯傳載劉向疏論此事云:孝武以爲萬里征伐,不錄其過。 而字作征,於義爲長。

樹達按:車令事見張騫傳。

漢

### 司馬遷傳第三十二(漢書六十二)

夫陰陽、儒、墨、名、法,此務爲治者也。(四下)

樹達按:武帝尊儒術,而太史談尚黃老,論六家獨首陰陽者,蓋談職掌天官,官守所在故耳。

直所從言之異路,有省不省耳。(四下)

師古曰:言發迹雖殊,同歸於治,但學者不能省察,昧其端緒耳。 直猶但· 也。

樹達按:爾雅釋記云:省,善也。 有善不善,如下文所舉是也。 顏訓省爲省察,似非。

五年而當太初元年,十一月甲子朔旦冬至,天歷始改。(九下)

樹達按:太初歷為選與兒寬所共定,見律歷志及寬傳。

**養秋之中,弑君三十六,亡國五十二,諸侯奔走不得保社稷者不可勝數。**(+1上)

先謙曰:春秋書弑君三十四,亡國四十一,說見向傳。

五十二,弑君三十六。 樹達按:蘇先生云:向傳顏注正作三十六五十二。又按潍南子主術篇云:春秋二百四十二年,亡國

春秋采善貶惡。(十二上)

之惡,故皆錄之於春秋。 樹達按:論衡案書篇云:春秋采毫毛之善,貶纖介之惡。 趙岐孟子注云"孔子舉毫毛之善,貶纖芥

而賈誼、朝錯明申韓。(十五上)

樹達按 挫抑諸侯王,與朝錯 "誼持儒家言甚篤,故上疏有云"今或言禮義之不如法令,胡不引殷周秦事以觀之。 以其主 說同,遂謂誼 明申韓,非事實也。

罔羅天下放失舊聞。(十五上)

先職曰:索隱:有舊聞遺失放逸者,網羅而考論之。

樹達按:失讀爲佚,後世多作逸字。 索隱云放逸,是矣,又云遺失,非也。

是以抑鬱而無誰語。(十六下)

師古曰:無誰語者,言無相知心之人,誰可告語。

樹達按"說文三篇上言部云"「誰,何也。」 呂氏春秋貴信篇云"「信而又信, 此 自謂己無 何語,非謂無人可共語也。 顏注非。 武五子傳云:「立者誰 子? 誰人不親?」誰亦何也。 」誰亦當訓 何

僕又薄從上上雅。(十七下)

樹達按"楊王孫傳云"僕追從上祠雍,字作迫, 李奇曰:薄,迫也,迫當從行也。 如淳曰:遷時從上在鹵簿中也。 足以證明字說。 師古曰:李說是也。

闕然不報,幸勿過。(十七下) 樹達按:莊子盜跖篇云:今者關然數日不見。

爲埽除之隸,在關茸之中。(十八下)

司

「馬遷傳第三十二(漢書六十二)

遷以下蠶室

後爲此職,身同宦豎,非復士類,故有此語也。 樹達按:中書令本名尚書令,武帝游宴後庭,始改今名,初以士人爲之,帝改用宦者。

漢

窺

卷 -6

僕少負不羈之材。(十九上)

書訓負爲恃者甚多,顧解失之。

師古曰:負者,亦言無此事也。 先謙曰:負才猶言恃才。說文:負,恃也。从人守具,有所恃也。

本

樹達按:淮南子說林篇注云:負,抱也。 顏訓固誤, 王說亦非。 人豈有自言其恃才者乎!

誠欲効其欵欵之愚。(二十下)

而僕又茸以蠶室。(二十一上) 樹達按"說文八篇下次部云"數,意有所欲也。 或作款。 徐音苦管切。

師古曰:茸音人勇反,推也,謂推致蠶室之中也。

樹達按:說文十二篇上手部云:揖,推擣也。 顏訓茸爲推,乃讀茸爲搑。

至孔氏篡之,上繼唐虞,下訖秦繆。二十五上)

接其後事,訖於大漢。(二十五下) 樹達按:吳承仕云:繼字無義,字當爲斷。藝文志云:斷自堯典。 儒林傳云:上斷唐虞。 並其證也。

下訖天漢。」張守節史記正義序云:「上起軒轅,下暨天漢。」並本此文爲說, 樹達按:大漢無義,當作天漢。天漢,武帝年號。司馬貞史記索隱序云: 太史公記事, 是唐人所見漢書並不 上始軒轅,

裴駰史記集解序引此文作天漢,尤其明證矣。

#### 武五子傳第三十三(漢書六十三)

太子急,然德言。 樹達按:五行志云:「太子與母皇后議,恐不能自明,乃殺充舉兵。」是與議者不止石德也。 征和二年七月壬午,乃使客爲使者收捕充等。(三下)

父子不和則室家散亡。(三下)

錢大昭曰:散南監本閩本作喪。 先謙曰:官本作喪。

樹達按:景祐本作喪。

張富昌爲題侯。(五上)

及泉鳩里加兵刃於太子者,初爲北地太守,後族。(五下) 樹達按:據金日磾傳及功臣表,是役封者尚有莽通、景建二人。

周壽昌曰:失其名,疑者下有脫文。

樹達按:失名說是,無脫文。

允執其中,天祿永終。(七下)

永終,古注作美義解之,朱子集注訓終爲絕,以爲惡義。今按馬不疑傳云:「威行施之以恩,然後樹 樹達按:論語堯曰篇云:「堯曰:咨爾舜,天之曆數在爾躬,允執其中,四海困窮,天祿永終。」按天祿

武五子傳第三十三(漢書六十三)

窺 管 卷

七

漢

功揚名,永終天祿。」。幾傳載王命論云:「毋貪不可幾,爲二母之所笑,則福祚流于子孫,天祿其永終

矣。」後漢書禮儀志注引靈帝立皇后詔云:「無替朕命,永終天祿。」獻帝禪位冊云:「允執其中,天祿

令終」。必如王嘉傳「亂國亡軀,不終其祿」,薛宣朱博敍傳「位過厥任,鮮終其祿」之言不終或鮮終 者,始屬不祥之義,是也。 三國以後始有用天祿永終爲不祥義者矣。

永終。」合此諸文,知漢人皆不以爲不祥義。

閻若璩謂永終猶洪範之言「考終命」,

大雄之言「高朝

毋迺廢備。(八下)

文例同。 樹達按:史記亦作母乃廢備,於文不順。疑當作「毋廢迺備」,文誤倒耳。上傳云:「迺凶於乃國」,

須期日。(十上)

師古曰:須,待也。

樹達按"說文十篇下立部云"頭,待也。 須省借字。

平聞左將軍素輕易,車騎將軍少而驕。(十二上) 樹達按:昭紀云:票騎將軍上官安。 此車字誤,當作票。

長安中民趣鄉之。(十二上) 師古曰:鄉讀日嚮

樹達按"匈奴傳云"國人鄉之。 顏注云:鄉讀日嚮,謂悉皆附之。

飲井水,水泉竭。(十二上)

宋祁曰 字。此是一本作水,一本作泉,而後人誤合之也。 "越本無泉字。王念孫曰"越本是也, 景祐本亦無。井水二字即承上文言之,不當更有泉 開元占經虹蜺占篇初學記天部下白帖二引此

作井水竭,漢紀同。 先謙曰:官本作井水泉竭。

樹達按"王氏雞志所據本作「飲井水、井水泉竭、」王校刪泉字,故云井水二字即承上文言之,

文,不加別白,致注文與正文不合,亦與王氏本意乖違,疏誤甚矣。 補注用毛本作「飲井水、水泉竭、」與王氏所據本不同。

顧亦錄雜志之

開元

占經諸書並作「井水竭」也。

殿上戶自閉,不可開。(十二下)

樹達按:論衡別通篇云:"旦在明光宮,欲入所臥,戶三百盡閉。 使侍者二十人開戶,戶不開。

大風壞宮城樓,折拔樹木。(十二下)

樹達按"五行志下之上云"燕王都薊,大風雨,拔宮中樹七圍以上十六枚,壞城樓。

流星下墮。(十二下)

樹達按"天文志云"流星下燕萬載宮極,東去。

樊、酈、絳、灌攜劍推鋒,從高帝,墾菑除害,耘鉏海內。(十三下)

師古曰"菑古災字。錢大昭曰"此下脫正文「當此之時頭如蓬葆」八字,又註文「頭久不理如蓬草羽 師古曰:草叢生曰葆,音保」二十字,當據南監本閩本補。 先謙曰:官本有此二十八字。 叉

葆也。

武五子傳第三十三(漢書六十三)

此獨左傳云:「篳路藍縷

引宋祁曰"浙本注文頭字上有「服虔曰」三字。

窺 管 卷 ti

樹達按 "墾災義不相屬。 顧以文有害字,遂以菑爲災字,其說殊誤。 說文一篇下艸部云:菑, 不耕

以啓山林」耳。又按景祐本有二十八字,注無「服虔曰」三字。 引易曰:不菑畬。 鄭注禮記云:一歲曰菑,二歲曰畬,三歲曰新田。

田

也。

動作無法度,故終不得爲漢嗣。(十五上)

先謙曰:霍光傳:昭帝崩、羣臣議立王、有郎上書、言不可承宗廟、遂立昌邑、故云終不得。

樹達按:"昭紀云:「武帝末,戾太子敗,燕王旦廣陵王胥行驕嫚。後元二年二月,遂立昭帝爲太子。」

是胥不得爲漢嗣,出於武帝之意。此昭帝未立以前事,王專據昭帝崩後事言之,非也。

左右皆服。(十五下)

錢大昭曰:服南監本閩本作伏。 先謙曰:註言伏而聽之,是顏所見漢書本作伏也。 官本正作伏。

後延壽坐謀反誅。(十五下)

樹達按:景祐本作伏

樹達按:事詳楚元王傳。

萬里召兮郭門閱。(十六下)

師古曰:蒿里,死人里。

樹達按:說文四篇下死部云:薨,死人里也。 蒿,假字

死不得取代庸,身自逝。(十六下)

古曰:言死當自去,不如他徭役得顧庸自代也。 王念孫曰: 代字句絕。 庸用古字通。 蒼頡篇:

樹達按 以也。 "方言云"庸, 灰, 比, 侹, 更, 佚, 代也。 代庸同義, 言死不得取代,當以身自往也。 如顏 說,則當以死不得取代庸爲句,大爲不詞 故得連文。 代庸亦可倒云庸代。 鹽鐵論

也。」本書景帝紀云:「東發民若取庸采黃金珠玉者,坐臧爲盜。」周勃傳云:「取庸 禁耕篇云:「責取庸代」」是也。顧云顧庸自代,非是。 淮南子繆稱篇云:「取庸而強飯之, 一、苦之, 不與錢。 莫之愛

後漢書光武紀云:「吏人死亡,或在壞垣毀屋之下,而家羸弱,不能收拾者,其以見錢穀取傭,爲尋 求之。」取庸爲漢人恆語,本文云取代庸,獨諸書云取庸也。 顏於代庸斷句,是矣,不知代庸同義

以顧庸自代爲釋,則非是。王以庸字下屬,尤失之。

幸而 李慈銘曰"阮元擘經室三集世泉山獲石記云"嘉慶十一年,甘泉山惠照寺階下獲四石,其一石有中 得葬,薄之,無厚也。(十七上)

殿第廿八字,體在篆隸間。

樹達按 . 阮集原文作淮南属 王胥,淮南 二字明是廣陵之誤。 李引阮文, 王采李説, 皆不加校正, 何

江鄭堂謂卽淮南厲王冢上石也

立二十年,薨。(十七下)也?又按石疑廣陵王宮殿石,江云冢上石,不知何據。

先謙曰:表:十七年薨。 案宏以居攝二年嗣,則守薨於居攝元年, 距元延二年立恰十七年,

武五子傳第三十三(漢書六十三)

漢

此誤。

彼說是也。

樹達按:表下王氏云:「傳作二十年,皆誤。

元延二年至居攝元年十八年。」

與此自相違異。

據表

昌邑哀王髆,天漢四年立,十一年,薨。(十七下)

樹達按:表亦作十一年。據武帝紀,髆以後元元年薨,則當云十年,傳表皆誤。

其日中,賀發,晡時至定陶,行百三十五里。(十八上)

樹達按:張敞傳敞諫昌邑王有云:「東迎之日,唯恐屬車之行遲,」故急迫如此。

先謙曰:從人衆也。

侍從者馬死相望於道。(十八上)

道買積竹杖。(十八上) 樹達按:此以行疾,故馬多死耳。 王說誤。

賜湯沐邑二千戶。(十九上) 樹達按"據太平御覽卷七百十引新序,於榮陽買之。

樹達按:表作三千戶。

集宮中,王知,惡之,輒以問郎中令遂,遂爲言其故,語在五行志。(十九上) **嘗見白犬高三尺,無頭,其頸以下似人,而冠方山冠。** 後見熊,左右皆莫見。

又大鳥飛

四八六

樹達按:五行志記問遂者止犬熊二事,大鳥事未見。 論衡遭虎篇云三王以問遂,遂對曰三夷鴣,

野

鳥,入宮,亡之應也。」

王夢青蠅之矢積西階東,可五六石,以屋版瓦覆。(十九下)

樹達按:論衡商蟲篇記此事作西階下。

願詭禍爲福。(二十上)

師古曰:詭猶反。

心內忌賀,元康二年,遣使者賜山陽太守張敞璽書。(二十上) 樹達按:跪當讀爲恑。 說文十篇下心部云"恑,變也。廣雅釋言云"恑,反也。

樹達按:微傳云:宣帝心憚賀,徙敞爲山陽太守。

傳子至孫,今見爲。(二十二上)

錢大昭曰:爲下南監本閩本有侯字。 先謙曰:官本有侯字。

樹達按:景祐本有侯字。

頭盧相屬於道。(二十三上)

樹達按:說文九篇上頁部云:顱,預顱,首骨也。盧,省假字。

樹達按"宜公十二年左傳"楚莊王云"夫文,止戈爲武。

是以倉頡作書,止戈爲武。(二十三上)

武五子傳第三十三(漢書六十三)

# 嚴朱吾丘主父徐嚴終王賈傳第三十四上(漢書六十四)

上令助等與大臣辨論,中外相應以義理之文,大臣數詘。(一下)

樹達按一下記助調田蚡,及朱買臣難調公孫弘築朔方,吾丘壽王難弘禁民挾弓弩,皆其事也。

迺遣助以節發兵會稽。(二上)

朱一新曰:案武紀及兩學傳,建元三年事。

越,方外之地,劗髮文身之民也。(三下)

樹達按"上文明云建元三年,朱說殊贅。

朱氏管見無此條,宜矣。

晉灼曰:淮南云:越人慟髮,張揖以爲古翦字也。

師古曰: 慟與翦同, 晉說是也。

先謙曰:治要正作

官本下晉作張,是。

樹達按:晉引淮南書見齊俗篇。晉說是也,景祐本作張說是也。

處谿谷之間,篁竹之中。(三上)

服虔曰:竹叢也, 吾皇。師古曰:竹田曰篁。 樹達按"竹叢所在,即是竹田,服顏說不異也。 且下文不云:夾以深林叢竹乎? 圧是顏而非服, 先謙曰 顏說是。說文及史記樂毅傳引徐廣同。

頗

難索解。

以地圖察其山川要塞,相去不過寸數,而間獨數百千里。(三上)

四八八

師古曰"間,中間也。或八九百里,或千里也。郭嵩燾曰"說文"間,隙也, 言其隙地與所著山川要

塞曠遠不相屬,其中險阻林叢必尚多,弗能詳也。 間讀爲古莧切,謂相間隔之意。

樹達按 先生卓識宏文,訓詁非其所擅。 :顏說是也。 此謂地圖中相距寸數之地,中間實有數百千里也。 王氏屢加稱引,適彰先生之短,殊無謂也。 文義甚明,郭說誤甚。養知

興轎而隃嶺。(四上)

服虔曰:輿,車也。

得通用。

樹達按:輿當讀爲昇。 說文三篇上昇部云"昇,共舉也。 輿轎與下拕舟爲對文。輿字从舁聲, 故

前時南海王反,陛下先臣使將軍間忌將兵擊之,以其軍降,處之上淦。(四下) 樹達按"五行志下之上云"文帝二年六月,淮南王都壽春大風,毀民室殺人。劉向以爲"是歲南越王

反,攻淮南邊,淮南王長破之云云,則事在文帝二年也。

長老至今以爲記。(四下)

先謙曰:書其事爲監戒。

樹達按…圧讀記爲書記之記,故云書其事,以意不了,又增爲監戒以足之, 可謂迂矣。 說文三篇上言部云: 謁,誠也。 此言至今以爲誠耳。

今按記假爲

鼂不及夕。(五上)

四九〇

師古曰:量古朝字也

不可信。 樹達按:說文十三篇下黽部云:量, 医量 此字用杜林說,較爲有據耳。 也。 从黽,从旦。 杜林以爲朝旦,非是。 按顏所云古字,多

歷歲經年,則士卒罷動,食糧乏絕。(六下)

師古曰:勧亦倦字。

樹達按:說文八篇上人部云:倦、罷也。故顔說云然。 卷省聲。 勧从力从卷,當爲券之或字,从卷聲不省耳。 惟說文十三篇下力部又云:券,勞也。

从力,

秦之時,嘗使尉屠睢擊越,又使監祿鑿渠通道。越人逃入深山林叢,不可得攻。 守空地,曠日持久,士卒勞倦,越迺出擊之。秦兵大破,迺發適戌以備之。(六下) 樹達按:淮南子人間篇云:秦皇利越之犀角象齒翡翠珠璣,乃使尉屠睢發卒五十萬,爲五軍, 留軍屯

獸處,莫肯爲秦虜,相置桀駿以爲將,而夜攻秦人,大破之,殺尉屠睢,伏尸流血數十萬, 弛弩,使監廠轉餉,又以卒鑿渠而通糧道,以與越人戰,殺西嘔君譯吁宋,而越人皆入叢薄中,與禽 塞鐔城之嶺,一軍守九疑之塞,一軍處番禺之都,一軍守南野之界,一軍結餘干之水,三年不解甲 乃發適戍 一軍

以備之。

農夫勞而君子養焉,愚者言而智者擇焉。(八上)

沈欽韓曰:語見文子上德篇。 趙策:武靈王胡服,趙文諫,語同。

樹達按:語亦見淮南子說林篇。

助還, 簡策者也。下文則助申述帝意之辭,由助口說者也。 樹達按:此言諭淮南,下又有「助諭意曰」云云,文似複沓,實則不然。 別有駿諭指之辭,與此傳正同。 又渝淮南日。(八下 特彼文明記璽書,較爲明晰,然正可以彼證此也。 宣元六王傳元帝遣王駿賜淮陽王欽璽書,又 蓋此爲武帝諭王之辭, 載之

是以比年凶菑害衆。(八下)

師古曰:菑古災字。

樹達按: 菑爲菑畬字, 與災字略不相涉。 書傳以音同假菑爲災,非古災字也。

事 效見前。(十上)

師古曰:見、顯也。 前謂目前。 先謙曰:言事效已見於前所云也,顏注非。

樹達按:顏說是也。

助侍燕從容。(十下)

君厭承明之廬。(十下) 樹達按:助嘗爲汲黯請告, 因言黯之爲人,見黯傳。

樹達按:承明,殿名,在未央宮。 霍光傳:皇太后車駕幸未央承明殿, 是也。 亦見翼奉傳

間者闊焉久不聞治,具以春秋 對,毋以蘇秦縱橫。(十下)

嚴朱吾丘主父徐嚴終王賈傳第三十四上(漢書六十四)

漢

樹達按:武帝崇儒術,罷黜百家,賜助書云云,猶此志也。

朱買臣字翁子。(十一上) 李慈銘曰:翁子即公子也。 如儒林傳劉公子,游俠傳高公子羽公子,尹翁歸傳暴公子之比。

後漢

字仲翁,豈可盡改作公字耶?尹翁歸傳無暴公子,雋不疑傳有之。 郭解字翁伯,金日磾字翁叔,趙充國字翁孫,頁禹字少翁,疏廣

樹達按:字以表德,無勞改字爲說。

薛漢亦字公子。

富貴不歸故鄉,如衣繡夜行,今子何如?(十二下)

視其印,會稽太守章也。(十二下)

樹達按"此項籍語也,當時君臣間脫略如此。

傳。 時猶與漢制 樹達按:古者居官一人一印。宋書五十六孔琳之傳云:傳國之璽, 今世唯尉一職獨用一印,至於內外羣官,每遷悉改。 同也。 愚請衆官即用一印, 歷代迭用;襲封之印, 無煩改作。 知六朝 奕世相

會東郡盜賊起,拜爲東郡都尉。 樹達按:論衡定賢篇云:上以壽王之賢,不置太守。 上以壽王爲都尉,不復置太守。(十四下)

及至連十餘城之守。(十四下)

樹達按:守字論順作勢,義似較長。

職事並廢,盜賊從橫。(十四下)

樹達按"論衡云"盗賊浮船,行攻取於庫兵。

是以巧詐並生,知者陷愚。(十五上)

樹達按:景祐本是以二字在巧詐句下。

錢大昭曰:南監本閩本是以二字俱在巧詐並生之下。

先謙曰:官本與監、閩本同、治要亦同。

是日賜壽王黃金十斤。(十六下)

樹達按:壽王爲武帝計建上林苑事,見東方朔傳。

晚迺學易春秋百家之言。(十六下)

在立下,写写了隔。(十七上)樹達按::儒林傳::偃受易於王同。

元光元年,迺西入關。(十七上)

天下既平,天子大愷。(十七下)樹達按:偃候董仲舒,竊其說災異書奏之,見仲舒傳。

樹達按"說文五篇上豈部云"豈,還師振旅之樂也。 應劭曰"大愷,周禮還師振旅之樂也。 沈欽韓曰:見司馬法仁本篇。 此本字,文假愷爲豈。

上以德施,實分其國,必稍自銷弱矣。(十九下)

嚴朱吾丘主父徐嚴終王賈傳第三十四上(漢書六十四)樹達按:銷讀爲削,二字同從肖聲,故得通用。

四九四

尊立衞皇后及發燕王定國陰事,偃有功焉。(十九下)

偃始爲布衣時,嘗游燕趙。及其貴,發燕事。趙王恐其爲國患,欲上書言其陰事。爲居中, 樹達按:偃之尊立衞后,所以報衞將軍薦己之德也。

先謙曰:趙王,景帝子彭祖。

不敢發。(二十下)

樹達按…彭祖太子與女弟及同產姊姦,後爲江充所告,此正與燕王事同,彭祖之恐蓋以此。

公孫弘爭曰:齊王自殺,無後,國除爲郡入漢。 樹達按一誅首惡乃春秋義,見僖公二年處師晉師滅夏陽公羊傳。弘本學春秋, 偃本首惡,非誅偃,無以謝天下。(三十下) 此弘傳所謂緣飾以

迺遂族偃。(二十下)

儒術者也。

樹達按"偃之獄咸宣所治,見宣傳。

金石絲竹之聲不絕於耳,帷幄之私俳優朱儒之笑不乏於前,而天下無宿憂。〇二十二下) 樹達按:齊策蘇秦說齊閱王云:「故鐘鼓竽瑟之音不絕,地可廣而欲可成;和樂倡優侏儒之笑不

乏,諸侯可同日而致也。諸侯無成謀,則其國無宿憂矣。 此樂語所本。

嚴朱吾丘主父徐嚴終王賈傳第三十四下(漢書六十四)

臣聞鄒衍日。(一上)

錢大昭曰:衍南監本閩本並作子。 先謙曰:官本作子。

樹達按:景祐本作子。

故姦軌浸長。(一下)

心旣和平,其性恬安,恬安不營,則盜賊銷。(一下)

樹達按:說文七篇下点部云:完,姦也。

外爲盜,內爲宄。

文假軌爲完。

及秦皇帝崩,天下大畔。(三上)

樹達按:營當讀爲管。

說文四篇上目部云"管,惑也。不管謂不爲物欲所惑。

樹達按:畔假為叛。

禍拏而不解。(三下)

師古曰"拏,相連引也。音女居反。錢大昭曰"拏當作紛挐之挐。霍去病傳"漢匈奴相紛挐。

曰:官本正文及注皆作挐,此本誤也。 觀顏音,則所見本亦作挐。

樹達按"說文十二篇上手部云"琴,牽引也。

挐,

持也。

顏訓連引,

正是拏字之訓。

王云挐之誤

先謙

非也。

今野獸幷角,明同本也。(六上)

樹達按:論衡 嚴朱吾丘主父徐嚴終王賈傳第三十四下(漢書六十四) 講 瑞 篇云:終軍日 "「野禽幷角,明天下同本也。」不正名驎而言野禽者,終軍亦疑, 四九五

無

以審也。 漢 書 窥

> 管 卷 七

衆支內附,示無外。(六上)

樹達按…支字當作枝。上文云:其枝旁出,輒復合於木上,可證。 論衡指瑞篇正作枝。

賜絹百匹。」是軍於白麟奇木二事外尙有所對也。

斯拱而竢之耳。(六上)

樹達按:爾雅釋獸云:豹文,與鼠。

郭注云:「鼠文采如豹者。

漢武帝時得此鼠,

孝廉郎終軍知之,

偃以春秋之義,大夫出疆,有可以安社稷存萬民,韻之可也。(六下)

樹達按:班公十九年公羊傳云:聘禮:大夫受命不受辭。出竟,有可以安社稷利國家者;專之可也。

樹達按:見公羊隱公元年,桓公八年,成公十一年傳。

故春秋王者無外。(六下)

此言與實反者非?(七上)

師古曰:重問之。先謙曰:謂此明係言與實反,偃能以此語爲非情實乎?詰責之辭,故顏 云重問之。

否也。 獻帝起居注云:"天子出到宣平門,當度橋,汜兵數百人遮橋,曰:是天子非?」是天子非,即是天子 樹達按:非字用於句末,與否字用同。 王云 偃能以此語爲非情實乎?增字釋之,非是。 此言與實反者非, 卽此言與實反否也。 後漢書董卓傳注引

關吏予軍糯。(七下)

張晏曰:繻音須,繻,符也。 書帛裂而分之,若券契矣。 蘇林曰:繻,帛邊也。 舊關出入皆以傳。

傳

煩,因裂繻頭,合以爲符信也。 師古曰:蘇說是也。

樹達按:編說文字作輸。 七篇下巾部云:喻、繒耑裂也。

啓前行。(八上)

先謙曰:啓當作開,此後人回改。

樹達按:詩大雅公劉云:爱方啓行。

毛傳釋啓行爲開道路。

以先啓行。

又小雅六月云"元戎十乘,

軍正用詩文,王說誤。

臣年少材下,孤於外官。(八上)

師古曰:孤,遠也。

任一方之寄。惲給事中,得列宿衞,顏以爲非侍衞之臣,非也。

外官謂非侍衞之臣也。

先謙曰"外官,官於外而捍邊境也。

自言孤負所願

不

樹達按…王釋句義較顏爲晰。至顏云非侍衞之臣,乃釋外官二字,不謂軍也。

王駁誤矣。

益召高材劉向、張子僑、華龍、柳襃等待詔金馬門。(八下)

樹達按:御覽二百二十一引劉向別錄云:孝宣皇帝重申不害君臣篇,使黃門郎張子喬正其字。張子

宣帝召見武等觀之。(九上)

喬卽此張子僑。

樹達按"武傳云"召見於宣室。

嚴朱吾丘主父徐嚴終王賈傳第三十四下(漢書六十四)

褒旣爲刺史作頭,又作其傳。(九上)

師古曰:解釋頌歌之義及作者之意。 郭嵩燾曰::顏注非也。 傳者,依聲應律,傳其音容節奏以合雅

樂,作蓋 興起之義,即上中和樂職宣布詩所依鹿鳴之聲,不宜異訓。

樹達按:文選卷五十一載裹四子講德論序云:「裏既為益州刺史王襄作中和樂職宣布之詩,

叉作

論 之意者,則顏注不誤。 傳,名曰四子講德以明其意焉。」是所謂傳者,即四子講德論也。 云…刺史見太上聖明、股肱竭力、德澤洪茂、黎庶和睦,天人並應,屢降瑞福, 郭氏不求訓詁之安,不考諸事實,喜爲憑臆之談,王氏取之,疏矣。又按講 其文正 一所以解釋頌歌之義及作者 故作三篇之詩以歌

夫荷旃被毳者,難與道純綿之麗密。(九下)

詠之也。是上文中和樂職宣布詩,顏釋爲詩三篇、

亦不誤。郭謂中和樂職爲協律之意,亦是臆說。

師古曰:純,絲也。 謂織爲繒帛之麗,絲纊之密也。 一說:純綿,不雜綿也。

羹黎哈糗者,不足與論太牢之滋味。(九下)

先謙曰:黎官本作藜。 王闓運云:說文:黎,履黏也。 黏以黍米,蓋若今漿粉,故可羹以充飢,

樹達按"說文十三篇上糸部云"純,絲也。

八篇上毛部云:藍,然毛也。

此假旃爲氈。

與糗

之熬米以爲乾糧,二者皆窮餓聊自救之物。 若作藜,不甚與糗對。

樹達按 :景祐本作藜,是也。 羹藜,所謂藜藿之羹也。 闓運據誤文曲說,不可從。

所任賢,

則趨舍省而功施普。(十上)

先謙曰:省亦少也。 趨舍省言不煩改變。

樹達按:趨舍與少義不貫,王氏強說。 爾雅釋詁云:省,善也。

越砥斂其咢。(十上)

師古曰:"咢,刃旁也。

樹達按:說文四篇下刀部云:劉,刀劍刃也。

咢,省借字。

不單頃耳而聽已聰。(十四上) 樹達按:錫作予義用者皆假爲賜。說文六篇下貝部云:賜,予也。

以同从易聲通假

剖符錫壤而光祖考。(十二下)

師古曰:單,盡極也。頃讀曰傾。

其後太子體不安,苦忽忽善忘,不樂。(十四下)

樹達按:單假爲殫。說文四篇下支部云:殫,極盡也。

先謙曰:事詳外戚傳。

太子喜慶所爲世泉及洞簫頌。(十四下)

樹達按:此以悲司馬良娣之死故也。事具元后傳,非外戚傳也。

樹達按 一藝文類聚六十二引慶甘泉宮頌,文選及類聚四十四並載洞簫賦 全文。

後方士言:益州有金馬碧雞之寶,可祭祀致也。 嚴朱吾丘主父徐嚴終王賈傳第三十四下(漢書六十四 宣帝使慶往祀焉。(十四下)

漢

沈欽韓曰"後漢西南夷傳注"王襄碧雞頌曰"持節使者王襄謹拜,南崖敬移金精神馬標碧之雞, 五〇〇

處

南之荒,深谿回土,非上之鄕。 歸來歸來,漢無疆。 廉平唐虞,澤配三皇。

樹達按:文選廣絕交論注引云:黃龍見兮白虎仁,歸來歸來,可以爲倫。

歸來翔兮,何事南荒。

含氣之物,各德其宜。(十五下)

錢大昭曰:德南監本閩本作得。 先謙曰:官本作得,是。

樹達按:景祐本作得。

及其衰也,南征不還。(十六上)

樹達按"此用左傳「昭王南征而不復」語。

賈誼傳左氏,捐之蓋承其家學也。

太倉之粟,紅腐而不可食。(+七上)

師古曰 :粟久腐壞則色紅赤也。

樹達按"紅假爲紅。說文七篇上米部云"紅,陳臭米。

都內之錢貫朽而不可校。(+七上)

樹達按:說文六篇下貝部云:貫,錢貝之貫。

相枕席於道路。(十八上) 樹達按:淮南子本經篇云 "民之專室蓬廬無所歸宿,凍餓飢寒死者相枕席也。

枕席與枕藉同,席與

藉音義並相近。

詩云:蠢爾蠻荆,大邦爲讎。(千八上)

師古曰:詩,小雅采芑之詩。蠢,動貌也。 蠻荆,荆州之蠻也。 言敢與大國爲讎也。

樹達按:大邦爲讎,猶言大邦是讎也。 蘇武傳云 "何以女爲見?句例同。 師古釋非。

臣 愚以爲:非冠帶之國,禹質所及,春秋所治,皆可且無以爲。(十八下)

事已決矣,尙何以爲?」言此書尙何用也。 師古曰"爲猶用也。王引之曰:皆可且無以用殊爲不辭。今案:無以者無用也,爲, 論語:「叔孫武叔毀仲尼。 凡言無以爲, 何以爲者;皆謂無用也。 子貢曰:無以爲也!」言無用 郊祀志:寶鼎 語助耳。 言非

何用也,爲字皆是語助。 古書若是者多矣,詳見經傳釋詞。

叉曰:「何以文爲!」「何以伐爲!」言何用文,何用伐也。

又曰:「雖多,亦奚以爲?」言雖多

不當混 做不用 毀也。

無以爲猶今語言不用

樹達按…王釋無以爲無用,是也, 而以爲爲語助, 則非。 爲猶治也,

視。 辦也。 俱屠,無爲也。」是也。 無以爲又或但云無爲。。高紀云:「沛今共誅令,擇可立立之以應諸侯,卽室冢完。不然,父子 論語之「無以爲,」亦言不用毀也。 與諸言「奚以爲」「何以爲」爲反詰語氣者不同,

而長安令楊興新以材能得幸。(十九下)

樹達按 劉向傳云:興者,傾巧士也。

顯鼎貴。(二十上)

漢

如湻曰:鼎音釘,言方且欲貴矣。師古曰:方且是也,讀如本字。

樹達按: 鼎本字無方且之義, 當讀爲正。 史記五帝紀曰:「我思舜, 正鬱陶。」此正字之義也。

正來也。 鼎與正古音同,故得通假。

貴者,顯正貴也。

賈誼傳云:「天子春秋鼎盛,」謂春秋正盛也。 医衡傳云:「毋說詩,匡鼎來,」謂医

持正六年,未嘗有過。(三十下)

樹達按:正讀爲政。

用之介胄,則冠軍侯。(二十下)

樹達按:冠軍侯,霍去病也。

## 東方朔傳第三十五(漢書六十五)

東方朔,字曼倩,平原厭次人也。(二上)

樹達按:水經注五河水篇云:厭次縣西有東方朔冢,冢側有祠。

臣少失父母,長養兄嫂。 年十三學書,三冬文史足用。(一下)

之,則十二是也。 先謙曰"十三官本作十二,引宋祁曰"十二景本作十三。先謙案三冬謂三年,學書三年,除十五數

樹達按:風俗通正失篇云:「十二失父,長養兄嫂。 十三學書。」則作十三者是也。

王云十五除三為

顯鼎

十五學擊劍。(二下)

樹達按:風俗通云:十四擊劍。

臣朔年二十二。三上

樹達按"二十二風俗通作二十三。

目若懸珠,齒若編貝。(三上)

沈欽韓曰:韓詩外傳九引傳曰:「目如擗杏,齒如編具。」古語已久。

樹達按"莊子盜跖篇云"唇如激丹,齒如齊貝。

捷爲捷。 樹達按"說文十二篇下手部云"捷,獵也,軍獲得也。八篇上人部云"倢,依也。

伙,

便利也。

此假

捷若慶忌。(二上)

久之,朔紿騶朱儒。(三下)

樹達按:淮南子繆稱篇云:「侏儒瞽師,人之困慰者也,人主以備樂。」 按侏儒即後世之伶官。 紿假

爲治。說文三篇上言部云:治,相欺詒也。

耕田力作,固不及人;臨衆處官,不能治民;從軍擊虜,不任兵事:無益於國用, 徒索衣

東方朔傳第三十五(漢書六十五)

食。(二下)

書 親 管 卷 七

樹達按:人民,古真部韻。 成韻,所謂口諧也。故此傳韻語皆詳記之。 事,咍部。食, 德部。 哈德平入爲韻。按下文云:「朔口諧辭給;」出言

朱儒飽欲死,臣溯飢欲死。臣言可用,幸異其禮!不可用,罷之,無令但索長安米。(三上)

樹達按:死、禮、米,古微部韻。

因使待詔金馬門。(三上)

樹達按"後書馬援傳云"孝武皇帝時,善相馬者東門京鑄作銅馬法, 則更名魯班門日金馬門。 獻之。 有韶立馬於魯班門外,

臣以爲龍又無角,謂之爲虵又有足,跂跂脈脈善緣壁,是非守宮即蜥蜴。(三上)

師古曰::跂跂,行貌也。脈脈,視貌也。

樹達按"說文十三篇上虫部云"蛟,行也。此本字。 二篇下足部云"跂,足多指也。此假跂爲蚑。脈 假爲脈。 四篇上目部云:版,目財視也。 角足,屋部韻。 壁蜴,錫部韻。

樹達按"射、百、帛,古鐸部韻。臣願令溯復射,朔中之,臣榜百;不能中,臣賜帛。(三下)

溯曰:生肉爲膾,乾肉爲脯。著樹爲寄生,盆下爲**寠數**。(四上) 樹達按:脯,模部。 數,侯部。 二部音近,漢人多合用。

|朔笑之曰:咄! 口無毛,聲警警,尻益高。(四上) ||梅遠找 腓 楊帝 婁 倭帝 二帝看近 ||漢人多合

樹達按:口無毛,謂後竅。 毛、謷、高,古豪部韻。

**搠曰:夫口無毛者,狗竇也;聲謇謇者,烏哺鷇也;尻益高者,鶴俯啄也。(四下)** 

師古曰:啄,鳥嘴也。啄音竹救反。

至明,無煩改讀。竇,覺部。縠、啄,屋部。二部合韻。 樹達按:據顏音訓,乃讀啄爲昳。然說文二篇上口部云:啄,鳥食也。

文謂鶴俯食則尻益高,

文義

令壺齟,老柏塗,伊優亞, 标吽牙,何謂也?(四下)

樹達按:鼬、塗、亞、牙,古模部韻。

齟者,齒不正也。(五上) 樹達按:翻說文作髗。二篇上齒部云:體,歸齒也。

齬,齒不相值也。

柏者,鬼之廷也。(五上) 惟知愛深松茂柏。 師古曰:言鬼神尚幽閣,

故以松柏之樹爲廷府。沈欽韓曰"陵寢兆域爲柏城。

齊書王僧虔傳;鬼

樹達按:古人墓上樹柏。 「勿隨俗動吾冢,種柏作祠堂。」知漢世猶如此。 史記晉世家云:「重耳妻笑曰: 犂二十五年,吾冢上柏大矣。」 顏說鑿空,沈亦未能探本。 襲勝傳云:

伊優亞者,辭未定也。(五上)

樹達按:說文二篇上口部云:優,語未定貌。 優優聲類同。

東方朔傳第三十五(漢書六十五)

五〇五

漢書類管卷七

称件牙者,兩犬爭也。(五上)

又云: , 放, 兩犬相齧也。 从二犬。 吾語斤切。 按語斤切即銀音, 此與兩犬爭義正合。 樹達按"說文十篇上犬部云"称,犬怒貌。 从犬,示聲。讀又若銀。 按許讀與上注應劭音銀者同。 又云 犬

吠聲。亦語厅切。狋吽牙,殆象犬吠聲,則祈其本字矣。盛、正、敬、廷、徑、定、爭,古青部韻。 或入眞部,然恆與青部通叶。

臣聞:謙遜靜慤,天表之應,應之以福;驕溢靡麗,天表之應,應之以異。(七下)

樹達按:福、異,古德部韻。

弋獵之處恐其不廣也。(七下)

樹達按"說文四篇上生部云"地,繳射飛鳥也。从隹,弋聲。弋,省借字。

失殷作九市之宮而諸侯畔,靈王起章華之臺而楚民散,秦興阿房之殿而天下亂。(八下) 樹達按:畔、散、亂,古寒部韻

是乃國家之大賊,人主之大蜮。(十二下)

師古曰:蜮,魅也。 音或。 說者以爲短狐,非也。 短狐,射工耳,於此不當其義, 今俗猶云魅蜮也。

樹達按 <u>源注云:「蜮或作鰧,食心曰螟,食葉曰螣。</u> 劉攽曰:劉向說春秋,蜮,南方淫氣所生以應哀姜。然則朔正用指偃爾,何必遷就魅蜮也 ::蜮當讀爲蟘。說文十三篇上虫部云:「蟘, 兗州謂蜮爲騰,音相近也。」按腦亦蟘之音假字,蓋蟘之 食苗葉者。」 呂氏春秋任地篇云:「又無螟蜮。」

根,蟊。」此文蜮與賊對,蜮賊正爲一類,顏劉說俱未是。賊、蜮,古德部韻。 假爲螣,猶騰之今字作黛,滕之今字作袋也。爾雅釋蟲云:「食苗心,螟;食葉,蟘;食節,賊;食

伯姬燔而諸侯憚。(十二下)

應劭曰"憚,敬也,敬其節直也。蘇輿曰"襄三十年經"諸侯會于澶淵,宋災故。公羊傳"會言其所

爲者,錄伯姬也。何注:重錄伯姬之賢,爲諸侯所閱憂。憚與怛同,怛,憯也,即閱憂意。

樹達按:穀梁傳云:「澶淵之會,中國不侵伐夷狄,夷狄不入中國,無侵伐八年,善之也。晉趙武、楚

第云閱憂,似與朔立言之意不合。燔、憚,古寒部韻。

屈建之力也。」疏引徐邈云:「晉趙武、楚屈建感伯姬之節,故爲之息兵。」據此應劭敬憚之說是也。

夫宣室者,先帝之正處也,非法度之政,不得入焉。(十二下)

樹達按一賈誼傳記文帝受釐宣室,宣帝嘗齋居之以決事,足爲朔語之證。

是以豎刁爲淫而易牙作患,

慶父死而魯國全,

管蔡誅而周室

樹達按:篡、患、全、安,古寒部韻。

故淫亂之漸,其變爲篡。

安。(十二下)

貴爲天子,富有四海。(十三下)

樹達按:子、海,古哈部韻。

身衣弋綈,足履革鳥,以韋帶劍,莞蒲爲席。(十三下)

東方朔傳第三十五(漢書六十五)

五〇八

大夫士庶常用之物也。爲、席,古鐸部韻。

樹達按:鹽鐵論散不足篇云:「及其後大夫士蒲平單莞。」又云:「庶人輓鞮革鳥。」然則文帝所御,乃

兵木無刃,衣緼無文。(十三下)

樹達按:刃、文,古痕部韻。

狗馬被繢罽。(十四上)

師古曰: 罽,織毛也。卽氍毹之屬。

樹達按:說文十三篇上系部云:獨,西胡毳布也。 罽乃省借字。

飾文采,樷珍怪。(十四上)

樹達按:采、怪,古哈部韻。

易曰:正其本,萬事理。 撞萬石之鐘,擊雷霆之鼓,作俳優,舞鄭女。(十四上) 樹達按:置,古雷字。鼓、女,古模部韻。

失之豪氂,差以千里。(十四上)

樹達按:理、里,古哈部韻。

朔雖詼笑。(十四上)

樹達按:談說文字作悝。 師古曰:該,潮戲也。 詼笑,謂嘲謔發言可笑也。 十篇下心部云"悝,啁也。

宋萬爲式道候。(十五下)

樹達按:續漢書百官志云:本有式道左右中候三人,六百石。 車駕出, 掌在前清道,還,持麾,至宮

門,宮門乃開。

臣觀其臿齒牙,樹頰胲,吐脣吻,擢項頤,結股腳,連雕尻。(十六上)

樹達按"此謂其徒具人形也。胲、頤,古哈部韻。尻,古幽部。二部音近通叶。

遺蛇其迹。(十六上)

樹達按:遺蛇卽逶蛇。莊子田子方篇注云:遺蛇其迹。 釋文云:遺又作逶。

指意放蕩。(十六下)

著於竹帛,脣腐齒落,服膺而不釋。(十六下) 樹達按"說文十篇下心部云"指,意也。 惕,放也。 此假指爲情,假蕩爲惕。

樹達按:帛、落、釋,古鐸部韻。

自以智能海內無雙。(十六下)

沈欽韓曰:鹽鐵論毀學篇:東方朔自稱辯略消堅釋石,當世無雙。 樹達按:見褒賢篇,沈誤記。

得士者疆,失士者亡,故談說行焉。 身處尊位,珍寶充內,外有廩倉。 澤及後世,子孫長

7 (11

東方朔傳第三十五(漢書六十五)

樹達按:彊、亡、行、倉、享,古唐部韻。

今則不然。 聖帝流德,天下震懾,諸侯賓服。(十七上)

樹達按:德、服,古德部韻。

連四海之外以爲帶,安於覆盂。(十七上)

樹達按:八字當有。 盂、家,古模部韻。 周壽昌曰:此下文選有天下均平,合爲一家八字。先謙曰:史記同。

虜,抗之則在青雲之上,抑之則在深泉之下,用之則爲虎,不用則爲鼠。 遵天之道,順地之理,物無不得其所。 故綏之則安,動之則苦,尊之則爲將,卑之則爲 衣食,或失門戶。使蘇秦張儀與僕並生於今之世,曾不得掌故。(十七上) 安知前後。夫天地之大,士民之衆,竭精談說,並進輻輳者不可勝數。 雖欲盡節效情, 悉力慕義,困於

樹達按:所、苦、虜、下、虎、鼠、戶、故,古模部韻。後、數,侯部。二部合韻。

太公體行仁義,七十有二,迺設用於文武,得信厥說。 樹達按:說、絕,古月部韻 封於齊,七百歲而不絕。(十七下)

此士所以日夜孳孳,敏行而不敢怠也。(十八上) 樹達按:孳、怠,古哈部韻

辟若點鴿,飛且鳴矣。(十八上)

樹達按:傷、鳴,眞青二部合韻。

(獎曰:天不爲人之惡寒而輟其冬,地不爲人之惡險而輟其廣,君子不爲小人之匈匈而易 其行。(十八上)

樹達按:冬,鍾部。廣、行,唐部。 合韻。

天有常度,地有常形,君子有常行。君子道其常,小人計其功。詩云:禮義之不愆,何恤

人之言!(+八上)

樹達按:荀子天論篇云:天有常道矣,地有常數矣,君子有常體矣。 君子道其常,而小人計其功。詩 曰:何恤人之言兮,此之謂也。

故曰:水至清則無魚,人至察則無徒。(+八上) 樹達按:魚、徒,古模部韻。

枉而直之,使自得之;優而柔之,使自求之;揆而度之,使自索之。(+八下)

樹達按:六語見大戴禮記入官篇。直、得,德部。柔、求,幽部。度、索,鐸部韻。

今世之處士,魁然無徒,廓然獨居,上觀許由,下察接興,計同范蠡,忠合子胥, 平,與義相扶。(十八下) 天下和

樹達按:徒、居、輿、胥、扶,古模部韻。

寡耦少徒,固其宜也,子何疑於我哉!(十八下)

東方朔傳第三十五(漢書六十五)

漢 卷 七

樹達按:宜、我,古歌部韻。

說行如流,曲從如環,所欲必得,功若丘山,海內定,國家安。(+八下)

樹達按:環、山、安,古寒部韻。

至則靡耳,何功之有。(十九上)

師古曰:靡,碎滅也。

樹達按:靡假爲慶。說文十篇上火部云:慶,爛也。

談何容易。(二十上)

師古曰:不見寬容,則事不易,故曰何容易也。

降之後,不容彈矣。」後,養空固傳云:「竊感古人一飯之報,况受顧遇而容不盡乎!」容與可義近,談 何容易猶言談何可易耳。 楊敞傳云:「事何容易,」豈亦謂寬容乎!左傳昭公元年云:「五

樹達按"顏訓容爲寬容,其說非也。

宗廟崩阤,國家爲虚。(二十下)

師古曰:他,頹也。

樹達按:說文十四篇下追部云:他,小崩也。

遂居家山之間。(二十一上) 錢大昭曰:家閩本作深。先謙曰:官本作深。

五二二

樹達按:景祐本作深。

損車馬之用。(二十一下)

先謙曰:官本損作捐,是。

樹達按:車馬不能捐,損字是。 景祐本亦作損。

及皇太子生禖。(二十二上)

而揚雄亦以爲朔言不純師,行不純德,其流風遺書蔑如也。 樹達按:武五子傳云:朔作禊祝。

樹達按:語見法言淵騫篇。

端,不名一行,應諧似優,不窮似智,正諫似直,穢德似隱。(二十二下)

然朔名過實者,以其詼達多

而後世好事者因取奇言怪語附著之朔,故詳錄焉。(二十三上)

樹達按:文選四十七東方朔畫贊注引風俗通云:東方朔是太白星精,黃帝時爲風后,堯時爲務成 子,周時爲老耼,在越爲范蠡,齊爲鴟夷子,言其變化無常也。按此蓋即班氏所謂奇言怪語者也。

## 公孫劉田王楊蔡陳鄭傳第三十六(漢書六十六)

公孫劉田王楊蔡陳鄭傳第三十六。(一上)

樹達按:諸人皆武帝時丞相御史大夫。 公孫劉田王楊蔡陳鄭傳第三十六(漢書六十六)

漢

賀祖父昆邪,景帝時爲隴西太守。(一上)

樹達按。昆邪嘗爲典屬國,稱李廣於景帝,見廣傳。此失載其典屬國官。

不知其始所以進。(二上)樹達按:昆邪嘗爲典屬國,稱医

樹達按:陳豨傳云:「豨者,不知始所以得從。」劉賈傳云:「不知其初起時。」循東傳云:「王成,不知 何郡人也。」與此文皆守不知爲不知之義,古史闕文之遺法也。

內者令郭穰。(四下)

樹達按:腰又見內吉傳,作內謁者令。

數月,遂代劉屈氂爲丞相,封富民侯。(五下) 樹達按"食貨志云"武帝末年,悔征伐之事,迺封丞相爲富民侯。 西城傳云"封丞相車千秋爲富民

候,以明休息思富養民也。

單于曰: 荷如是,漢置丞相,非用賢也,妄一男子上書,即得之矣。(五下) 蘇興曰"妄一男子,當作一妄男子。 晏子諫下"則嬰有一妄能書,足以治之矣。 語意正同。

禁者令也。田蚡傳云:素天下士歸之。 言天下士素歸之也。 與此句例相同,蘇說未諦。 樹達按"此謂一男子妄上書耳。荀子正論篇云"湯武者,至天下之善禁令者也。此言天下之至善

終不肯有所言。(六下)

樹達按:社延年傳云:「丞相素無所守持而爲好言於下,其素行也。」謂千秋也。

始元六年,詔郡國舉賢良文學士,問以民所疾苦,於是鹽鐵之議起焉。(七上)

桑弘羊爲御史大夫八年,自以爲國家興權筦之利,伐其功。(七上) 樹達按:韶舉賢良文學,據昭紀事在五年。問民疾苦事,據鹽鐵論在六年,此連言之。

樹達按:鹽鐵論有伐功篇,本此義也。

子譚嗣,以列侯與謀廢昌邑王,立宣帝。(七下)

樹達按:霍光傳載廢昌邑奏有宜春侯臣譚,是也。

先謙曰"又爲長史,見昭記及燕王旦傳。

楊敞,華陰人也,給事大將軍莫府,爲軍司馬,霍光厚愛之,稍遷至大司農。(八上)

樹達按…燕王旦傳云:大將軍長史敞無功勞,為搜粟都尉:是敞又嘗為搜粟都尉。

代王訢爲丞相。(八上)

樹達按:據表在元鳳六年。

汗出洽背。(八上)

樹達按"說文十一篇上水部云"洽,霑也。

以敞居位定策安宗廟,益封三千五百戶。(八下)

**惲母,司馬遷女也。惲始讀外祖太史公記,頗爲春秋。**(八下) 樹達按:杜延年傳,時論定策功,敞與張安世功比誅諸呂時之陳平。

公孫劉田王楊蔡陳鄭傳第三十六(漢書六十六)

霍氏謀反,惲先聞知,因侍中金安上以聞。(八下) 樹達按:據霍光傳,長安男子張章先發覺,以語期門董忠,忠告惲,惲告侍中金安上也。 樹達按:遷傳云:惲祖述太史公書,遂宣布焉。 又按古史皆稱春秋,藝文志太史公書屬春秋家。 又按做

惲爲中郎將,罷山郎,移長度大司農,以給財用。(九上)

敢告上官樂,而惲告霍氏,可謂幹蠱之子矣。

由是擢爲諸吏光祿勳,親近用事。(九上) 樹達按"沈欽韓云"管子輕重甲"「死而不葬者,予之長度,」並謂公家羨餘。

長樂常使行事隸宗廟。(九下) 錢大昭曰:隸閩本作肄。 下副帝隸及注同。 先謙曰:官本同。

樹達按:「惲爲光祿勳,宣帝遣問蕭望之計策,又使詰問望之,又使策詔望之左遷,並其親近之證。

樹達按:景祐本作肄。

指桀紂畫謂樂昌侯王武曰:"天子過此,一 樹達按:武,宣帝舅也。 一二又見劉向傳 二問其過,可以得師矣。(十上)

古與今如一丘之貉。(十上) 樹達按:說文九篇下多部云:「貉,北方多種。」 引論語狐貈之厚以居。 今論語作貉。 此乃今蠻貊字。獸名之貉,說文作貈,

云:似狐善

不當治產業,通賓客,有稱舉。(十一上)

朱一新曰:監本作稱譽。文選注引漢書仍作稱舉。 先謙曰:官本作稱譽。

仰天拊缶。(十二上)

樹達按:景祐本作稱譽。

按惲答書云:尚何稱譽之有!則作稱譽者是也。

應劭曰:缶,瓦器也,秦人擊之以節歌。

樹達按:說文五篇下缶部云: 缶,瓦器,所以盛酒漿。 傳云:「相如曰:趙王竊聞秦王善爲秦聲,請奏盆缻秦王。 秦王爲一擊缻。」缻卽缶後起字,然則爲 史記藺相如

秦人鼓之以節歌。」

應說本之。

田彼南山,蕪穢不治,種一頃豆,落而爲萁。人生行樂耳!須富貴何時!(十二上)

秦聲者必擊缶矣。

樹達按:治、萁、時,古咍部韻。

漂然皆有節槩,知去就之分。(十二下)

師古曰:漂然,高遠意。漂音匹遙反。先謙曰:漂,飄借字。

樹達按:漂然與有節獎義不相屬。、文選漂字作凛,是也。漂乃形近誤字,顏王並據誤文爲說,疏矣。

久之, 韶求能韓詩者, 徵義。(十三下) 樹達按:杜延年傳霍光傳儒林傳義字皆作誼。

公孫劉田王楊蔡陳鄭傳第三十六(漢書六十六)

蔡義,河內温人也。(十三下)

漢

樹達按"儒林傳,蔡誼受詩於河內趙子,為韓嬰再傳弟子。

遷御史大夫。(十三下)

樹達按:時義與羣臣合奏廢昌邑王,見霍光傳。

代楊敞爲丞相。 樹達按:時義刻夏侯勝非議詔書,毀先帝,不道,見勝傳。 封陽平侯。(十三下)

又以定策安宗廟益封,加賜黃金二百斤。(十三下)

樹達按:據杜延年傳,義定策功與韓增同,比誅諸呂時之灌嬰。

萬年廉平,內行修。(十四上)

樹達按:萬年事後母孝,見西吉傳。

丞相丙吉病,中二千石上謁問疾。(十四上)

樹達按:漢官儀云:丞相有疾,御史大夫三日一問起居,百官亦如之。

萬年竟代定國爲御史大夫。(十四上)

子咸,字子康,年十八,以萬年任爲郎。有異材,抗直,數言事,刺議近臣,書數十上, 國傳。 樹達按:萬年爲御史大夫,建議當擊珠崖, 見賈捐之傳。 與于定國幷位八年,論議無所拂,見定 遷爲

左曹。(十四上)

五一八

樹達按 蕭育傳云 咸年十八,為左曹,二十餘, 御史中丞 則即以任郎之年遷左曹也。

又按咸爲

左曹時、薦王駿,見王吉傳。

咸睡,頭觸屛風。(十四上)

樹達按:說文四篇上目部云:睡,坐寐也。

下獄掠治。(十四下)

樹達按:時朱博救助咸,詳見博傳。

坐爲京兆尹汪章所薦,章誅,咸免官。(十四下) 樹達按"據章傳,章與咸相善也。

或私解脫鉗針。(十四下)

樹達按"御覽六百四十四引晉律云" 鉗重二斤,翅長一尺五 4

爲少府三歲,與翟方進有隙。(十五下)

樹達按:時詔使五二千石雜問丞相薛宣及御史大夫翟方進,而咸詰責方進也,詳方進傳。

方進爲丞相。(+五下)

而官媚邪臣陳湯以求薦舉。(十六上) 樹達按:方進初爲相,咸令杜欽往方進所解說,見方進傳。

樹達按:朱一新云:官猶公也。

公孫劉田王楊蔡陳鄭傳第三十六(漢書六十六)

五二〇

不宜處位。(十六上)

樹達按:此奏互見方進傳,文不同,可互參。

次卿爲太原涿郡太守。(十六上)

寬饒,則昌又嘗爲諫大夫。 樹達按:刑法志載昌疏請删定律令,正其爲涿郡太守時事。

又按蓋寬饒傳載諫大夫鄭昌上書訟

皆著治迹。(十六上)

樹達按:循吏傳序云:王成、黃霸、朱邑、襲遂、鄭弘、召信臣等所居民富,生有榮號,死見奉祀。

代章玄成爲御史大夫。(十六上)

六年,坐與京房論議免。(十六上) 齊召南曰:案公卿表,弘以永光二年爲御史大夫,五年有罪,自殺。据京媛傅,但言房見道幽厲事, 出爲弘言之,弘坐冤爲庶人,與此傳合。 樹達按:時元帝嘗令弘入議隴西羌反事,弘漠然不對,見馮泰世傳。議郡國廟宜毋修,見韋玄成傳。 表云自殺,誤也。

中山劉子推言王道。〈十七上〉

樹達按:五行志中之下亦云弘坐発為庶人。

錢大昭曰:鹽鐵論作子雍。

樹達按:鹽鐵論雜論篇無推字,雅疑即推字之誤。 彼文上下皆不出名字也。

鉅儒宿學不能自解。(十七上)

樹達按: 史記莊周傳云: 周善屬書離辭, 指事類情, 用剽剝儒墨, 雖當世宿學, 不能自解免也。

## 楊胡朱梅云傳第三十七(漢書六十七)

楊胡朱梅云傳第三十七。二上)

樹達按:此以狂狷諸人合傳。范蔚宗書有獨行傳,本此傳也。

楊王孫者,孝武時人也。(一上) 樹達按:他傳皆記郡縣,此獨記其時世,特爲變例。

及病且終,先令其子。(一上)

樹達按"何並傳"並疾病,召丞掾作先令書,與此同。

欲從其,心又不忍。(一上)

錢大昭曰:閩本其作之。 先謙曰:官本作之。

樹達按:景祐本作之。

反眞冥冥,亡形亡聲,廼合道情。(二上) 樹達按:冥、聲、情,古青部韻。

夫飾外以華衆。(三上)

楊胡朱梅云傳第三十七(漢書六十七)

樹達按:華讀爲譁。 藝文志云: 苟以譁衆取寵,可證。

漢

窺 管

卷

t

精神者,天之有也; 形骸者,地之有也。(二上)

樹達按:二語見淮南子精神篇及列子天瑞篇。

裹以幣帛,鬲以棺槨,支體絡束,口含玉石,欲化不得,鬱爲枯腊。 迺得歸土,就其眞宅。 繇是言之,焉用久客。(三上)

樹達按:鬲與隔同。以上十二句皆韻。 帛、槨、石、腊,古鐸部韻。

後、腐、侯部。

宅、客亦鐸部。

千載之後, 棺槨朽腐,

故聖王生易尚,死易葬也。(三下) 樹達按:尚、葬,古唐部韻。

監御史與護軍諸校列坐堂皇上。(三上)

師古曰:室無四壁日皇。 沈欽韓曰:廣雅釋器:堂皇、鑿也。

樹達按"說文九篇下广部云"廣,殿之大屋也。廣從黃聲,音亦如黃,

廣乃堂皇之皇正字。

章君太

亡以帥先士大夫。(三上) 炎說如此,與沈引廣雅訓壂義合。

樹達按"說文二篇下远部云一選,先道也。帥,同音借字。

建自殺。(四上)

周壽昌曰:據鹽鐵論賢良文學議在昭帝始元六年二月,已云建不得其死,則此必是年正二月事。

樹達按:上文稱故京光尹樊福。據公卿表,福昭帝始元六年始守京兆尹,然則建死當在六年後。蓋

鹽鐵論爲桓次公推演之文,不必盡出當時議文也。 周說似未審。

欲以 匹夫徒走之人。(五上)

錢大昭曰:走南監本閩本作步。 先謙曰:官本作步。

樹達按:景祐本作步。

是時 少府五鹿元宗貴幸,爲梁丘易。(五上)

樹達按:據儒林傳,梁丘賀傳子臨,臨傳五鹿充宗。臨傳之傳字,今本漢書課作代,說詳後儒林傳。 釋文序錄亦云:臨傳少府五鹿充宗。 是充宗爲梁丘賀再傳弟子也。

陸德明經典

五鹿嶽嶽,朱雲折其角。(五下) 樹達按:嶽、角,古屋部韻。

遷杜陵令。(五下)

小臣居下訕上,廷辱師傅。(六下) 樹達按:雲勸蕭望之自裁,蓋在此時, 望之本居杜陵也。 據此雲爲令當在元帝初元二年矣。

樹達按:論語陽貨篇云:惡居下流而訕上者。

孝文皇帝好忠諫。(八上)

錢大昭曰:文南監本閩本作武。 楊胡朱梅云傳第三十七(漢書六十七) 先謙曰:官本作武,是。

漢

五二四

樹達按:景祕本作武

是以天下布衣各厲志竭精以赴闕廷,自衒鬻者,不可勝數。(八上) 樹達按:東方朔傳云:武帝初卽位,四方士上書言得失自衒鬻者以千數。

故淮南安王緣間而起。(八下)

錢大昭曰:安王二字當乙。 朱一新曰"監本作王安。先謙曰"官本作王安。

所以計慮不成而謀議泄者,以衆賢聚於本朝,故其大臣不敢和從也。(八下) 樹達按:景祐本作王安。

方今布衣迺窺國家之隊,見間而起者,蜀郡是也。(八下)

樹達按:當時淮南王心憚汲黯,伍被亦忌衞青,謀欲先刺之,與福此數語正合。

樹達按::迺,始也。

師古曰:九九,算術,若今九章五曹之輩。

臣聞齊桓之時,有以九九見者,桓公不逆,欲以致大也。(九上)

亦起九九而訖一一, 樹達按:敦煌木簡載九九術,起九九八十一訖二二而四。羅振玉云:孫子算經乘法載此 末言從九九至一一,總成一千一百五十五, 是古法始九九之證。以木簡及 四十五句,

孫子算經證之,九九蓋卽乘法。 其術始於九九,故稱九九之術。顏注以爲九章五曹之輩者,誤矣。

一色成體謂之醇。(十上)

先謙曰:官本醇作純,是。

樹達按:景祐本作醇。說文十四篇下酉部云:醇,不澆酒也。不澆謂不薄,引申爲醇駁之醇。 絲,無不雜義也。 此文正用本字,王以後世用字通假純爲醇,純字爲是,謬矣。

純訓

白黑雜合謂之駮。(十上)

樹達按:說文十篇上馬部云:駁,馬不純。駁與駁同。

且惡惡止其身。(+下)

樹達按:惡惡止其身,昭公二十年公羊傳文。

陰盛陽微,金鐵爲飛,此何景也。(+下)

蘇林曰:景,象也,何象言將危亡也。

樹達按:上文言不見其形,願察其景,景卽今影字。 此何景即承上文爲言。

|莽以爲惡人黨皆當禁固。(十三下)

全性市門。(十四上)

樹達按:性讀爲生。

清則濯纓,何遠之有!(十四上)

楊胡朱梅云傳第三十七(漢書六十七)

漢

五二六

遇亂

則隱,云敞謝病去職,近於此義也。 師古曰"楚辭"漁父之歌曰"滄浪之水清,可以濯我纓,滄浪之水濁,可以濯我足。 遇治則仕,

樹達按"滄浪歌首見孟子離裝篇,不當稱楚辭,淸則濯纓用孟子引孔子語,尤當引孟子也。 又按此

**贊多用韻語。狷、遠,古寒部韻,成、刑,耕部,聞、門,痕部,實是以至支二部合韻,外、隊,以曷沒二** 部合韻,府,有,以侯哈二部合韻。此以漢人用韻較寬,故不盡合於周秦古晉耳。

## 霍光金日磾傅第三十八(漢書六十八)

以縣吏給事平陽侯家。(一上)

樹達按:平陽侯曹參之後也。

去病死後,光爲奉常都尉、光祿夫夫。(二下)

錢大昭曰:常當作車。 先謙曰:官本作車。

帝年八歲,政事壹決於光。三上)

樹達按:景祐本作車。

傅介子斬樓蘭王,見介子傳。 樹達按:光始行寬緩,欲以說下,見五行志中下卷。及上官蓋主之難後,光遵武帝法度,以刑罰痛 繩羣下, 由是俗吏上嚴酷, 見黃霸傳。 遣任立政等至匈奴招李陵,見陵傳。 又按光以妖言罪誅眭弘, 見五行志中下卷及弘傳。 寢廷尉逮捕蘇武之奏,見武傳。

責魏相不當斥逐武庫令,見相傳。

遺詔封金日磾爲稅侯,上官桀爲安陽侯,光爲博陸侯,皆以前捕反者功封。(二上)

先謙 曰:日磾擒何羅,桀光蓋共捕誅通也。

樹達按"王說是矣。然昭紀"始元二年,光桀以前捕斬馬通功封,是事有明文也。

帝病, 忽在左右, 安得遺詔封三子事! 羣兒自相貴耳。(二上)

帝少不肯受封,桀光未能獨封,故遺詔閣置未行。及始元元年時,日磾病困,光白封日磾, 詔信妄也。 樹達按"沈欽韓云"武帝以後元二年二月崩,光等以昭帝始元二年封,果有遺詔,何至自逾兩年,遺 日磾旣封,則光桀以遺詔故,亦不得不受封矣。 蓋上官氏銳欲自侯託之。今按沈說非也。 此當時情事顯然可知者,不得以遲封爲疑,沈 以日磾傳參之, 可知當時情事。

蓋日磾以 日磾 旋

說 殊未審考。

數月,立爲皇后。(三上)

光時休沐出,桀頼入代光決事。(三上) 樹達按:事詳外戚傳。

樹達按"胡建傳"蓋主劾建,光寢其奏。後光病,上官氏代聽事, 下吏, 捕建。 知光病亦由桀代決

傑安欲爲外人求封,幸依國家故事,以列侯尚公主者。(三上)

事也。

霍光金日磾傳第三十八(漢書六十八)

樹達按:納女事由安請外人言之,蓋主成之,安說外人,嘗以封侯之說動之,此欲實其言也。 漢 書 窥 管 卷 t

道上稱握。(三下)

傳字與說文合。 樹達按"說文二篇上走部云"選,止行也。此即今之斷絕交通。 **建傳記多作彈**,燕王傳亦然, 獨此

又引蘇武前使匈奴,拘留二十年,不降,還迺爲典屬國。(三下)

籍傳。 樹達按:呂氏春秋義賞篇注云:乃猶裁也。 迺與乃同。 燕王傳作亶, 亶同但。 說詳本書卷四項

上曰:將軍之廣明都郎,屬耳。(四上)

師古曰:屬耳,近耳也。 屬音之欲反。先謙曰"耳,語詞,郎羽林皆郎屬也,屬不當訓近。

樹達按"顏訓屬爲近,是也。屬耳猶言此近日事耳。中山策"「田簡謂司馬憙曰:趙使者來, 獨不可語陰簡之美乎?」是此文所本。王氏不密考而以郎屬連讀,誤矣。 少府樂成宗正德、光祿大夫吉、中郎將利漢迎昌邑王

屬耳,

樹達按:皇太后謂昭帝后,此時,無皇太后,史家追稱耳。

賀。(四下)

即日承皇太后詔遣行大鴻臚事,

中黄門宦者各持門扇。(六上) 樹達按:說文十二篇上戶部云:扇、扉也。

太后被珠襦,盛服,坐武帳中。(六上)

樹達按:武帳又見汲黯傳,彼注詳之。

大子所以永保宗廟,總壹海內者。(七上)

錢大昭曰"大當作天。先謙曰"官本大作天。

樹達按:景祐本作天。

遣宗正大鴻臚光祿大夫奉節使徵昌邑王典喪,服斬穣。(七上)

錢大昭曰:典喪,爲喪主也。下言質服斬線無悲哀之心,顏以典喪

服爲句,失其指矣。

師古曰:典喪服,言爲喪主也。

樹達按"錢說是也。昌邑王傳云"霍光徵王賀典喪,其明證也。

居道上,不素食。(七上)

師古曰:素食,菜食無肉也。 沈欽韓曰:居喪之禮,亦不火食,只以糒糗菜果爲膳,亦不當以釋氏說

孰,公勤於職,以時食肉,愛身爲國。」若如沈說,元后亦知釋氏之說乎? 樹達按:顏解不誤。 王莽傳云:「每有水旱,莽輒素食。 太后語莽曰:聞公素食,憂民深矣。 今秋幸

如湻曰::下謂柩之入冢。 葬還不居喪位,便處前殿也。

霍光金日磾傳第三十八(漢書六十八)

會下還,上前殿。(八上)

漢

樹達按:傳文但言上,未言居也。 如說非。今謂上前殿當與下「擊鼓磬」六字連讀, 此謂上殿時不

五三〇

當奏樂耳。

召內泰壹宗廟樂人輦道牟首。(八上)

孟康曰:牢首,地名也,上有觀。 臣瓚曰:牢首, 池名也, 在上林苑中。

師古曰:牟首,瓚說是也。

先謙曰:牟首似孟說是。

樹達按: 孟說地字蓋池字之誤。 惟爲池,故云上有觀也。 顏不辨其誤, 又引瓚說, 王又以孟說爲

是,皆無事自擾者也。

取諸侯王列侯二千石綬及墨綬黃綬以幷佩昌邑郎官者免奴。(八下)

先謙曰:者字當衍。

爲不可,願陛下收之。 樹達按:者疑諸之誤。御覽六八二引新序記襲遂諫云:高皇帝造花綬五等,陛下取之與賤人,臣以

樹達按:諫者尚有于定國,見定國傳。

文學光祿大夫夏侯勝等及侍中傅嘉數進諫以過失。(九上)

使人簿責勝,縛嘉繋獄。(九上)

臣敞等謹與博士臣霸、臣傷舍、臣德、臣處舍、臣射、臣倉議。(九上) 樹達按:勝傳云:王謂勝爲祇言,縛以屬吏,則勝亦見縛與嘉

樹達按 王國維 云 :霸,孔霸。 倉、后倉。 樹達按諸人皆只具名,不言姓,雋舍虞舍以同官博士, 叉

同 名舍,故二人皆具姓。

陛下未見命高廟。(九下)

先謙曰:未見高廟而受命。

樹達按:文帝紀:元年冬十月,皇帝見於高廟。

下文記宣帝謁於高廟。

王日 一,聞天子有爭臣七人,雖無道,不失天下。(九下)

師古曰:引孝經之言。

樹達按:後書荀爽傳記:漢制:使天下誦孝經,故以昌邑之狂惑,猶能稱引其文也。

西面 [再拜日:愚戆不任漢事。(十上)

樹達按:朱一新云:觀昌邑臨廢兩言,猶非昏悖,特童騃不解事耳。 班氏載此,具有深意。

王行自絕於天。(十上)

樹達按"谷永傳引書曰:「迺用婦人之言,自絕於天。」此今文泰誓之辭,亦見史記周本紀。

昌邑羣臣坐亡輔導之誼陷王於惡,光悉誅殺,二百餘人。(十上) 樹達按:王吉與襲遂以數諫正得免死, 髠爲城旦, 王式以詩諫, 亦冤死, 見吉傳及儒林傳。

叉諫

當斷不斷,反受其亂。(十上) 昌邑者皆超遷,見于定國傳。

|光金日磾傳第三十八(漢書六十八)

七

漢

樹達按: 史記春申君傳贊引二句作語曰, 蓋自古相傳之語。 斷、亂,古寒部韻。

近親唯有衞太子孫號皇曾孫在民間,咸稱述焉。(十上)

樹達按:稱述曾孫可考知者有內吉杜延年,各見本傳。

大宗亡嗣,擇支子孫賢者爲嗣。(+下)

樹達按:言此者,嫌於以戾太子爲大宗,

冤其死而立其後,

故特明言支子以釋其嫌,

文隱而志則

顯也。

與故所食凡二萬戶。(十1上)

樹達按"王莽傳云"光益封三萬戶。

自昭帝時,光子禹及兄孫雲皆中郎將。(十一上) 樹達按 馬為中郎將,將兵隨范明友擊烏桓,見張安世傳。

上及皇太后親臨光喪。(十一下) 樹達按"閻若璩云"時宣帝已立六七年,久尊上官氏爲太皇太后。

此稱皇太后,未核。

旣葬,封山爲樂平侯。(十二下)

樹達按:此及下雲封冠陽侯,恩澤表皆失載。

善善及後世。(十二下) 樹達按:昭公二十年公羊傳云:善善及子孫。

他人壹間,女能復自救邪?(十三下)

樹達按:方言卷三云:間,非也。石顯傳云:有以間己,義同。

於是上始聞之而未察。(十四上)

樹達按:據魏相傳,蓋相白之。

(十四下)

更以禹爲大司馬,冠小冠,亡印綬,罷其右將軍屯官兵屬,特使禹官名與光俱大司馬者。

將軍,亦無印綬官屬。」卽此事也。蓋宣帝欲削禹權,而特變武帝以來之舊制

樹達按 百官公卿表云 一元狩四年,初置大司馬,以冠將軍之號。 宣帝地節三年,置大司馬,

不冠

廷尉李种王平,左馮翊賈勝胡,及車丞相女壻少府徐仁皆坐逆將軍意,下獄死。(十五上)

先謙曰"官本考證云"王平徐仁賈勝胡事詳杜延年傳。

樹達按:杜延年傳無賈勝胡事。

百官以下,但事馮子都王子方等。(十五上)

樹達按:古詩羽林郎云:昔有霍家奴,姓馮名子都,依倚將軍勢,調笑酒家胡。

熒惑守御星,御星,太僕、奉車都尉也,不黜則死。 平內憂山等。(十六上)

樹達按 "天文志云" 熒惑守房之鉤鈴,鉤鈴,天子之御也。占曰 "不太僕,則奉車,不黜即死也。

按

山爲奉車都尉,故平憂之。

霍光金日磾傳第三十八(漢書六十八)

漢

巷端人共見有人居雲屋上,徹瓦投地。(+六下)

樹達按:說文十三篇下力部云:勶,發也。 徹,省借字。

上迺下詔曰。(十七上)

樹達按:此詔又見宣帝紀而文不同。

言無入霍氏禁闥。(十七上)

上內嚴憚之,若有芒刺在背。(十八上)

樹達按:入,納也。言無納霍氏戚屬於禁闥也。

元始二年,封光從父昆弟曾孫陽爲博陸侯,千戶。(十八下)

樹達按"說文一篇下艸部云"芒,艸耑也。七篇上來部云"束,木芒也,象形。

文假刺爲束。

樹達按一後書韋彪傳載章帝韶求霍光後,以光無苗裔,無所封。據此文觀之,則平帝時光已無後矣。

王先愼曰:旁卽側也,二字不當連文,疑旁是帝形近而 誤。 日磾子二人,皆愛,爲帝弄兒,常在旁側。(十九上)

云:「視近臣在國中,處旁仄,及貴而不正者,忍而誅之。」 知弄兒為漢宮中所常有。五行志 鮑宣傳云一能退外親及旁仄素餐之人。」 載董仲舒

日磾摔胡投何羅殿下。(二十上) 旁仄旁側同,旁字非誤,古人自有複語耳。 王說陋甚。

晉灼曰:胡,頸也,捽其頸而投殿下也。

樹達按:說文四篇下肉部 云 胡, 牛顄 垂也。 詩豳風云: 狼跋其胡。 史記封禪書有龍胡髯。 胡在

頸,故引申之胡有頸義。

賞為奉車,建駙馬都尉。(二十下)

王念孫曰 ["車下有都尉二字,而今本脫之。百官表云:奉車都尉掌御乘興車, 駙馬都尉掌駙馬。

藝文類聚人部十七御覽儀式部三引此並作賞為奉車都

尉,建

財馬

都

尉。

平陽 酒二字,因下講樂祭酒字而省,與此句例正 侍中諫議六經祭酒各一人,凡九祭酒。 等補吏,襲爲弘農,歌河內,鳳九江太守。 樹達按:此因下都尉二字省。 田終術師也。 唐昌爲講書,沛郡陳咸爲講禮,崔發爲講樂祭酒。 劉歆下省師字,與此亦略同。 類聚御覽引有都尉二字, 琅邪左咸為講春秋, 弘農河內下各省太守二字。 王莽傳云 又置師友祭酒及 同。 魏志董卓傳云:以暹爲征東, 又翟方進傳云:其左氏則國 講春秋,講 乃二書補足之耳。儒林傳云:上於是出襲 穎川滿昌爲講詩, 詩,講易,講書,講 才爲征西, 師劉歆,星律則長安令 長安國由為講易, 浸禮 樂爲征北將 下各當有祭

霍氏有事萌芽,上書去妻。(二十下)

軍。

征東

征

西下各省將軍二字,亦襲此句法。

王說知其常而不知其變也。

樹達按 句例正同。 "有事義不可通,有當爲反字之誤。疑反誤爲友, 又改爲有耳。孫寶傳云: 馮氏反事明白,

霍光金日磾傳第三十八(漢書六十八)

安上字子侯,少爲侍中,惇篤有知,宣帝愛之。(二十一上)

樹達按一宣帝時安上得徑出入省中,見上霍光傳。爲侍中,宣帝使諭意於蕭望之,見望之傳。

頗與發舉楚王延壽反謀。(二十一上)

樹達按:事詳楚元王傳。

至建章衞尉,薨。(二十一上)

樹達按一安上爲衞尉,宣帝使詰問蕭望之,見望之傳。

安上奏海昏侯賀不宜得奉宗廟朝聘之禮,見

元帝使敞語貢禹、欲祿禹子,

見

昌邑哀王傳,未詳其奏於何時。

帝卽位,爲騎都尉、光祿大夫、中郎將,侍中。(二十一上)

禹傳。 樹達按:敞爲侍中,與蕭望之周堪劉向等同心輔政,見望之向傳。

飲從父弟遷爲尚書令。(二十二上) |涉明經儉節,諸儒稱之。成帝時,爲侍中。(二十一下) 樹達按:涉言王莽之賢,見莽傳。

欽使護作。(二十二上) 樹達按:飲是明子,見下文,然則遷乃岑之子也。按常亡子,見下文。遷光武時爲侍中,見後書寶融傳。 王文彬曰:飲使疑當作使飲。

行河。 樹達按"使護作謂見使護作也。下卷云"義渠安國使行諸羌。平當傳云"使行流民幽州。 王尊傳云:鄭寬中使行風俗。 蕭望之傳云"侍中謁者良使丞制詔蕭望之。 孔光傳云: 諫大 叉云:使

當上南大行爲太夫人。(三十二下)

夫持節,與謁者二人使護喪事。

句例皆同。

圧說非。

鄧展曰:當上南爲太夫人,恃莽姨母故耳。

樹達按"漢法"凡侯之夫人,子爲侯者,乃得爲太夫人。當雖爲侯,其父未侯,故鄧云恃漭姨母也。

樹達按:懲艾悼懼應與下十二字連讀,顏於悼懼下注斷,非是。

太皇太后懲艾悼懼,逆天之咎、非聖誣法大亂之殃。(二十二下)

霍光以結髮內侍。(二十二上)

樹達按:此言光十餘歲即侍中也。

七世內侍。(二十三下)

世也。 樹達按: 日磾至湯不過五世,七字疑誤。卽謂日磾母死得圖畫宮中,生時必嘗內侍,亦不足七

## 趙充國辛慶忌傳第三十九(漢書六十九)

與大將軍霍光定册尊立宣帝,封營平侯。(三上)

趙充國辛慶尽傳第三十九(漢書六十九)

五三七

樹達按:宣帝論定策功,充國與田延年史樂成同比誅諸呂時之劉揭,見杜延年傳。 漢 五三八

本始中, 爲蒲類將軍,征匈 奴,斬虜數級。(二上)

樹達按 趙廣漢時爲充國屬將,見廣漢傳。

還,爲後將軍、少府。(三上)

抵冒渡湟水。(三下) 樹達按一充國爲後將軍,宣帝嘗與充國議,欲因匈奴衰弱擊其右地,見魏相傳。

師古曰"抵冒,犯突而前。冒音莫北反。宋祁曰"冒作莫報反。

樹達按…冒本有莫北反之音,冒頓單于是也。然此冒字實是假字。

說文八篇下見部云意,

突前

也。 一切經音義卷九云三見, 莫勒反。 國語:見沒輕優。 賈逵曰"見沒猶輕弱也。」又卷十二云"

下之差也。」本書禮樂志、董仲舒傳皆云民人抵冒,是抵冒乃漢人常語。 者。」又云:「辦事者攷焉,不信者誅之。」注云:「謂抵冒其職事。」又司約注云:「治者,謂其相抵冒上 反,與說文見字之訓及一切經音義音正合。周禮太史:「若約劑亂則辟法。」注云::「謂抵冒盟誓 「見猶輕觸直進也。字从二从見。今皆作冒。」據此見爲本字,冒乃假字, 顏訓犯突而進, 音莫北

以尤桀黠,皆斬之。(三下)

於是諸降羌及歸義羌侯楊玉等恐怒,亡所信鄉。(三下) 樹達按"說文十篇上黑部云"點,堅惡也。

後漢西羌傳述其事曰:「安邦召先零豪四十餘人斬之,因放兵擊其種,斬首千餘級,於是諸羌怨怒, 也。 師古曰:恐中國汎怒,不信其心而納嚮之。 而漢吏無故誅殺其人,故楊玉等謂漢無所信向, 恐怒二字義不相屬,恐當爲怨,字之誤也。 鄉讀日嚮。 怨怒無所信嚮,謂怨怒漢吏, 於是與他族皆叛也。 劉奉世曰:恐怒,且恐且怒也。 王念孫曰:案顏劉二說皆非 不親信而歸嚮之也。 羌 未有變,

遂寇金城。」此文大略本於漢書,怨怒二字亦本漢書也。 王莽傳 五威將師出,改句町王以爲侯,王

| 邮怨怒不附,文義亦與此相似。

說云…亡所信鄉,言欲信匈奴而不及聯謀,欲鄉漢朝而已爲所擊也。 樹達按:王梭恐怒爲怨怒,是也。 釋亡所信鄉爲不親信歸嚮漢吏, 則未合文義。 今按方說是也。 周壽昌引方扶南

有韶將八校尉與驍騎都尉金城太守合疏捕山間虜。(五上) 蘇林曰:疏,搜索也。 師古日 "疏字本作跡,言尋跡而捕之也。 沈欽韓曰:小司徒注:胥,

也。 疏胥字義並通。

伺捕盜賊

樹達按 人誤以爲疎字,故又寫作疏耳。 本作跡。 "後書馬融傳云" 廋疏嶁領。 說文迹字从是亦聲,或體籍文从束聲作速。 李注云:疏猶搜索也。 竊疑此字本作踈, 即跡字, 蓋本蘇林此註爲說。 又按顏注云:疏字 故或又作跡。

後

以一馬自佗負三十日食。(六上) 樹達按"說文八篇上人部云" 佗,負何也。

趙充國辛慶忌傳第三十九(漢書六十九)

漢

此殆空言,非至計也。(六下)

師古曰:殆,僅也。

樹達按:殆無僅義,當訓近。

將軍士寒,手足戰嫁。(七上)

今先零羌楊玉,此羌之首帥名王。(八上) 

一 斑、家足也。

七篇下广部云:家,中寒腫覈。

錢大昭曰:閩本無此羌句。

樹達按:景祐本無此羌句。

行攻釋致虜之術,而從爲虜所致之道。(八下)

師古曰"釋,廢也。宋祁曰"廢也姚改作廢棄。先賺曰"通鑑注引作廢也。

樹達按"說文二篇上派部云"釋,解也。解釋者堅凝之反。 如下文所云: 虜交堅黨合而後攻之,

則

鹵馬牛羊十萬餘頭,車四千餘兩。(九上)

爲攻堅,與攻釋正相反也。

顏訓釋為廢,未的。

注廢也景祐本作廢弃。

樹達按"鹵字假爲虜。說文十三篇下力部云"虜,獲也。

將軍年老加疾。(九下)

樹達按:襲騰傳云:年老被病,加疾猶言被病。

五四〇

今虜亡其美地薦草。(十一下)

師古曰:薦,稠草。 沈欽韓曰"韓非內儲說"獸鹿唯薦草而就。 齊物論音義:司馬云:美草也。

樹達按:說文十篇上應部云:薦,獸之所食草。

貧破其衆。(十二上)

錢大昭曰:貧漢紀作分。案說文:貧,財分少也,則貧亦有分意。

樹達按:貧破其衆,使其衆貧而破之。 不令得歸肥饒之地,則貧矣。 錢說非是。

將軍獨不計:房聞兵頗罷,且丁壯相聚,攻擾田者及道上屯兵,復殺略人民?(十二下)

樹達按"且,將也。

部曲相保,爲壍壘木樵。(十三上)

師古曰:樵與譙同,謂爲高樓以望敵也。

樹達按:樵本字作樔。說文六篇上木部云:樔,澤中守艸樓。

けきないませいませることは、 見い校尉臨衆幸得承威徳の(十三下)

不足以故出兵。(十四上) 樹達按:臨衆,辛武賢之弟也。見後文。

王念孫曰:不足以故出兵,本作不足以疑故出兵。疑故者,疑事也。 宣帝以罕升前言而疑其變,故

充國則謂罕升雖有前言,而旣聞明韶,宜皆鄉風,無有異心,不足因此疑事而出兵也。

趙光國辛慶忌傳第三十九(漢書六十九)

急欲出兵。

"「以故事皆己。」王溫舒傳云…「以故齊趙之郊,盗

以故者,

以此也。

荀紀妄增疑字, 不足

書 窺

卷 七

今本脱去疑字, ,則文不成義。 漢紀孝宣紀正作不足以疑故出兵。

不敢近廣平。」他傳言以故者,多不可勝舉,句例與此同。 "陳勝傳云"「諸將以故不親附。」項籍傳云

據也。

樹達按

定計遺脫與煎鞏、黃羝俱亡者不過四千人。(十四下)

先謙曰"胡注"定計,以定數計算也

樹達按:定計猶今言確實計算。項籍傳:「項梁聞陳王定死」、定字亦確實之義。 胡說非。

所善浩星賜迎說充國。(十四下)

樹達按:顧炎武謂浩星姓,即孟子浩生不害之浩生,

是也。

有詔更用臨衆。(十五下)

樹達按:更,改也。

湯數醉酌羌人。(十五下) 卬道:車騎將軍張安世始嘗不快上,上欲誅之。(十六上) 樹達按:說文十四篇下西部云:酌,醉醬也。

**醬**,酌也。

通俗文云:酗酒日營。

快於上,言不爲上所悅。 樹達按:安世爲車騎將軍在昭帝崩後,則上謂宣帝也。 不快上者,本當言不快於上,此省於字。

不

元始中,修功臣後,復封充國曾孫伋爲營平侯。(平六下)

樹達按一九四五年甘肅出土三老據趙寬碑記復封充國曾孫篡,不作仮。

征烏孫至敦煌,後不出。(十七上)

樹達按:事詳西域烏孫傳。不出謂不出塞也。

始武賢與趙充國有際,後充國家殺,辛氏至慶忌爲執金吾。(十七下)

爲讀,非也。

樹達按:殺字句斷,辛氏屬下讀。

殺乃衰殺之義,與下文坐子殺趙氏句義不同。

周壽昌以殺辛氏

坐子殺趙氏。(十七下)

樹達按:句疑有脫誤。

歲餘,徙爲左將軍。(十八下)

於是司直陳崇舉奏其宗親隴西辛興等侵陵百姓,威行州郡。(十九上) 樹達按:時慶忌救劉輔,見輔傳。

樹達按:興又見鮑宣傳。

傳常鄭甘陳段傳第四十(漢書七十)

傅常鄭甘陳段傳第四十。(一上)

傅常鄭甘陳段傳第四十(漢書七十)

樹達按:此傳諸人皆經營西城者。

漢

窥 管

卷

·奴使屬過。(一上)

例 樹達按:魯語注云:屬,適也。

發兵殺略衞司馬安樂,光祿大夫忠,期門郎遂成等三輩,及安息大宛使,盜取節印獻物。

二上

樹達按:忠,王忠。 匈奴傳云:馬宏者,前副光祿大夫王忠使西國,爲匈奴所遮,忠戰死

樹達按"朱一新云"功臣侯表"七百五十九戶。

食邑七百戶。(二上)

樹達按:據表,介子元康元年薨。

介子薨。(三上)

遂封惠爲長羅侯,復遣惠還賜烏孫貴人有功者。(三上)

宣帝不許,大將軍霍光風惠以便宜從事。(三上) 樹達按:神爵三年,使惠送公主,見蕭望之傳。 辛慶忌隨惠屯田烏孫赤谷城,見慶忌傳。

樹達按:據此知霍光未死前宣帝非絕不問政,所謂霍光死後帝始親政者,亦據大體言之耳。

惠與吏士五百人俱至烏孫,還過發西國兵二萬人,令副使發龜茲東國二萬人,烏孫兵七 千人,從三面攻龜茲。(三上)

樹達按一匹國者,龜茲西國。 因下有龜茲東國之文,故此文省稱。

至宣帝時,吉以侍郎田 渠黎,積穀,因發諸國兵攻破車師。(四上)

西城傳云…吉發城郭諸國兵萬餘人,自與所將田

士千五百人共擊車師,攻

交河城,破之。

樹達按:此地節二年事。

故號都護。(四上) 樹達按一古為都護時,烏孫狂王子細沈瘦圍漢使及公主於赤谷城,古護發諸國兵救之,見西域傳。

城,功效茂著,其封|古爲安遠侯,食邑千戶。(四上) 都護西域騎都尉鄭吉拊循外蠻, 宣明威信。 迎匈奴單于從兄日逐王衆, 擊破車師兜訾

屬遠篇云:公侯地百里,中之而爲都。 樹達按: 孟子公孫丑下篇云: 我欲中國而授孟子室。 墨子非攻中篇云: 中楚國而朝宋與魯。 樹達按:據表,吉以校尉光祿大夫侯,與此異,疑彼誤。 魏志張遼傳云 "遼將親兵數十人,中陣而立。 又按:漢無安遠縣,此以美名封。 句例並同。

新書

樹達按:據表,吉當薨於宣帝黃龍元年。

吉薨。(四下)

試弁,爲期門。(五上)

樹達按"哀帝紀贊云"時覽下射武戲。 傅常鄭甘陳段傳第四十(漢書七十) 注晉灼說引此文作下。 按弁卞字同。 詩小弁, 杜欽傳作小

書 窺 管 卷

五四六

漢

卞,是其證。 延壽爲期門時,宣帝遣之爲副送馮夫人,見西城烏孫傳。

封義成侯,薨。(五上)

樹達按"據表,延壽當薨於成帝河平四年。

傳國至曾孫,王莽敗迺絕。(五上)

樹達按:據表,曾孫相嗣,建武四年爲兵所殺。

少好書,博達,善屬文。(五上)

樹達按"法言先知篇云"或曰"載使子草奏,曰"吾不如陳湯。

湯待遷,父死不犇喪,司隸奏湯無循行,勃選舉故不以實。

會薨,

因賜諡日繆侯,湯下獄

樹達按:元帝崇儒術,故有此事,前此罕見也。

論。(五上)

御史大夫頁禹博士匡衡以爲"春秋之義,許夷狄者不壹而足。(五下) 文公九年何注云:嫌夷狄質薄,不可卒備,故且以漸。

不宜敢桀。(六上)

樹達按:見文公九年襄公二十九年公羊傳。

師古曰:言郅支畏威,不敢桀黠也。

樹達按:說文四篇下受部云:敢,進取也。 敢桀平列字,顏注非。

漢遣使三輩至康居求谷吉等死。(七上)

此同。 師古曰"死"尸也。 先謙曰:死,屍省文。 廣川王傳:即取他人死與都死付其母。 都死謂都屍也,與

樹達按 死之義,本義爲其所奪,故復造屍字耳。三以死爲屍字之省文,非也。 "說文外訓人所離,又葬字从夙在茻中, 知制字時死卽是今屍字之義。 說詳余釋死篇。 後人習用爲動字生

今郅支單于威名遠聞,侵陵烏孫、大宛,常爲康居畫計,欲降服之。如得 王念孫曰"二國當爲三國。 三國謂烏孫、大宛、康居也。 漢紀孝元紀作如得此三國,是其證。 此二國。(七上)

郅支單于雖所在絕遠。(七下) 言得康居乎!二國自謂烏孫大宛。 漢紀三國正是誤字,汪乃欲據以改此不誤之文,不亦俱乎!

是時康居已全爲郅支所用,且文方言郅支爲康居畫計降服烏孫大宛,

何得復

樹達按

王說大誤。

則攻之易克。下文守則不足自保,承無金城強弩而言;亡則無所之,承所在絕遠而言。 居在大宛之西北,去匈奴甚遠,故曰郅支單于分離,所在絕遠也。 王念孫曰 "郅支單于雖所在絕遠,本作郅支單于分離, 所在絕遠。 去國旣遠, 上文曰:郅支單于西奔康居。康 又無金城強弩之守, 岩云雖所

樹達按 御覽職官部四十九不得其解而删去離字, 謬矣。 "此亦當如本文,王說非是,此又王氏據漢紀改字之失也。 漢紀 Œ 作郅支分離所在 上文貢禹匡衡議云:郅支單于鄉 「絕遠。

在絕遠,則與下文義不相屬矣。

隸書離字或作雕,

形與雖相似

因

一誤爲

雖,

雖上又脫去分字耳。

化未落,所在絕遠,是以 傅常鄭甘陳段傳第四十(漢書七十) 郅支為遠,乃當時衆意。 此文言郅支雖如人言所在絕遠,漢往攻之,似屬 五四七

日知錄 不知

不易,然彼無金城強弩之守,則攻之必可破滅耳。文義甚明,本無難解,荀悅妄改雖爲分離, 郅支奔居康居,何得謂爲分離乎!昔顧亭林先生嘗云:漢紀與漢書小有不同皆以班書爲長。

漢

窺

卷

集釋廿陸卷玖葉王氏不知此,乃恆據漢紀以改漢書,可謂蔽之甚者矣。 故使都護將軍來迎單于妻子。(八下)

樹達按:將字與陛下不善將兵之將字同,將軍猶言率兵耳。 齊說誤。 齊召南曰:案都護不稱將軍,延壽湯自稱以耀遠人耳。 下文見將軍受事者同。

單于下騎,傳戰大內。(九下)

師古曰"大內,單于之內室也。周壽昌曰"傳戰大內,蓋傳呼大內諸人助戰。

樹達按:大內二字因下文走入大內而衍。 顏周並強說,不可通。

夜過半,木城穿,中人郤,入土城,乘城呼。(九下) 樹達按:木城穿當爲句,胡說是也。 先謙曰:穿,塹穴也。木城穿中人即上文重木城中人也。 胡注"中人,木城中人也,是以木城穿爲

御史大夫繁延壽。(十下)

樹達按:百官表及馮野王傳皆作李延壽。 表云:一 一姓槃。 槃繁形近,未知孰審。

湯素貪,所鹵獲財物入塞,多不法。(十下)

師古曰"不法者,私自取之,不依軍法。 先謙曰"胡注"不法者,以外國財物關入邊關也。

樹達按:依文義,顏說是也。

今司隸反逆收繫按驗。(十一上)

樹達按:反, 先議曰:胡注:當勞來而收,是於事理爲反也。 顧也。逆, 不順也。 當迎勞而收繫, 逆,迎也。 是逆於事理也。

反逆同義連文,

胡訓逆爲迎,

非也。

石顯、匡衡以爲延壽、湯擅興師矯制。(十一上)

何焯日:匡衡之上冠以石顯,史家之辭嚴矣。

即據以爲言,見奉世傳,是更有先朝故事可以藉口矣。

樹達按一次議意固在阿顯,然宣帝時馮奉世誅莎車,蕭望之議奉世不當封,奉世竟不得封。

衡此時

故宗正劉向上疏曰。(十一上)

樹達按:向傳云:向雅奇陳湯智謀,與相親友。

其詩曰:嘽嘽焞焞,如霆如雷,顯允方叔,征伐獫狁,蠻荆來威。(十一下)

師古曰:小雅采芑之詩也。 暺暺,衆也。 焞焞,盛也。 言車徒既衆且盛有如雷霆,

故能克定獫犹,

而令荆土之蠻亦畏威而來也。

樹達按…蠻荆來威猶言蠻荆是威,顏說爲畏威而來,非也。

傅常鄭甘陳段傳第四十(漢書七十)

漢

五五〇

雖斬宛王毋鼓之首。(十三上)

師古曰:西域傳作毋寡,而此云鼓,鼓寡聲相近,蓋戎狄之言不甚諦也。

樹達按"近人汪榮寶謂魚虞模部之字,漢魏人讀如麻部,其說甚確。 若然,則鼓古音本同寡,

故或

其私罪惡甚多。(十三上)

作毋鼓,或作毋寡,非如顏說由音不諦也。

樹達按…廣利出征,戰死不多,而將吏侵牟,士卒物故者衆,所謂私罪惡,殆指此類。

遂封拜兩侯三卿二千石百有餘人。(十三上)

樹達按"兩侯者、廣利及趙弟也。 廣利傳云"軍官吏爲九卿者三人,諸侯相郡守二千石百餘人,

與

太中大夫谷永上疏訟湯曰。(上四上)

此相合。

樹達按:永爲谷吉之子,其訟陽,宜矣。

臣聞"楚有子玉得臣,文公爲之仄席而坐。(十四上) 樹達按…鹽鐵論崇禮篇云:楚有子玉得臣,文公側席。

蓋君子聞鼓鼙之聲,則思將率之臣。(十四下)

雪邊東之宿恥。(十四下) 樹達按:說文二篇下行部云:衛,將衛也。率,省借字。

樹達按"說文四篇下刀部云"刷,刮也。 雪,同音假借字。

告類上帝。(十五上)

張晏曰:謂以所征之國事類告天也

樹達按:說文一篇上示部云: 機,以事類祭天神。 類為類之省借字。

病兩臂不屈申。(十五下)

樹達按:說文八篇上人部云:伸,屈伸。 申爲省借字。

今作初陵而營起邑居,成大功,萬年亦當蒙重賞。

子公妻家在長安, 兒子生長長安, 不

樂東方,宜求徙,可得賜田宅,俱善。(十六上)

樹達按:俱善謂兩人俱有利。

果起昌陵邑,後徙內郡國民。(十六下)

樹達按:五行志上云:徙郡國吏民五千餘戶以奉陵邑。

羣臣多言其不便者。(十六下)

下至衆庶,熬熬苦之。(+六下) 樹達按:王閎淳于長言不便,見成紀及平當傳。

師古曰:熬熬,衆愁聲。

樹達按"說文川篇上口部云" 善,衆口愁也。 熬乃同音借字。

傳常鄭甘陳段傳第四十(漢書七十)

五五

漠

五五五二

弘農太守張匡坐臧百萬以上,狡猾不道,有詔卽訊。(+七上)

訊,來就鞫訊 也。 先謙曰:二說並 通。

師古曰:就其所居考問之。

周壽昌曰:即訊謂卽時定讞也,無有司就所居考問之理。

王文彬日

卽

周王二說殊陋,王氏是

本書言卽訊者多矣,皆謂就而訊之,顏說是也。

樹達按:此謂就弘農訊之。

之,疏矣。

父早死。 犯不封。(十七上)

樹達按:景祐本作獨 錢大昭曰:犯南監本閩本作獨。 先謙曰:官本作獨,是。

許謝錢二百萬,皆此類也。(十七上)

議郎耿育上書言便宜。(+八上) 樹達按:陳咸傳云:咸數路遺湯,竟得少府。 按事在王音 輔

政

樹達按:育又見外戚孝成趙后傳。

竟寧中,以杜陵令五府舉爲西域都護、騎都尉、光祿大夫。(+九上) 樹達按一會宗爲都護,爲爲孫大昆彌招還亡叛安定之,見西城傳。

明年,末振將殺大昆彌。(二十上) 樹達按:大昆彌雌栗靡也。 時會宗見遣持金幣與都護圖方略, 因立伊秩靡,見西域傳。

元延中,復遣會宗發戊己校尉諸國兵卽誅末振將太子番丘。三十上)

樹達按"據西域傳,此元延二年事。

明年,會宗病死鳥孫中。(二十一上)

廉褒以恩信稱,郭舜以康平著,孫建用威重顯。(二十一上) 樹達按:誅番丘事在二年,則會宗卒於三年也。

師古曰:儻募,無行檢也。

陳湯爣募,不自收斂。(二十一上)

樹達按"此班書附著之例。

樹達按:說文十篇下心部云:傷,放也。 夢,同音假字。

## 漢書窺管卷八

## 雋疏于薛平彭傳第四十一(漢書七十一)

馬疏于薛平彭傳第四十一。(二上)

樹達按:劉咸炘云:此六人皆宣元以來名公卿也。

公卿大臣當用經術明於大誼。(三上)

樹達按"用,以也。 先謙曰:句似未了,疑有奪文。 此謂公卿大臣當以通 通鑑作當用有經術明於大誼者,漢紀作當用經術士方明於大義。 經術之故明大誼耳。 荀悅司馬光皆誤釋此用字爲用人之

用,故爾加字,王氏疑其有奪文,皆誤。

廷尉驗治何人,竟得姦詐。(三上)

師古曰:凡不知姓名及所從來者皆曰 何人,他皆類此。 王文彬曰:竟,究也,謂窮究。

闕。 樹達按 按: 竟, 遂也, 終也。 魏志夏侯玄傳云:「有何人,天未明,乘馬以詔版付玄門吏。」與 "後書來燉傳云"「臣夜人定後爲何人所賊 竟得姦詐猶言果得姦詐。 上句已言驗治,不必更言考竟也。 傷。」 宦者曹節傳云 此句例並 三寶太后崩, 同,足以證成顏說。 圧說非是。 有 何 入書朱雀 叉

少好學,明春秋。(三下)

樹達按 張儒林傳,廣受春秋於孟卿, 爲董生 一傳弟 子。 廣著有疏氏春秋, 亦見儒林傳 | 藝文志

家居教授,學者自遠方至。(三下)

樹達按:廣弟子著者有琅邪筦路,見儒林傅。

辭禮開雅。(三下)

樹達按:說文十二篇下女部云:「嫺,嫺雅 也。 閑借字。

|相莬冠謝,曰:此非臣等所能及。(三下)

樹達按"宋戴埴鼠蹼卷上云"相豈真念不到此。 蓋相之進由許伯,感汲引之恩,不敢諫耳。

周壽昌曰:漢時從父從子稱父子。

父子並為師傅。(四上)

後書蒸邕傳云:「言事者欲陷臣父子,」父謂邕叔父,與此傳同。

加賜黃金二十斤,皇太子贈以五十斤。(四上) 樹達按:周說是也。

錢也。 樹達按…意林四引風俗通云:俗說,有功得賜金,皆黃 陳平間楚千金,贈二疏金五十斤, 並黃金也。 或云: 金也。 一金亦是一萬錢也。 按孫子兵書,「日費千金。」千金,百萬

子孫幾及君時頗立產業基阯。(四下)

傷疏于薛平彭傳第四十一(漢書七十一)

Ŧī. Ŧī. Ħ

五五六

樹達按"說文十四篇下自部云" և,基也。

于定國字曼倩,東海郯人也。(五上)

樹達按:沈欽韓 云:說苑貴德篇與作下邳 一縣同屬東海。

郡中枯旱三年,後太守至,

卜筮其故。

于公曰:孝婦不當死,

前太守彊斷之,

答 黨 在 是

乎!(五下) 樹達按:淮南子天文篇云:「殺不辜則國赤地」」是漢人有此信念也。

條奏羣臣諫昌邑王者皆超遷。(六上)

樹達按一張敞以太僕丞擢爲豫州刺史,其一人也。

見敞傳。

定國繇是爲光祿大夫,平尚書事。(六上)

超爲廷尉。(六上) 樹達按:據張敞傳,時定國與敞同平尚書事,敞與定國相 善也。

樹達按:據刑法志,宣帝欲平刑,故選定國爲廷尉也。 時定國治楊惲之獄,見惲傅。

遷御史大夫。(六下)

與黃霸議呼韓邪單于朝儀, 樹達按: 丙吉病篤,宣帝臨問,吉薦杜延年、陳萬年及定國,帝用定國, 見蕭望之傳 見吉傳。 定國爲御史大夫,

代黃霸爲丞相。(六下)

達 按: 時定國是賈捐之捐珠崖之議,見捐之傳

時陳萬年爲御史大夫,與定國並位八年,議論. 樹達按:珠崖之議,萬年以爲當擊,定國以爲當棄,持議不同,此就其大體言之。 無所拂。(六下)

由是以列侯爲散騎光祿勳。(八上)

除王嘉爲掾,

見嘉傳。

以魯詩教授。(八上) 樹達按:時永舉馮逡茂材,見馮泰世傳。

樹達按"廣德受詩於王式,爲申公三傳弟子,見儒林傳。

以明經爲 樹 博士。(九下)

達按:時當議河間樂當領屬雅樂,見禮樂志

文雅雖不能及蕭望之、匡衡,然指意略同。(九下)

樹達按"陳咸傳云"「其治放嚴延年,其靡不如。」張敞傳云"「其治京兆, 發伏禁姦,不如廣漢。」朱博傳云:「其治左馮翊,文理聰

略

循趙廣漢之迹,

方略 耳

薛宣,其材不及也,而經術正直過之。」黃霸傳云:「霸材長於治民,及爲丞相,總綱紀號 永 於經書汛為疏達,與杜欽、杜鄴略等, 不能洽浹如劉向父子及楊雄也。」 明殊不及薛宣,而 何武傳云:「功名略比 多武 涵。 令, 谷永傳云 風采不

及父賢,而文采過之。」與此傳皆取漢世 云:「其治效郅都,其廉弗如。」章玄成傳云:「玄成爲相七 人物互為較量以定其長短,知班氏於一代人材,高下在心,

疏于薛平彭傳第四十一(漢書七十一)

及

丙、魏、于定國。

五五七

年,守正持重不

五五八

其書之非苟作,亦可以見矣。

復徵入爲太中大夫,給事中。(+下)

樹達按一時當奏劾丞相司直翟方進,見方進傳。

當以經明禹貢,使行河。(十下) **勸成帝存張霸百兩篇,見儒林傳。** 

樹達按:地理志平原郡屬下云:平當以爲屬津,是當行河學說之僅存者。

爲騎都尉,領河隄。(十一上) 樹達按:當領河隄,奏請博求能疏河者, 見二十九卷溝洫志。

復爲光祿勳,御史大夫。(十一下)

樹達按一當再爲光祿勵時,雜治夏賀良等,見李尋傳。

子晏明經,歷位大司徒,封防鄉侯。(十一下)

樹達按:"晏與王莽議復長安南北郊,見郊祇志。 時晏爲長樂少府。

治易,事張禹。(十一下) 樹達按 儒林傳,易施家有張彭之學,彭卽宣 也。 宣爲人恭儉有法度,禹敬而疏之,並見爲傳。

哀帝卽位,徙爲左將軍。(十一下) 樹達按:宣爲光祿勳,議武帝廟宜毀,見韋玄成傳。

復入爲大司農,光祿勳,右將軍。(十一下)

樹達按:宣爲左將軍,受詔問朱博 趙玄請免傅喜封爵事,因劾奏博玄,見博傳。

諫大夫鮑宣 一數薦宣。(十二上)

樹達按:鮑宣兩薦宣,其辭皆具鮑宣本傳。

新都侯王莽爲大司馬。(十二上)

使光祿勳豐册詔君,其上大司空印綬,便就國。(十二上)

漭或非宣之本意乎!

樹達按:蒸傳,太后詔公卿舉可大司馬者,宣與孔光舉捧爲大司馬。

觀下宣之求退,莽之恨宣,

舉

樹達按:豐、甄豐也。

王貢兩襲鮑傳第四十二(漢書七十二)

依老子、嚴周之指,著書十餘萬言。(三下)

沈欽韓曰"君平作老子指歸

或問: 樹達按"弘明集二宋宗炳明佛論云"君平之說一生二,謂神明是也。 君子疾沒世而名不稱,盍埶諸。名,卿可幾。 曰:"君子德名爲幾。(三下) 此君平老子學說之僅存者。

孟 然,唯有德者可以有名。 康曰:盍,何不也。 王貢兩襲劍傳第四十二(漢書七十二) 言何不因名卿之埶以求名。 師古 或人以事有權力之卿,用自表顯,則其名可庶幾而立。 韋昭 曰:言有勢之名卿庶幾可不朽,楊子 揚雄以爲 以爲不

五五九

蓄其德則有名也 漢

自

當讀爲冀。 樹達按"近人汪榮寶注法言,以名一字爲句,卿可幾三字爲句,是也。 章顏釋幾為庶幾,亦誤。

諸說以名卿連讀,

非是。

幾

五六〇

則彼說未確,

殆別

德名爲幾猶言德名是幾。

鄭子真、嚴君平皆未嘗仕。(三上) 樹達按一藝文類聚引益部眷舊傳載嚴遵為揚州刺史行部事,據班云未嘗仕,

說曰:是非古之風也,發發者;是非古之車也,揭揭者。蓋傷之也。(三下)

人也。

馮式撙銜。(四上) 樹達按:吉學韓詩,藝文志詩下有韓說四十一卷,此其遺文之僅存者矣。

先謙曰"胡注"馮讀 曰憑。

樹達按"說文十四篇下几部云"「凭, 依 几也。 从任儿。 讀若馮。」此馮 依 本字。

造大鴻臚宗正迎昌邑王。(五上)

樹達按:大鴻臚史樂成,宗正 劉德。

唯吉與郎中令龔遂以忠直 樹達按:減死者店、遂外尚有王式, .數諫正,得減死髡爲城旦。(五下) 見儒林傳。 又于定國傳云:「霍光條奏羣臣諫昌邑王者,

皆超

遷,定國繇是爲光祿大夫。」蓋初減死而後皆超遷也

起家復爲益州刺史。(五下)

樹達按: 吉行部至九折阪而數, 見王尊傳。

世俗嫁娶太早,未知爲人父母之道而有子,是以教化不明而民多夭。(六下)

樹達按:韓詩外傳卷一論男女之道云:「不肖者精化始具而生氣感動,觸情縱欲,反施亂化,是以年

又言:舜陽不用三公九卿之世而舉皋陶、伊尹,不仁者遠。(七上)

壽

亟夭而性不長也。」知吉此文云云,本師說

也。

也。 樹達按:晉語云:「非德不及世。」韋注云:「世,嗣也。」 秦策云:「澤可以遺世。」 。」論語顏淵篇云:子夏曰:「舜有天下,選於衆,舉皋陶,不仁者遠矣。楊有天下,選於衆,舉伊尹 高注云:「世, 後世

東家有樹,王陽婦去;東家棗完,去婦復還。(七下)

不仁者遠矣。」

樹達按"樹在古侯部,去在古模部,二部漢人多通用。 完還古同寒部韻。

吉銀通五經。(八上)

家受命之符者爲是也, 樹達按:論衡初稟篇云:「白魚入于王舟,王陽曰:偶適也。」 可謂卓識矣。 一按此蓋吉說書太誓之語,殆不以說爲周

樹達按:古受詩於察誼,爲韓太傅三以詩論語。教授。(八上)

王貢兩龔鮈傳第四十二(漢書七十二)

五六一

張禹從吉問論語,見

傳弟子,吉弟子有長孫順,並見儒林傳。

漢

五六二

光祿勳匡衡亦舉駿有專對材。(八上)

樹達按:杜欽嘗稱達駿,見欽傳。

先是京兆有趙廣漢、張敞、王尊、王章, 至驗皆有能名。 故京師稱曰:前有趙張,

後有三

王。(八上)

會御史大夫缺。(八上) 樹達按:"此上三十三字乃文中自注。 說詳本書卷九儒林傳。 張王古韻同在唐部。

樹達按:據薛宣傳,于永卒也。

谷永奏言:聖王不以名譽加於實效,考績,用人之法。 薛宣政事已試。(八上)

樹達按:永奏詳具薛宣傳。

駿爲少府時,妻死,因不復娶。 人也。 如湻曰:華與元,曾參之二子也。 或問之,駿曰"德非曾參,子非華、元,亦何敢娶。(八下) 韓詩外傳曰"曾參喪妻,不更娶。人問其故, 曾子曰:以華元善

達按:驗世學韓詩,此可謂能尊其所聞者矣。

成帝舅安成恭侯夫人放寡居,共養長信宮。(八下)

樹達按:文稱安成恭侯者,以恭侯亦名王崇,與本傳之王崇名姓皆同,故特改稱以苑相混也。

以明經絜行著聞。(九下)

樹達按 "據儒林傳,禹學公羊春秋,初事嬴公而成於眭孟,爲董生三傳弟子。 禹傳學於堂谿 惠, 亦

見儒林傳

復舉賢良。(九下)

嘗與議鹽鐵也。 樹達按 觀馬奏事 持議與桓寬鹽鐵論所述文學賢良語多同, 則禹舉賢良疑在昭帝始元五 年,

丽

禹

徵禹為諫大夫。(九下)

先謙曰:爲石顯所薦,詳佞幸傳。

樹達按:馬爲諫大夫,劾奏劉向,

,見向傳,

疑其事亦承石顯旨爲之。

班以禮讓進退稱馬,非其實也。

秣馬不過八匹。(九下)

師古曰:秣,養也。 謂以粟米飯 也。

樹達按 說文五篇下食部云 妹,食馬穀也。 經傳通用秣字。

今大夫僭諸侯,諸侯僭天子,天子過天道,其日久矣。(十上) 樹達按:周禮考工記鄭注引子家駒曰:「天子僭天。」賈疏引公羊昭公二十五年傳文爲證。

公羊傳云::「諸侯僭於天子,大夫僭於諸侯,久矣。」無天子僭天語。 馬本學公并春秋,此語全用公并傳文,亦有天子過天道語,足證孫脫文之說爲確。 孫志祖讀 書脞 錄 以 爲脫文, 云過天道, 今本

是

王貢兩襲鮑傳第四十二(漢書七十二)

漢

五六四

不云憯天者,以有所忌諱而變文耳。

昭帝晏駕,光復行之。至孝宣皇帝時,陛下烏有所言。(十一上)

師古曰:不能自言減省之事。 何焯曰:該闇不言也。 先謙曰:官本烏作惡。 胡注:惡有所言者,

以天下儉其親,此語承上園陵事。

樹達按:景祐本作惡,是也,烏字誤。

樹達按:若其二句似謂恐其如此,然文意不明。

勝拳拳,不敢不盡愚心。(十一下)

獨可以聖心參諸天地,揆之往古,不可與臣下議也。

若其阿意順指, 隨君上下。

臣禹不

惡

妻子糠豆不贍。(十二上)

樹達按:說文七篇下禾部云:糠,穀之皮也。 或作 康。

夫以王命辨護生家,雖百子何以加?(十三上)

先謙曰:辨與辦同

掌辨護。」宣公五年公羊傳注云:「其有辯護伉健者爲里正。」 樹達按:墨子號介篇云:「養吏一人,辨護諸門。」後書胡廣傳注引續漢書云:「及拜郎,恪勤職事,所

師古曰:論語孔子曰:君子懷德,小人懷土。

傳曰:亡懷土。(十三上)

樹達 按: 明楊愼云 "不直引論語者,嫌於以小人目禹也。

禹 代為御史大夫。(十三上)

樹達按一時禹除諸葛豐及鄭賓爲屬,見豐傳及鄭崇傳。 議送鄧支單于子,以爲宜但送至塞,見陳湯

《傳。 數駁議丞相于定國,見定國傳。

摔 少 杷 土,手 足 胼 胝 。(十 三 下 )

師古曰"杷,手掊之也,其字从木。

此把字於把握一義外,別有掊把一義,字仍當從手,不當从木。

樹達按"說文六篇上木部云"把,收麥器也。

把,握也。

掊, 把也。

又四篇下刀部云:刮, 掊把也。據

賤貪汙。(十四上)

樹達按"說文十二篇下女部云"婆,鹵貪也,此貪汙之汙本字。

盜賊 並起, 亡命者衆, 郡國恐伏其誅, 則擇便巧史書習於計簿能欺上府者, 以爲右職。

(十四下)

朱一新曰:監本無於字,是。

本,操切下無於字,與監本同,乃誤將朱校置此句之下,疏失甚矣。 樹達按"朱氏管見原書此條乃下文「能操切於百姓」句下校 語, 朱所據本操切下有於字。 王據毛

目指氣使,是爲賢耳。(十五上)

王貢兩襲鮑傳第四十二(漢書七十二)

卷 八

沈欽韓曰"以上語與新書時變篇同,彼正言孝文時風俗如此。

樹達按一馬言指武帝時,沈說誤。

爲御史大夫數月,卒。(+六上)

樹達按:百官表,禹以初元五年六月為御史大夫,十二月卒。

竟下詔罷郡國廟,定迭毀之禮,語在章玄成傳。(十六上) 先謙曰:禮下官本有「然通儒或非之」六字, 引宋祁曰:「然通儒或非之了」

江南兩浙本無此六字。

錢大昭云:閩本有六字。

少皆好學明經。(十六上) 樹達按:景祐本有六字。

大司空何武執金吾閣崇薦勝。(十六上) 樹達按:勝舍事薛廣德受魯詩, 見廣德傳。

勝受尚書於陳翁生,見儒林傳。

樹達按:武傳云:武為楚內史,厚兩襲。

徵為諫大夫。(十六下

其言祖述王吉、貢禹之意。(十六下) 樹達按一時勝議朱博趙玄傅晏等罪,見博傳。

樹達按:觀此可明合傳之旨。

五六六

遷丞 相司直。(十六下)

樹達按"下鮑宣傳宣奏云"「勝爲司直,郡國皆愼選舉,三輔委輸官不敢爲姦。」

徙光祿大夫。(十六下)

樹達按:時勝救孫寶,見寶傳。 按勝三爲光祿大夫,救寶不知確在何時,姑記於此。

左將軍公孫祿、司隸鮑宣、光祿大夫孔光等十四人皆以爲嘉應迷國不道法。(十六下) 樹達按:據嘉傳,持此議者尚有右將軍王安,光祿勳馬宮,當在十四人之中。

聞之白衣,戒君勿言也。(十七下)

白衣長衫紫領中,差科未動是閒人。 師古曰:白衣,給官府趨走賤人。 沈欽韓曰一白衣謂庶人耳, 何必以官府給使爲白衣。 韓昌黎詩:

樹達按:後書酷吏董宣傳云:「文叔爲白衣時,臧丛匿死。 今爲天子,威不能行一令乎!帝笑曰"天

子不與白衣同。」此白衣為庶人之證,沈說是也。

媠謾亡狀。(十七下)

樹達按"說文十篇下心部云" 惰,不敬也。或省自作惰,古文作婚。

勝常稱疾臥,數使子上書乞骸骨。(千八上)

移書,上疏深自罪責,願乞骸骨罷。」蓋卽此事。 樹達按"劉歌傳云"「歐移書責讓太常博士,其言甚切, 諸儒皆怨恨。 是時名儒光祿大夫襲勝以歌

王貢兩襲鮈傳第四十二(漢書七十二)

五六八

缆 書 窥 管 卷 八

自昭帝時,涿郡韓福以德行徵至京師。(十八上)

樹達按 "儒林韓嬰傳云"「孝宣時,涿郡韓生其後也。」所謂韓生,始即 福 也

常以歲八月賜羊一頭、酒二斛,不幸死者,賜複衾 , 祠以 中牢。(十八上)

齊召南日 · 韓福事昭紀作郡縣常以正月賜羊酒,紀係錄詔書原文,疑此八月當爲正月之訛。

樹達按:後書劉平傳序記毛義事云:「章帝下詔褒龍義,常以八月長吏問起居,加賜羊酒。」

叉江革

劉般傳亦皆作八月。 則八字是,昭紀誤也。

東京用西京故

事,

使者至縣,請舍,欲命至廷拜授印綬。(十八下) 樹達按:授當作受。

勿隨俗動吾家,種柏,作祠堂。(十九上)

樹達按:鹽鐵論散不足篇云:「古者不封不樹,無壇宇之居,

廟堂之位。

今富者臺榭連閣

增

樓,中者祠堂屏閣,垣闕罘罳。」知作祠堂乃漢時通俗 矣。

鮑宣字子都,渤海高城人。 好學,明經。(二十上)

明如匡穉圭、深如鮑子都, 樹達按:宣受尚書於平當,徒衆尤盛,見儒林傳。 今本論衡鮑誤趙 說詳趙廣漢傳 又按:論衡 初階甲乙之科,遷轉至郞博士。」本傳但云爲 命祿 篇云 儒 者 明說 經,習之京

復爲州從事。(二十上)

郎,不云爲博士,王語足補本傳之缺。

得心 樹達 乃驚愕曰:此吾兒也。 奴 師, 及素書著腹上埋之。 通刺 "若此乃吾昔年無故失之,君何以致此馬?子都曰"昔上計, 有駿 痛 按 馬隨之,人莫能得近, 魏文帝 子都 奴出,見馬,入白侯曰 下車為 列異傳 謂曰: 掩摩,奄忽而亡,不 侯迎喪開槨,視銀書如言。侯乃舉家詣闕上薦,子都聲名遂顯。」按宣本高城 云 故司 若子魂靈有知, 唯子都得近。 隸校 "外客盜騎昔所失駿馬。 尉 上 知姓 黨鮑 子都歸,行失道,過一關內侯家,日暮往宿,見主人 當令子家知子在此。 子都 氏。 有 小 素書一 時舉上計 侯曰 卷,銀 鮑子都, **豫**,于 遇一書生卒死道中。 小十針, 今使命不獲久留。 道 中遇一 上黨 即賣 高士, 書生,獨行 餅以 資 必 具述其事, 逐解 應有 、 殯殮, 無 語。 而 去 餘 侯 問 呼 京 銀

豈徒欲使臣美食大官,重高門之地哉!(三十一下)

人,後乃徙上黨。

故稱

上

黨

鮑子都

也

晉灼曰:高門,殿名也。師古曰:在未央宮中。

樹達按:顔說本翼奉傳。據奉言文帝時尚無之,蓋武帝所築。

可感用::見野口意,見口は是心。 5.5ge 使奴從賓客漿酒霍肉。(二十二上)

劉德日 "視酒如漿,視肉如霍也。 師古曰:霍,豆葉也,貧人茹之也。

樹達按 羹也 一劉顏讀霍爲盡,然漿與酒 竹部霾或作籊, 知靈聲 在聲字可 爲 類,蘿非 通用矣。 肉之類 霍乃霍之省字 也。 霍當假爲雅。 說文四篇下肉部云

肉

臣宣吶鈍於辭。(三十三上)

王貢兩墾鮑傳第四十二(漢書七十二)

五七〇

從內,從口。 吶與府同。

漢 書

窥 管

卷 八

今日蝕於三始。(二十三上) 樹達按:說文三篇上胸部云 " 南, 言之 訥也。

如湻曰:正月一日爲歲之朝、月之朝、日之朝,始猶朝 也

樹達按:尚書大傳洪範傳注云:自正月盡四月爲歲之朝,自五月盡八月爲歲之中,自九月盡

上旬爲月之朝,中旬爲月之中,下旬爲月之夕。

平旦至食時爲日之朝,

禺中至日昳爲

一十二月

日之中,下側至黃昏爲日之夕。 此與如說不同。

爲歲之夕。

行夜吏卒皆得賞賜。(二十三下)

師古曰:爲賢第上持時行夜者。

丙夜,丁夜,戊夜,亦如今五更也 樹達按 宋孔平仲珩 强新論云::行夜如今持更,持時如今報時。

漢官儀

"黄門持五夜,甲夜,乙夜、

拜宣爲司隸。(二十四上)

樹達按:時宜議丞相王嘉迷國不道,見本卷上文兩襲傳。

使吏鉤止丞相掾史。(二十四下)

師古曰:鉤,留也

時名捕隴西辛興。(二十五上) 樹達按:鉤當讀爲拘。

樹 達 按 興爲辛慶 忌宗 親, 以陳崇 奏見捕,見慶忌 傳。 叉按 此 四 句乃自注文,說詳本書卷九儒林傳。

沛郡 則 唐林子高, 唐尊伯高, 皆以 明經飭 行顯名於世。二十五 上

樹達按一林與尊皆學尚書夏侯氏學,林受學許商,為大夏侯四傳弟

子;

尊師事張無故,爲小夏侯三

傳弟子; 並見儒林傳。

紀逡兩唐皆仕王莽,封侯貴 重,歷公卿位。(二十五上)

樹達按一選封封德侯,林封建德侯,尊封平化侯,並見恭傳。

唐林數上疏諫正,有忠直節。(二十五上)

樹達按:林薦云敞可典郡,見敞傳。

救孫寶,

見寶傳。

爲

尚書令,

上疏訟傅喜,

見喜傳。

上疏救

師丹,見丹傳。 為漭胥附,見莽傳。

被虛僞名。(二十五下)

尊與莽同死於漸臺,亦 樹達按:被虛偽名者, 見莽傳。 莽傳載公孫祿云:「太傅平化侯飾虛僞以婾名位, 贼夫人之子,」是其事也。

越散 ·其先人訾千餘萬,以分施九族州里,志節尤高。<三十五下)

樹達按"後書周變傳論云"「荀恁少修清節,資財千萬。 父越卒,悉散與九族,隱居山澤。 」然則越又

有肖子矣。

游太子遣使稅以衣衾。(二十五下)

王

貢兩龔鮑傳第四十二(漢書七十二)

樹 達按:說文八篇上衣部云 贈終者衣被曰稅。

著詩賦數十篇。(三十五下

樹達按:藝文志不載

奏免豫州牧鮑宣,京兆尹薛修等。(二十六上)

樹達按:修爲薛宣之弟。

齊栗融客卿、北海禽慶子貢、蘇章游卿、山陽曹竟子期,皆儒生去官,不仕於莽。(二十六上) 齊召南曰:宣傳特附薛方諸人,皆不仕捧,清節著名者。 據後書卓茂傳, 茂與孔休、蔡勳、劉宣、襲

載高翻、包咸,獨行傳載譙玄、李業、王皓、王嘉、劉茂, 勝、鮑宣六人同志,又申徒剛、宣秉、王丹、王良、郭丹、蔡茂、及陳寵之曾祖咸,各見本傳,而儒林傳 逸民傳載向長、逢萌、王君公、周黨、譚賢、

殷謨、王霸、戴遵,皆立志較然,不汚新室爵命,宜與薛方諸賢牽連書之。

樹達按一後書所載,尚有楊震父寶,與兩襲、蔣詡俱徵,遁逃不知所處,見震傳。

又儒林傳載牟長及

孔僖曾祖父建、皆不仕王莽。 齊氏漏舉,故補之。

111: 耐 凹 位,徵薛方,道病卒。 兩襲、鮑宣子孫皆見襃表,至大官。(三十六下)

樹 達按:光武擢襲勝子賜 爲上谷太守,見後書卓茂傳。

故日 …山林之士,往而不能反; 朝廷之士,入而不能出。(二十六下)

樹達按: 韓詩外傳卷五云: 「朝廷之士爲祿,故入而不出;山林之士爲名,故往而不返。」亦見風俗

通十反篇。

## 章賢傳第四十三〈漢書七十三〉

韋賢字長孺,魯國鄒人也。(一上)

班本融辭,下文所言子孫好事述先人之志作詩者亦指融言也。 樹達按:此傳追敍韋孟及玄成事特爲詳盡。 考史通正史篇,續史記者有韋融,疑融爲孟之後人,而

迭彼大彭。(二上)

樹達按:顏說於文不順,疑迭當訓代。 應劭曰:國語曰:大彭豕韋爲商伯。 師古曰:迭,互也。 據國語,知大彭爲商伯在前,豕韋在後,故云代彼大彭也。 自言豕韋氏與大彭互爲伯於殷商也。

響國漸世,垂烈于後。(二上)

師古曰:元王立二十七年而薨,垂遺業於後嗣也。 先謙曰:文選注:漸,沒也。

樹達按:說文三篇上卅部云:三十年爲一世。 漸世謂漸及一世。 元王立二十七年,故云爾。

樹達按:說文十四篇下自部云:除,從高隊也。

羣書多作墜,此用正字。

致隊靡嫚。(三上)

赫赫天子,明悊且仁。(三下)

樹達按"說文二篇上口部云"哲,知也。或从心作恝。 章賢傳第四十三(漢書七十三) 叉十篇下心部云:悊,敬也。 此文當從知訓。

五七三

五七四

其夢如何?夢爭王室。 其爭如何,夢王我弼。(四上)

師古曰:弱,戾也,言夢爭王室之事,王違戾我言也

樹達按:爭當讀爲諍,諫也。 爭王室謂諍於王室。

以詩教授,號稱圖魯大儒。(四下)

樹達按"據儒林傳,賢學詩於瑕丘江公及魯許生,為申公再傳弟子。

賢以與謀議,安宗廟,食邑。(四下)

樹達按:霍光傳廢昌邑王奏署名有大鴻臚賢,是也。

代蔡義爲丞相,封扶陽侯。(四下)

樹達按:時宣帝 問穀梁春秋事於賢,見儒林傳。

出遇知識步行,輒下從者與載送之。(五上)

以明經擢為諫大夫。(五上) 樹達按:知識謂所識之人,即朋友也。 莊子至樂篇云:反子父母妻子闆里知 識,子欲之乎?

室家問賢當爲後者。(五下) 樹達按"據張禹傳,玄成嘗說論語,五經異義引治魯詩丞相玄成說。

周壽昌曰:室蓋宗之誤。

樹達按:室家乃家人之意,

此不必與下文同。 平當傳云:「室家或謂當 :不可強起受侯印, 爲子孫

邪? 」後書獨行李業傳云: 「融見業辭志不屈, 復日"宜呼室家計之。」 知室家爲漢人恆語, 周說

玄成不得已,受爵。(六上)

爵也。 樹達按:法言重黎篇云:「或問賢,曰:爲人所不能爲。 請人,日 "顏淵、黔婁、四皓、韋玄。」 蓋稱其讓

厥賜祁祁,百金洎館。(七上)

師古曰:洎,及也。 錢大昭曰:謂賢乞骸骨,賜黃金百斤也。

樹達按:詩公劉疏云:「館者,宮室之名。」此指賢加賜第一區而言。

遷太子太傅。(八上)

樹達按:時玄成與買馬及廷尉劾劉向,見向傳。

貶黜十年之間。(八上)

周壽昌曰:據百官表,玄成以太常免官在五鳳三年,至永光二年爲丞相, 十五年。 此云十年之間,

約辭也。

樹達按一據恩澤侯表章賢魏相內吉三條及百官表,玄成冤太常及削爵,事並在甘露元年,至永光二

年, 十二年耳。 周 說誤。

於肅君子,旣令厥德。(八上)

章賢傳第四十三(漢書七十三)

漢 書 窺 管 卷 八

師古曰:於,歎辭也。 肅,敬也。 令,善也。言君子之人皆肅敬以善其德也

此君子乃玄成稱其父賢。 樹達按:古人稱其先人曰君子。 下云 :「咨余小子, 禮記檀弓上篇云:「昔者吾先君子無所失道,」子思稱其祖 既德靡逮,」自言德不及其父也。 顏以君子為泛稱 孔子也。

供事靡惰。(八下)

誤矣。

樹達按"說文十篇下心部云"情,不敬也。 或體省作惰。 下文媠字,亦說文惰字之或體

玄成爲相七年,守正持重不及父賢,而文采過之。(九上)

外亡補於民,可謂亡功矣。」朱雲傅雲上疏言:「丞相韋玄成容身保位, 亡能往來。 樹達按"馮奉世傳記玄成爲相,元帝令議西羌反事,玄成漠然無所對。京房傳記房語云"「丞相韋侯 。」匡衡傳云 玄成

畏石顯,不敢失其意。」綜合諸傳觀之,玄成相業可知矣。

子僖侯育嗣。(九上) 樹達按:育舉杜鄴方正,見鄴傳。

會其病終。

(九上) 玄成兄高寢令方山子安世,歷郡守、大鴻臚、長樂衞尉, 樹達按一杜欽傳目安世爲名士,欽嘗稱之。 朝廷稱有宰相之器,

償以舊恩爲大司馬車騎將軍,列爲三公,賜爵關內侯, 食邑千戶, 亦年八十餘, 以壽終。

樹達按:賞孫彪,後書有傳。

謹案上世帝王承祖禰之大義。(十四下)

宋祁曰:義越本作禮。 錢大昭日 閩本義作禮。

樹達按:景祐 本作 禮。

公子不得爲母信,爲後,則於子祭,於孫止。(十五下)

樹達按:隱公五年穀梁傳云:禮:庶子爲君,爲其母築宮,使公子主其祭也。

於子祭,於孫止。

樹達按:車千秋也。

迺封

丞相爲富民侯。(十八上)

禮記祀典曰"夫聖王之制祀也,功施於民則祀之, 以勞定國則祀之, 能救大災則祀之。

(十九上)

蘇與日 ·案今見禮記祭法篇,或漢時一名祀典與。

祭法也。 樹達按"律歷志引祭典曰:「共工氏伯九城。」 」蘇說不爲無本。 然祭典或祀典,要是汎稱,猶言祭祀之法則耳。 即今祭法「共工氏之霸九州也。」 篇名祭法,亦以是得稱 顏注:「祭典卽禮經

非祭法篇又名祭典或祀典也。 禮記祀典,猶言禮書記述祀典耳。 蘇以禮記爲書名,似非。

韋賢傳第四十三(漢書七十三)

## 魏相丙吉傳第四十四(漢書七十四)

遷御史大夫。(二上)

樹達按:時相除蕭望之爲屬,見望之傳。 上封事請尊張安世爲大將軍,見安世傳。

兄子樂平侯山復領尚書事。(二上)

魏相封事曰: 「兄子秉樞機」,即說此事,蒙霍禹言之, 師古曰"山者,去病之孫,今言兄子,此傳誤。 齊召南 曰:案依顏注,當如張敞傳稱兄孫山。 可稱兄子。 蕭望之傳亦日 光薨、子禹復爲 然下文

大司馬,兄子山領尚書。」與此文同,非誤也。

樹達按"若如齊說蒙禹爲言,則當云禹兄子山, 此及蕭望之傳文仍不断。

言春秋畿世卿,惡宋三世爲大夫。(二上)

樹達按:無字與相立言之意不合,此疑誤用,或本有異文。先謙曰:公洋傳:宋三世無大夫,三世內取也。爲當作無。

相遂代為丞相。(三下)

見充國傳。不許馮野王自請守長安令,見馮泰世傳。 樹達按:時相奏劾杜延年,見杜周傳。 言善鼓雅琴者趙定襲德,見王裹傳。 不行張敞入穀贖罪之議,見蕭望之傳 言羌事趙充國策可用,

練羣臣。(三下)

樹 達按:說文六篇 下東部云 柬,分別簡之也。 此假練爲

核名實。(三上)

樹達按"說文七篇下西部云"聚,實也,考事而笮邀遮其辭,得實曰聚。 此假核為覈。

匈奴遣兵擊漢屯田 車師者,不能下。(三上)

先謙曰:不能下者,謂不能勝匈奴也。 時鄭吉往救,爲匈奴 所 圍。

若然,宣帝何至謂匈奴衰弱,

欲出兵擊之乎。

匈奴傳上云:「是時匈奴不能爲

車師 城,不能下 而去。」卽此事也。 王說據 西域傳 然西 域傳 明言圍 城後 數日罷 去也

奥鞬各六千騎與左大將再擊漢之田車師城者,不能下。」

馮奉

世樓

云

一一時匈

奴 又發 兵

邊寇,遣左右

樹達按:王說殊誤。

軍旅之後,必有凶 .年,言民以其愁苦之氣傷陰陽之和也。<</p>

案今年計。(三下) 樹達按:語本淮南王安, 見嚴助 傳

樹達按:計謂郡國所 Ŀ 一計簿。

相明易經,有師法。(四上)

又 數表采易陰陽及明堂月令奏之。(四下 樹達按:師法不言何家,據下文相奏有震司春 云云, 與孟喜卦氣之說同,蓋治孟氏易也

樹達按…藝文志有雅琴趙氏七篇,班氏自注云:宣帝時丞相魏相所奏。

魏相丙吉傳第四十四(漢書七十四)

五七九

知相

所奏尚多,不止如傅文

所記也。

臣相幸得備員。(五上)

而觀於先聖,高皇帝所述書天子所服第八。(五下)

樹達按:說文六篇下員部云:員,物數也。

備員猶今云備數矣。

樹達按:藝文志儒家有高祖傳十三篇。 班氏自注云:高祖與大臣述古語及詔策也。

神爵三年,薨,諡曰憲侯。(六下)

武帝亦寤,曰:天使之也。(七上) 樹達按:相爲麒麟閣圖功臣之一人,見蘇武傳。

樹達按:寤天子氣應在曾孫也。

遷大將軍長史,霍光甚重之。(七下)

樹達按:時吉薦儒生王仲翁與蕭望之等數人於光,見望之傳。

遷御史大夫。(八上)

樹達按:時宣帝遣吉以羌事問趙充國,見充國傳。

辭引使者丙吉知狀。(八下)

分別奏組等共養勞苦狀。(ハ下) 樹達按:使者謂治獄使者,見下文。

五八〇

樹 達 按 共讀 如 供。 昭紀 云 :共養省中。 瀬洪 云 共讀 日 供。

臨當封, 吉疾病 將使 加 緋 而 封 之,及其 生 存也。(八下)

應劭曰:吉時 病 不能起,欲如君視疾 加朝服拖紳 就封之也。 師古曰:紼, 繋印之組 也。

應劭 樹達按:加綿 據 論 語 君 義不可通,紼字當爲紳,形近誤也。 视 疾加 朝服 拖紳 爲說,是應氏 所見漢書 古印佩於帶, 作紳 不 加紳 作 紼。 者 顔氏 以 不能正傳文之誤,而 印繫於紳 加 於其 八身耳。

D

及居相位,上寬大。(九上

印之組爲釋,謬矣。

說苑復思

篇記此事

正作

納,其明證也。

樹達按 :此如韓 延壽傳記 「延壽放散東郡官錢,吉以爲更大 赦 不須考 之類是也。

:君侯爲漢相, 姦吏成其私, 然無所懲艾。(九上)

客或謂吉日

王念孫曰:然獨乃也。 言姦吏成其私而君乃無所懲艾也。 古者然與乃同義, 說見釋詞。

王釋爲乃,

非也。

公府不案吏自吉始。(九上)

樹

達按:然爲轉語之詞,當如字讀之。

樹達按 爲常俗,更共罔養以崇虛名。 "後書馬嚴傳嚴上封事云"「丞相御史親治職事,惟丙吉以年老優游,不案吏罪,於是宰府習 或未曉 其職, 便復遷徙, 誠非建官賦祿之意。」則此事之流弊可知。

吉馭 師古曰:逋,亡也。 蕩, 放也

吏耆

酒

數逋

蕩。(九下)

魏 |相丙吉傳第四十四(漢書七

+

四

五八二

盪讀與蕩同,不知蕩亦假字也。 樹達按:說文十篇下心部云 惕, 放也。 」蕩,借字。 下文云:「皇孫敖盪,」又假盪爲惕。 顏彼注云:

西曹主吏自欲斥之。(九下)

樹達按:據陳遵傳,遵曹事數廢,以故事適遵者,亦西曹也。 何焯曰"續志"西曹主府史署用

吉薨,諡日定侯。(十一上) 樹達按"吉亦麒麟閣圖象之一人,見蘇武傳。

選擇復作胡組養視皇孫。(十一下)

其本罪年月,律名爲復作。」皇孫本當云曾孫,此省稱之。 樹達按:漢舊儀云:「男爲戍罰作,女爲復作,皆一歲。」又按:宣紀孟康注云:「弛刑徒復爲官作,

滿

師古曰:少內,掖庭主府臧之官也。

少內嗇夫白吉曰:食皇孫亡詔令。(十二上)

樹達按"周禮天官序官鄭注云:職內,主入也, 官嗇夫各擅其職,謂倉庫少內嗇夫之屬各自擅其條理所職 若今之泉所入謂之少內。 主。 疏引王隆 漢官解詁

云

夫善善及子孫。(十二下)

樹達按:昭公二十年公羊傳文。

## 眭兩夏侯京翼李傳第四十五(漢書七十五)

(性兩夏侯京翼李傳第四十五。

樹達按:諸人皆通術數說災異者。

從嬴公受春秋。(二上) 樹達按一弘傳春秋於嚴彭祖、顏安樂及貢禹,論學數爲榮廣所困,並見儒林傳。

|漢家||堯後,有傳國之運。(二下)

樹達按:此謂堯禪舜,漢亦宜然也。

樹達按:派說文一篇上示部字作族。

廷尉奏賜孟妄設祆言惑衆,大逆不道。(三上)

以齊詩尚書教授。(二上)

樹達按:始昌為轅固生弟子,見儒林傳。

始昌明於陰陽,先言柏梁臺災日,至期日,果災。(三上)

蘇興曰:下日字當行。

樹

晉陽。」期日謂期約時日,與此義同,而用法微異。 達按:期日謂所期約之日也,蘇說非。 趙策云二二君即與 韓排子汁過篇云:「至於期日之夜, 張孟 談陰約三軍, 與之期 日, 趙氏 殺其守 夜遣 入

五八三

兩夏侯京翼李傳第四十五(漢書七十五)

五八 PU

**隄之**吏。」後書申 陳兵馬詣其冢。」與此文用 屠剛 傳 注 引烈 法 士傳 云 角哀夢伯桃 曰:今月十五 日,當大戰以決勝 負。 角哀 至 期

日

族子勝亦以儒顯名。(三上)

數始昌· 錢大昕 夏侯爲勝、建也 意。 題其篇目,何也?朱一新曰:班以兩夏侯標題,蓋謂勝及建爲大小夏侯氏學, 且下文勝上冠以夏侯,建上不冠夏侯,明本書勝傳提行與始昌別 也。 日 "始昌智尚書,名已見儒林傳。 今本提行皆後人分併,非復班舊, 其說災異祇有言柏梁臺災事,附見勝傳可矣。 錢議過矣。 先謙曰: 朱說袒班, 傳, 而 建係 故以此題其篇, 然失其 帶 敍, 乃以 敍 不當 次列 兩 謂 夏 傳 並 微 未 网

豫言臣 樹達按:王說是也。 下之謀,正與眭弘京房為類 此以說災異諸人合傳,贊語有始昌 ,若建則不類 也。 若以始昌附見 而無建,其明 勝傳, 證也。 則合傳之旨不明。 始昌先知柏梁之災,勝

勝少孤,好學,從始昌受倘書及洪範五行傳,說災異。(二下)

不知義例,朱說又失其實,皆非也

廣演 伏生所記,今見尚書大傳中者是也。 達按 洪範,休咎之文益備 此云 洪範五行傳,在劉向 。」又隋志云:「伏生之傳,惟劉向父子所著 Ti. 行傳記之前。據沈約云:「伏生創 趙翼以爲始昌所爲, 非也 是其本法。 記大傳 Ŧi. 」則此洪範五行傳乃 行之 體 始 劉向

樹達按:蕭望之從勝問論語禮服,見望之傳。

遷長信少府。三上 樹達按"時宣帝問勝穀梁春秋事, 見儒林傳。

百姓流離,物故者過半。 師古曰:物故謂 死 也。 (四上)

勝出為諫大夫,給事中,霸爲揚州刺史。(四下 樹達按:說文四篇下步部云:効,終也。从步,勿聲。

樹達按:時勝令左馮翊宋畸舉霸賢良,

勝亦口薦霸,故擢霸,見霸傳。

或作殁。

文以聲類同假物爲物。

遷太子太傅。(四下) 樹達按"時勝言內吉不即死,見吉傳。

京房字君明, 蘇興日一房與夏侯勝復於儒林中著小傳以明學派,此班氏剏例之精。 東郡 頓丘人也。(五下)

樹達按:史記仲尼弟子傳中有子頁,復見貨殖傳,班氏效法史公,非其剏例也。

師古日

:共讀日恭。

樹達按:共當讀爲供。 眭兩夏侯京翼李傳第四十五(漢書七十五) 說文八篇上 人部供下云:「一 曰供給。 是其義也。 恭字殆傳寫之誤,顏似不 五八五

五八六

應慣慣如此。 景祐本注亦作恭。

察舉補小黃令,以候司先知姦邪,盜賊不得發,愛養吏民,化行縣中,舉最,當遷,三老官

屬願留贛,有詔許增秩留。(五下)

樹達按:太平御覽二百六十八引陳留風俗傳云:「昭帝時,蒙人焦貢爲小黃令, 路不拾遺,

百姓揮涕守闕,求索還慎,天子聽增貢之秩千石。」

按貢與贛同,

據御覽知賢為梁國

| | | | | | 空

虚,詔遷貢。

以風 雨寒温爲候。(六上)

樹達按"張文虎云" 爻主一日,則六十卦爲三百六十日,故下文云餘四卦也。注中六十四卦四字衍。 孟康曰"分卦直日之法,一爻主一日,六十四卦爲三百六十日,餘四卦震離兌坎爲方伯監司之官。

今案張說是也。 宋本易林序引孟註無四字。

好鍾 樹達按 律,知音聲。(六上) · 馬融長笛賦云:「易京君明識音律,故本四孔加以一 君明所加孔後出, 是謂商聲五音畢。」

上令公卿朝臣與房會議温室。(六下)

風俗通聲音篇文略

同

師古曰:溫室,殿名也

樹達按:殿在未央宮,見下翼奉傳。

齊桓公、秦二世亦嘗聞此君而非笑之,然則任豎刁、趙高,政治日亂。(七上)

樹達按:然則與然 而義同

房上中郎任良、姚平。(八上)

元帝於是以房爲魏郡太守,秩八百石居,得以考功法治郡。(八上) 樹達按:平河東人,見儒林傳。

守官,以八百石居。」西南夷傳云:「復以立爲巴郡太守,秩中二千石居。」句例並同。 讀,於西南夷傳謂居是衍字,皆非也。 樹達按:王氏於八百石下補注,以居字屬下讀, 誤也。 居字當屬上讀。 黄霸傳云:「有詔歸穎川太 王於此傳旣誤

房以建昭二年二月朔拜,上封事。(八下)

樹達按:拜謂拜官。 何焯以拜上封事連讀,非是。

臣竊悼懼,守陽平侯鳳,欲見,未得。(九上) 樹達按:外戚傳云:「數守大將軍光,為丁外人求侯。」顏註云

守,

求請之。」

後書竇融傳云

於是

| 平又曰:房可謂小忠,未可謂大忠也。(九下)

日往守萌,圖出河西。」李注云:「守猶求也。」諸守字義同。

好律歷陰陽之占。(十一下) 樹達按 韓非子十過篇 云"行小忠則大忠之賊也。

眭两夏侯京翼李傳第四十五(漢書七十五)

樹達按:論衡別通篇云:昔有商瞿,能占爻卦,末有東方朔、翼少君,能達占射覆,道雖小,亦聖人之 五八八

也

毁落太上廟殿壁木飾。(H五下)

樹達按:元紀作太上皇廟,此脫皇字。景祐本亦脫皇字。

宜爲設員,出其過制者。(十八下)

樹達按:說文六篇下員部云:「員,物數也。」設員謂設一

定人數。

樹達按:詳文紀贊。

重民之財,廢而不爲。(十九上)

左據成皋,左阻黽池。(十九下)

錢大昭曰:左阻疑當作右阻。 葉德輝日: 德藩本閩本作右。 先謙 曰:官本作右。

寬中等守師法教授。(二十一上) 樹達按:景祐本作右阻

樹達按"儒林傳記張無故守小夏侯說文,正此所謂守師法也

事丞相翟方進,方進亦善爲星歷,除尋爲吏,數爲翟侯言事。(二十一上) 樹達按:方進傳,以潯為議曹。方進將敗時,尋奏記言之。

哀帝即位,召潯待詔黃門。(二十四下)

樹達按一時朱博受拜丞相,有大聲如鐘鳴,帝以問尋,見五行志中之下卷。

毋聽女謁邪臣之態,諸保阿乳母甘言悲辭之託,斷而勿聽。(二十六上)

樹達按:時哀帝龍幸董賢及乳母王阿,故尋言此也。

設羣下請事、若陛下出令有謬於時者。(ニナ九上)

樹達按"若猶或也。王訓及,非。

先謙曰:若猶及也。

夫本疆則精神**折**衝。(三十上) 師古曰"折衝,言有欲衝突爲害者,則能折挫之。

樹達按:衝謂衝車,顏注誤。

陵夷。 天下未聞陛下奇策固守之臣也。語曰:何以知朝廷之衰,人人自賢,不務於通人,故世 馬不伏歷,不可以趨道; 士不素養,不可以重國。(三十上)

中人皆可使爲君子。(三十下) 樹達按:此節文義不屬,必有錯亂。「語曰」二字似當在馬不伏歷之上,餘無以訂之,景祐本與此同。

樹達按"荀悅中鑒政體篇云"教化之廢,推中人而墜於小人之域;教化之行,引中人而納於君子 當更

初,成帝時,齊人甘忠可詐造天官曆、包元太平經十二卷,以言漢家逢天地之大終, 眭兩夏侯京蠶李傳第四十五(漢書七十五)

五九〇

受命於天。(三十一上)

樹達按"梁玉繩云"據此,則讖緯不始於哀平。

樹達按:光又見外戚孝成趙后傳。司隸校尉解光亦以明經通災異得幸。(三十一下)

遂下賀良等吏,而下詔曰。(三十二下)

樹達按:此詔亦見哀紀。

六月甲子詔書,非赦令,也皆蠲除之。(三十三上)

師古曰"唯赦令不改,餘皆除之。先謙曰。官本注在下句下,是也。

云:「也字有作他字者。」尤其明證。

樹達按:也當爲它,與下皆蠲除之五字爲句。

顏注餘字正釋它字,今本誤。

又哀紀亦載此詔,顏注

趙尹韓張兩王傳第四十六(漢書七十六)

趙尹韓張兩王傳第四十六。(一上)

樹達按:據贊語,趙尹韓傳蓋劉向之文,王尊傳蓋馮商或楊雄之文。

趙廣漢字子都。(一上)

沈欽韓曰:論衡命祿篇:趙子都明經,階甲科至郎博士。

樹達按:本傳不言明經,亦未爲郞博士。 論衡「趙」字當爲「鮑」,音近誤耳。 鮑宣傳:「宣字子都,好

學明經,舉孝廉爲郎,」與仲任言正合。 沈引證失考。

廣漢以與議定策,賜爵關內侯。(一下)

樹達按:霍光傳廢昌邑王奏,廣漢列名,是也。

廣漢故漏洩其語,令相怨咎。(三上)

樹達按:故與見知故縱之故同,特也。今語言故意。

事推功善,歸之於下,曰:「某掾卿所爲,非二千石所及。」行之發於至誠。(三下)

樹達按:此謂不同張湯之矯偽也。

從軍還,復用守京兆尹,滿歲爲眞。(三下)

樹達按一廣漢為京兆尹,自言朝廷事不及雋不疑,見不疑傳。

及吏受取請求,銖兩之姦皆知之。(三上) 說文六篇下具部云:財,以財物枉法相謝也。

樹達按:求當讀爲財。

廣漢疑其邑子榮畜教令。(四下)

師古曰:蘇賢同邑之子也。

樹達按:謂廣漢邑子,非謂蘇賢。

廣漢使所親信長安人爲丞相府門卒,令微司丞相門內不法事。(四下)

趙尹韓張兩王傳第四十六(漢書七十六)

五九一

五九二

樹 達按:微假爲覹。 說文八篇下見部 云 覹,司也。

願下明使者治 廣漢所驗臣相家事。(五上)

遂召上辭問,甚奇其對,除補卒史,便從歸府。(六上) 樹達按…下明景祐本同,二字疑倒。

王念孫曰:謂除補 翁歸卒史,遂使從歸府中案事也。 今本使作便, 則非其指矣。 御覽職官部五 +

樹達按:王說非也。 引此正作使。 下張敞傳云:「便從闕下亡命。」又云:「便歸臥

皆使人從己之義。便從歸府,謂即令翁歸從己歸府也。 從字有二義"其一爲已從他人, 又其一則爲使他 人從己。 類書多不明文義而妄改,豈可信 如何並 傳「並自從吏兵追林卿」及此文, 也。

家。」便字義同,非

誤 字 也。

漢書

類常如 **翁歸言,無有遺託。(七下)** 

錢大昭 樹達按:景祐 曰:託南監 本作脱 本閩本並作脫。 |先 曰:官本作脫,是。

使 祈莝, 責以員程, 不得取代。(七下)

師古曰:員,數也,計其 人 數及日數爲功程。

樹達按:員程謂定數之程課,如每日斫莝若干石之類。 數無涉。 非。 下文不中程云云, 謂不滿此數則責之也,

與

父義爲燕郎中,則王之謀逆也,義諫而死,燕人閔之。(八上)

樹達按:義事見燕王 旦傳。

是時昭帝富於春秋,大將軍霍光持政,徵郡國賢良文學,問以得失, 時魏相以文學對策。

(八上) 樹達按:昭帝始元六年,韶問賢良文學以民所疾苦。 韶問不止一次也。 相對中及燕王事。在元鳳元年,在始元後,

或

舉行喪讓財。(九上)

樹達按:行喪謂依古禮行喪服者。

延壽遂待用之。(十上)

漢紀正作遂特用之。 今以久特聞,崔譔本特作待。 待特聲相近,故字相通, 而師古無音, 則已不知其爲特之借字矣。

王念孫曰:待讀爲特,若讀徒亥反,則待用二字義不可通。謂特用此門卒爲掾也。

莊子逍遙遊篇:「彭祖乃

樹達按"上文云"「所至必聘其賢士,以禮待用。」 待用謂接待而拔用之也,

何不可通之有!

圧據

民有昆弟相與訟田,自言,延壽大傷之。(+上)

漢紀讀待爲特,近於無事自擾。又云特用爲掾,尤爲無據。

樹達按:李慈銘云:此處當疊「延壽」二字。

趙尹韓張兩王傳第四十六(漢書七十六)

五九四

郡中歙然,莫不轉相敕厲,不敢犯。(十下)

樹達按:爲此亦存乎其人。 何並傳記嚴詡爲潁川太守,即以此致亂,可以知矣。

延壽 聞知,卽部吏案校望之在馮翊時廩犧官錢放散百餘萬。(十一上)

樹達按:此與趙廣漢之脅魏相壹何相似也!

居馬上,抱弩負籣。(十一下)

樹達按:說文五篇上竹部云:蘭,所以盛弩矢,人所負也。

樹達按:時楊惲上書訟延壽,見惲傳。事下公卿。(十二上)

敞本以鄉有秩補太守卒史。(+二下)

樹達按:疑當為類延壽之風也

樹達按:漢官云:鄉戶五千則置有秩。

李奇曰:挽輦小臣也。

國輔大臣未裹,而昌邑小輦先遷。(十二下)

樹達按:挽輦小臣不得云小輦,李說非。 然句不可通,董或輩之誤字邪

臣聞:公子季友有功於魯,大夫趙衰有功於晉,大夫田完有功於齊,皆疇其官邑。(十三上)

曰:案宣紀,疇其爵邑。 張晏注云:律:非始封,十減二。 嚋者等也,言不復減也。

先謙 樹 達按 … 疇當讀爲醻。 詩小雅彤弓篇云 朝廳之。 毛傳云:薦,報也。 此文謂醻報以官邑,

故仲尼作春秋,迹盛衰,幾世卿最甚。(十三上)

訓

疇爲等, 非也

樹達按: 護世卿見隱公三年公羊傳。

山陽郡戶九萬三千,口五十萬以上。(千四上)

齊召南曰:案地理志,山陽郡戶十七萬二千八百四十七,口八十萬一千二百八十八,與此文大相懸

樹達按一志數尚不及此數之倍,何云十倍耶!齊氏 誤。

殊,蓋元始

中戶口十倍於宣帝時矣。

事即有業,所至郡條奏其所由廢及所以興之狀。(十四下)

樹達按:後書隗囂傳注云:「張敞書曰:蒼蠅之飛,不過十步,自託騏驥之尾,乃腦千里之路。 損於騏驥,得使蒼蠅絕羣也。 見敞傳。 」疑是此書之文,而此傳不載,豈李本之微別傳耶 然無

樹達按一時敞致書朱邑,勸其薦士,見邑傳

拜膠東相。(十四下)

吏追捕有 功效者,願得壹切比三輔尤異。(十五上)

如湻曰:壹切,權時也。 趙尹韓張兩王傳第四十六(漢書七十六) 趙廣漢奏請令長安遊徼獄史秩百石, 又循吏傳"左馮翊有二百石卒史,

五九五

此

之謂尤異也。 劉攽曰"下言上名尚書調補縣令,然則三輔尤異如此。

樹達按 令司隸校尉部刺史歲上墨綬長吏視事三歲已上,理狀尤異者各一人,與計偕上。」又趙廣漢、 "強汝詢云"如說非也。 尤異者,課績之美稱,猶之報最云爾。 後漢書明帝紀:「永平 魯恭 九

杜詩、劉祐、董恢、伏恭、陳義,皆以縣舉尤異,是其證也。 而三輔獨有之,要其賞最優,得補縣令,故敞得調補縣令數十人。 郡吏舉尤異,史闕不載。

或他郡無此科,

年,

師古曰:樊姬,楚莊王姬也

楚嚴

好田

.獵,樊姬爲之不食鳥獸之肉。(十五上)

樹達按:樊姬事見列女傳賢明篇。

其以膠東相敞守京兆尹。(十五下)

書請入穀隴西八郡贖罪,見蕭望之傳。 廣漢誅後,比更守尹。(十五下)

樹達按:時敞諫請斥遠方士,見郊祀志

下卷。

奏丞相黃霸,

見循吏傳。

書戒嚴延年,見酷吏傳。

上

樹達按:更乃更易之義,顏說非。 師古曰::比,頻也。 更,歷也

周壽昌曰:敞蓋治左氏春秋,前封事所引公子季友、晉趙衰、齊田完事皆與左傳合。

然敞本治春秋,以經術自輔。(十六下)

樹達按:敞修左氏傳,儒林傳明言之。 經典釋文敍錄 云:貫長卿傳敞。 周舍明文不引,別爲推測之

辭, 何也

以此能自全,竟免於刑戮。(十六下)

樹達按:此蓋勘比趙廣漢、韓延壽言之。

敞爲京兆,朝廷每有大議,引古今,處便宜,公卿皆服,天子數從之。(+六下) 樹達按: 郊祀志載敞議美陽鼎不宜薦見宗廟,制曰: 京兆尹議是,是也。

定國爲大夫,平尚書事。(十七上) 樹達按:大夫上疑脫光祿二字。

公卿奏[輝黨友不宜處位,等比皆免。(十七下)

師古曰"比,例也,音必寐反。

樹達按:章玄成傳云:「等輩數人皆削爵爲關內侯。

」等比與等輩同,顏訓比爲例,大謬。

因劾奏廣川王,天子不忍致法,削其戶。(十八下

敞所誅殺太原吏,吏家怨敞。(十九上) 樹達按:李慈銘云:下吏字疑行。 樹達按:時敞又舉奏河間王元取廣陵厲王等故姬事,見景十三王傳。

敞孫竦。(十九下) 趙尹韓張兩王傳第四十六(漢書七十六)

樹達按:敞子吉,煉乃吉子,見杜鄴傳。敞有女,鄴之母也。

漢

窺 管 卷 八

王莽時至郡守,封侯。(十九下)

樹達按:陳爲丹陽太守,封淑德侯。

|構設す||対別||対照フミー・直接

博學文雅過於敞。(十九下)

法言, 張伯松不肯一觀。 樹達按: 敞受倉頡,見藝文志。

辨汾睢寶鼎銘文,

見郊祀志。

論衡齊世篇云:揚子雲作太玄,

樹達按:王莽敗,竦見殺,見陳遵傳。|| 竦死,|| 敞無後。(十九下)

問詔書行事,尊無不對。(十九下)

樹達按"行事猶言往事故事"與詔書別爲一事,顏說繳繞不可通。 師古曰:以施行詔條問之,皆曉其事。

錢大昭曰:皆南監本閩本作白。 | 先謙曰:官本作白,是。不以時皆奏行罰。(二十三上)

樹達按:景滿本作白。 | 佐藤曰:官本

怵惕肅敬之心,驕慢不謹,皆不敬。(二十三下) 衡又使官 1大奴入殿中,問行起居,還言:「漏上十四刻行。」臨到, 衡安坐,不變色改容,

宋祁 日 "行臨到當作行臨時。

至。」丙吉傳云:「臨當封,吉疾病。」杜鄴傳云:「臨拜,日食。」句例皆同。 樹達按"行字上屬爲句。 臨 到,臨車駕將到也。 韓延壽傳云:「延壽當出, 宋因上文云衡知行臨, 臨上車, 騎馬吏一人後 故

以行臨連讀,非是。

有詔左遷尊爲高陵令。(二十三下)

將迹射士千人逐捕。(二十四上) 樹達按:時羣下多是傳,見匡衡傳。

師古曰:迹射,言能尋跡而射取之也。

樹達按:跡射或作積射。 後書鄧晨傳"晨發積射士千人,是也。李注"積與迹同,古字通用。

外爲大言,倨嫚姗嫌。(二十四下)

師古曰:姍,古訕字也。

訕, 誹也, 音所諫反, 又音删。

錢大昭曰:嫌南監本閩本作上。

先謙曰:官

本作上,是。無注訕誹也三字。

尊坐先。(三十四下) 樹達按:景祐本作姍上,注有訕誹也三字。

錢大昭曰:先當作免。 先謙曰:官本作免。

樹達按:景祐本作免。

叉按

趙尹韓張兩王傳第四十六(漢書七十六)

··杜欽傳,欽嘗救解傳之罪過,不知卽此事或他事也。

六00

湖三老公乘興等。(二十五上)

先謙曰:三老爵爲公乘,興其名。

樹達按:陳餘傳云:「富人公乘氏以其女妻之,」 則公乘蓋氏也。 下文云『白馬三老朱英,」 姓名連

舉,與此同。

上書訟:尊治京兆,功效日著。(二十五上) 劉攽曰:日當作曰,著字衍。 劉敞說同

達按:漢書無此類句法,二劉臆 說

長安宿豪大猾 東市賈萬,城西萬章,翦張禁,酒趙放。(二十五上)

萬城,是。 注意,正文當依校本作箭張禁,注中悉作箭,乃安。 晉灼曰:翦張禁,酒趙放,此二人作翦作酒之家。 宋祁曰:翦張禁江南本浙本並作箭張禁。 朱一新曰"西,西市賈也。 東市賈萬城,監本作 予案

先謙

日

:詳游俠傳。

豪。」彼文賈子光及此文賈萬,賈皆姓也。 樹達按:游俠萬章傳云:「章在城西柳市,號曰城西萬子夏。」又云:「酒市趙君都,賈子光,皆長安名

殺章及箭張回、酒市趙君都、賈子光。」翦張禁即彼文箭張回,然則宋說此文翦當作箭,是也。 爲人姓名,可謂巨謬。 王旣云詳游俠傳,略不檢檢,何也?竟傳又云二王尊爲京兆尹, 朱不知賈爲姓,而讀爲商賈之賈,誤於城字讀 斷, 捕擊豪俠 以萬城 彼文

派處注云:「作箭者,姓張名回,」與此文晉注同。 今案章傳旣云「長安熾盛,街間各有豪俠。」 叉此

文趙放即彼文酒市趙君都,然則箭、酒亦皆市名,特承上東市之文省去二市字, 張禁、趙放但各居

其市而已,不必如服晉之說爲作箭作酒之家也。 朱氏漢書管見無此條。

更數二千石二十年,莫能禽討。(二十五下)

樹達按 先謙曰:官本無十字,是也,不能至二十年之人。 ··景祐本作二十,與此同。 若止二年,何至更數二千石,清官本臆删而王是之,謬矣。

功岩職修。(二十六下)

錢大昭曰:岩當作著,閩本不誤。 先謙曰:官本作著。

障奏封事,召見,言鳳不可任用,宜更選忠賢。<二+七下) 樹達按:景祐本作著。

樹達按:章召見,薦馮野王代王鳳。 又據翟方進傳,章又嘗言陳咸可御史大夫也。

**障小女,年可十二。**(三十八上) 二,不煩曲解,當存之。沈欽韓曰:案列女傳無可字。 劉奉世曰:云年可十二,辭太俚,蓋衍可字。或者章女名可, 誤倒書之。

宋祁曰:可十二猶言約十

樹達按:"史記高帝紀云:「遇剛武侯,奪其軍可四千餘人。」本書天文志云:"五殘星,其狀類辰,去地 可六丈。」句例並同,宋說是也

平生獄上呼囚,素常至九,今八而止。 我君數剛,先死者必君。(二十八上)

趙尹韓張兩王傳第四十六(漢書七十六)

六〇一

六〇二

樹達按:素字景祐本作數,數字作素。皆是也。此本二字互誤。

然劉向獨序趙廣漢、尹翁歸、韓延壽,馮商傳王尊,楊雄亦如之。(二十八下)

也。 哀平間,猶名史記。」此文劉向揚雄並舉,疑皆指其所續撰之史記而言,與向之新序,雄之法言無涉 若馮商、衞衡、楊雄、史岑、果審、肆仁、晉馮、段肅、金丹、馮衍、韋融、蕭奮、劉恂等相次撰續, 樹達按:史通正史篇云:「史記所書,止于漢武,太初已後,闕而不錄。其後劉向,向子歌及諸好 中,故張晏云云也。 張晏曰:劉向作新序 又按一今存新序頗序漢事,然則已佚之二十卷中亦必多序漢事, ,不道王尊,馮商續史記,爲作傳,雄作法言,亦論其美也。 疑向續撰之史記嘗編入新序 迄 於 事者

蓋諸葛劉鄭孫毋將何傳第四十七(漢書七十七)

蓋寬饒字次公,魏郡人也,明經。(一上)

樹達按:後來元帝之任弘恭石顯,實宣帝啓之也。

沈欽韓曰:御覽一百九十三引韓詩外傳有此語。 又引韓氏易傳言:五帝官天下,三王家天下。(三下)

樹達 按:御覽百五 十九引亦作韓詩 外傳。 據儒林傳, 韓嬰本有易傳, 蓋二 傳幷有其文。 叉御覽百

Ŧi. 十九引並有「家以傳子,官以傳賢」二語 知下文二語亦易傳之文。

諫大夫鄭昌愍傷寬饒忠直憂國。(四上)

Ŀ 無許史之屬,下無金張之託。(四下) 樹達按: 昌為鄭弘之兄, 見卷六十六弘傳。

應劭曰: 許伯,宣帝皇后父。 史高、宣帝外家也。 金,金日磾也。 張,張安世也。 此四家屬 無不聽。

屬當讀之欲反,謂屬 師古曰:此說非也。 許氏史氏有外屬之恩, 也。 應說是。

託

以下文直道而行多響少與之語求之,自見。

金氏張氏自託在於近狎也。

屬讀如本字也

何焯日

樹 達按:屬託並顏說是也

寬饒引佩刀自剄北闕下。(四下) 樹達按:據宣紀,事在神爲二年。

京師爲之語曰:間 [何闊? 逢諸葛。(四下)

師 古曰:言間者何久闊不相見,以逢諸葛故也。

樹達按:說文十二篇上門部云

居,

疏也。

蓋謂

近為諸葛所糾彈,

故 久不

相見也

說:近日爲司

隸梭尉 者 何 疏闊無賢者,今乃得諸葛耳。 於義亦通。 闊葛 古月部韻。

德無以報厚。(五上)

蓋諸葛劉鄭孫毋將何傳第四十七(漢書七十七)

漠

錢大昭曰:當作無以報厚德,南監本閩本不誤。 先謙曰:官本不誤。

樹達按 景祐本不誤

臣 聞"伯奇孝而棄於親,子胥忠而誅於君,隱公慈而殺於弟,叔武賢而殺於兄。(五下)

誅於君。」文稱傳日、則固古傳記之文也 樹達按:韓詩外傳卷七云 : 傳曰:伯奇孝而棄於親,隱公慈而殺於弟,叔武賢而殺於兄, 比干忠而

獨恐未有云補。(六上)

終於家。(六下) 樹達按:昭帝紀云:「通保傅,傳孝經、論語、尚書, 未云有明。 |與此云字皆句中助詞。

然獨君臣祇懼,動色相戒。(六下) 樹達按:蜀志諸葛亮傳、魏志諸葛誕傳並云是豐之後。

樹達按"周禮太祝疏引今文太誓云"「使使上附以周公書報誥于王,王動色變。 云:「火流爲鳥,王動色變。」此輔語所本。 」檀弓疏引尚書太誓

考卜窈窕之女。(六下)

ト之。」 樹達按一詩大雅文王有聲云一一考卜惟王, 宅是鎬京。」 箋云:「考猶稽也。 稽疑之法, 必契灼龜 而

里語曰"腐木不可以爲柱,卑人不可以爲主。(七上)

樹達按:柱主古同侯部韻。

元首無失道之諐。(七下)

樹達按"說文十篇下心部云"短,過也。 或作諐

鄭崇字子游。(八下)

樹達按:崇為康成八世祖,見後書。

上怒,下崇獄。(十上)

樹達按:時孫寶上書救崇,見下寶傳。

以明經爲郡吏。(十上)

樹達按:據儒林傳,寶受公羊春秋於筦路,為董生五傳弟子。

設儲件。(十上) 師古曰:謂豫備器物也

樹達按:說文八篇上人部云:

儲,传也。佛,待也。外戚傳云:「主見所侍美人。」顏注云:「侍,儲侍也。

禮有來學,義無往教。(十上)

樹達按:禮記曲禮上篇云:禮聞來學,不聞往教。

春秋之義,誅首惡而已。(+下) 樹達按"僖公二年公羊傳云"處師晉師滅夏陽。 虞,微國也,曷爲序乎大國之上? 使虞首惡也。

蓋諸葛劉鄭孫毋將何傳第四十七(漢書七十七)

漢

六〇六

掾部渠有其人乎?(十一上)

師古曰:言掾所部內豈有其人乎。

北,翁 樹 達按 歸部 據 汾南。 71. 翁 歸 以 傳,田延年爲河東 彼 in C 此, 侯文為東部督郵 太守, 徙翁歸署督 知 東部外 邮 倘 有 河東二十八縣, 他 部。 此言 掾 部 分爲兩部。 即謂文 所主之東 **煬孺部汾** 

即度穉季而譴它事。(十一下)

部也。

之作。 樹達按:上文云:「度立而用 根。 此傳兩 用 度字, 他傳絕未見 蓋班書采擷頗 多, 此傳 又自 人

自禁門內樞機近臣,蒙受寃譖。(十二下)

我與個季幸同土壤,素無匪眥。(十二上)

樹達按:自,雖 也。 下毋將隆傳:「自乘興不 以給 共養, 義同。 說詳高風紀。

個 達按: 義同 同土壤間同郡縣, 可證。 又按二千石署掾屬皆用 猶今言同鄉也。 本 郡人,京房爲魏郡太守,請得除用他郡人, 後漢書循史傳云 一侯覽同郡符融調覧曰: 與先生同郡 以非常例

樹達按"以丞相翟方進之奏也,見方進傳。

故房特請之也。

文與稱季皆京兆

人,故其

言

如此。

馮氏反事明白,故欲擿觖以揚我惡。(十二下)

師古曰:擿觖謂挑發之也

樹達按:說文無觖字。顏訓挑發,疑字當作抉。 說文十二篇上手部云"抉,挑也。

會越嶲郡上黃龍游江中。(十三上)

王念孫曰:通鑑漢紀二十七同。案上下本有言字,上言二字見於本書者多矣。今本脫言字,則文義

不明。

樹達按:上謂上其事,無言字文可通。 漢紀孝平紀有言字。

及其具獄於市。(十六下)

樹達按:其具當作具其,疑此誤倒。 景祐本同誤。

孫寶燒於定陵。(十七上)

師古曰: 橈亦曲也。 謂受淳于長託而不治杜穉季也。

樹達按:淳于長封定陵侯。

蕭望之傳第四十八(漢書七十八)

蕭望之字長倩,東海蘭陵人也。〈一上〉

蕭望之傳第四十八(漢書七十八)

師古曰"近代譜牒妄相託附,乃云 望之蕭何之後,追次昭穆, 流俗學者共祖述焉。 但酇侯漢室宗

高望 重,子孫亂 緒,具詳 表 傳。 長倩鉅儒達學,名節並隆,博覽古今, 能言其祖。 市朝 未變,

六〇八

不然之事,斷可識 年載非遙 ,長老所傳,耳目相接。 矣。 錢大昭 :梁書武帝紀 若 其實承何後,史傳焉得弗詳? 云:漢相國何 生酇定侯延,延 漢書既不敍論 後人 ,彪生公府掾 馬 所 取

日

生侍中彪

樹達按 章,章生皓,皓生仰,仰 :錢大昕十駕齋養新錄 生太傅望之。 卷十二云。南齊書本紀敍述先世,以望之爲何六世孫, 」此顏注所指 妄相 託附 者 也 顏譏其附會

說 不 較乃弟謂 可信耳。 師古 畿 姚思廉 精於史學,於私譜雜志 者 為長, 蓋齊書爲托附之始,思廉爲祖述之人也 不敢輕信,識見非後人所及。」樹達按 竹汀 謂顏譏肅子顯

又 從夏侯勝問 論語、禮服。(二下)

樹達按 輕也。 今則或十年不葬,主喪者除否?答云:所謂主喪者, 云 一當服 、勝傳, 已除喪服,未葬者,皆反服,庶人爲國君亦如之。」或問蕭太傅三人而 周、爲 勝善說 父後則 不服。」 禮服, 故望之從學也。 又卷百三云:「以 麻終月 通典卷八十九云:「問父卒母嫁, 獨謂子耳,雖過期不葬,子義不可以除。」 數者,以其 未葬除, 無文節, 不 葬, 爲之何 故不 惟主 變其 服? 喪者不除 肅太傅 服 末條 爲稍

署小苑東門候。(三上)

亦

見禮

記喪服

小記正義引

此望之禮服之遺

說也

先謙曰 "黃圖"長安十二城門無小苑東門名,此宮苑門。

樹達按"圧說是也。下文云"「坐弟犯法不得宿衞免,」其爲宮苑門明矣。

不肯錄錄,反抱關爲?(三上)

師古曰:錄錄謂循常也

樹達按:說文二篇下远部云:後,行謹途途也。 錄錄同音假字。

及御史大夫魏相。(三上)

樹達按:浙本是也,景祐本同衍。 宋祁曰:浙本無及字。

除望之爲屬。(三上) 樹達按"儒林傳云"「張禹與蕭望之同時爲御史,數爲望之言左氏,

望之善之,」正此時事。

除為屬

即御史也。

徵入守少府。(三下)

樹達按一時望之論馮奉世誅莎車王不宜受封,見奉世傳。

京兆尹張敞上書言:國兵在外,軍以夏發,隴西以北, 安定以西,

吏民並給轉輸,

田事頗

廢。(三下)

兵在外軍已經夏,言其在外已久也。 王念孫曰:「國兵在外軍以夏」,本作「充國兵在外軍以經夏」」後將軍即趙充國也。 宣紀 一神爵元年夏四月, 遣後將軍趙充國。疆弩將軍許延壽 以與已同。充國

擊西羌。」此傳下文曰:「竊憐凉州被寇,方秋饒時,民尙有飢乏病死於道路,」則敞之上書已在秋時,

蕭望之傳第四十八(漢書七十八)

六〇九

故 日 軍已經夏也。 今本脱 去充字經字,則文不成義。 變文類聚刑法部所引已與今本同, 漢紀 正作

充國兵在外已經夏。

樹達 字 云 爲句。 :「國兵新破,」是二字連用之證,不當屬之充國也。 按 李慈銘云:王說謂 樹達按:李以「軍以夏發」四字為句,是也。 國上脫 一充字,是也。 謂以下脫一經字,則 余謂充字亦不當增。 此又王氏依漢紀校改本書之失也 未然。 國 兵謂國家之兵 此當以「軍 以 夏 項籍 發

傳四

有金選之品。(五上)

應劭曰:選音刷,金銖兩名也。 師古曰:音刷是也。 字本作鉻,鉻即鍰也。

樹達按:秀江記治氏云:重三鉻。鄭司農云:鉻,量名也,讀爲刷。

故曰不便。(六上)

先是烏孫昆彌翁歸靡因長羅侯常惠上書。(六上)樹達按:敞與望之相善,見微傳,而望之論事不苟同敞如此。

樹達按:事亦見西域傳,在元康二年。

遣長羅侯惠使送公主配元貴靡。(六上)

樹達按:此非真公主,乃取楚主解憂弟子相夫,名爲公主耳。

代丙吉爲御史大夫。(六下)

樹達按:時望之除降廣德爲屬而薦之,見廣德傳。 劾韓延壽,見延壽傳。

太僕戴長樂問望之計策。(六下)

樹達按:長樂詳楊惲傳。

是時大司農中丞耿壽昌奏設常平倉,上善之。望之非壽昌。(七上)

樹達按:時壽昌又白增海租、望之亦非之、見食貨志。

御史中丞王忠並詰問望之。(七上)

樹達按:忠又見匈奴傳及傅介子傳。

周壽昌曰:本朝猶言中朝

本朝所仰。(八上)

樹達按:漢時中朝與外朝對言,本朝但謂朝廷爾。 說詳杜欽傳。

踞慢不遜攘。(八上)

師古曰:攘古讓字。

便道之官。(八上) 樹達按:說文八篇上人部云:倨,不遜也。 十二篇上手部云:攘,推也。 踞, 倨之假字

沈欽韓曰:道當爲導。 敕楊惲收印綬,便導往太傅官署,獨唐時云送上也。

大夫初拜策曰"惟五鳳三年正月乙巳,御史大夫之官。 樹達按:宋程大昌考古篇卷十六云:望之所任新舊官俱在朝著,而 皇帝延登,親詔之曰云云。 日便道之官者,漢官舊儀 據此,入見延登 載御

蕭望之傳第四十八(漢書七十八)

漢

六一二

是也。 而後之官,是其常也。今許不入謝, 徑往受任, 故曰便道, 猶曰卽行不得入見耳。 樹達按:程說

君其秉道明孝,正直是與,帥意亡譽,靡有後言。(八上)

樹達按:宣帝於望之倚信甚深,及事涉丙吉, 遂決絕如此。 蓋感微時知遇之德獨深, 非他人所能

望之既左遷。(八上)

間也。

試事,見馬傳。 樹達按一望之爲太子太傅,承詔問匡衡詩義,薦衡經明,見衡傅。 與諸儒平公穀同異,薦淸河張禹,並見儒林傳。 又承韶問張禹 薦禹經學精習

可

爲太傅,以論語、禮服授皇太子。(八下)

樹達按:張禹傳云:望之說論語,篇第或異。

言其來荒忽亡常。(九上)

錢大昭曰:閩本來下有服字。 先謙曰:官本有服字。

多所欲匡正,上甚鄉納之。(九下)樹達按:景祐本有服字。

· 對產安··元帝於以長敦輔太子,望之言非宜,見於

修農圃之疇。(十上)樹達按:元帝欲以張敞輔太子,望之言非宜,見微傳。

師古曰:美田曰疇。

樹達按: 疇說文作唱, 耕治之田也。 顏訓美田, 義隔。

推所言許、史事、曰:皆周堪、劉更生教我。(十下)

於是侍中許章白見朋。(十下)樹達按:推今言推諉。觀此,知漢時早有此語矣。

樹達按:章又見諸葛豐傳。

其賜望之爵關內侯,食邑六百戶。(十一下)

樹達按:元紀亦載此詔,六百戶作八百戶。

而教子上書,稱引亡辜之詩。(十一下)

此詩乎? <u>先謙曰"胡注"</u>史不載<u>伋</u>書,不知其所稱引者何詩。

變雅云:「無罪無辜,讒口嗸嗸。」豈伋所引者即

樹達按:李慈銘云:詞字誤作詩。

望之以問門下生朱雲。(十二上)

竟飲鴆自殺。(十二下) 樹達按:望之為麒麟閣圖象功臣之一人,見蘇武傅。 樹達按:據雲傳,雲從望之受論語,傳其業。 又按雲嘗爲杜陵令,豈卽在此時,故望之得問之乎?

蕭望之傳第四十八(漢書七十八)

六一四

歷冀州青州兩郡刺史。(十三上)

錢大昕曰:育又為朔方刺史,見馮野王傳,本傳失書。

泰山太守。(十三上)

樹達按:郡字誤,當作部。

樹達按:時育令王章家屬贖還故田宅,見章傳。

章,泰山人也。

坐與定陵侯淳于長厚善冤官。(十三下)

年十八,爲左曹,二十餘,御史中丞。(十四上) 樹達按:以丞相翟方進之奏也,見方進傳。

宋祁曰:餘字下當添爲字。

樹達按:此承上文省,宋說非。

時朱博尙爲杜陵亭長,爲咸育所攀援,入王氏。(十四上)

樹達按:朱博傳云:「大將軍王鳳秉政,奏請陳咸爲長史」咸薦蕭育朱博,除莫府屬,鳳甚奇之。」是

咸字仲。(十四上)

其事也。

張掖、弘農、河東太守。(十四上) 樹達按:李慈銘云:咸字仲君,此脫君字。

樹達按:咸由張掖徙弘農,由張禹之請也。

至大司農,終官。(十四上)

樹達按:咸嘗為王嘉所薦,見嘉傳。

## 馮奉世傳第四十九(漢書七十九)

其先馮亭爲韓上黨守。二上

錢大昕曰: 此傳敍馮氏世系百餘言, 與司馬遷楊雄自序略相似。 竊意馮商續太史公書, 亦當有

自序,而班史承用之,故與它傳不同。

樹達按:錢氏讀書可謂得閒,然謂此文本之馮商,則非也。

商陽陵人,與奉世非同族。

據史通正史

篇,續史記者有馮衍,衍爲奉世之曾孫,此必衍有自序,班氏承用之也

丞相將軍皆曰:養秋之義,大夫出疆,有可以安國家,則顯之可也。(三下)

樹達按:見莊公十九年公羊傳。

奉世代爲右將軍、典屬國,加諸東之號。(三上)

樹達按一時奉世議送到支單于侍子事,以為可遣谷吉送至庭,見陳湯傳。

拜太常弋陽侯任千秋爲奮武將軍。(四下)

樹達按:元紀作奮威將軍

馮奉世傳第四十九(漢書七十九)

六一六

羌虜 了破散創艾,亡出塞。(五下)

錢大昭曰:南監本閩本亡下有逃字。 先謙曰:官本有逃字。

樹達按:景祐本有逃字。

奉世病卒。(五下) 樹達按:馬衍爲奉世曾孫。後書衍傳云:「先將軍葬渭陵。 哀帝之崩也,營之以爲園,

於是以新

豐之東,鴻門之上,壽安之中,地勢高敞,遂定塋焉。

奮武將軍任千秋者,其父宮,昭帝時,以丞相徵事捕斬反者左將軍上官樂封侯。(五下)

宣帝時,爲太常,薨,千秋嗣。 後復爲太常。(六上)

宋祁曰:後疑作侯。

樹達按:功臣表封弋陽侯。

令告則得,詔恩則不得。(八上)

樹達按:宋誤於後字斷句,故欲改字。 今按後字當下屬。

恩則不得,失輕重之差。」三今字文同一例,則當作今明矣。藥文類聚刑法部、白帖四十三、御覽治 科,失省刑之意。」下文云:「今釋令與故事而假不敬之法,甚違闕疑從去之意。」此云「今告則得,詔 王念孫曰:令當爲今,此涉上下諸令字而誤。 上文云:「今有司以爲予告得歸,賜告不得,是一律兩

道部十五引並作今。

恩爲對文。若作今告,則文混淆無別矣。 樹達按:令字不誤,王校非也。 告有予告賜告之分:予告由於令,賜告出於詔恩,故文以令告與詔 汪氏但欲求文例之同,不顧立言之實,過信類書, 軱欲 改

字,其蔽甚矣。

子座嗣爵。(八下) 樹達按"後書馮衍傳注引東觀記云"座生衍。 又引華嬌書云:俗祖父立,立生滿,滿生衍。

補謁者。(九上)

樹達按:時邀嘗因召見言石顯韻權,見顯傳。

宗族徙歸故郡。(十下) 樹達按野王通詩,逡通易,立通春秋,參通尚書,諸子人治一經,不始於東京之鄧禹矣。

樹達按:後書方術李郃傳有上黨馮胄,為奉世後人,知東京末葉馮氏猶居上黨也。

宣元六王傳第五十(漢書八十)

上以故丞相韋賢子玄成陽狂讓侯兄。二下〉

宋祁曰"兄字上疑有於字。

樹達按:漢人文於字多省去,宋說非。 宣元六王傳第五十(漢書八十)

春秋之義,大能改變。(四下)

樹達按"荀子大略篇云"春秋賢穆公,以其善變也。

易曰:「藉用白茅,无咎。」言臣子之道,改過自新,絜已以承上,然後発於咎也。(四下) 樹達按"王吉傅云"「吉好梁丘賀說易,令子駿受焉。」則此蓋梁丘氏易說也。

三年,徙楚。(五上)

楚孝王囂,甘露二年立爲定陶王。

今迺遭命,離於惡疾。(五下) 樹達按"囂於元帝時夢祖宗譴罷郡國廟,見韋玄成傳。

冀望,逢遭於外而得凶禍,故曰遭命。 樹達按:論衡命義篇云:傳曰:說命有三,一曰正命,二曰隨命,三曰遭命。

遭命者,行善得惡,非所

夫子所痛,曰"蔑之,命矣夫!斯人也而有斯疾也!(ā下)

樹達按:白虎通壽命篇論遭命亦引此事,云:「冉伯牛危行正言 而遭惡疾,」蓋論語舊說也。

不自它於太后。(七上)

李奇曰:不自它者,親之詞也。 師古曰:言不自同他人。

樹達按"吳王鴻傳云"「吳王不敢自外,使使臣諭其愚心。」不自它與不自外同。

我見尙書晨夜極苦,使我爲之,不能也。(七下) 樹達按:能當讀爲耐

有詔奏請逮捕。(八上)

錢大昭曰:詔當作司,閩 本不誤。 先謙 曰:官本作司。

樹達按:景祐本作司。

或明鬼神,信物怪。(八下)

師古曰:物亦鬼。

樹達按:物當讀為影。說文九篇上鬼部云: 彪字从鬼,而與人死爲鬼者不同,顏云物亦鬼,非也。

魁,

老物精也。

或作魅。

物與彪古音同,

故相通假。

二十三年,薨。(八下)

建平二年。(九上)

樹達按:雅義傳載游詔云:東平王雲親毒殺其父思王,本傳不言,蓋莽之誣辭也。

朱一新曰"案諸侯王表及帝紀,乃三年事。 先謙曰:官本作三年,是。

冰經汶水注引作三年,

與哀紀合。

廣本正作三。

樹達按:景祐本作三。

雲自殺,謁棄市。(九上) 樹達按:廷尉梁相疑雲獄有冤,見王嘉傳。

樹達按"張文虎云"二字誤。

母昭儀又幸,幾代皇后太子。(十上)

樹達按:母下疑當有傅字。

宣元六王傳第五十(漢書八十)

六一九

成帝卽位,緣先帝意,厚遇異於它王。(千上)

樹達按:入朝時,賞賜十倍於他王。又命留京師,不遺歸國,並見元后傳。

御史大夫孔光以爲尚書有殷及王,兄終弟及。(+下) 樹達按:據光傳指言盤庚,以其繼兄陽甲也。

又兄弟不得相入廟。(+下)

宋祁曰:入上當有繼字。

樹達按"孔光傳亦作相入廟。

外家王氏與趙昭儀皆欲用哀帝爲太子,故遂立焉。(十下) 樹達按…王氏謂王根也。根受傅太后賂,故欲立哀帝。

## 漢書窺管卷九

## 国張孔馬傳第五十一(漢書八十<sup>一</sup>)

樹達按:四人皆儒而佞者,故合傳。匡張孔馬傳第五十一。(一上)

家貧,庸作以供資用。(一上)

樹達按:周勃傳注云:「庸,賃也。」庸作謂被顧作役。顏云作役受顧,是矣, 師古曰:庸作,言賣功庸爲人作役而受顧也。 周壽昌! 曰:庸作卽司馬相如傳所云與庸保雜作也。 叉云賣功庸, 非是。

周

說支離不合。

無說詩,匡鼎來。(一上)

秋鼎盛 服虔曰 :鼎猶言當也,若言匡且來也。 ,其義亦同。 應劭曰:鼎,方也。 師古曰:服應二說是也。 賈誼曰:天子春

宋祁 樹達 按 日 祝季張 應說是也。 云 三里鼎來,來音離,協上。 訓方者、蓋讀鼎爲正。 僕檢左傳宣公二年,「棄甲復來,」來亦音 史記五帝紀云:「我思舜,正鬱陶 謂方鬱陶也。 離。

|張孔馬傳第五十一(漢書八十一)

春秋

漢

六二二

鼎盛 按儒林傳 亦謂 春秋正 "衡受齊詩於后蒼,為轅固生三傳弟子。 五經異義引 盛也。 寺聲匠聲之字古音皆在之咍部。 宋以來字就詩頤二 匡衡說。 字之今讀, 非 也 叉

匡說詩,解人頤。(二下)

岐山縣樊紀登第,其父亦以喜而頤脫, 俗諺以人喜過甚者云兜不上下頦, 樹達按"宋周密齊東野語卷六云"匡說詩,解人頤, 即其意。 有聲如破甕。 本朝盛度以第二名登第 此言其善於講誦, 按醫經云:喜則氣緩, 能使人 其父喜甚, 喜而 能令致脫頤, 至於解 頤解 而 頤 信非戲 卒。 也。 又

長安令楊興說高日。(三上)

語

也

將軍以親 樹達按"劉向傳云"興,傾險士。 戚輔政,貴重於天下無二。 興事又見賈捐之傳。 然衆庶論議,令問休譽不 專在將軍者, 何也?

誠

有所聞也。(二上)

樹達按:彼謂衆庶論議之人。 師古曰:以其不能進賢也。 先謙曰:彼謂望之,聞謂薦達也。 有所聞謂知高不能薦賢, 即下文但 舉私門

說未嘗及望之事 何 至突兀言之乎?王說殊誤。 又按文意本云令聞休譽不在將軍 賓客乳母子弟之事 而 云不專在 也。 興

者,詞之婉也。

夫富貴在身,而列士不譽,是有狐白之裘而反衣之也。(三上)

王念孫曰:譽當爲舉,此涉上文令聞休譽而誤也。 列士不舉, 正對上文所舉不過私門賓客乳母子

弟而言。 白帖十二四十三引此並作不舉,漢紀同。

令問休譽不專在將軍。」又云:「一夫竊議,語流天下。」下文云:「以此顯示衆庶,名流於世。」知興立 反衣之,則其美不見。富貴在身而列士不譽,則其美亦不見,故以爲比也,且上文云:「衆庶論議 樹達按…譽字不誤。 高不舉賢,故列士不稱譽之。此就其果言之,不就其因言之也。有狐白之裘而

言之旨在列士之譽也。 舉乃誤字,不可從。

人情以不自知。(三上)

錢大昭曰:以南監本閩 本作忽。 先謙曰:官本作忽,是。

樹達按:景祐本作忽。

遷博士,給事中。(三下)

上有克勝之佐,則下有傷害之心。(三下) 樹達按"時衡議遣郅支單于侍子事,以爲當令使者送至塞卽還,見陳湯傳。

樹達按:本書屢云克獲,克與勝義同,非謂忌克。 王說誤。

先謙曰:克勝謂忌克求勝其民。

上有好利之臣,則下有盜竊之民。至下 樹達按:鹽鐵論本議篇云:「傳曰:諸侯好利則大夫鄙,大夫鄙則士貪,士貪則庶人盜。

匡張孔馬傳第五十一(漢書八十一)

六二三

」說苑貴德篇

云:「故天子好利則諸侯貪,諸侯貪則大夫鄙,大夫鄙則庶人盜。」桓公十五年公羊傳注云:「王者不 書 窥 管 卷 九

漢

當求,求則諸侯貪,大夫鄙,士庶盜竊。」

遷衡爲光祿大夫,太子少傅。(五下)

樹達按: 衡爲太子少傅,議華陰守丞嘉薦朱雲爲御史大夫之非,見雲傳。

《傳曰:審好惡,理情性,而王道畢矣。(六下) 樹達按:韓詩外傳卷二云:「原天命,治心術,理好惡,

適情性,

而治道畢矣。」

又見淮南子詮言篇

文子符言篇。 淮南文子畢作通。

能盡其性,然後能盡人物之性;能盡人物之性,可以贊天地之化。(六下) 之性,能盡物之性,則可以對天地之化育,可以對天地之化育,則可以與天地參矣。 樹達按:禮記中庸篇云:唯天下至誠爲能盡其性,能盡其性,則能盡人之性,能盡人之性,

則能盡物

必審已之所當戒,而齊之以義。(六下)

樹達按:齊讀爲劑,和也

福之興莫不本乎室家,之道衰莫不始乎梱內。(七下)

錢大昭曰:之道二字當乙。 先謙曰:官本作道之衰。

由是爲光祿勳,御史大夫。(七下) 樹達按:李慈銘云:之道南監本作道之。

樹達按"衡爲光祿勳、舉王駿有專對才,見王吉傳。 舉孔光方正,見光傳。

代章玄成爲丞相。(七下) 樹達按一時衡議郅支王首宜勿懸,甘延壽陳湯不可封,以盜收康居財物奏免湯,並見湯傳。 廟不可復,見韋玄成傳。

言郡國

傳曰:君子愼始。(九上)

樹達按"大戴禮記保傅篇云"易曰"正其本,萬物理,失之毫釐,差之千里,故君子慎始也。

上敬納其言。(九上)

言,信而有徵矣。 樹達按"衡戒成帝留神動靜之節, 而成帝紀贊云『成帝善修容儀, 臨朝淵嘿, 尊嚴若神。」 帝納衡

今司隸校尉尊妄詆欺,加非於君。(九下)

樹達按:羅振玉排印敦煌殘卷子本漢書非下有法字。

方下有司問狀。(九下)

師古曰:問司隸。

越騎官屬與昌弟且謀篡昌。(十上) 樹達按:王尊傳明云下御史丞問狀,

顏說謬。

樹達按:殘卷且作日。

匡張孔馬傳第五十一(漢書八十一)

漢

南以 関佰 爲界。(十上)

樹達按:佰殘卷皆作伯。

初元元年, 郡圖誤以閩佰 爲平陵佰。 積十餘歲, 衡封。(十上)

樹達按 蘇林曰:平陵 "殘卷本蘇注在下「臨淮郡」三字下,曰字下有「平陵閩,憧縣千佰名也」九字, 佰 在 閩 佰南。 積十餘歲, 衡乃始 封 此 鄉 南字誤作而,

字屬讀 ,而小顏則改於封字爲句也。

鄉下

有也字。

下又有「晉灼曰:舉郡

而言耳

自封縣也,」十二字。

據此,殘卷本以一衡封臨

淮

郡五.

顧當得不耳,何至上書?(+下)

樹達按: 漢書同。 叉汲 何至猶今言何必也。 黯傳云:「且匈奴畔 其主 史記 司馬相如傳云:「從昆弟假貨, 而降漢,漢徐以 縣次傳之,何至令天下騷動, 猶足爲生, 何至自苦如此! 能弊中 國 īfii 以 न्रा

以致人之故也。」春秋繁露王道篇云:「春秋紀纖芥之失,反之王道,追古貴信結言而已, 夷狄之人乎!」 而後成約。」鹽鐵論 漢許略同。 憂邊篇云:「夫治亂之端,在於本末而已, 句例皆同。 韓非子 外儲說 右 下 篇云:「今身不至勞苦, 不至勞其心而道可 而楚 得也。」 以 F 不至 者 用 有 姓 够

至,皆猶今言不必 也

盟

案故圖,樂安鄉 師古曰:不足故者,不依故圖而滿足也。 南以平陵佰爲界,不足故而以閩佰爲界,解 何? (十下)

解何者,以分解此時意,

猶今言分疏也。

先練曰: 詰

間

評

言不

不依故 圖而以此爲解,是何意也?本書何字爲句,如周亞夫傳:「君侯欲反,何?」伍被傳:「公獨以

爲 無 福 ·',何? 」汲黯傳:「不早言之,何?」皆其例也,顏說非。

以何一字爲句,並非是。 今哭而不悲,君知其解未?陳平曰:何解? 樹達按 不足故敦煌殘卷木作不從故。又按"顏以「解何」二字連讀,是也。 」解何猶言何解也。 解猶今言理由,顧以分疏爲說, 外戚傳:「太后獨有 帝,

王

例遣從史之僮,收取所還田租穀千餘石入衡家。(+下)

樹達按:殘卷本作九千餘石。

司隸校尉駿、少府忠行廷尉事,劾奏。(十下) 樹達按:駿,王駿也。

春秋之義,諸侯不得專地。(十一上)

樹達按:義見桓公元年公羊傳。 衡丞相 封侯,故以春秋時諸侯擬之。

**衡位三公,輔國政,領計簿。**(+ 上

張禹字子文。(十一上) 樹達按:殘卷本作統領計簿。

徙家蓮白。(十一上)

樹達按:殘卷本作字文子。

匡張孔馬傳第五十一(漢書八十一)

六二七

書 窺 管 卷 九

錢大昭曰:白當作勺。 先謙 日:官本作勺。

樹達按"殘卷本景祐本並作勺。

從沛郡施讎受易。(十一下) 樹達按 "儒林傳"禹先事梁丘賀,由賀介之於讎。

奏寢,罷歸故官。(十一下)

薦言禹善論語。(十一下)

樹達按 医衡以宣帝不用儒遣歸,

此亦同也。

宋祁曰:善字下疑有說字。

樹達按: 薦言殘卷本作爲言, 善下有說字。

是時,帝舅陽平侯王鳳爲大將軍 ,輔政, 專權。(十一下)

樹達按:殘卷本作帝長舅。

而上富於春秋,謙讓,方鄕經學,敬重師傅。(+一下)

史丹傳云:太子長舅陽平侯為衞

尉, 亦

云長舅。

一殿中,

即此。

蓋成帝即位後,

樹達按"敍傳云"時上方鄉學,鄭寬中張禹朝夕入說尚書論語於金華

仍繼修太子時所習之業也。

禹成就弟子尤著者,淮陽彭宣 至大司空。(十二上)

樹達按:宣傳及儒林傳,宣受禹易學。

六二八

沛郡戴崇,至少府。(十二上) 林傳。 少府者,長樂少府,崇嘗薦王莽,並 見莽傳。

樹 1達按:崇字子平,受易於禹,見儒

宣未嘗得至後堂。(十二下) 樹達按:宣傳,禹薦宣經明有威重, 可任政事,則馬之於宣,固有厚之者在也。

師古曰:肥牛,亭名,欲以置亭處之地爲冢塋。

好平陵肥牛亭部處地。(十二下)

樹達按:如顏注,則原文部字爲虛設,其說非也。 今按:此句亭部二字當連讀。 說文十三篇下土部

繫,休囚徒。」蓋亭有繫囚之所,名曰亭部。 注當云:「欲得亭部所處之地爲冢塋,」乃合。 下文但言 云:「埍,徒隸所居也,一日女牢,一日亭部。」後書靈帝紀云:「使侍御史行詔獄亭部,

理

寃

枉,

原輕

亭徙則亭部亦隨之而徙耳。顏注未晰。又按殘卷本無顏注

有「文穎曰肥牛地名也」八字。

徙亭者,乃略文。蓋亭部隸屬於亭,

禹每病, 輒以起居聞。(十三下)

樹達按:病殘卷本作疾。

親拜禹牀下,禹頓首謝 恩,歸誠。(十三上)

宋祁曰:恩字下當有 因字。 王念 孫 日 "宋說是也。 因歸 誠 三字下 屬爲義, 若無 因 字, 則語意不完。

此以恩因二字相似 匡張孔馬傳第五十一(漢書八十一) ,故寫者脫 去因字耳。 通典禮二十七有因字。

漢

樹達按:殘卷本有因字。

拜爲黃門郎,給事中。(十三上)

而反留意少子,乞還女壻。朱游欲得尚方斬馬劍以理之,固其宜也。

樹達按"後書楊賜傳云"賜仰天歎曰"吾每讀張禹傳,未嘗不憤恚歎息。

不能竭忠盡情,極言其要,

禹雖家居,以特進爲天子師。(十三上)

樹達按:以特進殘卷作以特進侯。

國家每有大政,必與定議。(十三上)

師古曰:與讀曰豫。

樹達按一與當如字讀。據朱博傳,成帝建三公官,問馬,禹以爲然,乃定。

是其事也。

永始元延之間。(十三上)

樹達按:殘卷本無之字。

上懼變異數見,意頗然之,未有以明見。(十三上)

宋祁曰:未字上當有而字。

樹達按:殘卷本有而字。

樹達按:殘卷本四十作冊,三十作卅。 二百四十二年間,日蝕三十餘,地震五十六。(十三下)

六三〇

上雅信愛禹,由此不疑王氏。(十三下)

禹見時有變異,若上體不安,擇日潔齋,露蓍。(十三下) 樹達按一杜業上書,謂安昌侯張禹姦人之雄,此類是也

樹達按:若當訓或,王訓 及,非。 擇日殘卷本作常擇日。

先謙曰:若,及也。

如有不吉,禹爲感動憂色。(十四上)

宋祁曰:咸動字下疑有有字。 樹達按:殘卷本作有憂色。

始魯扶卿及夏侯勝、王陽、蕭望之、韋玄成皆說論語,篇第或異。(十四上) 樹達按一論衡正說篇云:「武帝發取壁中古文,得二十一篇,齊、魯、河間九篇,三十篇。 至昭帝女讀 目或多

或少,文讚或是或誤。」又按三夏侯勝傳:勝受韶撰論語 二十一篇,今時稱論語二十篇,又失齊、魯、河間九篇。本三十篇,分布亡失,或二十一篇,

說。

周壽昌曰:念,背誦也,今猶云讀書爲念書。

欲爲論,念張文。(十四上)

也。」唸明今詩作殿屎。 樹達按:念假爲唸。 說文二篇上口部云:「唸, (毛傳云:「殿屎,呻吟也。」今長沙謂新授書爲點書, IJП 也, 引詩「民之方唸卯」。 點疑卽唸字。 又卯下云:「唸卯, 段注 云 呻

六三一

匡張孔馬傳第五十一(漢書八十一)

郭 音站。」按今云唸書,亦從呻吟義來,非謂背誦也。 漢 窺 管 卷 £ 周說非。 論文,古痕部韻。

孔子生伯魚鯉。(十四下)

樹達按:名字連舉,必先字後名,此古書通例。 師古曰:名鯉,字伯魚,先言其字者,孔氏自爲譜牒,示尊其先也。 文公十一年左傳云 **耏班御皇父充** 

石。

陳湯

傳云:

其至誠,迺弗用。(十五上) 上欲致霸相位,自御史大夫買禹卒,及薛廣德免, 楚有子玉得臣。」並其例也。 顏說非其實。 輒欲拜霸。 **霸讓位**,自陳至三,上深知

宋祁曰:三字下當有日字。

樹達按:殘卷本有日字。

長子福嗣關內侯。(十五上)

宋祁曰"監浙二本皆云嗣 爵

樹達按:殘卷本作嗣爵

徙光祿勳,爲御史大夫。(十六上)

樹達按"上文云"為光祿勳,此徒光祿

勳則

謂從光祿勳徒也

光爲御史大夫,舉師丹,

見丹傳。

左遷廷尉。(十六下)

樹達按一時光使持節賜許廢后藥自殺,見成紀及外戚傳

是歲,右將軍慶後將軍博坐定陵、紅陽侯,皆冤爲庶人。(十七上)

師古曰:廉裹朱博坐與淳于長王立交厚也。

樹達按:博傳,博坐立黨友免,則襃坐長免也。此傳合言之。

即其夜於大行前拜受丞相博山侯印綬。(十七上)

請議毀宗廟,

見韋玄成傳。

薛况使人傷申咸 稱茂爲長者,

以卓茂爲長史,

事,是御史中丞之奏,見薛宣傳。不允劉歆立左氏之請,見儒林傳。

樹達按:光為丞相,與何武奏定樂人數,見禮樂志。

羣下多順指言"母以子貴。(十八上)

見後書茂傳。

樹達按:母以子貴,見隱公元年公羊傳。

由是傳氏在位者與朱博爲表裏,共毀潛光。(十八上)

樹達按:博傳:博言:光志在自守,不能憂國。

歲之朝日三朝。(十九上)

師古曰:歲之朝,月之朝,日之朝,謂之三朝。

樹達按…三朝說詳鮑宣傳三始下。

拜爲光祿大夫。(二十上)

樹達按:時光議丞相王嘉迷國不道,見嘉及兩襲傳。

匡張孔馬傳第五十一(漢書八十一)

敞以舉故,爲東平太守。(二十下)

宋祁曰:舉字上當有光字。

樹達按:此追

述前事,與光薦

無涉,

宋說非。

一月,爲丞相。(二十下)

光更爲大司徒。(二十下) 樹達按"王嘉傳"成帝感嘉言,復相光也。

會哀帝崩,太皇太后以新都侯王莽爲大司馬。(二十下)

樹達按:時董賢過光,光拜謁送迎,哀帝喜,遂拜光兩兄子為諫大夫,見賢傳。

樹達按一哀帝崩時,太后詔,公卿舉可大司馬者,光舉捧,見恭傳。 又哀帝崩時,

光劾奏張由史立,

見外戚傳。

所欲搏擊,輒爲草,以太后指風光,令上之。三十一上)

樹達按"莽傳云"「為請奏,令光女壻甄邯持與光。光素畏慎, 毋將隆、丁、傅、董賢等之免,王立之就國,皆依此法爲之。 不敢不上之。」 又按 何武、公孫祿

明 年 ·,徙爲太師。(三十一上)

其令太師毋朝,十日一賜餐。(二十二下) 樹達按:時光與莽議復長安南北郊,又與莽議定地祇名及五帝兆居,並見郊祀志。

先謙曰:官本毋作每,是。

樹達按 毎朝 十日一 賜餐,文義不屬。 此以前詔光朝朔望,此則令其朔望亦発朝也。 景祐本作毋,

與此本同,清官本誤。

徵爲詹事,光祿勳,右將軍。(二十三上)

樹達按:宮爲光祿勳,議劾王嘉迷國罔上,見嘉傳。

代孔光爲大司徒。(二十三上)

廣傳。 北宋本後漢書作大司徒馬宮辟之,毛本徒誤作農。

樹達按:時宮與漭議定地祇名及五帝兆居,見郊祀志。

優士薦陳遵,見游俠傳。

辟胡剛,見後書胡

本姓馬矢,宮仕學,稱馬氏云。(二十三下)

馬適建,無緣取馬糞爲姓。 何焯曰:宮與平晏事漭,尤儒之賤者,著此以別於他馬。

沈欽韓曰:矢疑適之轉變。

漢有執金吾

京氏。」自易姓氏,史家記述,事所恆見,何說求之過深,殆非班旨。 樹達按:宮正以馬糞爲嫌,故改稱馬氏耳。 沈說殊爲慣慣。京房傳云:「房本姓李, 推律, 自定為

王商史丹傳喜傳第五十二(漢書八十二)

王商史丹傅喜傳第五十二。(二上)

王商史丹傅喜傳第五十二(漢書八十二)

樹 達按"三人皆外戚中之賢者,故不入外戚傳而特傳之。

王商字子威,涿郡蠡吾人也。(二上)

產子男無故、武。」商爲武子,乃廣望人,非蠡吾也 樹達按"張燴云"案外戚傳,宣帝求得外祖 母王媼, **媼言:「家本涿郡蠡吾平鄉** ,嫁爲廣望王迺

始 婦,

元帝時,至右將軍,光祿大夫。(1上)

見陳湯傳。 傳未及。 商爲右將軍時,議甘泉河東祠宜如 禮徙 就正陽大陰處, 是商於元帝時嘗爲駙馬都 見郊祀志。 議郅支單于首宜縣, 尉, 本

長安中大亂。(二下)

樹達按:景祐 先謙曰:官本長安上有正 文「老弱號 呼 四字, 注文「師古曰呼音火故反」八字, 此本殿。

本有正文四字及注文八字。

從外制中,取必於上。(三下)

樹達按:外謂外朝,中謂中朝。 商爲丞相,在外朝, 故云從外制中也。

遭票輕吏微求人罪。(三下) 師古曰 微謂私求之也

樹達按:微當讀爲臘。 說文八篇下見部 云:「覹,司也。 从見,微聲。」按司與伺

同。

#### 故應是而 日蝕。(三上)

樹達按: 宣公十五年公羊傳云:上變古易常,應是而有天災。

**18**日:日中見昧,則折其右肱。(三上)

指日中黑氣,知服說是。 不作法。易釋文云:鄭作味,與此合。 宋祁曰"易作見沫,王弼云"沫,微昧之明也。王觀國云"昧與洙義同。 西漢舊義子夏傳以爲星之小者,字林以爲斗杓後星, 服虔說易昧義云:日中而昏也。 案此引以證 蘇興日三王莽傳引亦作 皆爲異訓。 H 他, 莽傳引以 今易無

樹達按 五行志下之下劉歆引字亦作昧,無則字。

則字,王觀國學林九引此傳亦無,疑衍文。

卒無忧愁憂。(三下)

師古曰:悐,古惕字。

樹達按:說文十篇下心部云:惕,敬也。 或作愁。

宜窮意考問。(三下)

錢大昭曰:意當作竟。 南監本閩本不誤。 先謙曰:官本作竟。

樹達按:景祐本作竟。

且失道之至,親戚畔之。(三下)

樹達按:孟子公孫丑下篇云:失道者寡助,寡助之至,親戚畔之。

王商史丹傅喜傳第五十二(漢書八十二)

大三七

高侍中,貴幸,以發舉反者大司馬禹功封樂陵侯。(五上)

樹達按"宣帝問穀梁春秋事於高,見儒林傳。 黄霸薦高可太尉,見循史傳。

建昭之間。(五上)

宋祁曰:問考作後,越本作後。

不得云間明矣。 樹達按:景祐本作後,是也。凡二元號之間乃言間。

張禹傳云:永始元延之間,

是也。

此單言建昭

**隤銅丸以擿鼓。(五下)** 

樹達按:說文十四篇下自部云: 隤,下墜也。

丹進曰"凡所謂材者,敏而好學,温故知新。(五下)

子曰:敏而好學,不恥下問,

是以謂之

文也。 樹達按:論語公冶長篇云 又為政篇云"子曰"溫故而 子貢問 知新, 曰:孔文子何以謂之文也? D) 以爲師矣。

上以責謂丹。(五下)

師古曰:謂者,告語也。

樹達按: 謂疑誚字形近之 誤,顏強說之。

臣 1.誠見陛下哀痛中山王,至以感損。(六上) 樹達按:感當作減。

後徙左將軍、光祿大夫。(六下)

樹達按一丹為左將軍,舉班於賢良方正,見殺傳。

以喜爲衞尉。(七下)

樹達按:時哀帝遣喜問李尋以災異,見尋傳。

明年正月,迺徙師丹爲大司空,而拜喜爲大司馬,封高武侯。(八上)

此因喜而及丹,

樹達按:百官表,綏和二年十月,丹爲大司空。建平元年四月,喜爲大司馬。 不復分別。惟正月與四月不合,必有一誤。又按三喜爲大司馬時,救孫寶、 見寶傳。

薦鄭崇

連言 見

君輔政出入三年。(八下)

樹達按:此是相對為稱,與王章傳不同,不宜並論。 蘇興曰:漢世君字上下通稱,此君稱臣也。 王章傳章女云:我君素剛, 先死者必君,此子稱父也。

後又欲奪喜侯,上亦不聽。(八下)

樹達按:詳朱博傳。

薛宣朱博傳第五十三(漢書八十三)

故使緣平鐫令。(三上)

薛宣朱博傳第五十三(漢書八十三)

六四〇

晉灼曰:王常爲光武鐫說其將帥。

樹達按

子之道,焉可憮也。(三下)

先謙曰:官本考證引蕭該曰:學林 云:此傳直用憮字以當誣字耳。 **憮有空之義**,可借 與 通用。

其以府決曹掾書立之柩以顯其魂。(四上)

樹達按:錢泰吉云:此語今見王氏學林中。

王氏

爲宋南渡以後人,蕭博士曠代遙遙,不相及

篇云:「銘,明旌也,以死者爲不可別已,故以其旗識之。」 樹達按:此謂書明旌也。 儀禮士喪禮云:「爲銘各以其物,書銘于末, 日 "某氏某之柩。」禮記檀弓下

宣考績功課,簡在兩府。(五上)

師古曰:簡,大也, 日明 也。

樹達按:說文五篇上竹部云:簡,

牒也。

此與論語堯日篇

簡在帝

心

文同而義

異

是用越職陳宣行能,唯陛下留神考察。(五下)

也

"據王吉傳、永此奏推宣,所以抑王駿

樹達按

數月, 代張禹爲丞相,封 高陽侯, 食邑千戶。(五下)

力逐捕逃亡,見翟方進傳 樹達按:宣爲相,奏劾張放,見張安世傳。 直何武 見武傳。 請朱雲居東閣, 見雲傳。 請遣掾史與司隸校尉部刺

宣經術又淺。(六上)

樹達按"翟方進傳云"宣本不師 受經 術

有司法君領職解嫚。(六下)

師古曰:法謂據法以劾。

宣知方進名儒,有宰相器,深結厚焉。(六下)

樹達按:法可訓劾,不必言據法,說詳百官公卿表諸吏得舉法條下。

樹達按:互詳方進傳。

位次師安昌侯。(六下)

樹達按:朱一新云:張禹爲帝師,故稱 師安昌侯。

修歷郡守,京兆尹,少府。(六下)

樹達按:修為京兆尹,為丞相司直郭欽奏発,見鮑宣傳。 修爲王嘉所薦, 見嘉傳。

欲令創咸面目,使不居位。(七上) 張酺傳載郡東王青以身有金夷,不被舉。 樹達按:漢官儀載博士祭酒舉狀,通典二十七引後漢督郵狀文, 知面目被創不能居位,乃漢制如此。 並有「身無金姨錮疾」之語で

與謀者同罪。(七下)

樹達按:與讀日豫。 薛宣朱博傳第五十三(漢書八十三)

六 四二

春秋之義,原心定罪。(八下)

不誅。 惕之心。 異論,其本殊也。 本直者其論輕。 樹達按:春秋繁露精華篇云:「春秋之聽獄也,必本其事而原其志。 杖擊內,誤傷乙,甲當何論?或曰:殿父也,當梟首。 甲非律所謂殿父,不當坐。」 挾杖而救之,非所以欲毆父也。 。」御覽六百四十引蓋仲舒斷獄云:「甲父乙與丙爭言相關,丙以佩刀刺乙, 是故逢丑父當斮,而轅濤塗不宜執,魯季子追慶父,而吳季子釋闔廬, 鹽鐵論刑德篇云三春秋之治獄, 春秋之義,許止父病,進藥於其父而卒 論曰:臣愚以父子至親也,聞其門, 志邪者不待成,首惡者罪恃重 論心定罪。 君子原心, 志善而違於法者 此四 莫不 甲 者 有忧 即以 罪同 赦

**免,志惡而合於法者誅。」** 

初,宣後封爲侯時妻死。(九上)

樹達按:後當爲復。 上文云:復爵高陽侯,是其事也。

且嫂何與取妹披抉其閨門而殺之?(九下) 樹達按:爾雅釋親云:夫之女弟爲女妹。

杜陵 "博爲京師世家。

博字子元,

人也。(九下)

好客少年,捕博敢行。(九下 樹達按一翟方進傳

師古曰:好賓客及少年, 而追捕 擊搏無所避也。 錢大昕日 捕博當為蒲博之誤。 師古解爲追捕擊

搏,非也。

樹 達按:好客少年謂好結納少年以爲賓客,顏云好賓客及少年,非 也。蒲博敢行意不貫,顏說是也。

博出獄,又變姓名爲咸驗,治數百。(十上)

樹達按:驗謂證驗。 是其 一證也。

王嘉傳云『證驗擊治,或死獄中。」

徙雲陽平陵三縣。(十上) 樹達按:以咸前指言石顯,有忠直節,故補咸長史,見咸傳。

大將軍王鳳秉政,奏請陳咸

爲長史。(十上

博奮髯抵几曰。(十一上)

樹達按:三當作二,景祐

本亦誤。

師古曰:抵,擊也,音紙。

聲。」諸氏切。 據文義,字當作抵,不作抵

樹達按"說文十二篇上手部云"「抵,擠也。

从手, 氐聲。」

丁禮切。

又云:「抵,

側擊也。

从手,

氏

官屬多褒衣大紹。(十一上)

樹達按"說文八篇上衣部云"招,終上也。

以爲縣自有長吏,府未嘗與也。丞掾謂 府當與之邪?(十一下)

樹達按…李慈銘云…嘗疑爲當之誤,與下句當與二字相應。

薛宜朱博傳第五十三(漢書八十三)

六

久之,遷後將軍。(十三下)

樹達按:時王莽以私買侍婢奉博,見莽傳。

有司奏立黨友,博坐免。(十三下)

樹達按:此翟方進所奏也,見方進傳。

後歲餘,哀帝卽位,以博名臣,召見,起家復爲光祿大夫。(十三下) 博之召見超遷,蓋出於哀帝報德之意耳。 樹達按:哀帝初即位,杜業嘗薦博,見業傳。

據孔光傳,

博爲後將軍時,

與議立嗣,

博主立定陶王。

春秋之義,用貴治賤。(十五下)

以博代光爲丞相。(十五下) 樹達按:語見昭公四年穀梁傳。

樹達按:時博奏劾王莽,見莽傳。

博受韶與御史大夫趙玄議。(十六上)

樹達按:玄爲鄭寬中弟子,見儒林張山拊傳。

襲勝等十四人以爲:春秋之義,姦以事君,常刑不舍。(十六下)

樹 [達按:姦以事君語見襄公二十六年左傳。 有常無赦,在九刑不忘。」此文蓋渾括其義用之。下文叔孫僑如云云,亦本左傳。 又文公十八年左傳云:「主藏之名,賴姦之用,爲大凶

尋劉歌傳,

歐

六四四

願乞骸骨罷,是勝非喜左氏傳者。 欲立古文左氏春秋等,移書太常博士貴讓,其言甚切,諸儒皆怨恨,襲勝以歆移書,上疏 此文乃一再稱引,與彼文乖異,疑此乃毋將隆傳 所謂 深自罪 連 名奏事, 責,

勝雖具名而文不必出自勝也。

之。(十六下) 魯大夫叔孫僑如欲顯公室,讚其族兄季孫行父於晉,晉執囚行父以亂魯國, 春秋重而書

樹達按:晏與喜爲兄弟,故以僑如行父事爲比。

## 翟方進傳第五十四(漢書八十四)

欲西至京師受經,母憐其幼,隨之長安,織屨以給。 方進讀經博士,受春秋。二上

先謙曰:讀字斷句,經猶歷也。

樹達按:以給當爲句。讀經博士,讀經於博士也,圧讀非。

以射策甲科爲郎。(二下)

樹達按一時方進與何武為友,見武傳。

遷議郎。(一下)

是時宿儒有淸河胡常,與方進同經。〇下) 樹達按:時方進議甘泉 泰時河東后土祠宜徙正 陽大陰處,見郊祀志下。

翟方進傳第五十四(漢書八十四)

漠

杏

六四六

蘇 輿 日:同習經 也。 京房傅亦云:五鹿充宗與房同經。

樹達按 充宗與京房同經,亦謂同治易也 "儒林傳"常受害於庸生,於春秋則明穀粱,兼傳左氏,與方進受穀梁兼習左氏者正同。五應

常爲先進。(一下)

孫江博士,爲江公三傳弟子。 樹達按"儒林傳"常受左氏於尹更始,方進亦從更始受穀梁,似爲同門。 方進受穀梁於更始,爲江公四傳弟子。二人皆以穀梁爲本經 然常受穀梁於瑕丘江公之

故常

所察應條輒舉。(一下)

爲先進也

蘇與 樹達按:條謂 日 應條謂應科條,吏有無狀如科條所禁者,察出輒舉奏也。下云:上以方進所舉應科,義同。 詔 條,所謂六條者也。 鮑宣傳云 :所察過詔條 是其證矣。 薛宣傳云:部刺史不循守

**漆秋之義,王人微者序乎諸侯之上,尊王命也。**(三下)

條職,亦指詔條言。

樹達按…僖公八年公洋傳云:「王人者,何?微者也。 曷爲序乎諸侯之上?先王命也。」 穀梁傳云:

「王人之先諸侯,何也?貴王命也。」

今丞相宣請遺掾史,以宰士督察天子奉使命大夫,茜誖逆順之理。(二下) 師古曰"謂丞相掾史爲宰士者,言其宰相之屬官而位爲士也。 奉使命大夫,謂司隸也。

樹達按"天子奉使命大夫,謂天子所使命之大夫也。 文用奉字, 似於文義未安,然古人有此用

不能以後世文例繩之。

而 宣欲專權作威,廼害於迺國,不可之大者。(三上)

師古曰:周書洪範云:「臣之有作福作威,迺凶於迺國,害于厥躬, 故引之。

本, 又漢書它傳屢引此文,無有 如颜 氏此注 者。

樹達按:張文虎云

"廣本注作乃凶于而國。

案今經作其害于而家,

凶于而

國

自石經以

及流傳舊

貴戚近臣子弟賓客多辜權爲姦利者。(四上) 宋祁曰"學林云"。辜権者 ,乃阻障而獨 阻其利。

樹達按 氏校語爲南宋人附益不少。 "錢泰吉云"學林語今見王氏觀國學林中。 景文卒於嘉祐六年, 而校語中往往稱熙寧監本, 王氏爲宋南渡以後人, 宋景文豊得引之! 世人多不及辨正

蓋宋 īfii

遷御史大夫。(四下) 樹達按一時與薛宣奏劾張放,見張安世傳

錄之。

會丞相薛宣 坐廣漢盜賊羣起,及太皇太后喪時三 一輔吏並徵發爲姦,免爲庶人, 方進亦坐

樹達按 京兆 尹時 平帝紀 奉喪事 云三遣諫議 煩擾百 大夫行三輔,舉籍吏民,以元壽二年倉卒時橫賦歛者償其 姓,左遷執金 吾。(四下

翟方進傳第五十四(漢書八十四)

六四 -6

直。

元壽

漢書窺管卷九

年謂哀帝崩時也。然則宣方進雖坐是受懲,後竟成惡習不改也。

六四八

**遂**擢/方進爲丞相,封高陵侯,食邑千戶。(四下)

樹達按:時方進又劾張放,見張安世傳。 重馮麥而戒之,見馮奉世

傳。

議立嗣主立定陶王,議湻于

長妻迺始等當論罪,並見孔光傳。 奏請改刺史爲州牧,見朱博傳。 舉師丹,見丹傳。

如陳咸、朱博、蕭育、逢信、孫閎之屬。(五上)

樹達按:孫閎杜業傳作孫宏。

後方進爲京兆尹,咸從南陽太守入爲少府,與方進厚善。先是逢信已從高弟郡守歷京兆 之。(五上) 太僕爲衞尉矣,官簿皆在方進之右。及御史大夫缺,三人皆名卿,俱在選中, 而方進得

<u>咸詰責方進,冀得其處,方進心恨。(五下)</u> 樹達按:方進時令師丹奏咸爲姦利以沮咸,故方進得之,見杜欽傳杜業上書。

樹達按:其處謂御史大夫。

樹達按:湯傳云:莫府事壹決於湯。初,大將軍鳳奏除陳湯爲中郎,與從事。(五下)

而官媚邪臣。(六上)

樹達按"朱一新云"官猶公也。

### 臣請免以示天下。(六上)

樹達按 一减傳亦載此奏,文不同,當互參。

案後將軍朱博,鉅應太守孫閎,故光祿大夫陳咸,與立交通厚善,相與爲腹心, 有背公死

黨之信。(六下) 樹達按:據杜業傳,閱不與立相愛,乃方進以私怨排之,詳具 八彼傳。

咸旣廢錮,復徙故郡,以憂發疾而死。(七上)

宋祁曰:監本楊本云以憂發疾而死,別本越本云以憂死。 錢大昭曰:閩本無發疾而三字。

减傳亦云

以憂死。

樹達按"景祐本作以憂死。

其左氏則國師劉歆,星歷則長安令田終術 師也。(七下)

欲當大位爲具臣以全身,難矣。(八下) 樹達按:國師劉歆,本當云國師劉歆師,因下師字省。 終術又見汪莽傅,助游居攝者也。

樹達按:論語先進篇云:今由與求也,可謂具臣 矣。

先謙曰 "官本使作後。

使議者以爲不便。(九上)

錢大昭曰:使南監本閩本作後。

樹達按:景祐本作後,是也。

使乃誤字。

賜乘輿祕器,少府供張,柱檻皆衣素,天子親臨弔者數至,禮賜異於它相故事。(九下)

習方進傳第五十四(漢書八十四)

書

窺

管

卷

九

六五〇

傳

樹達按:成帝為此,杜業嘗論其非, :幾死者數焉。 見業傳。 又按至字上下屬皆不可通, 當是焉字之誤。 外戚

欲令都尉自送,則如勿收邪? (十上)

王念孫曰:如猶將也。 言猶欲令都尉自送,則將 勿收邪。 古者如與將同義, 說見釋詞。

樹達按:深詞如有當義,此如字當訓當,不訓將

故擇宗室幼稚者以爲孺子。(十下

樹達按"故與見知故縱之故字同,猶今言故意也。

設令時命不成,死國埋名,猶可以不慙於先帝。(+下)

師古曰:埋名謂身埋而名立。

蘇興 曰:

埋名即以身殉名之意。

爲國而死,爲名而埋也。

樹達按 一焦循易餘籥錄卷八云:埋名謂汙以惡名也。 事成 則忠義之名明於天下,事不 成 而 身

按 **游必加以惡名**, "顏蘇二說並非是。 焦說近之,然訓蘿爲汙,則義仍隔。 故曰埋名也。 淮南俶真訓 :塵垢麵 山林。 高誘注云:藝, 余謂:麵名謂埋沒其忠義之名耳。 **汙也。** 薤 卽 埋字。 死 樹 則

樹 檄郡國,言:莽鴆殺孝平皇帝, 達按:義未發時,高康門人上書 言一候知東郡 矯攝 尊號。 有兵。 今天 及發, 子已立, 赤誅康。 共行天罰。(十一上) 見儒林傳。

4 郎將震羌侯竇兄 爲奮威將軍。(十一下)

師古曰:兄讀 日况

樹達按:王莽傅有護羌校尉竇况,始即一人。 班書多書况作兄,蓋避班况諱改。 亦有書作况者,蓋

後人所改也。

大誥道諸侯王三公列侯于汝卿大夫元士御事。(十二上)

樹達按:于,與也。 見經傳釋詞

予惟以汝于伐東郡嚴鄉 逋播臣。(十三下)

樹達按:于,往也

信父故東平王雲,不孝不謹,親毒殺其父思王,名曰鉅鼠。(十七下)

師古曰: 鉅,大也, 漭誣雲呼其父曰鉅鼠也

樹達按:此謂東平王雲有鉅鼠之號耳。 莽雖 誣謗,亦當取信於人,以子而名父曰鼠,人豈肯信之乎!

諸將東破陳留盛。(十七上)

錢大昭曰:破字誤,南監本閩 本作至。

樹達按:景祐本作至。

兄宣靜言令色,外巧內嫉。(十七下)

捕得義,尸磔陳都 市。(十八下)

翟方進傳第五十四(漢書八十四)

樹達按:此用論語巧言令色語,因下句有外巧字,變巧爲靜,乃避複變文之例。

靜言本尚書。

樹達按:王翁與義起兵、義敗、餘衆悉降、惟翁力戰、漭燔燒之、見後書張雕傳。 又義死後, 百姓思

六五一

六五二

英 九

漢,多言義不死,故王郎詐稱之,見郎傳。

本不得信。(十八下) 樹達按…天鳳三年,王孫慶捕得,莽使人刳剝之,見莽傳中。

樹達按:翟宣女習被捕殺,見後書城陽恭王祉傳。

夷滅三族,誅及種嗣。(+九下)

初,汝南舊有鴻隙大陂,郡以爲饒。(二十上) 樹達按:說文十四篇下島部云:陂,一日池也。

方進爲相,與御史大夫孔光共遣掾行事。(二十下)

錢大昭曰:事當作視,南監本閩本不誤。 先謙曰:官本作視。

樹達按:景祐本作視。

**雞燕曰:壞陂誰?翟子威,飯我豆食羹芋魁。反乎覆,陂當復。**(二十下) 樹達按:此陂光武時爲汝南太守鄧晨修復, 見後書晨傳及方術許楊傳。

彼文引歌云:「飴我大豆,

亨我芋魁。」陂名作鴻卻,卻隙古通用。

谷永杜鄴傳第五十五(漢書八十五)

谷永杜鄴傳第五十五。二上)

樹達按:二人皆有文學,同附王氏, 故

欲末殺災異,滿躝誣天。(五上)

末殺本字。 樹達按:說文十一篇上水部云:渡,拭滅貌。 徐音莫達切。 叉云:波, **瀎**淡也。 讀若茶榝之檢。

此

諸侯大者迺食數縣。(五下)

樹達按:迺,裁也,僅也。

三者無毛髮之辜,不可歸咎諸舅,此欲以政事過差丞相父子中尙書宦官, 說詳項籍傳。 檻塞大異,皆

瞽說欺天者也。(五下)

朱一新曰:此當爲比。

樹達按…李慈銘云…此字疑當爲及字之誤,玩下文皆字可見。按…李說是也。

陛下誠深祭愚臣之言,致懼天地之異,長思宗廟之計,改往反過,抗湛溺之意,解偏駮之

師古曰"抗、舉也。

愛。(六下)

樹達按:抗當訓拒,訓舉不合。

由是擢爲光祿大夫。(七下)

樹達按一時永諫止受匈奴使伊邪莫演之降, 谷永杜鄴傳第五十五(漢書八十五) 見匈奴傳。 又按永嘗再爲光祿大夫, 其第二次在永始

六五四

三年,由太中大夫遷。 據匈奴傳殺其事於河平元年,則其奏當在此時也。

不聽浸潤之讚,不食膚受之愬。(七下)

師古曰:食猶受納也。

樹達按:鹽鐵論相刺篇

云…賢聖不能正不食諫諍之君,食字義同。

陽朔中,鳳薨。(八上) 樹達按:段會宗傳,陽朔中,會宗復爲都護,谷永閔其老復遠出,予害戒之,是此時事。

師古曰:屬,近也。 晉之欲反。蘇興曰:屬猶頃也。 史丹傳"臣竊戒屬毋涕泣。 屬聞以特進領城門兵。(八下)

樹達按:屬顏訓近,是也。 史丹傳屬字與今囑字同; 非此字義

|永數謝罪自陳,得轉爲長史。(八下)

樹達按一永嘗奏言薛宣應補御史大夫缺,見宣傳及王駿傳,其事在陽朔四年,當是永爲長史時事。

|晉猶不平,薦永爲護菀使者。(九下)

如使危亡之言輒上聞,則商周不易姓而迭興,三正不變改而更用。(九下) 樹達按 皆依嫒,」是其證也。 沈欽韓曰一典護牧菀在西北邊郡者。 沈說是也。 後書馬援傳注引續漢書云「過北地任氏畜牧,是時員為護菀使者, 故人賓客

王念孫 曰:案變改更三字語意重疊,改當爲政,謂變其政而更用之也。 變政與易姓對文,此因字形

相似而誤。

其重疊而欲改字,誤。 樹達按…三正變政文義不可通,改字不誤。 更用與迭興爲對文,乃更互之義,與變改義不同。 王疑

|秦所以二世十六年而亡者。(十一上)

樹達按:梁玉繩云:秦凡十五年,冰謂十六年,誤。

樹達按"頃敍傳作傾,是也。許班之貴,頃動前朝。(十一下)

崇聚傳輕無義小人,以爲私容。(十二上)

飲醉吏民之家。(十二上) 樹達按:小人五行远作之人。

樹達按"五行志作醉飽,通鑑用彼文。

先謙曰:通鑑飲醉作醉飽。

樹達按:後書東平王蒼傳注引此作以次貫行,固執無違。(十三上)

以貫行。

谷永杜鄠傳第五十五(漢書八十五)

明年,徵永爲太中大夫。(十四下)

六五六

樹達按:時永諫宣布梁王立淫亂事,見文三王傳。 上疏訟陳湯,見湯傳。 救劉輔 見輔傳。

絕命隕首,身膏草野。(十四下)

錢大昭曰"草野南監本閩本並作野草。 先謙曰:官本作野草。

爲立王者以統理之,方制海內,非爲天子。(十五上)

樹達按:景祐本作野草。

樹達按:方讀如旁,溥也。

涉三七之節紀。(十五上)

樹達按:路溫舒傳,溫舒從祖父受厤數天文,

以爲漢厄三七之間,

上封事以豫戒,

知宣帝時已有

勤三綱之嚴,修後宮之政。(十七上)

師古曰:三綱,君臣父子夫婦也。

級曰:屯其膏,小貞吉,大貞凶。(十七上) 樹達按"三綱之說,或以爲始見於白虎通,其實西漢時永已先言之矣。

樹達按…下文云:「王者遭衰難之世,有飢饉之災,不損用而大自潤,故凶。」 又云:「如此、宜損常稅 開倉廩振百姓,而反吝,則凶;臣吝嗇則吉。 孟康曰:膏者所以潤人肌膚,爵祿亦所以養人者也。 論語曰:出內之客,謂之有司 小貞,臣也;大貞,君也。 遭屯難飢荒,

君當

小自潤之時。」則永說易小大指潤言,孟康所云,非永意也。

大水泛濫郡國十五有餘。(十七下)

宋祁曰:十五姚本作五十。

樹達按:景祐本作五十。十五不得云有餘,作五十者是也。

前後所上四十餘事。(十八下)

樹達按 云:「長安號曰:谷子雲筆札。」又按:鄭寬中死,永疏請加禮賜論,見儒林傳。 ··論衡效力篇云:「谷子雲唐子高章奏百上,筆有餘力,極言不諱,文不折之。」 說成帝無事鬼 又按:游俠傳 神 見

專攻上身與後宮而已。(十八下)

郊祀志。

而已,不言王氏專權之事也。 王念孫曰:攻字義不可通,攻當爲政,字之誤也。 政與正同,諫也。 漢紀正作正上身與後宮。 言冰所諫正者唯正上身與後宮

校改為政,其說非也。詩小雅鶴鳴云:他山之石,可以攻玉。 樹達按:五行志中下載永對問,是專攻後宮之事。 惡相攻。 虞翻注云:攻,摩也。 專攻上身與後宮, 謂專摩切上身與後宮也。 又按:攻字後人多訓攻擊, 毛傳云:攻,錯 也。 荀悦雖漢人, 不通古 故王氏謂義不 易繫辭下傳云:愛 ·可通,

徵入爲大司農。(十八下)

義,故漢紀妄改攻爲政。

王氏

多嫻古訓,

乃亦信而從之,何哉?

六五八

樹 達 按: 時永議淳于長當封,衆人答永,見王嘉傳。

昔秦伯有千乘之國而不能容其母弟,春秋亦書而譏焉。(十九上)

樹 鹹出奔晉。 師古曰:秦景公母弟公子鍼有寵於其父桓公,景公立,鹹懼而奔晉,事在昭元年。 傳 :稱弟,罪秦伯 也。 故經書秦伯之弟 顏以左氏說之,

商為 樹達按: 大司 郊祀志載鄰說商復還長安南北郊、蓋鄰爲主簿或侍御史時事。 馬衞將軍,除鄴主簿,以爲腹心,舉侍御 史。(二十上)

謬矣。

昔鄭伯隨姜氏之欲, 上 終有叔段篡國之禍;周襄王內迫惠后之難, 而遭居鄭之厄。二十

鄭 樹達按:二事皆本左傳。 事在僖公二十五年。 儒林傳言張敞修左氏傳,鄴爲敞外孫,從敞子吉學,故 隱公元年傳云:「姜氏欲之,焉避害! 」所謂隨姜氏之欲也。 亦稱 引 左氏 襄王. 也。 出居 於

由 樹達按 後 視 前,忿邑非之,逮身所行,不自鏡見,則以爲可,計之過者。三十二上 李慈銘 云 :此言視 前 事則 忿恨 而 以 爲非, 及身行則不察而以爲 可也。

臣 聞 野鷄 (著怪,高宗深動。(二十二上)

師古曰:謂 雉升鼎耳,故懼而修德,解在五行志。

樹達按:漢諱呂后名,故謂雉爲野鷄。

郭未拜,病卒。(二十二下)

后土,氣魂無所不之,何必故丘,然後卽化。 樹達按…西京雜記上云…杜子夏臨終,作文曰:魏郡杜鄴立志忠款,犬馬未陳,奄先草露。 封於長安北郭,此焉寝息。及死,命栞石埋於墓側 骨肉歸於

及谷永言王者買私田,彗星,隕石,牡飛之占,語在五行志。(二十二下) 樹達按:買私田在貌傳服妖條,彗星星隕並在皇極傳星辰逆行條,牡飛占見言傳木珍金條,

隕石志

||鄴子||林,清靜好古,亦有雅材。 (二十二下) 無永說,隕石疑是星隕二字之誤。

樹達按:林後書有傳。

故世言小學者由杜公。(三十二下)

樹達按:說文引杜林說。

何武王嘉師丹傳第五十六(漢書八十六)

以射策甲科爲郎,與翟方進交志相友。(一下) 樹達按:據方進傳,方進 亦以射策甲科爲郎也。

太僕王音舉武賢良方正。(一下)

何武王嘉師丹傳第五十六(漢書八十六)

六六〇

樹 達按一音,王鳳弟也,爲太僕在成帝河平三年,見公卿表。

武使從事廉得其罪。(二上)

師古曰:廉,察也。

樹達按:說文八篇下見部

云

親,察視也。

从見,美聲。

讀若鐮。」

音力鹽切。

此爲本字。

**!**傳文作

入爲丞相司直。(三上)

廉,音同通用。

樹達按:武爲丞相司直,上封事薦字慶忌,見慶忌傳。

一級和三年。(三下)

朱一新曰"案公卿表,武爲御史大夫,乃綏和元年事。 綏和止二年, ,此作三年,誤。 別本均作元年。

先謙曰:官本作元年。

樹達按:景祐本作元年。

成帝欲修辟雍,通三公官,即改御史大夫爲大司空。(三下)

樹達按:通字無義,字當作建,形近誤也。 師古曰:通,開也,謂更開置之。

是

其證也。 顏據誤文為說,殊爲疏失。 朱膊傳云:「何武爲九卿,建言宜建三公官,」字作建,

武更爲大司空。(三下)

能治劇,見並傳。 樹達按:武爲大司空,上書稱薦傅喜,見喜傳。 與丞相孔光請雜議毀宗廟,見韋玄成傳。議瀉于長小妻迺始等當論罪,主傅大后 除鮑宣爲西曹掾,薦宣爲諫大夫, 見宣傳。 舉何

並

居北宮,並見孔光傳

及爲公卿,薦之朝廷。(三下)

樹達按、襲勝以武及閻崇之薦、徽為諫大夫,見勝傳。

方當選立親近,輔幼主,不宜令異姓大臣持權。(五上)

樹達按"何焯云"武蒙王音王根之薦舉,至安危之際,不爲王氏用,所以爲貞臣也。

武自殺。(五下)

代平當爲丞相。(六上) 樹達按"沈欽韓云"西京雜記"何武葬北邙山薄龍坂王嘉冢東北一里。

駁躬議,見躬傳 樹達按:後書梁統傳云:「嘉爲丞相,虧除舊約百餘事。」息夫躬請大將軍行邊兵,斬郡守立威,嘉對

孝文時, 吏居官者或長子孫。(六下)

樹達按:莊子至樂篇云:「與人居,長子老身,」此傳文長子孫所本。

**染**庶知其易危。(七上) 師古曰:言易可輕危也。

先謙 曰:官本輕作傾,是。 胡注引同。

何武王嘉師丹傳第五十六(漢書八十六)

六六一

薄

達按景祐本作傾

令諸大夫有材能者甚少。(七下)

先謙曰:官本諸上令作今,是。 通鑑

樹達按:景祐本作今。 同。

嘉因薦儒者公孫光、滿昌及能吏蕭咸、薛修等,皆故二千石,有名稱。(八上)

昔楚有子玉得臣,晉文爲之側席而坐。(八下) 師古曰"已解於上。

樹達按:滿昌治詩,為匡衡弟子,見儒林傳。

咸,蕭望之之子。修,薛宣之弟也。

樹達按:解見陳湯傳。

掖庭見親有加賞賜,屬其人勿衆謝。(十上)

非見親幸之謂,顏注是也。二字亦見雅陽憲王傳,蓋漢世恆言。 (胡注:有見親幸者,加之賞賜,則屬其人勿於衆中謝也。 師古曰: 掖庭宮人有親戚來見而帝賜之者, 屬其家勿使於衆人中謝也。 先謙案據下文賢家有賓婚及見親,則見親 屬音之欲反。 先謙曰:

顏胡二說並非是。 樹達按:見與今現字同。 說詳不疑傳。下文見親自謂見親戚,與此文義不同。 掖庭人見親謂現在在掖庭人之親屬, 此與直不疑傳一朝廷見人」句例同。

單貨財以富之。(十一下)

師古曰:單、盡也。

樹達按"說文四篇下必部云"殫,極盡也。 單同音通假字。

孝文皇帝欲起露臺,重百金之費。(十二上)

先謙曰:官本重作情,引宋祁曰:惜越本作重。 錢大昭曰:閩本作惜

樹達按:景祐本作重。

今賢散公賦以施私惠,一家至受千金。(十二上)

樹達按:今字下疑當有爲字,景酤本與此同。

里諺曰"千人所指,無疾而死。(十二上) 樹達按:指死古同在微部韻。

甚傷尊卑之義。(十二上)

錢大昭曰: 尊卑南監本閩本並作尊尊。 先謙曰:官本作尊尊,通鑑同。

樹達按:算卑景祐本作算尊。

非愛死而不自法。(十二下)

先謙曰"胡注"謂不以違拒詔旨之法自劾。

恐天下聞之,故不敢自劾。(十二下) 胡說非是。

樹達按…下文云:故不敢自劾,自法即自劾也。

何武王嘉師丹傳第五十六(漢書八十六)

說詳百官公卿表諸吏得舉法下

六六四

朱一新日:劾監本作效。 先職曰:官本作效,通鑑作劾。

樹達按一效字誤,景酤本作劾,與此本同,是也

主簿曰:將相不對理陳寃,相踵以爲故事。(十四下)

先謙曰"理、獄也。

樹達按:漢廷尉爲古之大理,理謂廷尉,王訓獄,非是。

誠不見其外內願望阿附爲雲驗。(十五上)

樹達按:諸侯王表云:有附益之法。

注張晏曰:

阿媚王侯有重法也。

後書光武紀:

建武二十四年,

詔有司申明舊制阿附蕃王法。

治詩,事匡衡。(十五下)

樹達按 據儒林傳,齊詩有師氏學,即丹也。 丹授詩於班伯,見彼傳。

建始中,州舉茂材,復補博士。(十五下) 樹遠按"時丹議甘泉泰時河東后土祠宜徒正陽太陰處,見郊祀志。

徵入爲光祿大夫,丞相司直。(十五下)

由是爲少府、光祿勳,侍中。(十五下) 樹達按::丹爲丞相司直,薦馬宮行能高絜,見宮傳。

樹達按"丹爲光祿勳,救劉輔,見輔傳。

#### 甚見尊重。(十五下)

樹達按:詳見敍傳上。

成帝末年,立定陶王爲皇太子,以丹爲太子太傅。(十五下)

哀帝即位,爲左將軍,賜爵關內侯,食邑,領尙書事。(十五下)

樹達按:成帝時河決未塞,丹言百姓可哀,見溝洫志。

樹達按:時丹請限名田,見食貨志。 2 片星 東省 関 戸 俊 名 青

徒為大司空。(十五下) 林溪者 即伊訂阿名印 夏季等景景

議薛況傷人事,見薛宣傳。

樹達按:丹為大司空,奏劉歆改亂舊章,非毁先帝所立,見歌傳及儒林傳。

奏傅遷罪惡,見孔光傳。

樹達按:說文十篇下心部云:悒,不安也。邑通假字。上少在國,見成帝委政外家,王氏僭盛,常內邑邑。(十五下)

會有上書言:古者以龜貝爲貨。(十八上)

樹達按:史記平準書云:處夏之幣,或錢,或布,或刀,或龜貝。」鹽鐵論錯幣篇云:「夏后氏以玄貝, 周人以紫石。」

其上大司空高樂侯印綬,罷歸。(十九上)

樹達按:傅喜傳:丹與喜孔光共執正議,哀帝発丹,所以感動喜也。

何武王嘉師丹傳第五十六(漢書八十六)

六六五

六六六

時天下衰麤,委政於丹。(十九下)

樹達按:說文十三篇上系部云:「線,喪服衣,長六寸,博四寸,直心。」衰,同音省借字。

復冤高昌侯宏爲庶人。(二十上)

傳誤也。 宋祁 曰:通鑑考異云:案功臣表,建平四年,董宏已死,元壽二年,子武坐父爲佞邪免,不得至今,此

樹達按:周壽昌云:景文何得見通鑑,乃引考異云云,豈不可笑!此作僞者太不考也。

確然有柱石之固。(二十上)

樹達按"確說文作塙。十三篇下土部云"塙,堅不可拔也。 苦角切。

# 又旁體誦以下至懷沙一卷,名曰畔疾愁。(三上)楊雄傳第五十七上(漢書八十七)

李奇曰:畔,離也。 牢, 聊也。 與君相離, 愁而無聊也。宋祁曰"蕭該案牢字旁著水,晉直作牢。

集韻 韋昭 無聊,義尤不可通。 曰:泮,騷也。 "懰慄,憂也。 外戚傳 鄭氏愁音曹。 余謂:牢讀爲懰。 · 懰慄不言。 王念孫曰:如李說, 廣韻:劉,力求切, 師古曰: 懰慄,哀愴之意也。 則畔牢愁三字義不相屬。 烈也。 廣雅:烈烈, 義並相 近。 憂也。 訓牢爲聊, 牢字 是懰 古讀若劉,故 爲憂也 而又言

通。

牢愁,疊韻字也。

畔者,反也。

或言反騷,或言畔生愁,其義一而已矣。

畔 爲離,並未誤。 樹達按"反騷者,反離騷也。 牢愁 與反骚 畔牢愁爲離憂,亦離騷之義也。 爲一義,誤矣。 廣騷畔年愁皆旁騷爲之,乃擬騷,非反騷也。 李訓年為聊,誠為誤訓,王糾之,讀年為劉 又按:牢字或作浶,韋昭訓浶爲騷。 訓 爲憂,是矣。 傳文分別甚明。 畔訓雞, 至李訓 牟訓 正以

田!

畔牢愁為離騷明矣。

獨載反離騷。(三上)

畔牢愁、廣騷文多,不載,

宋祁曰:獨字疑可删。

因江潭而淮記兮,欽弔楚之湘纍。(三下) 樹達按"下卷云"「法言文多,不著,獨著其目。」亦有獨字,宋說非。

師古曰:記,書記也,謂弔文也。 因江水之邊而投書記以往弔也。

樹達按:記字文義難通,顏說牽強。 字當爲託,形近誤也。 此文命意多本賈生弔屈原文,

買文云:

「迴△世而遙弔,託白水而騰文,」亦用託字,叉其證也。 造託湘流兮, 敬弔先生。 爲此二語所本,淮託卽造託也。 顏據誤文爲說,非是。 北堂書鈔卷百二引蔡邕弔屈原文云

資娵娃之珍髢兮,霽九戎而索賴。(四下)

讀爲齎,持也 樹達按:班子逍遙遊云:「宋人資章甫適諸越,越人短髮文身,無所用之。」 此雄文意所本。 資皆當

衿芰茄之綠衣兮,被夫容之朱裳。(五上)

楊雄傳第五十七上(漢書八十七)

六六八

知

師古 字話而忘爾雅 曰: 茄亦荷字也, 見張揖古今字譜。 沈欽韓曰:釋草: 荷, 其莖茄。 茄非荷字明矣。 師古

用張揖說。 樹 達按 三吳承仕云:茄荷皆屬歌部, 音義本同。 張揖尋厥本始,故以爲一 文。 段玉裁注說文茄 IE

芳酷烈而莫聞兮。(五上)

樹達按:司馬相如傳,芬香漚鬱,酷烈淑郁。 說文十四篇下酉部云:酷,酒味厚也。

愍吾纍之衆芬兮,颺爆爆之芳苓。(五下)

勿衆謝。」諸衆字用法同。 樹達按:衆芬謂於衆中獨爲芬芳,言其自表異也。 灌夫傳云:「今衆辱程將軍。」王燕傳云:「屬其人

横江湘以南淮兮,云走乎彼蒼吾,馳江潭之汎溢兮,將折衷乎重華。(五下

樹達按:模部字古皆讀如麻部,故吾與華爲韻。 後書馬援傳三 允吾谷。」注 允吾音鉛牙。 吾讀牙,

陵陽侯之素波兮,豈吾纍之獨見許。(六上)

乃吾字之古音也。

應劭曰:陽侯,古之諸侯也,有罪,自投江,其神爲大波。 陵,乘也。 言屈原襲陽侯之罪而欲折中求

舜,未必獨見然許之也。

樹達按 ...見許謂被許,應劭說不明。

卷薜芷與若蕙兮,臨湘淵而投之。 棍申椒與菌桂兮,赴江湖而漚之。(六下)

師古 曰:棍,大束也。 宋祁曰 :根疑作混。錢大昭 曰:棍疑當作掍。 方言:提,同也,宋衞之間

也 樹達按:爾雅釋器云:「百羽謂之輝。」釋文引獎養云:「輝,大東也。」、說文七篇上禾部云:稱, 棍與輝稛音並近,故顏亦訓棍爲大束。以雞騷云「雜申椒與菌桂」言之,似宋錢說讀混掍者爲

是。 然此文以棍與卷爲對文,仍以顏訓爲合也。 棍今字作捆,今語尚謂束物爲捆

違靈氛而不從兮,反湛身於江皋。(六下)

樹達按"楚辭注云"說文一篇上玉部云"靈,巫也。 晉灼曰:靈氛,古之善占者。 云三學靈三年,仁聖且神。」靈氛猶云巫咸,靈巫皆舉其職爲言也 「或从巫」。 「靈,巫也,楚人名巫曰靈子。」易林

樹達按一賈生丹屈文云一一歷九州而相其君兮,何必懷此都也? 蘇林曰:雕騷云:「哀高丘之無女。」女以喻士,高丘 調楚也。 」雄語意本於此。

覽四荒而顧懷兮,奚必云女彼高丘。(七下)

昔仲尼之去魯兮, 婓婓遲遲而周邁。(八上) 魯,日 樹達按:說文十二篇下女部云: 裴裴,往來裴斐也。 :遲遲吾行也。 去父母國之道也 孟子萬章下篇云: 孔子之去齊, 接淅而行。

去

終回復於舊都兮,何必湘淵與濤瀨!溷漁父之餔歡兮, 楊雄傳第五十七上(漢書八十七) 絜沐浴之振衣, 弃由 明之所珍

兮,蹠彭咸之所遺?(八上)

樹達按"何必二字疑當直貫下四句,始合反騷之旨。

錄功五帝。(九上)

先謙曰"後漢和帝紀"錄謂總領之也。

歷吉日,協靈辰。(九上) 樹達按"王說紀下脫注字。

樹達按:顏已訓靈辰爲善時,王又訓靈爲善,失檢。 師古曰:歷選吉日而合善時也。 先謙曰:靈,善也。

師古曰:冥眴,視不諦也。 冥音莫見反。眴音州縣之縣 仰撟首而高視兮,目冥眴而亡見。(十二下)

說文四篇上目部云: 眩,目無常主也。 樹達按:孟子滕文公上篇引書云:「若藥不瞑眩,厥疾不瘳。」

趙岐說為瞑眩慣亂。

其昫與瞑眩同。

師古曰:敦圉,盛怒也。

白虎敦圉廖昆侖。(十四上)

樹達按:說文三篇下支部云:敦,怒也。

交錯而曼衍兮。(十四下)

師古曰: 衍音赤戰反。 先謙曰:官本注赤作亦。

樹達按一赤形近誤字、景滿本作亦,不誤。

肆玉釱而下馳。(十六下)

樹達按:說文十四篇上車部云:「軟,車輪也。」針乃同音假字。 晉灼曰:欽,車轄也。

阮元云: 車轂中軹, 古以金,

後乃以

度三巒兮偈棠梨。(十八上) 玉、離騷漢書之玉軟是也。 其形外方內圓,今猶有存者,俗稱釭頭是也。

師古曰:偈讀曰憩。

俳佪招搖,靈遅追兮。(十八下) 樹達按:詩小雅菀柳、大雅民勞毛傳並云:楊,息也。 說文十篇下心部同。 此文假偈爲偈。

師古曰:招音上遙反,遅音又夷反。

文,並誤。景祐本作丈夷反,是也 樹達按:吳承仕云:上遙反上當作止。 招搖之字不應讀與韶同。 樹達按:遅音又夷反, 清官本又作

覽鹽池。(十九下)

樹達按"說文十二篇上鹽部云" 監,河東鹽池也。 家五十一里,廣七里,周百十六里。

義和司日。(二十上)

楊雄傳第五十七上(漢書八十七)

六七一

六七二

漢 書 窺 管 卷

樹達按:義字誤,當作義。

嘻嘻旭旭,天地稠竅。(二十下)

師古曰:稠髮,動搖貌。師古曰:嘻嘻旭旭,自得之貌。

樹達按:爾雅釋訓云:「旭旭,蹻蹻, 憍也。」

按橋即今縣字。

吳承杜云"注首「師古日」、

清官本作

「服虔曰」,是也。補注失校。樹達按:景祐本作服虔。

師古曰:淫淫與與,往來貌。

淫淫與與,前後要遮。(二十六下)

十篇下心部云:「息,趣步魯惠也。」與與愚愚同。

徽車輕武,鴻綱捷獵。(二十六下)

撞鴻鍾,建九流。(二十七上) 徽車爲對文。 樹達按:顏不注武字。 李善注訓武爲健,余謂非也。 淮南書謂士爲武,雄文本之。 輕武即輕士,

與

錢大昭曰:流南監本閩本並作旒。 先謙曰:官本作旒。

樹達按:景祐本作旒。

皇車幽輵,光純天地。(二十九上)

師古曰:幽輵、車聲也。

樹達按:說文十四篇下車部云:轄, 車聲 也。 **鞨與轄同** 

先謙曰:案文選絹作羂。

絹嘄陽。(二十九下)

東瞰目盡,西暢亡厓。(三十一上) 樹達按"韓非子說林上篇云" 隰斯彌見田成子,田成子與登臺。 樹達按:說文七篇下网部云:羅,网也。 羂與鱟同字,絹爲同音借字。

師古曰"焯古灼字也。焯燦,光貌。爍音式藥反。

隨珠和氏,焯爍其陂。(三十一上)

樹藏之。此文暢字與韓非同,疑本之韓非也。

今語言做。

四望,三面皆暢。

南望,

隰子家之

漢女水潛,怪物暗冥,不可殫形。(三十一上) 樹達按"說文一篇上玉部云"的, 的樂, 明珠光也。 灼燦與玓瓅同。

禪梁基。(三十二上) 樹達按…應說本韓詩,見文選南都賦注引韓詩外傳。 應劭曰:漢女,鄭交甫所逢二女,弄大珠,大如荆鷄子。

樹達按 先謙曰:羽獵賦亦云禪梁父之基。 "羽獵當作長楊

楊雄傳第五十七上(漢書八十七)

漢

# 楊雄傳第五十七下(漢書八十七)

捕熊羆豪豬虎豹狖玃狐菟麋鹿。(一下)

樹達按"說文九篇下希部云"「雾,豕鬣如筆管者,出南郡。」或从豕作豪。

令胡人手搏之,自取其獲。(I下)

極截嶭而爲弋。(二上) 樹達按:說文十篇上大部云:獲,獵所獲也。

先謙曰:"弋讀曰杙,故言極也。

樹達按"說文十二篇下厂部云"弋,橜也。象折木菱銳者形。文用本字,圧說非是。

木雍槍纍,以爲儲胥。(二上)

樹達按:周禮秋官職金云:國有大故而用金石,則掌其令。 鄭注云:「用金石者,作槍雷椎椁之屬。」

按槍纍槍雷同。

窫窳其民。(三上)

應劭曰:窫窳類貙,虎爪,食人。

人, 迅走。」字作猰貐, 乃本字也。

樹達按:爾雅釋獸云:「樂爺類貙,虎爪,食人,迅走。」說文九篇下涿部云:「貐,黎貐,似貙,虎爪,食

所麾 城 搟 邑,下 將降旗。 三丁

李奇 曰: 揮音 車 · 憶之態。 師 古 日 搟, 舉手 擬之也。 王念孫曰: 文選搟作 摲, 李善注 並作 案

篇 廣韻皆無搟字,蓋即 摲字之譌。

樹達按:景祐本正文及注皆作摲。 李奇音幰, 是所見本已誤作搟, 摲字無緣有 糖音

也。

當此之勤,頭蓬不暇 心疏, 飢 不及餐。(三下)

師古曰:蓬,謂髮亂如蓬也。 宋祁曰:疏與梳疑古通用。 先謙曰:文選疏作梳。

樹達按:詩衞風伯兮云:「自伯之東,首如飛蓬。」此雄語

所本。

說文六篇上木部:梳从

疏

省聲,

卽 从

疏受義。 今箆字古只作比,梳與比以相對爲義。 史記匈. 奴傳 云「比 余 索隱引倉頡篇 云 靡

者爲比,麄者爲梳。」按靡謂 細密, **遙**謂麤 疏,是其義也。 說文八篇上此部云 比 密 也。

七年之間而天下密如 也。(四上)

師古曰:密,靜 也

樹達按 : 說文三篇上言部 云 謐, 静 語也。 曰 無聲也。」密爲謐之假字。

砰 轒 輼,破穹廬。(四下

應劭曰 應 臨 以爲 衝。 墨子 匈 | 轒轀 奴 車,非。 備 匈奴 城 門篇: 車也。 先謙 攻 人者轒轀 沈欽韓 | 轒轀 爲 軒 曰:此言以轒轀攻車破穹廬也。 車 中國或匈奴之物,史傳並無明徵。 。」孫子謀攻篇注:「轒轀 四 輸 六韜 其 下 軍 文選作碎, 略 刀口 丁攻城 輸 ,從中推之至 圍 則爲匈奴車矣。 邑, 則 城 有 下。 峭

轀

六七

Ī.

楊

雄傳第五十七下(漢書八十七)

漢 書 窺 管 卷 九

此皆望文生義,非有塙見。

樹達按: 轒轀旣見六韜及墨子書,其為中國之物可知,王說殊認。

顧而作太玄五千文,支葉扶疏,獨說十餘萬言。(八上)

王鳴盛日:今太元經具存,晉范望叔明所注共十卷,正文大約與五千文之數合。 法言凡十三篇,分

爲十卷,正文不及萬言。 此云十餘萬言,不可解。

矣。 樹達按: 餘萬言, 雄自爲太玄經章句, 蓋據章句言之, 非不可解之事也。 見本傳下文及阮孝緒七錄、 文但云太玄, 與法言無涉, 隋書經籍志, 而王氏牵及之, 今其書已佚。 此云 文雕甚 +

孟軻雖連蹇,猶爲萬乘師。(九上)

樹達按:周廣業云。 齊宣王稱夫子明以教我, 梁惠王言寡人願安承敬,皆以師道尊孟子。

折脅拉髂,免於徽索。(十三上)

師古曰:髂,骨也

叔孫通起於枹鼓之間,解甲投戈,遂作君臣之儀,得也。(十三下) 樹達按:髂即船字。 說文四篇下骨部云「禽獸之骨曰幣。」此文用引申義謂人骨耳。

師古日 樹達按:蓋言得其時。 :得其所

蕭規曹隨。(十四上)

錢大昭曰:蕭字上南監本閩本皆有夫字。 先謙曰:官本有夫字,文選同。

樹達按:景站本有夫字。

故默然獨守吾太玄。(十四下)

先謙曰"說文氏字注引楊雄賦曰"「響若氏隤。」 接續申言之。 徐鉉云『解嘲之文古通謂之賦》 故下文赋者 云云

樹達按:王氏用後世文章家文法說班書,殊爲可笑。解嘲行文偶儷,稱賦自是後世之事。下文云: 賦莫深於離騷 了,反而廣之; 辭莫麗於<u>相如,作四賦。」四賦指世泉、河東、羽獵、長楊</u>言之,是班不

賦之正也。於是輟不復爲。(十五上) 繇是言之,赋勸而不止,明矣。又頗似俳優湻于髠、優孟之徒,非法度所存,賢人君子詩 謂解嘲爲賦也。

樹達按"法言吾子篇云"「或曰"賦可以諷乎?曰"諷乎諷則已,不已,吾恐其不免於勸也 或問吾子少而好賦? 曰:然。童子彫蟲篆刻。 俄而曰:壯夫不爲也。」 叉云:

故有首、衝、錯、測、攤、瑩、數、文、規、圖、告十一篇。(十六下) 樹達按:補注引蕭該音義有案劉向別錄 云云, 又引襲疇說云 不知該所謂別錄者果何書也。 今按

王氏此等稱引,可謂荒謬。該明言劉向別錄,豈容不知也

楊雄傳第五十七下(漢書八十七)

六七七

六七八

皆以解剝玄體,離散其文,章句尚不存焉。(十六下)

師古曰"玄中之文雖有章句,其旨深妙,尚不能盡存,故解剝而離散也。 劉敞曰:言此十一篇財以

離散玄文,未有章句也。

樹達按:

阮孝緒七錄稱太玄經九卷,

雄自作章句。

隋志載雄太玄經章句九卷。

傳文意謂雄別有

大晉必希。(十八上)

樹達按:老子云:大音希聲。

及歷楚漢,記麟止。(十九上)

錢大昭曰:記當作訖。先謙曰:官本作訖。

樹達按:景祐本作訖,是也。

仲尼之後訖于漢,德行顏閔, 股版庸曹, 爱及名將尊卑之條, 稱述品藻, 撰淵騫第

#### (二十下)

樹達按 宋祁曰: 汪榮寶云:音義 李軌注法言本無此序,云與重黎共 引柳宗元云:「漢書淵騫自有序, 序。 文語俗近不類, 蓋後 人 增 之,

作。 淵騫皆論春秋以後國君將相卿士名臣之事,本爲一篇。以文字繁多, 」宋祁校漢書,於淵霧序下云:「李軌注法言本無此序。」是李本別無淵霧序,較然甚明。 故中析爲二, 於是淵騫 或 蓋 班 雖亦 重 固 黎 所

十八字竄入,不僅文語俗近如子厚所 爲一篇,然非別有作意,故不爲之序。 云, 漢書 叉 且 此文,乃淺人見此篇有目無序, 一意義與重黎序複 重 了無 所 取 疑 爲 固 缺 非 失, 子雲舊文,亦併 **遂妄撰**: 此二

|雄之自序云爾。(三十一上) 不得以爲班固所作也。 按汪 說是也

師古曰:自法言目之前皆是雄本自序之文也。

樹達按 李詳云 法言序目亦雄自序原文。

自序本放史公而作,史記自序入史記諸篇序目。

故雄

亦

效之。 顏謂法言目之前為雄自序,非 也

除爲郎,給事黃門。(二十一下 樹達按:雄爲黃門郎,成帝令爲趙充國頌,見充國傳。

諫成帝,見陳遵傳。 見五行志中之下。 朱博受拜爲丞相, 有大聲如鐘鳴,

雄對問謂爲鼓妖失聽之象,

博宜將不宜相

上書諫不許單于入朝,見匈奴傳。

作酒箴風

吾恐後人用覆醬瓿也。(二十二下)

師古曰:瓿音部,小甖也

樹達按"紙說文作館。

Ŧī.

篇下缶部云: 餢,

小缶也。

侯芭爲起墳。(二十三上)

樹達按…桓譚新論云:雄爲中散大夫,病卒,貧無以辦喪事。 楊雄傳第五十七下(漢書八十七) 以貧困故葬長安, 六七九 妻子棄其墳墓而歸

漢

六八〇

於蜀。

自雄之沒,至今四十餘年,其法言大行。三十三下)

「原野厭人之肉,川谷流人之血,」全用淵霧篇 中鄭固碑:大男孟子有楊烏之才,苗而不毓, 樹達按"李詳云"漢書采法言,如王貢兩襲傳序論鄭子真、嚴 云云,此問神、問明兩篇 中語。 東方朔傳贊引楊雄以爲言 」出問神篇 語。 所謂法言大行者以此。 不純 禁釋夏堪碑, 睎驥顔, 出學行篇 君 飾 平二人引或問 云 云,見淵騫篇。 其見於東漢 君子 疾沒世 叉孟 碑 取 一而名不 版 東都 者,郎 孟堅 源

## 儒林傳第五十八(漢書八十八)

之言信而有徵矣。

於是應聘諸侯,以答禮行誼。(一上)

曰:孔子周流,欲明禮義於天下,顏說是也。 師古曰:答禮,謂有問禮者,則爲應答而申明之。 劉所見殊 劉奉 世日 陋 答禮者, 迎之有禮,亦以禮答之。

先謙

達按:如顏說,是答問禮,非答禮也。劉說近是。

樹

論詩則首周南。(二下)

師古曰:以關雎爲始也。

樹達按: 孔子編詩,以周南爲首, 韶伯魚亦以學周南召南爲言 見論語陽貨篇

如田子方、段干木、吳起、禽滑氂之屬。(三下)

師古曰:滑晉于拔反。

反同,是其證。 樹達按"吳承仕云"于拔反,于當爲乎。 集韻列胡首古忽戶八三切,無與于紐相應者,乎拔戶八二

燔詩書,殺術士。(二下)

周壽昌曰"經術之士稱術士,猶別傳中有道之人稱道人也。

樹達按:道人見京房傳。

六學從此缺矣。(三下)

樹達按"平江蘇先生云"六學本春秋繁露,見玉杯篇。

陳涉之王也,魯諸儒持孔氏禮器而歸之。(三下)

錢大昭曰:而歸南監本閩本並作往歸。 先謙曰:官本作往。

於是孔甲爲涉博士,卒與俱死。(三上)

樹達按:景祐本作往歸

師古曰:孔光傳云:「鮒爲陳涉博士,死陳下。 一今此云孔甲, 將名鮒而字甲也。 陳人或謂之子鮒,或 先謙曰:錢東垣云:

孔子世家云:「愼年五十七生鮒,為陳王涉博士。」 稱孔甲。」 孔叢答問篇「子魚名鮒甲,

儒林傳第五十八(漢書八十八)

漢

書 窺 普

卷

九

樹達按 之爲鮒甲之名以爲彌縫耳。 傳之次甲次乙也。 劍字子魚, 名字 至孔叢謂名鮒甲,尤謬。 相應,無緣更字甲,顏說非也。 蓋作偽書者見孔光傳稱鮒死陳下,而此傳稱甲, 蓋班於此偶失其名, 而以甲字爲代,猶 遂合 活

孝文時,頗登用。(三下)

樹達按:如賈誼仕文帝,張蒼文帝時爲丞相史是。

然文帝本好刑名之言。(三下)

樹達按:張歐治刑名,文帝使侍太子,是其證也。

樹達按:此詔在元朔五年,見武紀。

制曰"蓋聞導民以禮,風之以樂。(三下)

故詳延天下方聞之士,咸登諸朝。(四上)

義甚明鬯。當是漢書寫本脫正博二字,而師古因曲爲之說耳。 師古曰:詳,悉也。方,道也。 有道及博聞之士也。 齊召南曰

案史記作詳

延天下

方正博聞之士,

樹達按:武紀亦無正博二字,齊說非是,王念孫已駁之,具武紀。

比百石以下,補郡太守卒史。(五下) 樹達按:李慈銘云:平當傳:當少爲大行治禮丞,蕭望之傳亦有大行治禮丞。

補

左右內史,大行卒史。(五下)

六八二

奮

樹達按"強汝詢云"那諸曹卒史,皆太守自辟署,未有由尚書調補者。 弘所言郡太守卒史, 必文學

掾 也。 匡衡爲太常掌故,調補平原文學,是其明證。

請著功令。(六上)

樹達按:沈欽韓云:掌故未有遷徙之階,故設法變通,若兒寬以掌故功次補廷尉文學卒史, 史故也。 掌故調補平原文學,是也。 張敞傳、黃霸傳俱可考證。 此條作通考者亦不能盡解,蓋不知三輔有二百石史,又誤以卒史爲佐 匡衡以

自魯商瞿子木受易孔子。(六上)

樹達按:"李慈銘云:「自魯」以下當提行另起。

子庸授江東馯臂子弓。(六下)

田 相近,故或爲子弓耳。 樹達按"黄生云"弓史記作弘,弘當讀為肱。弘字从厶,古肱字。 以其名臂, 故字爲肱。 肱與弓音

何以齊田徙杜陵,號杜田生。(六下)

恐其相亂,故以地望別之,若尚書之有大小夏侯,禮之有大小戴矣。 樹達按:從諸田高祖九年事,見高紀。 吳承仕云:田何授丁寬,寬授田王孫,田王孫亦稱田生,後人

同授淄川楊何,字叔元。(六下)

樹達按:司馬談受易於何,見司馬遷傳。 何有弟子京房,見下文。

儒林傳第五十八(漢書八十八)

六八四

官。(七上) 齊即墨成 漢 至城陽 相,廣川 九 孟但爲太子門大夫,魯周霸、萬衡胡、臨淄主父偃, 皆以易至大

寬至維陽,復從周王孫受古義, 樹達按:此皆楊同所授,上文授字直貫至此。 號周氏傳。(七上) 又按:霸 又無治尚書 見後。

樹達按:藝文志:易有蔡公二篇。 班氏注:「衞人,事周王孫。」是王孫弟子除寬外尚有人。

琅邪邴丹曼容著清名。(八上)

莫如至常山太守。(八上) 樹達按一丹事見王貢兩襲鮑傳。

樹達按:李尋傳稱光祿大夫毛莫如。

父號|孟卿,善爲禮、春秋。(八上) 樹達按:孟卿下文禮家有傳。

喜好自稱譽。(八上)

樹達按:說文八篇上人部 云:偁,揚 也。 經傳 通 假用稱 字。

喜授同郡白光少子,沛翟牧子兄。(九上)

先歐旄頭劒挺。(九上)

樹達按:孟喜又授蓋寬饒,見下文。

朱雲傳記雲從白子友受易,齊召南以爲即白光

師 古 日 挺,引 也,劍自然 引 拔 出 也。

樹 達按 也。」廣雅釋詁一云:「挺,出也。」史記陳涉世家云:「尉劍挺。」徐廣注 颜 訓 挺為引 ,以義不明, 叉云引 拔出以足其義, 可謂迂矣。 按說文十二篇上手部 云 一挺麵脫 也。

云

挺,

於是召賀筮之,有兵謀,不吉。(九下)

樹達按:開元占經引地鏡 日 刀劍無故自拔 出、愛兵傷、君有血汚。

是時霍氏外孫代郡太守任宣坐謀反誅,宣子章爲公車丞。(九下) 師古曰"霍光傳云"任宣,霍氏之壻,此云外孫,誤也。 周壽昌曰:顏注是也。 然此以外孫直 過貫下宣

罪於母弟之寵子帶,與此文法微同 子章,如義 縱 傳捕 案太后外孫 《修成子 中。 修成太后女,其子中太后外孫也。 左僖二十四傳三得

其爲 樹達按 但爲司隸,官比 鮑宣傳云:「上感大異,納宣言,徵何武、彭宣, 公車丞。 注文甚明。 "周說近是,而未盡也。 坐謀 反誅 司直。」時哀帝以下二句,班氏自注,申明司隸二字者也。 王尊傳云:「守京兆尹,後爲真,凡三歲,坐遇使者無禮, 四字, 乃自注之文。 此班書自注之例。本文當云一是時霍氏外孫代郡太守任實子章爲 下宣字乃後人不得其解而妄增者。 旬月皆復爲三公,拜宣爲 司隸。 司隸遣假佐放奉詔書白尊 上文云上, 求諸 時哀帝改司 他傳, 此忽稱哀帝 類例頗多 為校尉

儒林傳第五十八(漢書八十八)

書無京兆文,不當發吏。

及長安繫者三月間千人以上云云,傳坐

発。 放

司

一隸遺假的

佐 發

以下 更!

更捕

放謂尊

:詔

書所

捕

宜

密。

尊日

"治所公正,京兆

善漏泄

人 事。

日

所

捕

宜

今

八六

漢

書

窥

管

卷

九

太子事下 直。 當 世令御 發史凡 數歲,坐太子事 史案諸生言 吏誅死, 十句,亦文中 時左丞相以下三句, 反者 時左丞相自將兵,令司直田仁主閉城門,坐縱太子,下 自注 F 所 吏,非 以證明遇使者無禮者也。 所宜 言,諸言盜者,皆罷之。」非所宜言四字係注文,所 乃史公自注, 所以釋太子事者也。 又如 史記田叔 傳云 吏誅 又叔孫通傳 月餘 死。 此本 F 以 遷 云三於是 文爲 拜為 說 明 些 नि

奉祀 乃注文。 坐,張良西嚮侍。」「亞父者、范增也」六字乃注文。又尉佗傳云:「乃爲佗親冢在真定置守邑, 者下吏之罪名也。 」在與定三字乃 又東越傳云: 及諸侯畔秦,無諸搖率越歸 注 項羽本紀云「項王、項伯東嚮坐,亞父南嚮坐, 文。 又 何 "奴傳云:「於是漢悉兵,多步兵,三十二萬, 都陽 亞父者, 北逐之。」 范增 也 多步兵三字 沛公 歲時 L\_ 北 所 嚮

四字 是,而君 都君者也」一句乃注文。後漢書董卓傳云三君觀我方略士衆足辦郭多不?多又却 乃注 文。 苟欲左右之邪? 凡此之類, 以 係文中插注 汜一名多。 故 酈 曰一今汜質公卿,而將軍脅主, 直 讀之皆 不聯貫。 令吳芮,所謂郡君者也,從諸 在當 時必有標 誰輕重 乙之號,而後亡失之, 乎?」「汜一名多」 侯滅秦。 質公卿,所爲

謂

賀以筮有 應,繇是近幸,爲太中大夫,給事中,至少府。(九下)

於是有不能通其讀而妄增字或致疑者矣。

樹達按 樹達 按 終官。(九下 賀 質圖象麒麟閣 爲 少府 問 匡 当衡詩義, 見蘇武傳 見衡傳。 嚴延年疑質毀己,見延年傳

臨代五鹿充宗君孟,爲少府。(十上)

傳少府 劉奉世 敍充宗易所始,而下云梁丘有士孫鄧衡之學,則授易者梁丘臨,不可言充宗。 五鹿充宗及琅邪王駿,充宗授平陸士孫張等。」以朱雲傳證之,陸序是也。 日 ··臨代五鹿充宗,代當爲授,後人誤改之。 代充宗者召信臣, 亦非臨也。 陸德明序錄云:「臨 沈云授易者梁丘 沈欽韓曰:上不

樹達按 "劉梭意是,而改代為授,則非。 代乃傳之形近壞字耳,非由誤改也。 陸氏釋文序錄云:「臨

臨

云云

,語不可

解

傳少府五鹿充宗;」正用漢書文,知唐時本尚未誤矣。

充宗授平陵土孫張仲方、沛鄧彭祖子夏、齊衡咸長賓。(十上) 樹達按一充宗又嘗授易於續史記之馮商。 張湯傳費顏注引劉歆七略云三

商

陽陵人,治易,事五鹿

房授東海殷嘉、河東姚平、河南乘弘。(十上)

充宗。」班氏不及,蓋但舉諸成家學者言之。

樹達按:據房傳,房弟子尚有中郎任良。

徒以家象繫辭十篇文言解說上下經。(十下)

以文言解說上下經也 樹達按"許桂林易確云"文言文字,爲之字傳寫之誤。 按許說是也。文言惟乾坤二卦有之,不得言

於是詔太常使掌故朝錯往受之。(十一上)

儒林傳第五十八(漢書八十八)

多

與

漢書鏡管卷九

師 潁 古 Ш 異 日衞 錯所不 宏定古文尚書 知者凡十二三,略以其意屬讀而 序 云 伏生老, 不能正言, 已。 言不 可曉也, 使其 女傳 言教錯。 齊人 語

言 篇 樹達 從兄子建,則是歐陽夏侯二家漢人列於學官者,自是伏生親傳, 濟南張生及歐陽生,歐陽生事伏生,夏侯都尉從濟南張生受尚書,以傳族子始昌 應通文字,何至錯 以教 按 閣 齊魯之間 岩璩 尚 :書古文疏證引馮班云:藝文志:「秦燔書禁學,伏 」云壁藏而求之得二十九篇, 不能得者十二三,以意屬讀之耶! 是伏生自有本, 余嘗身至濟南 非鼂錯所受之本明矣。伏女能傳 不假 生 獨壁 潁川 口 一臟之。 傳 ,語音絕不相遠 明 矣。 漢興,求 始昌傳勝 儒 林 傳 得二 伏生 十九九 雖 傳 敎

今或異,大略可知,何至言語不相通耶!

是後,魯周霸、雒陽賈嘉頗能言尚書云。(十一下)

文,無由 爲贅,甚失遷意。 先謙 下別敍孔氏有古文,起自安國。 日 一、閻若 爲博 士 璩 教 云 史記 授 兒寬事歐陽生, 也 云一自此之後,魯周霸 又事孔安國,則安國先通今文矣。 班於三人去 ,孔安國,洛陽 孔安 國專歸古文 賈嘉頗 則安國 能言尚 古文不列學官 書 非 伏生 事: ,若安國 此指 派, 而 安 不通今 國 史 及之 通 今

證轉引, 此 乃 沈氏 說 也 王氏未檢原 書, 並以爲閻說,誤矣。 見寬 」上當補「沈欽韓 日」四字。

證卷二。「兒寬以下」云云,閻書無

之。

蓋補注

於閻

說

乃據

沈

欽

韓漢書

歐陽生字和伯,千乘人也。(十一下)

樹達按

閻

說

見古文尚書疏

容。 爲和伯八世孫,今譜無生而有容。 樹 達按 生子日巨,巨生遠 容字和伯 惠棟 云:歐陽氏 ,於義爲通。 遠生高 譜云:「歐陽欽字子敬,生三子, 」樹達按 ,高生仲仁,仲仁生地餘,地餘 一論衡書解篇作歐陽公孫,與此字和伯不同,豈公孫爲歐陽生子 疑漢世所謂歐陽生者,以其經師謂之生,如伏生之類,而其 日容, 生政,政 曰述, 日 生象。 興, 同受業於伏生。 」歐陽修 云、「漢 容為 世 一實名 以 博

高 孫地餘長賓以太子中庶子授太子。(十一下)

之字數

地餘 侍中,貴幸,至少府。(十二上)

樹達按:授元帝也。

樹達按:地餘爲少府,與議 麗郡國廟,見韋玄成傳。

而平當授九江朱普公文、上黨鮑宣。(十二上)

勝至長信少府,建太子太傅, 達按"後書桓榮傅云"榮學歐陽尚書 自有傳。(十二下) ,事博士九 ŽΤ.

Mi 樹 子太傳也。 錢大昭日 省。 達按:此文長信少府四字當作 曹襄附曹參傳 建當作遷。 且建本附勝傳,不得云自有傳。 韓 勝本傳云:爲長信少府,遷太子太傅,劉向傳同。 說 附 韓 王信 太子太傅,建太子太傅當作 傳, 然霍去病傳末云:襄、說自有傳。 建太子 少傅。 若建官至太子少傳, 建下當有 下文云:玄成及兄子賞 至字, 蒙上 非太 文

儒林傳第五十八(漢書八十八)

六八九

六 九〇

以詩授哀帝,至大司 馬 車 騎將 軍,自有傳。 按官至大司馬車騎將軍者乃韋賞, 賞固 附見 幸賢 傳

謂建不得云自有傳, 誤也

霸爲 博士。(十二下)

樹達按:據孔光傳,事在昭帝末年。

堪授牟卿及長安許商長伯。(十二下)

牟卿爲博士。(十三上)

樹達按:城弟子又有張猛,見劉向傳。

班伯嘗從商講異同,

見敍傳。

樹達按:牟卿有章句。 後書張與傳云一年氏章句浮碎繁多,有四十五萬餘言, **奥減爲九萬言** 

藝文志不載

爲文學。(十三上) 號其門人沛唐林子高爲德行, 不陵吳章偉君爲言語, 重泉王吉少音爲政事 齊炔欽幼卿

飲、章皆爲博士,徒衆尤盛。(十三上)

樹達按:後漢向栩弟子

有顏淵

子貢季路冉有之輩,

궲 此。

樹達按"云敞傅云"章弟子千餘人,敞及王莽子宇皆章弟子也。 字師 章, 又見莽

傳

爲 授同縣李尋、鄭寬中,山陽張無故子儒, 廣陵太傅,守小夏侯說文。(十三下) 信都秦恭延君, 陳留假倉子驕 無故善修章句,

樹達按:李尋傳云:「尋治尚書,與張孺、鄭寬中同師, 寬中等守師法教授,」守師法即此所謂守小夏

侯說文也,彼云 張 孺,此云子儒,未知孰是。

寬中有傷材,以博士授太子。(十三下) 樹達按:寬中為博士,使行風俗,奏王尊治狀,見尊傳。 薦言張禹善論語,見禹傳。

成帝 即位,賜爵關內侯,食邑八百戶,遷光祿 大夫,領尚書事 , 甚尊重。(十三下)

樹達按一時寬中為成帝講尚書於金華殿,見敍傳。

近事:大司空朱邑、右扶風翁歸,德茂夭年,孝宣皇帝愍册厚賜。(十四上) 樹達按:各賜予黃金百斤,奉祭祀,見邑翁歸本傳。

功列 施乎政事。(十四上)

樹達按:列與烈同

未得登司徒,有家臣。(十四上)

家臣以治喪葬具也。 師古曰:司徒,掌禮敎之官,言寬中學行堪爲之也。 論語:子疾病,子路使門人爲臣。 子曰:由之行詐也,無臣而爲有臣。 家臣, 若今諸公國官及府佐 也。 王文彬日 案

樹 達按"王說支離,顏說是也。

孔氏

有古文尚書。(十四下)

樹達按:自伏生傳至張 山拊,皆敍傳今文者。 此敍古文,故別起。

儒林傳第五十八(漢書八十八)

六九一

孔安國以今文字讀之,因以起其家逸書,得十餘篇,蓋尚書茲多於是矣。(十四下) 漢 書 窺 管 卷 九

何 焯曰:起其家似謂別起家法。 司馬貞云:起者,謂起發以出也,則當屬下逸書讀

樹達按"孫楷第云"書序正義引劉向別錄云。「武帝末,民有得泰誓書於壁內者,獻之於博士 使讀

華嶠後漢書云:「上問郁日 「起予者商也。」 之,數月皆起。」卽此起字。 包咸云:「言子夏能發明我意, "子幾人能傳學?郁曰" 凡人病困 而愈謂之起,義有滯礙隱蔽,通達之,亦謂之起。論語 是也。 臣子皆未能傳學,孤兄子一人學方起。上曰: 司馬何說皆非。 後書三十七桓郁傳注引 八 佾

努

安國爲諫大夫,授都尉朝, 力敎之! 有起者,即白之。 」亦足證此起字之義 mi 司 馬遷亦從安國問故。(十四下)

樹達按:據後漢書孔僖傳,自安國以下世傳古文尚書以至於僖,則孔氏尚別有其家學,此傳未載

|授清河胡常少子,以明穀梁春秋爲博士,部刺史。(+四下)

樹達按 一常受穀梁於江博士,受左氏於尹 更始而傳之賈護,見下文。 部刺史者, 青州刺史, 見翟方

授王璜, 平陵塗惲子眞。(十五上)

樹達按 "後書賈逵傳云"父徽,受古文尚書於塗惲。

或數簡,文意淺陋。(十五上)

樹達按:論衡處類篇引云:「伊尹死,大霧三日。」此百兩篇文之僅存者。

時太中大夫平當、侍御史周敞勸上存之。(十五上)

師古曰:存者,立其學。

勸立其學,俱矣。 樹達按:存之謂不毀廢其書。 論衡正說篇云三成帝高其才而不誅,亦惜其文而不滅,」是也。 顏云

申公愧之。(十五下)

樹達按:愧,恥也。

弟子自遠方至受業者千餘人。(+五下)

齊召南曰"按千餘人史記作百餘人。下文言「申公弟子爲博士者十餘人,大夫郎掌故以百數,」則

此文作千餘人是也 樹達按…下文言學官弟子至大夫郞掌故以百數者,指申公弟子爲博士者之學官弟子而言, 非謂申

申公獨以詩經爲訓故以教,亡傳。(十五下)

公之弟子也。齊說殊誤。

樹達按:藝文志. 詩家齊詩有后氏故,又有后氏傳。 韓詩有韓故, 又有內外傳。 魯詩但有魯故,

於是上使使束帛加璧,安車以蒲裹輪. 駕駟, 迎申公。(十六上)

樹達按:此建元元年事

儒林傳第五十八(漢書八十八)

六九三

六九四

太皇竇太后喜老子言。(十六上)

樹達按:太皇二字疑當在竇字下, 或是誤添。

申公卒以詩、春秋授。(十六下)

樹達按:穀梁春秋也,見下文。

傳子玄成, 以准陽中尉論石渠。(十六下)

樹達按:賢傳有賢門下生博士義倩

後 東平唐長賓, 沛褚 少孫亦來事式, 問 經 數篇。(十七上)

疑者丘蓋不言。(十七下)

樹達按:武帝從兒寬問書

篇,

唐褚問式數篇,

似漢人不必皆習全經也。

日 蘇 林曰:丘蓋不言,不知之意也。 蓋有不知而作之者,我無是也。」欲遵此意,故効孔子 如湻 曰:齊俗以不知 爲 自 丘 稱 師古 压 耳。 日 蓋者,發 一說皆 語之辭 非也。 論語 劉敞 載孔 E 子 予

為曹洪與魏文帝書云:「恐猶未信丘言。」廣雅:「丘,空也。 」是丘爲空言。

俄空 馬 蓋 者,發 語解, 空蓋 不言,即 闕疑之意。

案荀

卿書

區

蓋之間,

疑則不言,

區蓋近意也。丘區聲相

變,殆謂此耳。

洪頤煊日

文選陳孔

璋

法言問神篇「酒誥之說

段

樹達按 說是也。 段玉裁 丘蓋者, 云:蓋舊音如割。 闕之切音, 讀闕爲丘蓋 丘蓋荷子作區蓋,論語作蓋闕, 亦作區蓋。 如說當云齊俗以不知爲丘蓋 丘區闕三字雙聲。 李慈銘 傳寫脫 云 一蓋

字。 蓋也。 吳承仕云:丘蓋二字義同,此乃雙聲連語。 可知區丘句三字音同,故與蓋爲雙聲,區亦訓 月令:句者畢達,蔡邕章句作區者畢 蓋, 知區蓋丘蓋爲連語也。 顏洪以蓋為語辭 達。 並 云…區,

失之。樹達按:李說甚巧,然解荀則不可通,吳說是也。

博士江公世爲魯詩宗。(十七下)

師古曰"爲魯詩者所宗師也

樹達按:此即上文瑕丘江公之孫,宗謂宗主。

至,江公著孝經說。(十七下)

樹達按…至字句絕。 藝文志孝經有江氏說一篇。

式曰"聞之於師"客歌驪駒,主人歌客毋庸歸。(十八上)

文穎曰:庸,用也。 主人禮未畢,且無用歸也。劉敞曰:尋文衍一客字。 驪駒者,客將歸之歌,主人

無所歸,不當歌也

樹達按:客歌驪駒,上文服注所謂客欲去歌之者,是也。 主人歌客毋庸歸,主人留客歌之也。

今日諸君爲主人,日尙早,未可也。(十八上)

樹達按一今日諸君爲主人者,謂諸君今日爲主人,當歌客毋庸歸以留客,不當歌 驪駒 嫌於逐客也。

日尚早未可者,式謂我今爲客,固當歌驪駒,然以日尚早,不欲卽行,故不歌也

式曰"在無禮。江翁曰"何狗曲也!(千八上)

儒林傳第五十八(漢書八十八)

六 九六

書 窺 管 卷 九

漢

戴先生云 師 古曰:意怒, "當作何拘曲 故妄發言。 也。 言狗者, 語含刺譏,不至妄詈,注非。朱一新曰 輕賤之甚也。 今流俗書本云何曲狗, :若僅刺譏,式何至引爲深恥。 妄改之也。 王念孫 且

狗 曲 本 承曲禮而言, 若作拘 曲,是別出一義,與上文又不相應,仍當以顏注爲長。

說並非 樹達按 指也。 是。 然曲禮言侍坐於君子之禮,非謂客自身之事,故江翁斥其狗曲, …禮記曲禮上篇云:「侍坐於君子,君子欠伸,撰仗屨,視 日蚤莫,侍坐者請出矣。」 謂其曲解經義也。 此殆 顏 E. 式 朱 所

式恥之,陽醉,遏墜。(十八上)

師古曰:湯,失據而倒 也。

樹達按:說文二篇下足部云 :踢,跌也。 逿與踢同。

其門人琅邪王扶爲泗水中尉, 陳留許晏爲博士(十八上)

樹達按:宋說是也。 宋祁曰:尉字下當有授字。 釋文敍錄云一扶授許晏。

樹達按:據廣德傳,授襲勝、舍二人。

授龔舍。(十八下)

湯武不得已而 立,非受命 而何?(十八下)

師 古曰:此非受命更何爲。 錢大昭曰 而何南監本閩本而並作為。 朱一新曰:案注則爲字是也。

此

作而,蓋涉下 非殺 而何句誤。 先謙曰:官本作爲何。

樹達按 景祐 本作 爲何。

冠雖敝,必加於首,履雖新,必貫於足。 (十八下)

樹達按「僖公八年穀梁傳云」朝服雖敝,必加於上;弁冕雖舊,必加於首。

**固曰:必若云,是高皇帝代秦卽天子之位非耶?(+九上)** 

師古曰:謂必如黃生之言。

樹達按: 史記作必若所云: 故顏據以爲說。然班刪所字,義自不同。今案若猶如此也。

書大語

食肉毋食馬肝,未爲不知味也。 爾 知寧王若勤哉! 」翟義傳載蒸誥若動作若此動,是若有如此義,必若云卽必如此云也。 言學者毋言湯武受命,不爲愚。(十九上)

師古曰:馬肝有毒,食之憙殺人,幸得無食。言湯武爲殺,是背經義,故以爲喻也。

樹達按:史記倉公傳云:「湻于司馬曰:我之王家食馬肝。」知馬肝未嘗不可食也。 顏說似誤。

此家 師古曰:家人言僮隸之屬。 人言耳。(十九上)

樹達按:家人,庶人也。 說詳卷一 惠帝紀。

安得司空城旦書乎! (十九上)

樹達按 儒林傳第五十八(漢書八十八) 秦焚書令云三令下三十日不燒,黥爲城旦。」

六九八

拜為清河太傅。(十九上) 漢

先謙 曰:徐廣注:哀王嘉

樹 達按一清河哀王名乘,不名嘉。

伏理族君。(十九下)

類川満昌 君都、君都爲詹事。(十九下)

樹達按:據後書伏湛傳,理爲伏生八世孫。

理會祖孺,教授東武,子湛傳父業,教授數百人。

樹達按:昌爲詹事,議武帝廟宜毀,見韋玄成傳。

滿昌授九江張邯,琅邪皮容。(十九下)

滿昌也。 樹達按:張邯事見王莽傳。 後書馬援傳注引東觀記云三馬援受齊詩, 師事潁川蒲昌,」按蒲昌即

景帝時至常山太傅。(二十上)

樹達按:論衡骨相篇云:韓生名聞於天下,倪寬位至御史大夫,州郡承旨,召請擢用, 舉在本朝,

遂

韓生亦以易授人,推易意而爲之傳。(二十上)

至太傅。

涿郡韓生其後也。(二十上) 樹達按:蓋寬饒傳引韓氏易傳言:「五帝官天下,三王家天下,家以傳子,官以傳賢。」云云。

樹達 按 王貢兩襲 鮑傳, 昭 帝 時, 涿郡韓福以德行徵, 此涿郡韓生殆卽福 也。

**誼授同郡食子公**。(三十上)

樹達按: 誼又授漢昭帝。

敖授九江陳俠。(二十下)

樹達按:經典釋文敍錄 云 俠授九江謝曼卿。

而魯徐生善爲

頭。(二十下)

所誦習也 或 蘇林曰 有容史,皆詣魯學之。 …漢舊儀 有二郎爲此頌貌威儀事,有徐氏, 師古 E :

碩讀與容同,下皆類

此。

沈欽

韓 日

新書卷六

有容經,

此爲容者 天下郡

徐氏後有張氏,不知經,但能

盤時

爲容。

樹 達按:襲遂傳:逐勸昌邑王,「坐則誦詩書,立則習禮容, 知漢世尚重禮容也。

聖號 樹達按:聖爲九江太守,行治多不法,見何武傳。 小戴, 以博士論 石 渠,至九江太守。(二十一下)

通漢以太子舍人論石渠,至中山中尉。(三十一下)

樹達按一戴聖及通漢石渠議散見通典五十一以下各卷中 詳 洪 頤煊經典 集林。

而董生爲江都 相, 自有傳。 弟子遂之者 蘭陵褚大、 東平嬴公、 廣川 段仲、 温 呂步舒。

二十二上)

儒林傳第五十八(漢書八十八)

師

古曰:遂謂名位成達者。 宋祁曰:遂之者當刪之字。劉敞曰:遂之者,之字衍。 齊召南曰: 案

七00

史記作舒弟子通者。 庶人工商遂。 杜注云:「得遂進仕。」此班語所本。 樹達按:吳承仕云:遂之疑當作之遂, 又按"褚大見兒寬傳,步舒見仲舒傳。 傳寫誤倒。樹達按"左傳哀公二年云" 吾邱壽王

從仲舒受春秋,高材通明,見壽王傳,此漏舉。

彭祖爲宣帝博士,至河南、東郡太守,以高弟入爲左馮翊,遷太子太傅。(三十二下)

樹達按"百官表"「元帝初元五年,河南太守劉彭祖爲左馮翊。 宋祁曰:或無東字。 嚴之誤,是也。據表,東字不當有。 彭祖爲太子太傅,議罷郡國 二年,遷太子太傅。」 廟見韋玄成傳。 王先謙以劉爲

始貢禹事嬴公,成於眭孟,至御史大夫。(三十二下)

咸爲郡守九卿。(二十三上) 樹達按"五經異義"春秋公羊御史大夫貢禹說"王者宗有德,廟不毀。 宗而復毀,非尊德之義。

樹達按:此即上文之博士江公。傳子至孫爲博士。(二十三下)楊達按:咸王莽時爲講春秋祭酒,見莽傳。

太子旣通,復私問穀梁而善之。(二十三下)

樹達按一後書陳元傳云一一孝武皇帝好公羊,衛太子好穀梁。 有韶、韶太子受公羊,不得受穀粱。」案

詔 不得受,故私問之也。 據戾太子傳,即從江公問之。

**迺召五經名儒太子太傅蕭望之等大議殿** 樹達按"谷永傳云"「臣愚不能處也。」顏注云:處謂斷決也。 中,平公羊、穀梁同異,各以經處是非。(二十四上) 此處字義同。

JI. 更始為諫大夫,長樂戶將。(二十四下)

樹達按:更始為諫大夫,與議罷郡國廟,見韋玄成傳。

鳳九江太守,至青州牧。(二十五上) 咸至大司農。(三十四下) 樹達按一咸校中書術數,見藝文志。 校經傳, 見劉歆傳。

樹達按"後書侯霸傅云"霸師事九江太守房元,治穀梁春秋,爲元都 講。

五上 漢興, 北平侯張蒼及梁太傅賈誼、京兆尹張敞、太中大夫劉公子皆修春秋左氏傳。

授蒼梧陳欽子佚,以左氏授王莽,至將軍。二十五下) 虞卿。 樹 達按"劉向別錄云"左邱明授曾申,申授吳起, **虞卿作抄撮九卷,授荀卿,荀卿授張蒼。** 起授其子期, 期授楚人鐸椒。 椒作抄撮八卷,授

樹達按 獲麟疏 儒 云:說左氏 許慎五經異義引奉德侯陳欽說 小傳第五十八(漢書八十八) 者云:「鱗生於火而遊於土。 **欽為莽厭難將軍**, 孔子作春秋,春秋者,禮也,修火德以致其 見莽傳。 又按:左傳哀公十 子, 匹

故麟 西 狩

來 來 而 爲 鄭 孔 玄 子 一以爲 瑞 也 "修母致子不如立言之說 。」奉德侯 陳欽 說 麟, 西 方毛 密 也 蟲,金精也。 按此欽春 秋 孔子作春秋, 說之可考見者 有 立 言 西 方 免為 故

加 劉 歌 從 尹 咸 及翟方進受。(二十五下)

奮,見後書奮傳

達

按

|歆

以

授

孔

書唯有 歐陽,禮后,易楊, 左氏 春秋公羊而已。 至孝宣世, 復立大小夏侯尚書、大小 戴禮、

樹達按:王 孟、梁丘易、穀梁春秋。(二十五下)

國

維

漢魏博士考云

宣帝增

置博

士

事,

紀

表

志

傳所紀互異。

宣紀

繋於甘

露

Ξ

年,

百官公

申公韓 卿 劉 復 甚 時 伍考之, 士 於詩 一,實爲 矣。 歌 數大小戴禮, 表繁 傳 又宣帝 嬰均 於黃 無 則宣帝 則合新 }后 所 }氏 龍 於孝文時爲博士,轅固於孝景 增置,故劉歆略之。儒 禮 於禮 元年, 舊僅 藝文志復數慶氏 末 博士 所 博士亦 一不同 一,倘 得 有 博士, 八 未 人, 自 無所 也。 如儒 易 名 其 則 增 禮,二不同也。 紀與劉歆傳均言立 (家, 林傳, 施 置 林傳贊綜 示. 與大戴 梁邱 儒 則合新 林傳 八時為 書則 分立 計宣帝以 費 博士, 舊得十二人,似與 又博士 乃謂 歐陽 也。 梁丘易、大小夏侯 則文景之世 宣帝立大小 大小 藝文志 前立博士之經,而 員數 夏侯, 謂 表云 慶氏 戴 魯 表 詩 增足十二人, 則 禮, 齊 合矣。 亦 **%**尚 韓 齊 立 書、 不 魯韓 獨 = 然二傳皆不數 學 一家詩已立 遺詩魯齊 知 穀梁 官 戴 禮 者 聖 春 則 與傳 誤 雖 后氏 秋、 於宣 韓 博 與 士, 亦不 此 而 詩 帝 儒 春秋公羊 同 博士。 特孝宣 同 時 林 傳 今參 爲 疎漏 據 費 博

穀梁,

通

得

十二人。

儒林傳贊遺詩三家

因劉歆之言而

設。

贊又數大小戴禮,

藝文志

並

數慶氏

論石渠,則論石渠時似歐陽有二博士,小夏侯亦已有博士, 則又因後漢所立而誤也。 言歐陽高孫地餘爲博士,論石渠。 又宣帝增置博士之年,紀表雖不同,然皆以爲在論石渠之後。 又林尊事歐陽高,為博士,論石渠,張山拊事小夏侯建,為博士, 與紀傳均不合。 蓋所紀歷官時代有錯 然儒林傳

### 循吏傳第五十九(漢書八十九)

誤也。

又易施孟二博士亦宣帝所立,但在世露黃龍前

則儒林傳贊所言是也。

惟江都相董仲舒,內史公孫弘、兒寬居官可紀。(二上)

樹達按:寬爲左內史,治行詳本傳。

與我共此者,其唯良二千石乎!(一下)

樹達按:宣帝選博士、諫大夫通政事者補郡國守相,見蕭望之傳。

王成、黃霸、朱邑、龔遂、鄭弘、召信臣等,所居民富,所去見思。(二上)

樹達按:陳立為天水太守,勸民農桑,為天下最,見西南夷傳,此傳不及。

乃選郡縣小吏開敏有材者張叔等十餘人。(三下) 張叔名寬字叔文也。 樹達按 華陽國志蜀都士女贊自注云 張寬,字叔文,文翁遣寬詣博士東受七經,

還以教授。」是

減省少府用度,買刀布圖物,齎計吏以遺博士。(三下)

循吏傳第五十九(漢書八十九)

七〇三

也

以

漢

窺

管

卷

九

財物之府 如湻 舊 時 百 蜀 郡 金馬 以 工 供 官作金馬書刀者似佩刀形,金錯其拊,布刀謂 書 太守者 刀,今 也。 賜 計 刀,凡蜀刀有 吏, 是也。 作馬形於刀環內,以金鏤之。 環 者 也。 布,蜀 布細 婦人割裂 密 者也。 晉灼 財 布 者 百刀 刀 也。 蜀人作之皆 師古 書 万。 日:少 善, 布, 府 布 故 刀 資 郡掌

常選學官僮子,使在便坐受事。(三上) 師 古日 便 坐 別坐 可以 視 事, 非正廷也。 坐 音 財臥 反。

爲貨

無限

於

書

刀布

刀也。

如晉

二說皆煩

爲不當

也

樹

達

按

顏

說是

也

楊僕爲將軍,欲請蜀

刀;

張騫遊大夏,

驚見蜀布。

物名貴,

略可知矣。

樹 達按 便 坐又見張禹傳,馬見彭宣 於便 坐」是 也

蜀

地

3學於京師者比齊魯焉。(三上)

齊召南! 師 者 其 日接 語 蜀志 與 地 理志 秦宓曰:文翁遣 所云 繇文翁 司 倡其教, 馬相 如 相如 東受七 爲之師 經,還教 ]者正 東民, 合。 但 此傳 然則 及相 相 如 如 卽 文 傳 翁 並 無 所 明 拔 以 文。 爲

蜀

諸 如

樹 侯,以文辭顯 達按 李詳 於 媳生叢錄 世 鄉黨慕 卷一云:地理志:「景武間,文翁爲獨守,教民讀書, 循 其 跡 後有 王 褒、嚴 遵、楊雄之徒,文章冠天下。 及司 繇文翁 馬 相 如 倡 游 其教 宦京 師 常 相

書多從 爲之師。 蜀 郡守 。」此 承 作 國 則相如 言 志 Ŧ. 楊 宦游在外, 而 文章 此 獨不 師 法 取宓傳, 固文翁 相 如 而 馳驅 是也。 已 非親爲 所不及也 相 如 之 景帝 師 也 時爲 秦宓 武騎常侍, 誤讀 班 志 後病 以 免游梁。 相 如 爲教 授之 文翁 景帝 師。 末始

以豪傑役使徙雲陵。(三下)

樹達按:據武帝紀,太始元年事。

光旣誅之,遂遵武帝法度,以刑罰痛繩羣下。(四下)

樹達按:五行志云:「光始行寬緩,欲以說下。

令左馮翊宋畸舉霸賢良。(四下)

樹達按:據夏侯勝傳,此宣帝本始四年事也。

公卿表,是年大鴻臚宋疇爲左馮翊,此作畸,與彼異。

及遇困,遂變而復行武帝急峻之法也。」與此文正合。

二字形近,必有一誤。

緹油屛泥於軾前,以章有德。(五上)

樹達按"屏泥蓋卽鹽鐵論散不足篇之所謂弇汙。 周壽昌云:今俗謂挖泥。

鄉部書言。(五下)

樹達按:書言謂以書言之。

及姦吏緣絕簿書, 盜財物。(五下)

樹達按:絕字因緣字而行。 師古曰"緣,因也。 因変代之際而弃匿簿書以盜官物也。 顏強說絕爲弃匿,緣絕簿書,豈可通 乎!

代邴吉爲丞相。(六下)

樹達按:時霸與于定國議 呼韓邪單于朝儀,見蕭望之傳

循吏傳第五十九(漢書八十九)

長吏守丞對時,臣敞舍有鶡雀飛止丞相府屋上。(七上)

樹達按:此當以「長吏守丞對時」爲句, 圧於「對」字下置注、誤。

關卽取爲妻,與之終身。(九上)

錢大昭曰:事見論衡骨相篇。

樹達按:亦見吉驗篇。

韓信雖奇,賴蕭公而後信。(九下) 師古曰:信謂爲君上所信任也。 說:信讀曰伸,得伸其材用也。

神爵元年卒。(十上)

樹達按"朱一新云"信字當從後讀。

面刺王過。(十上) 樹達按: 儒林傳載谷永疏云: 翁歸、邑德茂夭年,知邑壽爲不高也。

樹達按一說文三篇上言部云一諫、數諫也。刺同音借字。

愧,辱也

王至掩耳起走、曰:郎中令善媿人。(十上)

師古曰:姚古愧字。

王相安樂遷長樂衞尉。(十下) 樹達按 媿人謂使人娘,顏注非。

樹達按:安樂亦見昌邑王傳。

陽狂恐知。(十一上)

樹達按:陽狂恐知,如韋玄成是也。

故使陛下赤子盜弄陛下之兵於潢池中耳。(十一下)

偃王嘗僭號,盜弄潢池,或卽引偃王潢池爲比。 樹達按"皮錫瑞師伏堂筆記云" 潢池事未知所出。

後漢書東夷傳:「偃王處潢池東,

地方五百里。」

以官壽卒。(十二下)

樹達按:後書延篤傳:篤爲平陽侯相、表襲遂墓、擢用其後於畎畝之中,是遂卒後葬故里也。

止舍離鄉亭。(十三上)

樹達按:離字疑行。

晝夜難藴火,待温氣乃生。(+三下)

師古曰:蘊火,蓄火也。

樹達按"說文十篇上火部云" 熅,鬱煙也。 蘊乃借字。

信臣年老以官卒。(十四上)

樹達按:後書儒林傳,召馴爲信臣曾孫。

循吏傳第五十九(漢書八十九)

#### 出するですっていきまして

酷吏傳第六十(漢書九十)

而吏治蒸蒸不至於姦。(二上)

樹達按:書堯典云:蒸蒸乂,不格姦。

樹達按…時景帝欲治捕栗氏,故以都代衞綰,見綰傳。都遷爲中尉。(三上)

都不敢加季心,見季布傳。

師古曰:長安左右,京邑之中也。

後長安左右宗室多犯法。(四上)

樹達按:左右疑謂天子之左右近臣,顏說似非。

樹達按:時張湯爲內史掾,見湯傳。

徙爲內史。(四上)

樹達按"安爲黯姊子,又見黯傳。司馬安之文惡。(四下)

興張湯論定律令,作見知。(五上)

樹達按:湯之死,禹責湯,見湯傳。

遷御史,上以爲能,至中大夫。(五上)

七〇八

樹達按"張燴云"百官表"元光六年,中大夫趙禹爲中尉,傳失載。

嘗中廢,已爲廷尉。(五下)

樹達按"百官表"元狩三年有廷尉禹。 元鼎四年又云一故少府趙禹爲廷尉。

數歲, 誇亂有罪, 免歸。(五下)

周壽昌曰"觀八疏傳云"「老詩。」又嚴延年傳"「丞義年老, 頗悖。」可證悖卽詩字。

樹達按:說文三篇上言部悖為詩之或體,周說失考。

窜成家居,上欲以爲郡守,御史大夫弘曰:臣居山東爲小吏時,窜成爲濟南都尉, **狼牧羊,成不可令治民。** 上迺拜成爲關都尉。 歲餘, 關吏稅肄郡國出入關者號 日:「 其治如 率

見乳虎,無直甯成之怒。」其暴如此。(六上)

中也。 樹達按:虎怒古模部韻。 又按:「甯成家居」至「其暴如此」, 與義縱無涉 疑是錯簡, 本當在成傳

爲死罪解脫。(六下)

樹達按"說文十二篇上手部云"稅,解稅也。脫乃同音假字。

是日皆報,殺四百餘人。(六下)

師古曰:奏請得報而論殺。 劉敞日 縱掩定襄獄, 切捕鞠, 而云是日皆報殺, 則非奏請報可之報

矣。然則以論決爲報

酷吏傳第六十(漢書九十)

樹 達 按 劉 於王 溫 舒篇又言之,說固是矣。 然說文十篇下李部 云 報, 當罪 人也。 劉不引此,而紛

紛作證,何也。

後會更五銖錢白金起。(七上)

其治所誅殺甚多,然取爲小治,姦益不勝。(七上) 樹達按:白金起謂收銀錫為白金也,見武紀元狩 四年。 行五 鉄在 元狩 Ŧi. 年。

樹達按:佞幸傳云:「二人之寵取過庸,不篤。 。」顏注云:「纔過於常人耳,不能大厚 也。 西域烏孫傳

充位。」顏注云:「但充其位而已。」訓取爲但,亦與纔義同。

云:「取羈屬,不肯往朝會。」顏注云:「言纔羈縻屬之而

已。

兩傳顏皆訓取爲纔。

張湯

傳

云

: 丞相

取

擇郡中豪敢往吏十餘人爲爪牙。(七下)

郡人之桀出者, 師古曰:豪桀而性果敢 不必加桀字也。 ,一往無所顧者,以爲吏也。 韓安國傳:照門馬邑豪聶壹。 宋祁 日 豪字下當 敢往吏言敢 有桀字。 於 前 周 壽 往 無 昌 所 日 畏 豪 避也。 卽 其

常成. (顏注似以敢字屬上讀,幾至不可通。 《傳:「所居郡必夷其豪,」安有豪桀而夷之乎! 王文彬曰:周云不加桀,是也, 蓋郡中之渠魁豪惡, 而詳其語意, 溫舒因擇用之, 仍以 豪桀爲義。 觀下文把

其陰重罪,義自可見。

樹達 侵小民者,以文內之。」游俠傳云:「自哀平間郡國處處有豪桀,然莫足數。」若如王說,豪桀必爲美 按正 説非 也。 後世用豪桀字皆美稱,王爲所誤,不知漢書乃不然也。 嚴延年傳 云『其豪桀

豈有侵小民而不足數者乎!

奏行不過二日,得可。(八上)

盡十二月,郡中無犬吠之盜。(八下) 樹達按:溫舒自爲驛,故神速如此。

樹達按:溫舒以九月至郡,至十二月,不過四月,此言其効速。

徒請召猜禍吏與從事。(八下) 樹達按"王念孫謂此文及下文從事猜禍,二猜字皆猾字之譌,詳具高祖紀。

辦。知本書二字通用不別。 樹達按…下文云…「官事辦,」辯與辦同。

又云:「壹切爲小治辯,」字作辯。

又云:「有治辦名,」

居它,惛惛不辯。(九上)

至於中尉則心開。(九上)

樹達按:後書王常傳云:聞陛下即位河北,心開目明。

及死,仇家欲燒其尸,妻亡去,歸葬。(十上) 光祿勳徐自爲曰。(九下) 樹達按:自爲又見匈奴傳。

先謙曰:史記作尸亡去歸葬。 酷吏傳第六十(漢書九十) 徐廣注、未及飲、尸亦飛去。 風俗通怪神篇說同。 公羊傳 陳侯鮑甲

戌之日亡,己丑之日死而得。 疏亦引此事爲證。 班氏蓋以爲誕而易之。

漢

窺 管 卷

九

樹達按:論衡死偽篇引尸亡之說而辯之,用意與班同。 蓋仲任受學叔皮,與孟堅學同源也。

使治主父偃及淮南反獄,所以微文深詆殺者甚衆。(十一下) 樹達按:淮南王傳云:所連引與王謀反,列侯二千石豪桀數千人,

爲御史及中丞者幾二十歲。(十一下)

隙,窮竟湯事,見湯傳。

石慶爲相,欲治宣而不得,見慶傳

皆以罪輕重受誅。

宣與張湯有

樹達按:杜周傳云:與咸宣更爲中丞者十餘歲。

及以法誅通行飲食。(十二下)

樹達按:通行飲食又見尹賞傳。

故城父令公勝勇與客胡倩等謀反。(十三上)

樹達按:武紀事在征和三年。

矣。(十三上) 初、四人俱拜於前,小史竊言。 武帝問"言何?對日"為侯者得東歸不?上曰"女欲不貴

師古曰 :言汝意欲歸不,吾今貴汝,謂賜之爵也。

列侯也。 樹達按::顏說非也。「女欲不貴矣」五字當連讀。 四人同功,同當爲列侯,而小史獨爲關內侯,是其事也。 女欲不貴矣, 猶言汝將不得貴矣, 後書隗囂傳云三吾與隗囂 即謂將不 事欲 ·封爲

不諧,」與此句例同。二欲字皆與將字義同也。

徵入爲大鴻臚。(十三下)

樹達按一時廣明將兵擊武都反氐,見昭紀及西南夷傳。

樹達按…事詳西南夷傳。 昭帝時,廣明將兵擊益州,還,賜爵關內侯。〈十三下

代蔡義爲御史大夫。(十三下)

以前爲馮翊與議定策。(十三下)

樹達按:廣明劾夏侯勝非議詔書毀先帝,

見勝傳。

救田延年,見下篇。

樹達按:霍光傳廣明列名廢昌邑王奏。

引軍空還。(十三下)

樹達按:事詳匈奴傳上。

田延年,字子賓,先齊諸田也,徙陽陵。(十四上)

選拔尹翁歸等以爲爪牙。(十四上)樹達按:徙陽陵,高紀九年事。

樹達按:事詳翁歸傳,以此世稱延年爲知人也。

以選入爲大司農。(十四上)

酷吏傳第六十(漢書九十)

漢

樹 達按:時爲嚴延年所劾,見次篇。

延年以決疑定策封陽城侯。(十四上) 樹達按:論功時延年功比誅諸呂時之典客劉揭,見杜

傳。

延年抵日:本出將軍 之門,蒙此爵位,無有是 事。(十四下) 延年

樹達按:後書劉隆傳云:「帝詰吏由趣,吏不肯服,抵言於長壽街上得之。 師古曰"抵,拒諱也。

卽 無事,當窮竟。(十四下)

云 抵賴。

師古曰:旣無實事,當命有司窮治盡其理。

蘇興日:

光以延年抵拒而忿言,

即令無是事,亦應窮治。

李注:「

抵,欺也。

按今猶

顏訓即 樹達按:即當訓若。 爲既,非。

延年後復劾大司農田延年持兵干屬車,大司農自訟不干屬車。(+五下) 樹達按:此嚴延年劾田 延年,稱大司農自訟,舉官名者,避同名延年之混淆也。

神爵中, 西羌反。(十五下)

樹達按"宣紀"西羌反在神爵元年。

更皆股弁。(十六上)

師古曰:股戰若弁,弁謂撫 手也。

樹 達按:如顏說弁當作拚。 說文十二篇下手部云 "拚,拊手也。

坐怨望非謗政治,不道,棄市。(十七下)

樹達按"據宣紀係神爵四年事。

因數責延年。(十八上)

尹賞字子心。(十八下)

樹達按:句省日字。

左傳襄三十年,即賞之先也。 周壽昌曰:按後漢豫州從事尹宙碑 碑又云:「故子心騰於楊縣,至位執金吾,」卽指賞言。 有云:「尹吉甫元孫言多, 世事景王, 載在史典。」 宙殆賞之同族 尹言多事

後人也。

樹達按:漢人碑版,多妄舉同姓仕宦者以相誇耀,

如張遷碑並載留侯張釋之之類。

尹宙碑恐亦相

致令辟爲郭。(十九下)

同,未可據也。

甎也。 師古曰:致謂積累之也。 今江東呼爲饭甓。

令辟,

甒甎也。

郭謂四周之內也。

王文彬曰:

樹達按 酷吏傳第六十(漢書九十) 周壽昌云:致,置也。 叉按 劈正字,辟假字。 說文十二篇下瓦部云:

爾雅: 飯 調之 壁。 甓,令適也。 {注 甌

五

七一六

漢

雜 舉 長安輕薄 少 年惡子。(十九下)

師古 曰"惡子,不承父母教命者。

樹達 按:子卽謂人,猶諸侯人稱諸侯子。 顏泥子字為說,非是。

便 興出 瘞寺門桓東。(十九下)

如湻曰 名曰桓表。 "瘞,埋也。舊亭傳於四角面百步築土四方,上有屋,屋上有柱出,高丈餘,有大板貫柱 縣所治夾兩邊各一桓,陳宋之間言桓聲如和,今猶謂之和表。 師古曰:即華表也。宋祁 四出,

知 桓 表,當從桓。 音義作寺門外垣 和華聲皆相近。

日

桓

一徐鍇改作垣,非是。

蕭該

東。

又云:今漢書多作

垣字。

蓋

後人多知墻

劉敞曰:便讀如後。 錢大昕曰:桓

樹達按"說文六篇上木部云"「桓,亭郵表也。」徐楚金旣見如說,又頗讀許氏書,乃妄從蕭該,

其疏 也 ! 如說桓制甚晰。 清時官署門外多樹兩桓,築土四方, 高柱 貫 板, 正 如如氏之言

爲垣,

何

俗名圍杆,但 耳傳有箯輿,讀便爲箯,誤矣。 無屋耳,今不見矣。 便猶言即,武紀云三上便令征西南夷, 平之。」 便字義同。

劉以

改桓

**楬**著其姓名。(二十上)

張

師古曰:楊、杙也。 極代於極 處 而 書死 者名 也。 楊音! 竭, 杙 音弋, 字並 從木。 沈欽韓日 秋官 蜡氏

⟨職 埋而置楊。 鄭司農云 :「楊欲令其 識取之,今時揭櫫是也。

樹達按"說文六篇上木部云"「楊,楊臻也。」楊著其姓名者,淮南王傳云"乃陽聚土, 樹表其上曰:

開章死葬此下 」是其式也。 近人端方陶齋臧磚記載漢罪人葬磚數十事, 其一云:「永元二年九月

二十日,潁川武陽髡鉗東門當死在此下。」亦與漢書合。

安所求子死?(二十上) 師古曰:死謂尸也。

樹達按:顏說是也。 說文一篇下茻部云:「葬,臧也。 从死在茻中, 其中, 所以薦之。」

知以死爲

尸,制字時已然矣。 說詳余釋死篇

丈夫為吏,正坐殘賊免,追思其功効,則復進用矣。(二十下)

樹達按:宣帝之於張敞,是其例也。 家不足以爲利害。」 正者縱也,雖也。 終軍傳云:「且鹽鐵郡有餘藏,正二國 或

黃霸傳云:「許丞,廉吏,雖老,尚能拜起送迎。 正頗重聽,何傷!」游俠傳云:「正復讎取仇,猶不失 仁義,何故遂爾放縱爲輕俠之徒乎? 」王莽傳云:「絡人犯法,不從騶起,正有他心,宜令州郡且尉

賞四子皆至郡守,長子立爲京兆尹。(二十下)

安之。」正字義並同。

樹達按:公卿表未見。

張湯以知阿邑人主,與俱上下。(三十下)

蘇林曰:邑音人相悒納之悒。 師古曰:如蘇氏之說,邑字音烏合反。 然今之書本或作色字,此言阿

酷吏傳第六十(漢書九十)

漢 書 窺 管 卷 九

**諛觀人主顏色而上下也。其義兩通。** 王念孫曰:邑當音烏合反。阿邑人主, 謂曲從人主之意也。

主,則大爲不辭。乃爲之說曰:言阿諛觀人主顏色而上下,其失也迂矣。

作色,與顏引或本誤同。 樹達按:王說是也。 鹽鐵論論誹篇云「而以意阿邑順風」」文義正同,是其證也。 今本鹽鐵論邑誤

## 漢書窺管卷十

## 貨殖傳第六十一(漢書九十一)

及至魚鼈、鳥獸、雚蒲、材幹、器械之資。(1上) 師古曰:藿,萬也。即今之荻也。

於是在民上者,道之以德,齊之以禮,故民有恥而且敬。(三下) 樹達按"灌字誤,當作蕃。說文一篇下艸部云"茬,蔥也。

從艸,萑整。

景祐本亦同誤。

蓋讀格爲窓。

說文十篇下

心部云"蹇,敬也。 樹達按:論語爲政篇云:「道之以德,齊之以禮,有恥且格。」此云且敬, 此漢人論語說也。

畜至用谷量牛馬。(六上)

樹達按…姜宸英云…高歡問爾朱榮…聞公有馬十二谷云云。以谷量牛馬,乃邊陲舊俗也。

水居,千石魚波。(六上)

師古曰:波讀曰陂。言有大陂養魚,一歲收千石魚也。

樹達按"說文十四篇下自部云"陂,池也。

貨殖傳第六十一(漢書九十一)

先謙曰:史記萩作材,徐廣注:一作楸。

山居,千章之萩。(六下)

樹達按…下文,有千樹萩,此作萩則交複,當依史記作材。

師古曰:茜草,卮子,可用染也。 師古曰:茜音千見反。

若千畝巵茜。(六上)

樹達按:上師古景祐本作孟康,是也,此文誤。

樹達按:文、門,古痕部韻。

刺繡文不如倚市門。(七上)

穀糴千鍾。(七上)

師古曰:

謂常糴取而居之。

樹達按:如顏說,穀糴與上文醯醬,下文薪稟、竹竿、軺車爲文不類。 且此文所舉,大都謂己所有之

義,故以爲連文。 物,若糴取而居之,非本文立言之意矣。 愚按:糴當爲糤。 楊雄蜀都賦云:羅米肥賭,耀今誤作糴,與此正同。 說文七篇上米部 云 耀, 穀 也。 穀糧

蘗麴鹽豉千合。(七下)

今西楚、荆、沔之俗,賣鹽豉者鹽豉各一升,則各爲裹而相隨焉,此則合也。 師古曰:麴蘗以斤石稱之,輕重齊則爲合。鹽豉則斗斛量之,多少等亦爲合。 說者不曉,乃讀爲升合 合者相配偶之言耳。

當爲砥,音貽。」案除說是也。 有是理乎?史記貨殖傳作千荅。徐廣曰「或作台、器名有砥。 皮革千石,泰千大斗。下文云:鮐鮆千斤,輒鮑千鈞。 之合,又改作台,競爲解說,失之遠矣。 同聲,故得通用。 臧文仲曰:「斂小器投諸台。」台與瓵同。 漢書作合,則又台之譌也。 爾雅:甌瓿謂之瓿。」郭注:「瓿甊,小甖,長沙謂之瓿。」列女仁智傳 王引之曰"師古以合爲相配耦,所謂曲說也。 史記或本作台,是也。 師古不達,反以作台者爲誤,而強爲合字作解,其失 此獨不言斗斛,不言斤石,而以相 孫叔然云: 砥,瓦器,受斗六升。 今本台作苔,乃苔字之譌。 上文云 配耦爲名, 苔台古 台

樹達按…李慈銘云…上文云石,云斗,此合自當解爲升合之合。

甚矣。

旃席千具。(八上)

樹達按"旃假爲藍。說文八篇上毛部云"藍,撚毛也。

節駔僧,貪賈三之,廉賈五之。(八下) 師古曰:僧者,合會二家交易者也。 駔者,其首率也。

也。 貪賈嗇,故少取;廉賈寬,故多取。 舊注 並誤。

以鐵冶起,富至鉅萬。(九下)

王文彬曰:集解 貨殖傳第六十一(漢書九十一) 起屬下讀,云起富至鉅萬,是也。 下文,刁閒起數千萬,史記起下亦有富字。

漢

樹達按"上文云"猗頓用鹽鹽起,則起字爲讀自可通。

莽皆以爲納言士。(十下) 樹達按…王莽傳 更名大司農曰義和,後更爲納言。 納言爲九卿之一,每一卿置大夫三人,一大夫

|秦之敗也,豪桀爭取金玉,任氏獨窖倉粟。(+下)

置元士三人,故有納言士也。

樹達按:說文七篇下穴部云:等,藏也。

塞之斥也。(十一上)

樹達按:塞之斥也以下與任氏無關,應提行。

王莽以爲京司市師,漢司東市令也。 (十一下)

樹達按"以食貨志文證之,「漢司」之司疑行。

又况掘冢搏掩,犯姦成富。(十二上) 師古曰:搏掩,謂搏擊掩襲取人物者也。搏字或作博。

說:博,六博也。

掩,意錢之屬也。

皆戲

樹達按:功臣表云:「安邱侯張拾坐搏揜髡爲城旦,」揜與掩同。 先謙曰:據史記,搏當為博,一說是。

而賭取

財物。

游俠傳第六十二(漢書九十二)

## [與殺身成名若季路仇牧,死而不悔也。(1下)

師 古曰:言游俠之徒自許節操 同 於季路 仇收。 蘇興日 與猶謂也, 言游俠自謂殺身成名若季路仇

牧。

古書謂與與多互作,其義同

也。

樹達按:顏說是也

俠,原涉爲魁。(三下) 唯 成帝時,外家王氏賓客爲盛,而樓護爲帥。 及王莽時, 諸公之間, 陳遵爲雄; 閭 里 之

乘不過軥牛。(三上) 樹達按:據辛慶忌傳,辛通長子次兄,與衞子伯兩人俱游俠,賓客甚盛,當平帝時,

此傳不及。

曲者。 「大牛當軛,小為軥牛。」據此時賤牛車,而朱家所乘幷是輓軥之小牛, 晉灼田:軥,軥槐也。 軥牛,小牛也。師古曰:軥,重挽也。 音工豆反。 言其貧薄。 晉說是也。沈欽韓曰 說文: 軥, 索隱: 軛下

樹達按 爲物,是也。 ...晉謂軥牛爲小牛,是矣, 大抵句聲之字多具小義。 又以軥軛爲說, 爾雅釋畜云:「犬未成豪,狗。」 則非 也。 軥本字當作枸。 釋獸 云:「熊虎醜,其子狗。 郭注爾雅 云 青州 呼犢

晉律云: 「捕虎一,購錢五千,其狗牛之。」說文駹下云:「馬二歲日駒。」 物狗駒音義並相近

劇孟以俠 樹達按 爱盎善待孟 見盎傳。

顯。(三上)

游俠傳第六十二(漢書九十二)

七二四

以軀 耤友報仇。(四上)

師 古 曰: 耤古藉字也, 藉謂借助也。

樹 藉以同音爲訓。 達按:古耤助二字音同,耤疑 說文十三篇上虫部 即假為 云:「蜡,蠅蛆也。 助。 孟子滕文公上 蛆, 蠅乳肉中也。」二字同義。 篇云:「殷人七十而助, 助 者, 叉 藉 篇下艸 也。 。」助

**数**人者。」二字義近。 此皆昔聲且聲字相通之證。 顏釋助,是也。 云借助,則非矣。

**蒩,茅藉也。」二字同義。 又二篇上齒部云:「醋** 

,齧也。」十篇上犬部云「狙,犬暫

與人飲,使之釂。(四下)

云:「藉,祭藉也。

師古曰:盡酒曰釂。 達按:說文十四篇下酉部云 沈欽韓曰一史記作嚼,與釂同。 :「釂,飲酒盡也。」乃本字。 說苑尊賢篇善說篇並作嚼,有子樂辱篇作噍。 嚼噍皆借字。

解使 人微知賊處。(四下

師古曰:微,何問之也。

樹

樹達按"說文八篇下見部云"「覹,司也。」微爲覹之省假字。 司即今何字。

邑中賢豪居間以十數,終不聽。(五上)

樹達按:居間又見灌夫傳。 師古曰:居中間爲道地和輯之而不見許也。

及徙豪茂陵也。(五下)

樹達按:此元朔二年事,見武紀。

季主家上書人又殺闕下。(五下)

師古曰:於闕下殺上書人。

樹達按:此謂上書人見殺於闕下。

東道佗羽公子。(六下)

曹參傳有羽嬰。漢書何武傳有杜公子,此傳亦有長陵高公子,儒林傳有大中大夫劉公子, 樹達按:李慈銘云:「它」字上脫一「趙」字,當從史記。 比也。 趙它羽公子是兩人。羽姓出鄭公子羽,漢書 蓋皆以

酒市趙君都、賈子光。(七上)

字爲名,如薛漢字公子

晉灼注:「此二人作箭作酒之家。」齊召南云:賈子光當卽尊傳所云東市賈萬矣。

服虔曰:酒市中人也。先謙曰:顧炎武云:服注非也。王尊傳:「長安宿豪大猾箭張禁,

酒趙放。」

齊說買子光卽算傳之賈萬

,但彼云東市,此云酒市,二者不合,

長者尤見親而敬。(七下)

似非。

樹達按:顧說非是,說見前王尊傳。

樹達按"而字疑當在長者二字上。

論議常依名節,聽之者皆竦。(七下)

游俠傳第六十二(漢書九十二)

敬,非其義。

樹 達 按 漢 : 竦假爲慫。 書 窺 管 說文十篇下心部云 卷 + "慫,驚也。 竦訓

長安號曰:谷子雲筆札,樓君卿唇舌。(七下)

樹達按: 札爲古脣部韻,舌爲曷部韻,音近合韻。

閭 里歌之曰"五侯治喪樓君卿。(八上)

樹達按 喪卿同古唐部韻。

75 師古曰 阿侯舉護方正,爲諫大夫,使郡國。 :官以物假貸貧人,令護監之。 劉奉世 護假貸,多持幣帛過齊。(八上) 曰:此謂樓護假貸於人, 多齎幣帛過齊以施親故爾。

何乃謬斷其句,云監護官貸耶? 劉攽說同

樹達按一般為奉世之叔父,似應先引放說,而以奉世說同附之。 簿諫:將軍至尊,不宜入閭巷。(八上)

樹達按:宣帝詔云: 出入閭巷,無吏體。」吏且不出入閭巷,况將 軍平

!

迺賜遂璽書曰"制詔太原太守"官尊祿厚,可以償博進矣。 妻君寧時在旁,知狀。(九上)

諱也。 師古曰:史皇孫名進,而此詔不諱之,蓋史家追書,故有其字耳。君寧, 者,著舊恩之深也。 先謙曰: 顧炎武云:"荀悅漢紀云:"杜陵陳遂,字長子,上微 劉攽 曰:顏云史家追書,妄也。 詔書本字,史家何苦改之。 時與游戲博弈,數負逐。 遂妻名, 蓋進 云妻知負博之狀 音贐 E 自不犯 即位

稀見進用,至太原太守。

乃賜遂璽書曰"制詔太原太守"官尊祿重,可以償博負矣。」進乃悼皇考之

名,宣帝不應用之,荀紀爲長。 錢大昕云:博進之進本作費, 與進 退字 文義 俱 別, 故詔 書 不諱。

且

戾悼二園未上尊號,當時臣民本無避諱之例,非由追書之故 也

進矣,妻君寧時在旁知狀。」蓋戲爲索債之詞,故引君寧爲證, 樹達按:俞樾云:數負進下顏注兩說皆是。此遂負帝,非帝負遂,故璽書曰:「官尊祿厚, 見非空言也。 遂謝 日 事 在 可以償博 元 平

年赦令前 明其已更赦令,雖有宿負當免也。 **苟紀與此正相** 矛盾。 夫遂負帝 則 可 引 赦 令以

解,帝負遂而遂引赦令以解之,則失尊卑之分矣。 仍以漢書 爲 長

几 稱 達按:俞說 年詔有進藥字,又將何以說之乎? 事在 元平元年赦令前 是矣,而以「事在元平元年赦令前」爲遂自解之辭,則仍誤說。 , 発其 補 償 耳。 劉錢說進不必諱,是也,而以費字爲解,則仍非 此謂陳遂 辭謝, 是。 地節 書因

詔

自 元

樹

遵少孤,與張竦伯松俱爲京兆史。(九上) 樹達按:嫌,敞之孫,事見張敞王莽二 傳。

|竦博學通達。(九下)

樹達按:嫌從杜鄴問學,尤長小學,見鄴傳。

俱著名字。(九下)

樹

塊里大賊趙朋霍鴻等起。(九下)

游俠傳第六十二(漢書九十二)

達按:漢人云俱著名字,猶今言 知名也。 朱浮 與彭龍書云 伯通以名字 典郡」,意同

樹 達按:事在莽居攝二年。 趙朋王莽傳作趙明,云明鴻起兵和翟義。

性善書,與人尺牘,主皆藏去以爲榮。(十上)

樹達按 之,別作東以爲報。 人藏遵尺牘,亦愛其筆畫 張爾岐蒿庵閒話 晉謝安輕獻之書,獻之嘗作佳書與之,謂必存錄,安輙題後答之,甚以爲恨。 卷一云:古人往來書疏,例皆就題其末以答, 唯遇佳書心所愛玩, 乃特 漢 藏

也

時列侯有與遵同姓字者,每至人門, 陳驚坐云。(十下 日陳孟公,坐中莫不震動。 旣至而非, 因號其人日

樹達按一到都號蒼鷹,嚴延年號屠伯,及此陳驚坐,皆後世綽號之始也

繇是起爲河南太守。(十下)

樹達按:後書王丹傳云:時河南太守同郡陳遵, 丹乃懷綠 一匹,陳之於主人前, 日 如丹此練,出 關 西之大俠也。 自機杼。 遵聞 其友人喪親,遵爲護 而有 慚色。 自以 知名 喪事, 欲 膊 結 助 交 甚

司 直陳崇聞之。(十下)

於丹,丹拒而不許。又見東觀

漢記。

樹 達按: 陳崇事詳王莽傳。

封淑德侯。(十一上)

達按: 陳以爲劉嘉草 諛莽奏封,

不得左右,牽於纆徽,一旦叀礙,爲瓽所韞。(十一上)

所擊,則破碎也。 重言上絹反。 瓽音丁浪反。 師古曰:繼徽,井索也。 重,縣也。 **瓽**,井以磚爲甃者也。 櫑,擊也。 **轠音雷。諸家之說或以叀爲疐,或音衞,又以瓽爲** 言瓶忽縣礙不得下而爲井第

鹽,皆失之。

樹達按: 叀作疐者是也。 說文四篇下東部云: 室, 礙不行也。 從重, 引而止之也。 **疐**礙義同, 故

顏訓爲縣,縣礙二字義不相貫。

身提黃泉,骨肉爲泥。(十一上)

子雲連用之。作東者,形近誤爾。

師古曰:提,擲也。擲入黃泉之中也。提音徒計反。

樹達按:提字本作擿。 說文十二篇上手部云:「擿,投也。」提以同音通假。

自用如此,不如鸱夷。(十一上)

樹達按:眉、危、懷、徽、轠、泥、夷,古韻並在微部。

鴟夷滑稽,腹大如壺,盡日盛酒,人復借酤。 常爲國器,託於屬車,出入兩宮, 經營公家。

樹達按:壺、酤、車、家、乎,古韻同在模部。繇是言之,酒何過乎?(十一上)

子欲爲我亦不能,吾而效子亦敗矣。(+一下)

樹達按:而猶如也,見經傳釋詞

游俠傳第六十二(漢書九十二)

漢

七三〇

丹曰:「俱遭時

更始至長安,大臣薦遵爲大司馬護軍,與歸德侯劉颯俱使匈奴。(十二上) 反覆,惟我二人爲天地所遺。今子當之絕域,無以相贈,贈子以不拜。」遂揖而別,遵甚悅之。 樹達按:東觀漢記十五王丹傳云:更始時,遵爲大司馬護軍,出使匈奴,過辭於丹。

樹達按:事詳匈奴傳。

單于欲脅訓遵,遵陳利害,爲言曲直。

單于大奇之,造還。(十二上)

人無賢不肖,闡門。(十二下) 師古曰:闐字與竇同,晉大千反。

樹達按:說文七篇下次部云:實,塞也。

子本東二千石之世。(十二下)

樹達按:世謂後世子孫。說詳張湯傳及王吉傳。

人嘗置酒請涉,涉入里門,客有道涉所知母病,避疾在里宅者。(+三上) 樹達按"漢人以疾病而徙居,謂之避疾。 後書魯丕傳云 趙王商欲避疾,

便時移住學官。

來歷傳

云皇太子驚病不安,避幸乳母王聖舍。 皆其事也。

師古曰:鄉讀曰向。

涉

何心鄉此。(十三上)

樹達按"李慈銘云"鄉乃饗之省,言無心饗此食也,故下云徹去酒食。 顏注非。

涉懼,求爲卿府掾史,欲以避客。(十三下)

樹達按一此蓋為王莽從弟衞將軍林之掾,見後書馬 援傳。

沙單 車歐上茂陵,投暮,入其里宅。(十三下)

樹達按"石顯傳云"顯故投夜還,稱詔開門入。

後書范式傳云:式便服朋友之服,投其葬日,馳往赴

之。 任光傳云:世祖遂與光等投暮入堂陽界。 李賢注:投,至也。

原巨先奴犯法,不得。(十四上)

樹達按:得謂見捕得。

使肉袒自縛,箭貫耳,詣廷門謝辠。(十四上)

樹達按"僖公二十七年左傳記楚子玉治兵,貫三人耳。

說文十二

篇上耳部云 昳,

軍法以矢貫耳

也。 是涉以軍法自罰

外温仁謙遜,而內隱好殺。(十四下)

樹達按:李慈銘云:隱猶陰也。 內隱者, 謂其中陰賊也。

諸王子弟多薦涉能得士死。(十四下)

先謙曰:官本士死作死士,引宋祁曰:越本作士死。 樹達按:"作士死者是也。 景祐本作士死。

尹君! 何壹魚肉涉也! (十五上)

游俠傳第六十二(漢書九十二)

樹達按:壹,專也漢書 窺

## 佞幸傳第六十三(漢書九十三)

侍中中鄓將張彭祖,少與帝微時同席研書。(一下)

樹達按:彭祖,張安世之子也。

先謙曰:西定表有太中大夫,中大夫,無上大夫。官至上大夫。(二上)

老於家,是上大夫卽太中大夫也。下文上大夫義同。 據石奮傳,奮爲太中大夫,二千石,以上大夫祿歸

樹達按…王說是也,申屠嘉傳正作太中大夫鄧通。

文帝時間如通家游戲。(三上)

樹達按:時間又見曹黎傳。申屠嘉傳云:文帝常燕通家。

也。 樹達按:潛夫論相列篇云:唐舉之相李兌蔡澤,許負之相鄧通條侯,雖司命班祿,追敍行事,弗能過 據此知相通者為許負 也

上使善相人者相通。(三下)

文帝嘗病癰,鄧通常爲上嗽吮之。(三下)

樹達按:說文二篇上口部云:敕,吮也。此正字。

七三二

趙談者,以星氣幸。(三上)

樹達按:辯士曹丘生事談,見季布傳。

上卽位。(三下)

樹達按: 媽白王太后有女在民間, 見外戚傳。

延年善歌;爲新變聲。(四上)

樹達按:古今注載李延年分薤露蒿里爲二事。

樹達按:延年與衞律善,薦律使匈奴,見李慶延年蘇是貴,爲協律都尉。(四上)

|恭明習法令故事,善爲請奏。(四下)

顯代爲中書令。(四下) 樹達按:法言先知篇云:或問曰:載使子草奏。

日

吾不如弘恭。

樹達按:時萬章與顯善得其力, ,見章傳。 顯議甘延壽陳湯不 可封, 見湯傳。

後太中大夫張猛。(五上) 樹達按:猛爲騰之孫,見騫傳。 彼傳作光祿大夫。 據劉向薛廣 ·德傳皆作光祿大夫,疑此誤。

樹達按:石、客、若,古韻同在鐸部。

民歌之曰:牢邪、石邪,

五鹿客邪

印

何纍纍,

授若若

邪

冠上

传幸傳第六十三(漢書九十三)

加厚賞賜。(六上)

樹達按:加厚二字疑倒。

丞相御史條奏顯舊惡及其黨牢梁陳順,皆免官。〈六上〉 樹達按:丞相匡衡、御史大夫張譚也,見衡傳。

樹達按一菟、賈、古韻同在模部。

長安謠曰"伊徙鴈,應徙菟,去牢與陳實無賈。(六下)

至衞尉九卿。(六下)

路遺賞賜亦桑鉅萬。(七上) 樹達按一成都羅哀路遺長,見貨殖傳。 樹達按一長為衛尉,成帝使受谷永所欲言,見永傳。

紅陽侯立獨不得爲大司馬輔政。(七下)

窮治長,具服戲假長定宮。(七下) 樹達按:事詳孫寶傳

師古曰:"母古侮字。

母若歸故郡。(八上) 樹達按"說文八篇上人部侮古文作母。五行志云"慢母之心生,亦作此字。

師古曰:若者,其母名。

君,此傳不言長母還長安後得封。蓋若是元后從姊,如王音亦后之從弟,未嘗不稱寵任聽也。 樹達按…李慈銘云…元后傳…后姊名君俠,此名若,則非君俠矣。且元后傳言元始中封君俠爲廣恩

詔令賢妻得通引籍殿中,止賢廬。若吏妻子居官寺舍。(八下)

樹達按"若,如也。謂令賢妻得止賢廬,如吏妻子之得居寺舍耳。 先謙曰"若,及也。因賢妻故,並吏妻子皆得居官寺舍。

王說誤。

錢大昭曰:詔南監本閩本並作召。 先謙曰:官本作召。

又韶賢女弟,以爲昭儀。(八下)

樹達按:景祐本作召,是也。

詔將作大匠爲賢起大第北闕下。(八下)

樹達按:鮑宣傳云:「幷合三第,尚以爲小,復壞暴室。」其大可知矣。

又令將作爲賢起冢塋義陵旁。(九上)

樹達按:義陵,哀帝陵。

上於是令躬寵爲因賢告東平事者。(九上)

樹達按:此從傅嘉之謀,見王嘉傳。

**迺以其功下詔封賢爲高安侯。**(九上)

依幸傳第六十三(漢書九十三)

七三五

七三六

漢 書 窺 管 卷 +

達按:先賜爵關內侯,後封高安侯,見王嘉傳。 賢常薦何武,見武傳。

反痛恨雲等,揚言爲羣下所寃。(九下)

樹達按:痛恨猶 痛惜也。

上有酒所,從容視賢, 之有也。陛下承宗廟,當傳子孫於無窮,統業至重,天子亡戲言。 笑曰:吾欲法堯禪舜, 何如? 閎進曰:天下迺高皇帝天下, 上默然不說。(十一下) 非陛下

賢第新成,功堅。(十一下)

樹達按: 閎有諫尊寵董賢疏,見漢紀。

樹達按:齊語云:辨其功苦。 師古曰:言盡功力而作之,極堅牢也。 韋昭云:功,牢也。 功字或作攻、治也。言作治之甚堅牢。

小雅車攻篇云:我車旣攻。 毛傳云:攻,堅也。 顏訓功力攻治,並非。

禮記月令云:必功致爲上。

淮南子時則篇作堅致。

即日賢與妻皆自殺。(十二上) 樹達按:後書張步傳云:哀帝臨崩,以璽綬付賢,曰:無妄以予人。

後數月,哀帝崩。(十一下)

樹達按:王莽傳載陳崇奏云:賢自絞殺,贊亦云縊死。

長安中小民讙譁,鄉其弟哭,幾獲盜之。(十二下)

樹達按:周壽昌云:弟即第字。 王莽傳云賜弟一區,亦作弟,不作第。

賢所厚吏沛朱詡自劾去大司馬府。(十二下)

樹達按:據後書朱浮傳 一詡,沛國蕭人。

而王閎王莽時爲牧守。(十二下)

云: 樹達按:後書張步傳云:王莽篡位, 一部兗州收壽良卒正王閎迫措青徐盜賊 潛忌閎, 乃出爲東郡太守。 壽良本東郡縣, 漭蓋析爲郡, 按閎後事亦具張步傳。 故後書云東郡太守 莽傳下卷

也。 莽傳中卷云:卒正連率大尹職如太守。

王者不私人以官。(十三上)

有私人以財,不私人以官。 樹達按:荷子君道篇云:故明主有私人以金石珠玉,無私人以官職事業。 鹽鐵論除狹篇云 故人主

匈奴傳第六十四上(漢書九十四)

厦道衰,而公劉失其稷官,變於西戎,邑於豳。(一下二上)

樹達按 紀云:「不笛末年,夏后氏政衰,去稷不務,不笛以失其官,而奔戌狄之間。不笛卒、子鞠立, "張文虎云"國語"及夏之衰,棄稷不務,我先王不宜用失其官,而自竄於戎狄之間。」 周本 鞠卒

子公劉立。 公劉雖在戎狄之間,復修后稷之業。」與國語合。 此傳固略言之,然已失其故步

至懿王曾孫宣王,興師命將以征伐之。 詩人美大其功,曰:薄伐險狁,至于太原,

匈奴傳第六十四上(漢書九十四) 七三七 出車彭

七三八

彭,城彼朔方。(三下)

樹達按 文承用史記, 寇虐。 詩云: 史記敍此爲襄王時事。 薄伐獫狁,至于太原,出車彭彭,城彼朔方。」 獨於此易史公襄王之說爲宣王, 鹽鐵論絲役篇云:「及後戎狄猾夏,中國不寧, 義與桓 同。 始以爲宣王時詩,蓋今文家之說。 又毛傳雖以六月為宣王北伐之詩 周宣王仲山甫式遏 班 傳 而

迎內襄王于洛邑。(三下)

**}出** 

車則謂是文王時詩也。

蔡邕以出車爲宣王時詩,却在極後。

樹達按:內與納同。

後秦滅六國,而始皇帝使蒙恬將數十萬之物。(四下)

錢大昭曰:物南監本閩本作眾。 先謙曰 "官本作眾, 史記同 無數字。

樹達按:物景祐本作眾,有數字。

、選に召引:言言下注。 に乗引: 子上其世信官號。(六下)

樹達按"景脳本作姓。 先謙曰"官本作姓。

而左右賢王、左右谷蠡最大國。(七上)

劉攽曰:衍國字。先謙曰:史記亦作最爲大國。

樹達按

唐人寫本張楚金翰遊雅公叡注引作最爲大國,此文脫爲字。 景祐本同脱。

大會蹛林。(七下)

樹達按:翰苑注引此注文作「踏者繞也、言繞林木而祭也。」此注脫繞也言三字。

師古曰:隣者,繞林木而祭也。

長左而北向。(七下) 師古曰:左者,以左爲尊。

日上戊己。(七下) 樹達按:注首疑脫長字。

其困敗,瓦解雲散矣。(八上)

樹達按:後書匈奴傳云:常以正月五月九月戊日祭天神,是日上戊己之證。

樹達按:翰苑注引瓦上有則字。

樹達按:多步兵三字乃自注文,說詳本書卷九儒林傳。三十二萬翰苑注引作冊

於是漢悉兵,多步兵,三十二萬,北逐之。(八下)

匈奴騎,其西方盡白,東方盡駹,北方盡驪,南方盡騂馬。(八下)

迺爲書使使遺高后曰:孤僨之君,生於沮澤之中,長於平野牛馬之域,數至邊境, 樹達按:數語與上下不相承,乃上三十餘萬騎之自注也。

願遊中

陛下獨立,孤價獨居。 ·奴傳第六十四上(漢書九十四) 兩主不樂,無以自虞,願以所有,易其所無。(九上)

七三九

樹達按:此書 有韻。 域、國,古德部韻。 居、虞、無,古模部韻。 此書史記不載,但以妄言二字括之,

七四〇

蓋爲國諱也。 東漢初年已斥言呂后不配高祖,孟堅不諱而載之,殆以此

也。

墮落,行步失度。 令大謁者張澤報書曰:單于不忘弊邑,賜之以書,弊邑恐懼。 單子過聽,不足以自汙。 弊邑無罪,宜在見赦。(九下) 退 日自 圖 年 老氣衰,

服繡袷綺衣、長襦、錦袍各一。(十一上) 樹達按:朱一新云:日當作而。 樹達又按:此報書亦有韻。 書、懼、圖、度、汙、赦,模鐸部也。

師 古曰 服者,言天子自所服也。 袷者,衣無絮也。 繡袷綺衣, 以繡爲表,綺爲裏也。 先謙 日 綺衣

下史記作繡袷、長襦、錦袷袍,凡三事。

據史記,繡袷 樹 達按 "服謂衣服,乃總目下文之辭。 長襦 乃一事 也。 顏說無理。 翰苑注引作繡袷綺衣、繡袷長襦,與史記合。

叉

黄金飭具帶一。(十一下)

沈欽韓曰:案具當作貝。 樹達按:具當作貝,沈已言之。 先謙曰:具疑當作貝。 王失照。

黄金犀毗 一。(十一下)

樹達按 **胸齋吉金錄卷七有漢君宜高官鉤,卽犀毗也。** · 犀毗身上而首曲,腹有圓柱, 形略似今之如意。 惟如意兩端皆曲, 此僅 端 曲耳。

端方

士室之人,顧無喋喋佔佔! 冠固何當。(十三上)

師古曰:喋喋,利口也。 佔佔,衣裳貌也。

樹達曰:說文六篇上口部云:""多言也。又三篇上言部云:"",多言也。喋與呭齛同。

顏訓佔佔 云一小言 無喋喋

詹詹。 爲衣裳貌,與喋喋不相承貫。愚按:佔當讀爲詹。 古占詹聲近,故从占从詹之字義或同。 如說文耳部瞻訓承耳, 說文言部云一詹,多言也。 貼訓小 及耳, 莊子齊物論 是也。

東陽侯張相如爲大將軍。(十三下)

佔佔,並謂無多言耳。

樹達按:張相如見張釋之傳,文帝稱爲長者者也。

孝文後二年,使使遣匈奴書。(十四上)

樹達按:遺字誤,當作遺。景祐本不誤。

使萬民耕織射獵衣食。(十四上)

犯今約者殺之。(十五上)

樹達按:耕織謂漢,射獵謂匈奴。

先謙曰:官本今作令,是。 史記作令。

樹達按:王念孫校史記,云當依此作今。 按今字義長,念孫說是也。

軍臣單于立歲餘。(十五下)

匈奴傳第六十四上(漢書九十四)

漢

樹達按:翰苑注引此立歲餘作立四歲,是也。史記作四歲。

變火通於甘泉長安。(十五下)

樹達按:翰苑注引甘泉長安下有「夜皆明」三字,史記與此皆無。

匈奴亦遠塞。(十五下) 樹達按:翰夾注引甘泉

樹達按:翰萊注引作「匈奴亦去,遠塞」,與史記合。

樹達按:四將軍見韓安國傳。伏字史記同,疑皆候字之誤。

御史大夫韓安國爲護軍將軍,護四將軍以伏單于。(十六上)

其明年春,漢復遣大將軍衞靑將六將軍十餘萬騎仍再出定襄數百里。(十八上)

票騎將軍復與合騎侯數萬騎出隴西北地二千里。(十八下) 樹達按:二月出復還,夏四月再出,此但以春字統之,不復別。

樹達按:合騎侯公孫敖也。

昆邪王殺休屠王。(十九上)

樹達按:以休屠王後悔故。

先謙曰"二年。

樹達按:上文云:明年春,補注已云二年,此二字誤,當作三。

烏維單于立,而漢武帝始出巡狩郡縣。(三十下)

樹達按:翰苑注引無漢字。

吉曰:南越王頭已縣於漢北闕下,今單于卽能,前與漢戰。(二十一上)

樹達按一即猶若也,即能與下即不能爲對文。此班改史公之文,義自可通,毋庸改正。 先謙曰:史記能在即上,是也。

陽許曰"吾爲遺其太子入質於漢,以求和親。(二十一上) 樹達按:其字疑行。

以分匈奴西方之援國。(二十一下)

樹達按:翰苑注引無國字,是也。

不幸而死。(三十二上)

先謙曰:武紀「元封四年秋,以匈奴弱,可遂臣服,廼遣使詔之。 樹達按 詔之武紀作說之,王引誤。 單于使來,死京師。」卽此事也。

而單于年少。(二十二下) 劉攽曰:而改兒。先謙曰:史記作兒。

樹達按:翰苑注引作兒。句下有新立二字。

史記與此同。

漢使光祿徐自爲出五原塞數百里。(二十三上)

匈奴傳第六十四上(漢書九十四)

四 24

樹達按: 酷吏王溫舒傳作光祿勳徐自為,武紀同,此脫勳字。 漢 窺 管 卷 +

- , 浞野侯破奴得亡歸漢。 其明年。(二十四上)

先謙 樹達按 且鞮侯之立在太初四年之冬,立而遣歸路充國 曰:武紀在天漢二年。 迟野侯上之明年二字蓋衍。

漢使貳師將軍六萬騎,步兵七萬出朔方。(二十四上)

天漢元年,此文則敍其發遣時也。

天漢元年,促野亡歸,二年貳師出軍,故不誤也。

等。

充國等冬發,

明年至漢,

総於

圧說非。 故武紀

先謙曰:史記七作十。

樹達按:武紀作七,與此同。

其年,匈奴復入五原酒泉,殺兩部都尉。(二十五上) 先謙

曰:據武紀,其年當作其明年,征和二年事 也

匈 樹達按:武紀事在三年,二字誤。 王於上文注旣云征 和二年,則 此 乃刻本之誤。

詐撟單于令。(二十七上) 如使右大都尉與衞律將五千騎要擊漢軍於夫羊句山狹。(二十五下) 樹達按:說文十四篇下昌部云:陝,隘也。 今作陿。 狹乃借字。

師古曰 :播與矯同,其字从手,矯託也。

樹達按:說文十二篇上手部云 播,播擅。 漢書正用本字。 顏云與矯同,矯,託也,殊非是。

北橋余吾,令可度。(二十八上)

樹達按:莊公四年左傳云:除道梁溠。 梁溠謂架梁於溠水。 此橋字與左傳梁字用法同。

行攻塞外亭長。(ニナハ下)

錢大昭曰:長當作障,南監本閩本不誤。 先謙曰:官本作障。

樹達按:景祐本作障。

至鳥員斬首,捕虜,至候山,百餘級。(三十上)

樹達按…至烏員斬首捕虜,不詳其級數,故不言。 至候山,

斬首捕虜百餘級也。

不言斬首捕虜者,

承上文省。

獲單于父行及嫂居次名王犂汙都尉千長將以下三萬九千餘級。(三+下)

然匈奴民衆死傷而去者及畜產遠移死于不可勝數。(三十下) 樹達按"下卷注引李奇曰"居次者,女之號,若漢言公主也。當移置此下。

錢大昭曰:于當作亡。 先謙曰:官本作亡。

樹達按:景祐本作亡。

匈奴傳第六十四下(漢書九十四)

單于正月朝天子於甘泉宮,漢寵以殊禮,位在諸侯王上。(三上)

匈奴傳第六十四下(漢書九十四)

又發邊郡士馬以千數送單于出

樹達按:此從蕭望之議也,詳見望之傳。

漢遣長樂衞尉高昌侯董忠、車騎都尉韓昌將騎萬六千,

朔方雞鹿塞。(四上)

樹達按"宣紀於忠昌二人外尚有騎都尉虎。

願爲單于侍史於漢,不敢聽命。(八下)

先謙曰:官本史作使,是。

樹達按:景祐本作使。

長女顓渠閼氏生二子。(八下)

樹達按·此與前顓渠閼氏名同,非一人。

河平四年正月,遂入朝。(十上)

漢遣中郎將夏侯藩、副校尉韓容使匈奴。(十下) 樹達按:時成帝遺班伯王舜持節迎護於塞下,見敍傳。

樹達按 藩又見外戚傳。

**迺發五將之師十五萬騎獵其南。(十三上)** 自黃龍竟寧時單于朝,中國 樹達按:黃龍元年正月,單于來朝,十二月,宣帝崩。 輒有大故。(十二上)

竟寧元

年,

單于來朝,五

月,元帝崩。

樹達按:本始二年事。 五將者,田廣明、趙充國、田順、范明友、韓增。

日逐、呼韓邪攜國歸死。(十三上)

王念孫曰:案歸死二字於義不可通,歸死當爲歸化,字之誤也。 國之人來歸王化也。下文曰:今單于歸義,懷款誠之心,歸義猶歸化耳。 此承上文大化神明而言,謂單于攜 通鑑漢紀二十六作歸

死,則所見漢書本已誤。漢紀孝哀紀通典邊防十一並作歸化。

死。」寇恂傳云:「如聞 熊、王況詣闕歸死。」 樹達按一歸死乃漢人常語,猶言歸命耳。本書五行志下之上卷云「事發,負斧歸死。」王莽傳云一史 後書李通傳云「守從其計,即上書歸死。」 乘輿南向,賊必惶怖歸死:」並其證。 王說殊誤。 鄧訓傳云 燒當豪帥來號稽額歸 此又王據漢紀改字之失也

形容魁健。(十三下)

師古曰:魁,大也

樹達按:魁字假為顝。 說文九篇上頁部云 一質,大頭也,讀若魁。 此以音同通假。

四上) 置城郭都護三十六國, 費歲以大萬計者, **豈**爲康居烏孫能踰白龍堆而 寇 西 邊哉!(十

樹達按:疑當重護字。

更報單于書而許之。(十四下)

樹達按:更,改也

匈奴傳第六十四下(漢書九十四)

于知之。(十四下) 元壽二年,單于來朝。 漢 窺 管 卷 上以太歲厭勝所在,舍之上林苑蒲陶宮,告之以加敬于單于,單 +

樹達按"哀紀云"單于歸國不說,爲此事也。

會西域車師後王句姑、去胡來王唐兜皆怨恨都護校尉。(十五上) 樹達按一句姑西城傳屢見,皆作姑句,疑此誤。

烏桓距曰:奉天子詔條,之當予匈奴稅。(十六上)

錢大昭曰:之當作不。

先謙曰:官本作不。

樹達按:景祐本作不。

**酋豪昆弟怒,共入匈奴使。(十六上)** 

錢大昭曰:入當作殺。 先謙曰:官本作殺。

(饒燕士,果悍,即引斧椎壞之。(十七上) 樹達按: 饒還, 莽以此事拜為大將軍, 封威德子, 見莽傳。 樹達按:景祐本作殺。

漢賜單于印,言璽,不言章,又無漢字。

諸王已下迺有漢,言章。

今印去璽加新,

無別。(十七上)

王念孫曰:案景祐本今印作今即,是也。 即者,若也。言今若去璽加新,則與臣下無別也。

今本即

作 印 者,後人不曉卽字之義而以意改之耳。 御覽儀式部四引此 正 作 卽

樹達按:印字是、景祐本作即者,誤字也。 今印與下文故印為 對文。 王訓卽爲若, 若乃假設之詞。

去璽加新,乃已然之事,何得作假設語氣言今若邪!

故印隨將率所自爲破壞。(十七上)

樹達按:隨將率所與上文「從藩所」「從使者所 」文例同,隨亦從也。 詳見本書卷四曹參傳

西域車師後王須置離謀降匈奴。(十七下)

樹達按:事互見西城傳。

并死。(十八上) 時戊己校尉史陳良、終帶、司馬丞韓玄、右曲候任商等見西域頗背叛,聞匈奴欲大侵, 恐

樹達按:事互見西域傳。

遣左骨都侯、右伊秩訾王呼盧訾及左賢王樂將兵入雲中益壽塞。(十八下)

樹達按:此云益壽塞,下云葛邪塞、制廣塞,皆前所未見,蓋莽所易亭障之名也。

見咸前後爲莽所拜,故遂越輿而立咸爲烏累若鞮單于。(二十上) 已死。下文云:烏珠留單于在時,左賢王數死,是也。 樹達按:咸爲兄,輿爲弟,而文云越輿者,輿爲右賢王,咸以前受漭封貶故也。 不及左賢王樂者,蓋

咸怨烏珠留單于貶賤己號不欲傳國。(二十下)

匈奴傳第六十四下(漢書九十四

樹達 按: 呼 韓邪有傳國與弟之訓,又自雕陶莫皋以下四人皆兄終弟及,咸以次得爲單于,而烏珠留

貶之,不欲傳與之也。

莽復遣歙與五威將王咸率伏黯、丁業等六人使送右廚唯姑夕王。二十一上

樹達按:黯字雉文,明齊詩,位至光祿勳,見後書儒林伏恭傳。

樹達按:朱駿聲云:王莽傳:改匈奴單于曰降奴服于,與此號匈奴曰恭奴,單于曰善于。(二十一上)

所以尊寵之甚厚,終爲欲出兵立之者。(二十二上)

責,似若無所容者。」此表擬似者也。鄭語云「公曰:周其弊乎? 言者。」史記游俠傳贊云:「吾視郭解,狀貌不及中人,言語不足採者。」信陵君傳云:「於是公子立自 樹達按:古人於擬似或偽飾推度,習用者字表之。論語鄉黨篇云:「孔子於鄉黨,恂恂如也,似不能 云:「今漢繼大亂之後,若宜少損周之文,致用夏之忠者。」 韋玄成傳云:「玄成素有名聲,士大夫多 對日一殆於必弊者。」本書董仲舒 傳

世家云。一田乞偽事高國者。」本書翟義傳云。「大夫人可歸 以禹爲大司馬,小冠,亡印綬,罷其右將軍屯兵官屬,特使禹官名與光俱大司馬者。」及此文皆表僞 爲棄去宣家者以避害。」 霍光傳 云 更

定公八年左傳云『陽虎僞不見冉猛者。」史記齊太公

疑其欲讓爵辟兄者。」此以者字表推度者也。

漢遣中郎將歸德侯颯。(二十二上)

樹達 近,又緣 按: 上展 周 壽昌 德侯 云:功臣表,歸 颯而 誤。 下 稱劉城者 德侯先賢 必必 撣以匈奴 賜姓,史失載 日逐王 也。 率衆降侯,其 以故侯從光武得紹封 孫 諷。 此 始即 了復國 其 建 武 颯 六年 諷 字

使匈奴,見後書

樹 達 按:見後書南匈奴 傳。 陳遵傳作劉與,則與字不誤,表諷字誤耳。

春秋:有道守在四夷。(二十二下)

王先愼曰:春秋有道,即春秋有言也,與書成詩 稱同 意

師古曰"春秋左氏傳"昭三十二年,楚囊瓦爲令尹,

城郢。

沈尹戌曰:古者天子守在四夷,

言德及

四鄰。」

有道明

屬下

此

樹達 按 賈子春秋篇 云:「故曰:天子有道,守在 [四夷; 諸侯有道, 守在

春秋舊說,故賈子此文在春秋篇中。 王說穿鑿可笑。

西南夷兩粵朝鮮傳第六十五(漢書九十五)

西夷君長以十數。(一上)

錢大昭曰:西當作南,南監本閩本不誤。 先謙曰:官本作南。

樹 達按:景祐本作 南。

民或竊出 商賈,取其莋馬 、僰僮 、旄牛。(二上)

樹 達按 西 "旄競文二篇上件部作犛,云 南夷兩粵朝鮮傳第六十五(漢書九十五) 西南夷長髦牛也 史記作髦。

南粤食蒙蜀枸醬。(二上)

漢

艸部云:蒟,果也。 段注云:可爲醬者即

樹達按:食讀爲飲,以物與人食之曰飲。說文六篇上木部云:枸,枸木也,可爲醬,出蜀。

又一篇下

蜀人司馬相如亦言西夷邛、莋可置郡,使相如以郎中將往諭。(三下) 蒟。

樹達按:詳見相如傳。

演,小邑也,最寵焉。(五上)

樹達按:史記文止此。

復遣軍正王平與大鴻臚田廣明等並進。(五上)

樹達按:王平又見杜延年傳

遣執金吾馬適建、龍額侯韓增與大鴻臚廣明將兵擊之。(五下) 樹達按"昭紀云"將三輔太常徒,皆免刑, 擊之。

恐議者選耎,復守和解。(五下) 樹達按"說文八篇上人部云"便,弱也。

**耎乃假字。** 

師古曰:言起狂勃之心而殺守尉也。

狂犯守尉。(六上)

樹達按:狂犯猶言恣犯妄犯,顏說非。

#### 若入水火,往必焦没。(六上) 樹達按"荷子議兵篇云"若入水火,入焉焦沒耳。

興將數千人往至亭,從邑君數十人入見立,立數責,因斷頭。(六下)

樹達按:斷下似當有其字。

卽 樹達按:說文六篇下貝部云 販, 多予也。 被佗書,行南海尉事。(八上) 貱佗書謂予佗書"被乃同音假字。

**朕**,高皇帝側室之子。(九上) 師古曰:言非正嫡所生也。 文帝以呂后取它姓之子爲帝,故特言側室之子,明親高帝子也。 沈欽韓日 ·內則:妻將生子,及月辰,居側室。 鄭云 "謂夫之室,次燕寢。

樹達按:顏說是也。沈說鑿。

先謙曰:言欲以予學,猶匈奴傳漢亦棄造陽斗辟地以與胡意也。

**睽欲定地犬牙相入者。**(九下)

樹達按一定地棄指兩方,不專謂漢與學。下文史言兩事,朕不得擅變,言不得予學也。得王之地不

褚五十衣,中褚三十衣,下褚二十衣,遺王。(十上)

足以爲大,言不欲得廖地也。王知其一,未知其二。

師古曰"以綿裝衣日褚。 上中下者,綿之多少薄厚之差也。 褚音竹呂反。 沈欽韓曰: 顏說非也 遺

西南 夷兩學朝鮮傳第六十五(漢書九十五) 七五三

七五四

爲貯。 取我衣冠而褚之。注:褚、畜也。 呂覽樂成篇作我有衣冠而子產貯之。 人衣服,但計精觕,何論綿之厚薄。 下三等。 是褚乃貯藏之義。 莊子至樂篇:褚小者不可以懷大,亦所貯之器也。 周禮廛人注:'落藏。釋文云:本或作貯,或作褚。左襄三十年傳 一切經音義四十一引傳亦 蓋御府所貯衣有上中

樹達按:說文八篇上衣部云:褚,裝也。 顏說是,沈氏忆說。

出令曰:毋予蠻夷外粵金鐵田器。 馬牛羊,即子,予牡,毋予牝。(十下)

師古曰:言非中國,故云外越。

爲句,馬牛羊與下文即予予牡毋予牝連讀。 樹達按"顏於馬牛羊注斷,非也。 上文云:有司請禁學關市鐵器,不及馬牛羊也。 若以金鐵田器馬牛羊連讀 而云即予予牡毋予牝 此當於金鐵田器 將

金鐵田器亦有牝牡乎!

然其居國竊如故號。(十一下)

樹達按:竊如故號文倒,當作竊號如故。 史記作竊如故號名,亦疑當作竊號名如故。

要之不可以忧好語入見。(十二上)

師古曰:忧,誘也,不可被誘怵以好語而 入漢朝也

**|嘉遂出,介弟兵就舍。(**十三上) 樹達按:說文三篇上言部云:誠,誘也。怵,同音假字。

李 奇 曰:介,被 也。 師古曰:介,甲也,被甲而自衞也。 弟兵即上所云弟將卒居 外者。 王念 孫 日

被

弟兵,甲弟兵,皆文不成義。 當依史記作分弟兵,小司 馬謂分取其兵 ( )是也。

樹達按:分弟兵就舍亦不詞。介字是。 上文云二王太后亦恐嘉等先事發,欲介使者權謀誅嘉等。

師古訓介爲恃。此介字亦當訓恃。 史記分是誤字,不當據彼正此。 史記索隱云:分漢書作介。介,

被也, 恃也。 案訓被非,訓恃是也

封其子 延年爲成安侯。(十四上)

樹達按:延年後隨李陵與匈奴戰死,見陵傳。

呂嘉建德等反,自立晏如。(十四上)

師古曰:言自相置立而心安泰無恐懼

樹達按:晏如謂爵位安然無恙。立非謂 置立, 晏然亦不謂心也。

主質都尉楊僕爲樓船將軍。(十四上)

樹達按 副僕者有來漢,見後書來歙傳。

得粤船粟,因推 ,而前,挫<u>粤</u>鋒,以<u>學數萬人待伏波將軍。(十四下)</u>

劉攽曰 挫粤鋒,以粤,多一粤字。

樹達 按一以學數萬人待伏波將軍」爲 句。 補注於人字注 斷,非

伏 波將 軍將罪人,道遠,後期,與樓船會, 迺有千餘人。(十四下)

西南夷兩粵朝鮮傳第六十五(漢書九十五

六

漢 書 窺 管 卷 +

樹 達 按 迺, 裁 也 僅 也。 說詳本書 卷四項籍傳。

船 將軍 以推鋒陷堅爲將梁侯。(十五下)

樹 達按 推當讀爲摧,即上文之挫粤鋒也。 說文十二篇上手部 云:摧,折

無諸搖 來 粵歸番陽令吳芮,所謂番君者也,從諸侯滅秦。(十 II.

注文。 樹達按

說詳本書卷九儒

林傳

無

諸搖率學歸番陽令吳芮從諸

侯滅

秦為

一句。

「所謂番君者也」六字乃番陽令吳芮之

也。

海常侯,坐法失爵。(十八上)

於是天子曰:東奧陝, 樹達按:坐酎金也 多阻;

遂虚。(十八上) 洪頤煊曰:武紀 元封 元年詔:東越險阻反覆 爲後世患,遷其民於江淮間, 遂處其: 地, 而 不 及 閩

**閩粤**悍,

數反覆。

韶軍吏皆將其民徙處江淮之間,

東粤地

越

行,去泉山五 此 傳云 無 諸爲閩越王,王閩 百 里。 地理志一會稽郡有冶縣 中故地,都冶。 而無泉山,此亦當日僅虛東粤而不及閩粤之證 朱買臣傳 故東越王居保泉山, 今聞 東 越王 更 徙 處

雖 降, 是二文,實爲一事。 知東粤始終 與 國粤並處,未嘗別有土地人民也。 武紀詔云東越險阻反覆,地勢民情並舉,而但冠以東越,正 天子曰 云云,東粤舉其 地 勢, 以閩粤東粤本 閩粤言其民情

樹達按:前

文封

餘

善爲

東粤王

一,與

繇

E 並 處。

自後相

承,未聞

分地

而

治。

餘善

反,

繇王居服

殺之以

地,不必別言耳。洪未瞭此,故爲此糾紛之詞。

具以素所意告遂。(二十下) 地名晚山 西部

樹達按:意,疑也。

遭世富盛,能成功,然已勤矣。追觀太宗塡撫尉佗,豈古所謂招攜以禮, 二十二上 樹達按一此班氏之微詞,意謂武帝之興師不如文帝之德化也。 懷遠以德者哉!

# 西域傳第六十六上(漢書九十六)

漢使西域者益得職。(六下)

大宛王以殺漢使見誅,西域諸國皆不敢輕忽漢使,故漢之使西域者皆得其 其職耳。 古曰。賞其勤勞,皆得拜職也。 得職 者,不失其職 也。 王念孫 先謙曰"胡注"顏說非也。 云: 胡解職字亦未了。 此言漢使入西域諸國,不敢輕忽,爲得 職非職事之職, 所也 職猶 所 也。 言自

丞相率百官送至横門外。(十三下)

樹達按

胡說是也

先謙曰:官本相下有將軍二字, 無將軍字。 今越本作 丞相將軍率百官。 引宋祁 日 **湻化本作丞相將軍** 錢大昭云 閩本作丞相將軍,無率字,南監本丞相 百官。 景德監 本及浙 本 作 丞 相 下 率 百

域傳第六十六上(漢書九十六

七五七

漢 書 窺 晉 卷 +

軍率三字。 王先愼云:御覽四夷部引有將軍二字。

樹達按一景祐本作丞相將軍率百官,與宋引越本及明南監本同。

錢大昭曰一反當作及,閩本不誤。 先謙曰:官本反作及。

蒲

犂

一反依

耐、無雷國。(二十下)

樹達按:景祐本作及。

珠璣、珊瑚、虎魄、璧流離。(二十四下)

樹達按 壁流離西語曰拉壁斯勒求離,即今青金石。 說詳章鴻釗石雅 上卷。

陰末赴鎖琅當德。(二十五上)

作鋃鐺,云:瑣也。 琅當德即鎖德也。 故師古云:琅當、長鎖也、不得又於琅當上加鎖字。

王念孫曰 案琅當上本無鎖字,乃後人誤取注文加之也。古者以鐵連環繫罪人,

謂之琅當。

說文

樹達按…王莽傳云…「以鐵鎖琅當其頸。」王校 亦删鎖字,皆非。 此文瑣字上本當有以字,文省 去耳。

樹達按:說文十篇下心部云: 怒,快也。 歷快同義連文。

**憠快其求者,爲壤比而爲寇也。**(二十五下)

臨崢嶸不測之深。(二十六下)

師古曰:崢嶸,深險之貌

樹達按 說文九篇下山部云: 崝, **際也。** 嶸, 帱嶸也。 峥正當作情。 楚辭遠遊 云:下峥嵘而無地兮。

宋玉高唐賦云 "俯視崝嶸,窯寥窈冥。 崢嶸皆謂深也。

以金銀飾杖。(二十九上)

師古曰:杖謂所持兵器也。

樹達按"以金銀飾兵器,於理未宜,顏說非也。

以今歐洲風俗證之,杖乃常人之所持用耳。

以大鳥卵及犂軒眩人獻於漢。(三十下)

其欲賈市爲好,辭之詐也。(三十四下) 樹達按:翰苑注引漢作天子。

先謙曰"胡注"謂特欲行賈以市易,其爲好辭者詐也。

樹達按"好字去音,當讀斷。文謂彼欲通市爲和好,乃詐辭耳。胡說於文不順。

宛人斬其王毋寡首。(三十七下) 徐松曰:陳湯傳作毋鼓,寡古音讀如鼓。

樹達按:鼓古音同寡,徐說非。

相與兵殺昧蔡,立毋寡弟蟬封爲王。(三十七下)

樹達按:景祐本作共

先謙曰:蜀本兵作共,是。

又發數十餘輩抵宛西諸國。(三十八上)

西域傳第六十六上(漢書九十六)

七六〇

錢大 昭日 數: 閩 本南監本作使。 先謙曰:官本作使,是。

漢

書

窥

管 卷 +

樹 達按:景祐 本作 使。

求其物, 因風輸以代宛之威。(三十八上)

錢大昭 曰:其當作奇,代當作伐。 先謙曰:官本其作奇,代作伐。

樹達按:景祐本其作奇,代作伐。

其地皆絲漆。(三十八上)

皆深目而誤。

王念孫曰:皆本作無、無絲漆、不知鑄鐵器、皆言其與中國異也。

今作其地皆絲漆者,

涉上文其人

通典邊防八正作無絲漆

樹達按:李慈銘云:史記大宛傳作皆無絲漆,此脫無字耳。

因 「畜隨水草。(四十上)

隨畜逐水草,可證。 王先愼曰"因畜隨水草當作隨畜逐水草,傳寫者誤逐爲隨,校者未審,改上隨字爲因字。 本傳屢言

東至都護治所二千八百六十一里,至疏勒。(四十上) 樹達按:隨與逐義同,因畜隨水草即隨畜逐水草也,毋煩校改。 捐毒國云 隨水草,可證。

徐松曰:傳言至疏勒以西北休循捐毒,是蒙上東至爲文。

樹達按 至疏勒下疑脫里數。 下云:「西北至大宛千三十里。」休循下云:「至捐毒衍敦谷二百六十

里。」莎車下云:「西至疏勒五百六十里。」皆可證。

## 西域傳第六十六下(漢書九十六)

令騫齎金幣往。(三下)

樹達按:翰苑注引往下有賜字。

天子問羣臣,議許,曰:必先內聘。(三下)

樹達按:說文十二篇下汝部云: 娉, 問也, 聘通假字。

烏孫昆彌因惠上書,願以漢外孫元貴靡爲嗣,得令復尙漢公主,結婚重親。(六上)

徐松曰:謂結兩重姻親。

樹達按重親亦見外戚傳。

使長盧侯光祿大夫惠爲副。(六下)

錢大昭日。盧當作羅,功臣表匈奴傳並作羅。 先謙曰:蕭望之傳同,官本作羅。

樹達按:景祐本作羅。

號狂王。(六下)

樹達按…李慈銘云…肥王、狂王、皆漢人稱之、非其國有是號也。

副使季都別將醫養視狂王。(七下)

西域傳第六十六下(漢書九十六)

徐松日 醫養,謂知醫者及廝養。

樹達按"狂王豈乏廝養,而必漢使給之乎!理不可通矣。今按"養視當連讀。外戚傳云"「恭母貞君

滿歲,有眚病,太后自養視。」皆以養視連文。又云:「哀帝卽位,遣中郎謁者張由將醫治中山小王

年老,兒孫孤,甚哀之,自養視焉。」又云:「傅太后躬自養視。」又云:「孝王薨,有一男嗣爲王,

時未

又云:「令孫建世子豫飾將醫往問疾。」皆止云將醫,與此文同。

樹達按:以是胡婦子,故云母家匈奴也。

揚言母家匈奴兵來。(七下)

楚王侍者馮嫽。(八上)

師古曰:晉了。嫁者,慧也,故以爲名。

徐松曰:僚嫽通、婦人以爲美稱。

顏訓慧,未知所出。

樹達按:說文十篇下心部云:僚,慧也。 顏讀嫁爲僚耳。

韶焉烏就屠詣長羅侯赤谷城。(八下)

錢大昭曰 焉字衍。 先謙曰:官本無焉字。

願使烏孫鎮撫 樹達按:景祐本無焉字。 星彌。(九上)

錢大昭日 彌當作靡,閩本不誤。 先謙曰:官本作靡。

樹達按景祐本作靡

漢遣之,卒百人,送鳥孫焉。(九上)

宋祁曰:越本邵本無鳥孫字。 錢大昭 日閩本無烏孫字。

樹達按:景祐本無烏孫二字。

都護韓宣奏:烏孫大吏、大祿、大監皆可以賜金印紫綬。(九上)

更以季父左大將樂代爲昆彌,漢不許。(九上)

樹達按"以賜疑倒。景祐本與此同。

宋祁曰:大將樂代爲昆彌,當作代將樂大爲昆彌。 先謙曰:宋說疑誤。

宋不知脱去大字,乃云云,更不可解。

樹達按:沈赤然云:此當云更以季父左大將大樂代爲昆彌。

國中大安和翁歸靡時。(十上)

師古曰:勝於翁歸靡時也。 先謙曰:依顏注,和蓋加之誤。

樹達按:大安和翁歸靡時,安和下省於字耳。 云:「斷獄歲歲多前。」酷吏傳云:「王溫舒等後起,治峻禹。」皆省於字,與此句例並同,王說非是。 賈捐之傳云:「人情莫親父母,莫樂夫婦。」 翟方進傳

小昆靡末振將恐爲所幷。(十上)

先謙曰:官本靡作彌,是。

樹達按:景祐本作彌

漢恨不自責誅末振將。(十上)

西域傳第六十六下(漢書九十六)

七六三

漢

宋祁 日 越本 無責字。 錢 大昭 日:閩本無責字。 徐松曰:汪校亦無。

七六四

樹 達按 景祐 本無責字。

還, 賜爵 關內侯。(十下)

樹 達按 :據會宗傳,又賜黃金百斤。

南至於闐。(十一下)

錢大昭曰:於南監本閩本作于。 先謙曰:官本作于,是。

樹達按景祐

本作于。

征和中, 貳師將軍李廣利以軍降匈奴。(十五下) 樹達按"征和三年事。

前開陵侯擊車師時。(十七下)

徐松日 功臣表"開陵侯成娩以故 匈奴介和 王 將兵 、擊車師。 據後傳,事在 征和 四年

開陵侯將樓蘭、尉犂、危須凡六國兵別擊車師。」徐云事在征和四年,以此。 樹達按 下文車師後城長國下云 征和 四年,遺重合侯馬通 將 四萬 騎 擊匈 奴, 道過車師北。 復遣

然徐於彼文注云

四年

當作三年也

然尙厮留甚衆。(十七下)

師古日 **廝留**,言其前後離廝,不相逮及也。 斯音斯。

樹 達 按照 蓋 假爲斯。 說文十四篇上斤部云一斯,析也。 顏言離廝卽離 析。

故興師遣貳師將軍。(十八上)

錢大昭曰:閩本故興下無師字,尋注文,則無者是。 徐松曰:汪校興下 無 師字。

樹達按:景祐本無師字。

當作卜,言卜諸將孰吉,則貳師最吉也。下文云:卜漢軍一將不吉,卽其證。 師古曰:上遣諸將, 而於卦中貳師最吉也。 王念孫曰:通典與此同。 案師古所說於文義不 今作卦者, 涉上下文 順。 卦

卦字而誤。漢紀正作卜。

樹

達按

三日糾顏說是矣,改卦爲卜,非也。

卦郎

下也,蓋以卦下,卽謂下爲卦,猶上文以易下

即稱

之也, 無煩改字。 說苑反質篇 云 孔子卦,得賁。」 呂氏春秋愼行篇作孔子卜得賁,是卦即卜也。

說文三篇下卜部云:卦,筮也。

重合侯毋虜侯者。(十九上)

對達安…母景佑以手事。 錢大昭曰:毋當作得,南監本閩本不誤。 先謙曰:官本毋作得。

昭帝乃用桑弘羊前議。(二十上)樹達按:毋景祐本作得。

徐松曰武帝時欲用未果,故皆議行之。

西域傳第六十六下(漢書九十六)

漢 書 窺 管 卷 +

七六六

樹達按:此指 田輪臺事,乃武帝所不用。何云欲用未果耶!

召置離驗問。(三十四上)

先謙曰:置上疑脫須字。下同。

樹達按:此省稱,狐蘭支下文稱狐蘭,是其例證。 說詳本書卷一高后紀。

相與謀曰:西域諸國頗背叛,匈奴欲大侵,要死,可殺校尉,將人衆降匈奴。(三十四下) 如瀉曰:言匈奴來侵,會當死耳,可降匈奴也。 師古曰一要音一妙反。

樹達按"李慈銘云"要猶總也,謂總之一死耳。

得三百四人。(三十五上)

錢大昭曰:南監本閩本作三四百人。先謙曰:官本作三四百人。

樹達按:景祐本作三四百人。

列西郡。(三十六下)

宋祁曰:新本西作四。錢大昭曰:作四者是也。 四郡、武威、酒泉、張掖、敦煌。

樹達按:景祐本作四郡。

外戚傳第六十七上(漢書九十七)

殿之興也,以有城及有變。(一上)

樹達按:李慈銘 云:藝同莘,伊尹耕於莘野,即此。 左傳:商有姺邳。 說文: 姓,殷諸侯。 有侁

妾皆稱夫人,又有美人、良人、八子、七子、長使、少使之號焉。(三上) 氏以伊尹爲媵,送女。 **麥莘姺侁皆同音通用**。 湯娶有数氏女爲妃,事見列女傳卷

樹達按"萬石君傳云"高祖召其姊爲美人。左傅襄公十九年云"「諸子,仲子、戎子。」說者謂諸子爲 內官之名,是也。 八子,七子,蓋即古之諸子。 廣陵厲王傅有八子郭昭君,是諸侯王亦有 此稱。

至武帝,制億仔、娙娥、傛華、充依,各有爵位。(三上)

上家人子,中家人子,視有秩斗食云。(三上) 樹達按:說文十二篇下女部云:娥,秦晉謂好曰娙娥。

樹達按:廣陵厲王傳有家人子趙左君,知諸侯王亦有家人子也。

子爲王,母爲虜。 終日春薄莫,常與死爲伍。 相離三千里,當誰使告女?(三下)

師古曰 樹達按:薄莫謂至暮。 :與死罪者爲伍也。 常與死爲伍,意謂隨時可死,非謂與死罪者爲伍也。 近日新小說有死神之

名,此死字義近之。 虜、暮、伍、女,古韻同 在模部。

樹達按:西京雜記記殺如意者為東郭門外官奴,惠帝後腰斬之,呂后不知云。

帝晨出射,趙王不能蚤起,太后伺其獨居,使人持鴆飲之。遲帝還,趙王死。(四上)

太后遂斷戚夫人手足,去眼,熏耳,飲瘖藥,使居鞠域中,名曰人彘。(四上) 外戚傳第六十七上(漢書九十七)

樹達按:說文九篇下上部云:後號廢謂之彘。 戚夫人斷手足,與蹏廢之彘相類,故以爲名。

漢

窺

管

卷十

因病,歲餘不能起,使人請太后曰:此非人所爲。 臣爲太后子,終不能復治天下。(四上)

師古曰:令太后視事,己自如太子然。

樹達按:此病甚慣恨之辭,顏說非其旨。

樹達按"王峻云"俱當從史作具。 漢王問其故,兩人俱以實告。(六上)

太后後文帝二歲,孝景前二年崩,葬南陵。用呂后不合葬長陵,故特自起陵近文帝。(六下) 合葬長陵。 師古曰:以呂后是正嫡,故薄不得合葬也。 皇覽曰:高帝呂后山各一所。 "俱當從史作具。 今據此言,則合葬爲信 周壽昌曰:呂后之葬,本紀不載。 史記集解 皇甫 證 日:

樹達按:文云葬南陵,則未合葬已明,毋庸贅言不合葬。 考史記云:「以呂后會葬長陵,故特自 並史記不加檢 起 陵

竇姬爲皇后,女爲館陶長公主。(七上) 校,於史有明文者亦加以推測,疏謬甚矣。 近孝文皇帝霸陵。」 兩相勘校,知此傳不字爲衍文。 據顏注, 知所見本已衍。 周氏

財達安·· 史記尔云·· 女票為長公主。 今本師古曰· 年最長,故謂長公主。

樹達按:史記亦云:女嫖爲長公主。 見衞青傳。 此文但當云公主,而云長公主者,以後稱前, 今按文帝女,景帝時稱長公主。見孝景王皇后傳。武帝時稱大長 乃史家駁文。顏不知其誤, 曲爲之

說,非也。

竇皇后親早卒,葬觀津。(七上)

師古曰:觀津,

清河之縣也。 錢大昭曰:

觀津地理志屬信都,

郡國志屬安平國。

顏以爲淸河

樹達按: 非也。 **寶嬰傳顏注仍云屬信都。** 高步瀛云: 史記外戚世家

竇太后,

趙之清河觀津人也。」

顏據彼文爲說耳。

樹達按:

竇后兄長君。(七下)

樹達按:長君與曹丘生善,與季布互通書,見布傳。

**竇長君少君由此爲退讓君子,不敢以富貴驕人。**(八上) 樹達按一文帝嘗以廣國賢、欲相之而不果,見申屠嘉傳。

文帝幸邯鄲愼夫人、尹姬,皆無子。(八上)

樹達按一爱盎傳記愼夫人從幸上林,張釋之傳記其從幸霸陵,其龍幸可見一 班矣。

實氏侯者凡三人。(八上) 樹達按廣國七世孫融,十世孫憲,十一 一帝時,魏其侯竇嬰爲丞相,

樹達按:灌夫傳記資后昆弟有資甫,此傳未見。

後誅。(八下)

世孫武。

寶氏人物蓋與兩漢終始矣。

外戚傳第六十七上(漢書九十七)

而 臧 見卜筮, 日 兩女當貴,欲倚兩女。(八下)

是所見本與顏同。 古曰:冀其貴而依倚之得尊寵也。 將軍素愛小女成君,欲奇貴之。」句例皆與此同。 先謙案高紀 "呂媼怒呂公曰"「公始常欲奇此女,與貴人。」本傳 倚音於綺反。 先謙曰:史記作因欲奇兩女。 班氏非不知文義者,無緣改奇爲倚,疑傳者 索隱 霍顯謂湻于衍 漢書 作倚。 誤

改,顏馬遂據以爲說耳。

樹達按 健仔傳云:「欲奇愛之」,奇字與愛字相繫,用法相同,而與此傳及高紀奇字作動字用者不同 「欲奇貴之」,則猶今語云欲特別貴之,欲分外貴之,奇字與貴字相繫,於詞 句例 女,」則於事爲倒,於文不可通矣。 也。 ··高紀云常欲奇此女與貴人者,常珍重此女,欲以與貴人也。 史記雖作奇字,班改奇爲倚, 於義較史記 此文若云「兩女當貴, 類爲狀字。 爲長。 孝武 至本 鉤 欲珍 傳 非同 七 下 重 文 趙

皇后兄信爲蓋侯。(九下)

王說非是。

封

樹達按 信字長君。 信釋梁孝王事於王皇后, 見鄒陽傳。 信之侯乃竇太后促景帝爲之 見周亞

夫傳。

蓋侯信 好酒。(十上)

帝下車立,曰。(十上) 達按 鄒陽傳陽說信云:「長君行迹多不循道理者。」其爲人略可知矣。

七七〇

先謙 曰:立當爲泣,字之誤也。 褚補史記云:「武帝下車, 泣曰: 嚄!大姊 ! 何藏之深也 ! 」情事 宛

然。下車則立不待言,此泣脫其半耳。

樹達按 "俗與武帝爲一初未嘗相見之人,知而往迎,無哀傷涕泣之理。 褚補史記云泣,

未合人情。

主

見所

故 下言入宮謁太后,太后垂涕,女亦悲泣,乃情事所當然耳。 立 而 待 其 出 而相見耳。 王校改立爲泣,非洞達物 情者 也 帝下車立者,殆以車上坐待,嫌於倨傲,

武帝 **件美人。(十一下)** 師古 即位數年,無子,平陽主求良家女十餘人,飾置家。 曰:待,儲待也。 先謙曰: (侍字不合, 史記作侍, ,是也。 顏據誤· 帝祓霸上, 文爲 還過平陽主,

樹 不誤也。 達按:求良家女十餘人飾置家,所謂偫也。 王意蓋謂人不得言儲侍,失之泥矣。 若云侍,不可通矣。

此當以漢書正史記,不當以

誤正

帝起更衣,子夫侍尚衣,軒中得幸。(十一下)

方宴飲 樹 曲 師古曰:軒謂 達 橡 按 無 時上車更衣者乎!周壽昌曰:史丹傳:天子自臨軒檻。 中梁者,天子不御正座而御平臺曰臨軒。 "黄生義府云"後書李膺傳『羊元羣罷北 軒車,即今車之施憶者。 何焯日 案長廊有窗而 海郡, 左思 贓罪狼 魏都賦:周軒中天。此軒中主第旁室中 周迴 藉 注 那舍溷 :軒檻,欄 者 日 軒,此軒 軒有 板 奇巧 也 # ,載之以 凡 蓋 殿堂前 屋 也。 檐 14 特 也 有 起

軒 廁屋 也。」本文軒中 得幸,即 所謂溷軒也。 釋名云:「廁或日溷 言溷濁 也。 或 日 軒, 前门

外戚傳第六十七上(漢書九十七)

漢

似 竇嬰傳 者入廁,出 殿 隋文帝所寵陳夫人旦出更衣,爲太子所逼,」用漢書意也。 軒 也 一坐乃起更衣,稍稍引去, 師師 必更衣,如王敦在石崇家入廁之事, 古以 軒車 解之,不思天子車駕在外庭,豈子夫所得至! 是也。 師古注:「凡久坐者皆起更衣 可證, 故卽謂入廁爲更衣。 又更换 ,以其寒煖或變。」誤矣。通 漢書說此者 衣豈必在 車 非 中。 -0 蓋貴

樹 達按一后之立,主父偃有功,見偃傳。 枚皋奏賦以戒 終, 見皋傳。

元朔元年,生男據,遂立爲皇后。(十二上)

論衡

幸偶篇云「均之土也,或基殿堂,或塗軒戶。」亦是謂廁爲

軒之證。

樹達按

黃說是也,顏周二說皆誤。

如

城與傾國,佳人難再得。(十二下) 延年侍上起舞,歌曰:北方有佳人, 絕世 而獨立。 顧 傾人城, 再顧傾人國。 寧不 知傾

漢 樹 達 人用韻已變古也 按 國、得,古韻同在德部,立字在合部, 與德部合韻。 合部閉 口音, 與開口 音之德部合韻者

上愈 樹 達 益 按 相思悲感,爲作詩曰:是邪! :非、遲,古韻 同在微部 非邪! 立而望之,偏何姗姗其來遲。(千四上)

函菱荴以

俟風

兮, 芳雜

襲以

彌章。(十

五上

達按 李慈銘云 "案菱即葰字。 說文一夜, 舊屬,可以香口。 從艸, 俊聲。 息遺 切。 儀

既夕云:「實綏澤。」注:「綏,廉薑。

澤、澤蘭

皆取其香也。」蓋菱從矣聲,爲正字。

或從俊作

一夜同 作

禮

音假 借作綏。 俗作荽。 文選潘岳閒居賦『蓼姿芬芳。李善注引韻略曰『荽,香菜也。 從艸,傅聲。 是函菱荴以俟風正謂含香敷布以俟風耳, 相惟 故下句云 切。 與

芳雜襲以彌章也。

忽遷化而不返兮,魄放逸以飛揚。(十五上)

樹達按一賦首至此,以長、郷、傷、陽、亡、薑、央、羊、章、莊、揚、明、芒、揚爲韻,皆古唐部韻也。

**数路日以遠兮,遂荒忽而辭去。(十五下)** 

樹達按:躇、去,古韻同模部字。

何靈魂之紛紛兮,哀裴回以躊躇。

蹇搖敞克,寂兮無音。思若流波,怛兮在心。(十五下)

樹達按:音、心,同屬古韻覃部字。

**亂曰:佳俠函光,隕朱榮兮。 嫉妒關茸,將安程兮。(+五下)** 樹達按:榮、程,同屬古韻青部字。

方時隆盛,年夭傷兮,弟子增欷,洿沬悵兮。(十五下)

樹達按:傷、悵,同古韻唐部字。

師古曰:嚮讀曰響。 響之隨聲,必當有應,而今涕泣,徒自己耳。 夫人不知之,是虛其應。

特兮。(十五下)

悲愁於邑,喧不可止兮。

嚮不虛應, 亦云已兮。

**嫉**好太息, 嘆稚子兮。

劉慄不言, 倚所

外戚傳第六十七上(漢書九十七)

漢 書 窺 管 卷 +

樹達按 顏讀 空虛,凡響之應聲,應於空虛也。 並 無響聲應之,故云響不虛應耳。 **嚮爲響,是也,而以夫人不知之釋不字,釋虛應爲虛其應,** 文意謂今我悲愁於邑,喧不可止 止、已、子、恃,古韻同屬哈部 ,其聲甚大,而夫人不知,空虛 則文理大不 可通。 余按 虚

仁者不誓,豈約親兮! (十六上)

如瀉曰:仁者之行惠,尚一不以爲恩施,豈有親親而反當以言約乎 !

樹達按 Ŧi. 帝 禮記檀弓篇云:「殷人作誓而民始畔,周人作 會而民始疑。」穀粱隱公八年傳云:「誥誓不及 人 盟 按諸

書所云, ,盟詛不及三王,交質子不及二伯。」淮南子氾論篇 皆仁者不誓之說也。 文言仁者不爲盟誓之事, 云:夏后氏不負言,般人誓,周 豊當與其所親之人有約言乎 !

如

說

未得

不來,申以信兮。 (十六上)

協 樹 顏云合韻,猶吳才老所謂叶韻,此字本無此音,改以叶之也。 師 達按:合韻 古曰:信合韻音新。 無 所 謂 合韻叶韻 叶韻,乃宋以後不通古音者根據後世變音, 也 王鳴盛曰:躊躇與去,傷與恨,信與親,爲韻。古無四聲之分,平仄 明清以來古韻諸 家已詳 辨之。 嗚盛 疑其不叶, 強為之說。 顏不通古音,不能枚舉,聊 不解古音, 仍持舊 說, 其實古音本相諧 似 通爲 於顧亭林 出之。 一韻。

韻,止已子恃爲韻,不能列舉,却譏師古不通古音,

T.

愼修

諸家之書全未寓目者。

又於此賦長卿傷陽亡畺央羊章莊揚明芒揚爲韻,音心爲韻,榮程爲

可謂謬矣。

至古韻家亦言合韻,

則謂非同部之

字相叶,與宋人所云合韻者大異,非一事也。

去彼昭昭 就冥冥兮,既下新宮,不復故庭兮。 嗚呼哀哉!想魂靈兮。(十六上)

也。室猶塚壙。」此云新宮,宮猶葛生詩所云居或室。漢時稱皇帝棺曰梓宮。 者,存時所居,緣生事死,因以爲名。」其說是也。 樹達按:詩唐風葛生云:「百歲之後,歸于其居。」又云:「百歲之後,歸于其室。」鄭箋云:「居,墳墓 方葬未久,故云新宫。 以在地下,故云下也。 應劭風俗通云:「宮

追尊外祖趙父爲順成侯。(十七上)

庭、靈,古韻同屬青部

樹達按:趙父者,史失其名,姑名之曰父,猶女子稱某母也。

上大怒,令以我不復見馬邪!(+七下)

樹達按:怒下省曰字。

誠因長主時得入爲后。(十八上)

師古曰:以時得入。

樹達按:顏以時字屬下讀,非也。

此當以「長主時」連讀。

長主時謂長主得勢之時。

霍光傳云:「大

月餘,遂立爲皇后。(十八上)將軍時何可復行。」與此句例同。

樹達按:霍光傳云:數月立爲皇后。

漢

數守大將軍光,爲丁外人求侯。(十八上)

師古曰:守,求請之。

往守萌。」李注云:「守猶求也。」樹達按:今語猶言求請不已曰守。

樹達按:昭公二十七年左傳云:「魯君守齊,三年而無成。」班用守字蓋本此。

後書竇融傳云

融日

治獄使者邴吉憐皇曾孫無所歸,載以附史恭。(十九下)

錢大昭曰:附南監本閩本作付。

先謙曰:官本作付,是。

樹達按:景祐 本作付。

恭三子,皆以舊恩封。 長子高爲樂陵侯,曾爲將陵侯,玄爲平臺侯。(十九下)

樹達按:史丹傳記曾玄以外屬舊恩封,高以發舉反者霍禹功封,

霍光傳記高封事同。

此傳記高亦

以舊恩封,失之矣。

見翁須與歌舞等比五人同處。(二十下) 樹達按:等比與等輩同,猶今言伴侶。

父廣漢。(二十一下)

樹達按 疏廣傳稱太子外祖父特進平恩侯許伯,蓋寬饒傳亦稱平恩侯許伯, 知廣漢字伯也。

及太子敗,賀坐下刑。(二十一下) 樹達按:下刑蓋謂下體之刑。 安世傳云三安世爲賀上書,得下蠶室,」是也。

**鼂錯傳稱陰刑**,下刑

興陰刑義同

酒 酣爲言:曾孫體近,下人乃關內侯。(二十二上)

古曰:言曾孫之身於帝爲近親,縱其人材下劣,尚作關內侯。 書本或無人字。

雍也篇云:「中人以上,可以語上也;中人以下,不可以語上也。」文云下人,與論語言中人語例同 樹達按 元后傳云 「莽改太后爲新室文母,絕之於漢,不令得體元帝。」體字與此 傳 用 法 略 同。論語

是時霍將軍有小女,與皇太后有親。(二十二上)

樹達按:皇太后,昭帝上官后也,爲霍光外孫女。

元帝卽位,復封延壽中子嘉爲平恩侯,奉戴侯後,亦爲大司馬車騎將軍。<<<br />
(二十三下) 樹達按一嘉爲車騎將車,議甘泉泰時河東后土之祠不必徙置長安,見郊祀志。 議郅支單于首當懸,

見陳湯傳。薦甘延壽,見延壽傳。

五日一朝皇太后於長樂宮,親奉案上食。(二十四上)

樹達按:方言五云:「案,陳楚宋魏之間謂之傷,自關東西謂之案。」 急就篇云:「橢杆槃案 桮 問 架

顏注云:「無足曰槃,有足曰案。」鹽鐵論取下篇云:「從容房聞之間,垂拱持案而食。」後漢書逸民 鴻傳云:「每歸,妻具食,不敢於鴻前仰視,舉案齊眉。」樹達按:今日本俗進食尙用案。 案形方 梁 上

一歲,上立許后男爲太子,昌成君者爲平恩侯。(二十四上)

外戚傳第六十七上(漢書九十七)

四周,下有足,置椀箸于其上,我國古俗之遺也

七七七

七七八

樹達按:者字不可通,疑衍字。 景祐本同行。

挾毒與母博陸宣成侯夫人顯謀,欲危太子,無人母之恩,不宜奉宗廟衣服,不可以承天

命。(二十四上)

樹達按"衣服二字文不可通,疑衍。景祐本同衍

奉光少時好鬬雞,宣帝在民間,數與奉光會,相識。(二十四下)

樹達按:宣帝喜關雞故也。

時成帝母亦姓王氏,故世號太皇太后爲邛成太后。(二十五上)

樹達按:儒林傳有王襲,如瀉注謂是邛成太后親,或當有據。

深念奉質共脩之義,恩結于心。(二十五上)

師古曰:質讀曰贄。

于席。 樹達按:共讀爲供,脩謂腶脩。 姑坐,舉以興,授人。」是婦見姑以腶脩爲贄之事也 儀禮士昏禮記婦見姑之禮云: 降階,受笲殿脩,升,進,北面拜,奠

# 外戚傳第六十七下(漢書九十七)

### 家凡十侯,五大司馬。(一上)

師古曰: 十侯者, 陽平頃候禁、 禁子敬侯鳳、安成侯崇、平阿侯譚、 成都侯商、紅陽侯立、曲陽侯

根、高 重 平侯 逢時、安陽侯音、 而十人者, **湻于長卽其一也。** 新都侯莽也。 何焯日 五大司馬者, 一元后傳云一後又封太后姊子 酒于長為定陵侯, 鳳、音、商、根,莽也。 曰:鳳嗣禁爲侯,

王氏親屬侯者凡十人。」則顏後說是。 周壽昌曰:家者,專指王家而言,不得併成屬數之。

子繼侯,當爲兩人。若必拘論,將莽之篡逆亦不得列十侯內矣。

樹達 禁鳳爲一侯,而不數湻于長,故云九侯,知此云十侯爲併數湻于長,與元后傳文相 按 一何主顏後說,周主顏 前說,今謂何說是,周說非也。 王莽傳云:「家凡 九侯 五大司 合矣。 馬。

彼以

時又數有災異, 劉向谷永等皆陳其咎在於後宮。上然其言,於是省減椒房掖庭用度。

而 樹達按:此文及下文「上於是采劉向谷永之言以報」云云, 劉向傳則無之。 杜欽傳中却記述其事甚詳。永傳云一時對者數十人,永與杜欽爲上第焉。上 皆以劉向谷永並言。 按永傳確記其

皆以其書示後宮。」五行志下之下記其事, 云 云 ,實采自杜欽策對之文,知本傳兩劉向皆爲杜欽之誤無疑也 亦以永欽二人並列。 又下文記帝報許后引書高宗形日

孟康曰:誇,大也,大布之衣也。

妾誇布服糲食。(二上)

姊名謁 樹達按 李慈銘 則 誇爲后 云 名無 誇字不 疑。 可解 樹 達 ,孟注亦不可通。 按 李說是也。 李以后姊名謁爲證者, 蓋跨爲許后之名。 漢婦人皆自稱名,下文言許后 以與跨字皆从言旁也

戚傳第六十七下(漢書九十七)

七八〇

此知後世兄弟之名往往用同一偏旁之字,漢時卽已然矣。

陛下見妾在椒房。(三上)

猶言陛下現在之皇后也。此見字與直不疑傳「朝廷見人或毀不疑」之見字用法同,說詳彼傳。 樹達按:陛下見妾在椒房、謂陛下現在之妾住在椒房殿者。 妾乃自卑之稱,椒房殿爲皇后所居,意

終不肯給妾纖微內邪?若不私府小取,將安所仰乎?(三上)

反。周壽昌曰:顏以內邪下屬,非。當以「不肯給妾纖微內邪」爲句。 師古曰:言皇后自有湯沐,故更無它繼毫給賜。 內邪,言內中所須者也。 疏詞婉宕,善用虛字。後又云:「竟寧前於今世,而比之,豈可邪!」亦其證也 纖微內卽上所云纖微之間 邪,語辭也。仰音牛向

**余謂內當讀爲納,乃容納受納所言之義。文意蓋謂:對於陛下現在之皇后,竟不肯賜以絲毫之意** 樹達按:顏說全誤,周以「內邪」二字屬上讀,是矣。 而謂纖微內與上文纖微之間同,文義不可通。

舊故"中宮乃私奪左右之賤繒。(三上)

見采納邪?

先謙曰 言舊故時中宮嘗爲此。

樹達按"廣雅釋詁三云"故,事也, 舊故謂舊事也。 二字當爲一讀。 王訓舊故時, 非是。下文云:

**寛寧前於今世,而比之,豈可邪!(三下)** 

「又故事」云云,舊故與故事義同,特變文言之耳。

師古曰:言今時國家制度衆事比竟寧前不肯皆同也。

樹達按:此言竟寧在今日以前,不得以今日比之。 總謂今昔不同,不得相比擬耳。 顏說殊誤。

俟自見索言之。(三下)

師古曰:俟,待也。自見,后自見於天子也。索,盡也。

樹達按:史記滑稽傳云:「湻于髡仰天大笑,冠纓索絕。」索隱 云:「案索訓盡,言冠纓盡絕也。

春秋後語亦作冠纓盡絕也。」<u>樹達按:此傳索字與滑稽傳索字同作狀字用</u>。

諸侯拘迫漢制,牧相執持之也?又安獲齊趙七國之難!(四上)

當何以塞之?」也字亦與邪同。

樹達按:二句乃假設之辭。

也與邪同,謂果如此,則不至有齊趙七國之難也。

下文云:微後宮也,

女童入殿,咸莫覺知。(四下)

師古曰:謂陳持弓也。

樹達按:陳持弓事見成紀及五行志下之上。

師古曰:唉,古笑字也。 咷音桃。 解並在谷永傳。

易曰:鳥焚其巢,旅人先咲後號咷。喪牛於易,凶、(四下)

書云 樹達按:易見旅卦上九爻辭。谷永傳無此文,當云在五行志,見志中之下。 高宗形日,越有雊雉。 祖己日:惟先假王正厥事。 又曰:雖休勿休,惟敬五刑,

外戚傳第六十七下(漢書九十七)

以

七八二

成三德。(五上)

師古曰:解並在谷永傳。

樹達按:雖休勿休云云見書呂刑篇。 永傳未稱引書文, 杜欽傳却曾引及高宗形日。 此注似當云:

解在杜欽傳。」然欽傳顏注仍云:「解在五行志,」則此實當云「解在五行志」也。

今見志中之下卷。

即飭椒房及掖

庭耳。(五上)

師古曰:謂祖己所言皆以戒後宮也。 筋與敕同。

樹達按:報書意謂:因書文云云,故據災異戒節椒

房及掖庭耳。

顏注太覺離奇,似有脫誤。

且財帛之省。(五下)

錢大昭曰:帛南監本閩本並作幣。 先謙曰:官本作幣。

樹達按:景祐本作幣。

假使太后在彼時不如職,今見親厚,又惡可以踰乎? (头上)

姑也。 師古曰:言假令太后昔時不得其志,不依常理,而皇后今被親厚,何可踰於太后制度乎? 惡音鳥。 婦不可踰

樹達按 李慈銘云 不如職謂太后在竟寧前服用儉約多不如制 也

其後比三年日蝕,言事者頗歸咎於鳳矣,而谷永等遂著之許氏。(六上)

樹達按:言事者謂王章之類,事見元后傳。 晉語注云:著,附也。

后姊平安剛侯夫人謁等爲媚道,祝禮後宮有身者及鳳等,事發覺。(六下)

孝成班倢仔。(七上)

然也。 殺傳故也。 樹達按: 倢仔爲左曹越騎校尉班況之女,彪之姑, 固之祖姑也。 建始河平之際, 許班之貴, 傾動前朝。 得列傳與孝武李夫人同, 他傳皆敍家世, 非孟堅私其親屬而 此獨不敍者,以見

揚光烈之翕赫兮,奉隆寵於增成。(八上)

世音已變古,明字已讀如今日之音矣。 樹達按:文以靈、庭、明、成爲韻。據古韻,靈庭成同屬青部韻,明古音如茫,屬唐部,不相協。 蓋漢

申佩離以自思。(八上)

師古曰:離,桂衣之帶也。 女子適人,父親結其離而戒之,故云自思也

樹達按"詩豳風東山云"「親結其縭。」毛傳云"「網、婦人之禕也。 母戒女,施衿結帨。」 按毛謂網爲

哀懷、閻之爲郵。(八上)

師古曰:小雅刺幽王之詩曰:「赫赫宗周,褒姒滅之,閻妻煽方處。」故云爲郵,郵,過也。

外戚傳第六十七下(漢書九十七) 樹達按:說文三篇上言部云:說,罪也。 文假郵爲說。

美皇英之女虞兮,榮任姒之母周。(八下)

師古曰:皇,娥皇;英,女英:薨之二女也。女,妻也。虞,虞舜也。女虞,女音尼據反。

樹達按"書堯典云"帝曰"我其試哉!女于時,觀厥刑于二女。

願歸骨於山足兮,依松柏之餘休。(八下)

休,皆古幽部韻,二部混用。 樹達按:文自旣過幸於非位兮至此,時、思、詩、郵、茲、滋、災、郵、期,皆古哈部韻。 周、求、幽、流、

神眇眇兮密靚處;君不御兮誰爲榮?(ヵ上)

樹達按:詩衞風伯兮云:「自伯之東,首如飛蓬。豈無膏沐?誰適爲容?」文云君不御兮誰爲榮,用

綠衣兮白華,自古兮有之。(九下) 伯吟詩意也。此上清、局、生、冷、聲,皆青部韻

樹達按:自俯視兮丹墀至此,綦、期、之,爲古咍部韻。 流、憂、浮、休,爲古幽部韻。 二部合用。

叉

案倢伃有擣素賦,見古文苑卷二。

後月餘,乃立倢仔爲皇后。(十上)

樹達按:劉輔以諫立后下獄,見輔傳。 漢紀卷二十六載諫議大夫王仁上疏諫,成帝不聽。

切皆銅沓冒黃金塗。(十上)

師古曰:切,門限也,音千結反。沓,冒其頭也。 塗,以金塗銅上也。 沓音它合反。王念孫云:冒字

涉 注 文而 西都 行, 賦 景 祐 本無冒字, 是也。 冒即沓 也。 注訓 十引此皆無 沓爲冒, 冒字。 則 IE 文無冒 字 明 矣。 後漢書班 無 固傳

注、文選 樹達按:李慈銘云:三輔黃屬西京雜記皆作「砌皆銅 注、藝文類聚居處部、 御覽皇親 部 沓黃金途, 無冒字。 漢紀及續列女 黄圖 述此段事皆本 (傳亦 漢書,

限

也。

此本字,切乃假字。

又十四篇上金部云,

踏,以

金有所冒 也 傳文假沓爲錔,省形存 "說文六篇上木部云" 横, 聲。

尤其明證

樹

達按

臣 遭從事掾業,史望。(十一上)

服虔 日 "堂,直視貌 也。 師古曰:堂音丑庚反,字本作瞠,其音同 賦注引字林云:「躁,直視貌。」 耳。

曰:堂也。(十二上)

樹達按

續漢書

云司

隸置從事史十二人,秩皆百石,

,主督促文書,

察舉非法。

樹達按 云 隙,直 :說文四篇上目部云:「臟,目無精 下視 貌。 。」膛釀 暰 並 同 党以 同 音 直 視 字 也。」文選長笛 通 用

倉頡篇

晉灼日 : 繆音繆縛之繆。 鄭氏曰:自縊也。 師古曰:繆,絞也。 音居虬 反。 我曹言:「願自

殺。

卽

自

繆死。(十二下)

樹達按:說文三篇下門部 云 關, 經繆殺也

數召入飾室中若舍。(十二下)

曰:或暫入, 或留止也。 周壽昌 日 言入飾室或舍中也。 下始云:「留數 月或华歲」, 此祇言召

外戚傳第六十七下(漢書九十七)

漢書窺管卷十

入之地 耳。 注 誤 會 本 句 意, 與下 兩語背觸。 飾室即 下置飾室簾南之飾室。 舍如 增 成 舍 甲 舍丙 含

之類

樹 達按 舍名。 李慈銘 公卿 表 云:若舍者,飾室中 少 府 所 屬 有 若盧 室, ·舍名。 亦在 班 使 仔 傳之 增 成 舍, 宮 中,名亦 相 似 此傳上文之昭陽舍牛官 令含

是家輕族人,得無不敢乎?(十三下)

後漢紀: 樹達按 叉或云 此 此家 後書明德馬后紀云 家作 "後書王常傳 此人,然則是家即是人也 云三後帝於大會中指 :「請呼皇后,帝笑曰:是家志不好樂, 吳志呂蒙傳云: 度此家不得外 常謂 奉臣 日 此 家 雖來無歡。」是是 來 下 江 問 諸 將 謂 拨 輔 मि 家乃漢 翼 恃, 漢 完 故 至於此 常 宏

[傳引魏略云:「帝目而送之,笑曰:此家有瞻諦之士也。」

耳。

魏志表潛

掖庭中御幸生子者輒死,又飲藥傷墮者無數。(十四上)

樹達 者 按 ,昌爲成帝子,趙后欲害之,僞易他人子 時 譙玄以皇子多横天,上書諫成帝 ,見後書獨行傳。 ,以故得全。 樹達按 又後書王昌 此昌自街欺人之餘,不足據信 傳云:「昌自 言 母 故成

大臣票騎將軍貪耆錢,不足計事。(十四上)

以趙氏妒名彰著,故因緣作僞

H

錢大昕曰:票騎將軍,謂曲陽侯王根也。

樹 達按 一根受傅太后路遺,見本卷傅昭儀傳。 受羅哀路遺, 見貨殖傳。 元后傳云、根行 資邪

臧界

|遵後病困,謂武:今我已死,前所語事,武不能獨爲也?慎語 (十四上)

師古曰:言汝脫不能獨爲,勿漏泄其語。

樹達按:武不能獨爲也,也與邪同

魯嚴公夫人殺世子,齊桓召而誅焉,春秋予之。(十四上)

師古曰:嚴公夫人謂哀姜也。予,謂許予之也。 解具在五行志。

時議郎耿育上疏言。(十四下) 樹達按:事見僖公元年公羊傳。

樹達按:育嘗冤訟陳湯,見湯傳。

然太伯見歷知適,逡循固讓。(十四下)

師古曰:歷謂王季,即文王之父也。 知適,謂知其當爲適嗣也。

藥,以避王季。」事又見吳越春秋卷五。然則「見歷」當謂太伯見太王改名王季爲歷,始合。 樹達按:論衡譴告篇云:「太王亶父以王季之可立,故易名爲歷。 歷者,適也。 太伯覺悟,之吳越採 瀬注未

孝成皇帝自知繼嗣不以時 師古曰:末,晚暮也。 萬歲言晏駕也。 ·立,念雖末有皇子,萬歲之後未能持國。(+四下)

外戚傳第六十七下(漢書九十七)

明本事,泛說無當。

七八七

漢 髻 窥 管 卷 +

達 禮記 中 庸 篇 云 武王末受命。 鄭注 云:末猶老也。 此末字用法所本。

傅太后恩趙 太后,趙太 八后亦 歸心。(十五下)

師古日 :恩謂以厚 恩接遇之。 日 恩謂銜其立哀帝爲嗣之恩也。

樹達按 朱一新云 顏後一說是也

而 佔 在小君 之位 ,誠非皇天之心。(十六上)

樹達按:論語季氏篇云:邦君之妻,稱諸異邦,日寡小君。

先是有童

謠曰:燕燕,

尾涎涎!(十六上)

好貌。 貌。」類篇:「又堂練切。 師古曰:涎涎, 」玉篇 爲 唐人所 光澤之貌也。 修,此字之誤久矣。 涎涎,光直貌。」 音徒見反。 案此字從聲當爲延,不當爲廷。 沈欽韓曰:集韻:「 先謙曰:官本遊作涎,南監本同 涎, 徒鼎切。 玉篇亦 洴涎, 云三涎又徒見切 小 水。 日 波直

寒部。 韻在 三十葉。 作涎,惟監本、評林本及今官本俱作涎。 樹達按:李慈銘云: 诞字汲古本五行志、外戚傳俱作涎字, 切電 樹 部,而延聲則 紐 如倩從青聲,讀倉見切,瞑從冥聲, 達按 下,是同音假借之字。後來俗本玉臺新詠乃依誤本漢書改作凝凝矣。」見越鰻堂日記二十三別 李說 在寒部,故云涎當作涎。 是,沈說非 也。 沈意以涎與燕及下文見字爲韻,燕見皆古韻寒部字,廷聲字古 案玉臺新詠作殿殿,殿與涟廣韻集韻俱同在 讀武延切,皆其例也。 雖據古韻言之,不爲無見,然古韻青部字亦 不誤。 **涎從廷聲而讀徒見或堂練諮切**, 錢氏泰吉謂吳冤牀 三十二 所藏宋 往 往讀入 汉 本 亦

正其 、比類。 考詩邶風燕燕疏引漢書字作涎涎,今涵芬樓影印士禮居舊藏北宋景祐本漢書作诞,知

涎字決非誤文。 沈說不能觀其通,失之泥矣。

木門,倉琅根,燕飛 來, 啄皇孫。 皇孫死,燕啄矢。(十六上)

樹達按 一門、根、孫,古韻同在痕部,死、矢,同在微部。

以二人皆有子爲王,上尚在,未得稱太后。(+六下)

樹達按:太后謂王太后。據此知王有父在時,母不得稱太后也。

乃更號曰昭儀,賜以印綬,在倢伃上。 昭其儀,尊之也。(+六下)

樹達按:此記昭儀稱號之始

元延四年,孝王及定陶王皆入朝,傅太后多以珍寶路遺趙昭儀及帝舅票騎將軍王根,

陰

樹達按一皆見上無子,文義不明,皆上當有「昭儀及根 四字。 哀紀有「昭儀及根」四字,可證

爲王求漢嗣。皆見上無子,欲豫自結,爲長久計,更稱譽定陶王。(十六下)

少傳閻崇以爲:春秋不以父命廢王父命。(十七上)

樹達按:此哀公三年公羊傳文。

高昌侯董宏希指,上書言"宜立丁姬爲帝太后。 樹達按:時王莽與丹共劾,見莽、丹二傳,宏坐免爲庶人也 師丹劾奏"宏懷邪誤朝,不道。(十七下)

然哀帝不甚假以權熱,權熱不如王氏在成帝世也。(十八下)

外戚傳第六十七下(漢書九十七)

七九〇

樹達按:師丹傳云:「哀帝少在國,見成帝委政外家,王氏僭盛,常內邑邑,即位多欲有所匡正,封拜 丁、傅,奪王氏權。」據此哀帝之封丁、傅,所以奪王氏,故亦不縱丁、傅使同王氏也。

昔季武子成寝,杜氏之墓在西階下,請合葬而許之。(十八下)

樹達按:見檀弓上篇。

師古曰:事見禮記。

太后以爲:既已之事,不須復發,葬因爭之。(十九上)

錢大昭曰:葬當作莽。先謙曰:官本南監本作莽。

樹達按:景祐本作莽。

開丁姬椁戶,火出,炎四五丈。(十九上)

樹達按"論衡死偽篇云"改葬定陶共王丁后,火從藏中 出,燒殺 吏士數 百人。

共王母丁姬故冢, 二旬間皆平。 公卿在位皆阿莽指,入錢帛,遣子弟,及諸生四夷凡 莽又周棘其處以爲世戒云。(十九下) 十餘萬人, 操持作具, 助將作掘 45

樹達按 不甚過毀,未必一如史說 有崩碑二所,世尚謂之丁昭儀 "水經濟水注說丁姬墓云"今其墳冢巍然尚秀,隅阿相承,列郭數周, 也 墓, 又謂之長隊陵。 蓋所 毀者傅太后陵耳。 面開重 丁姬墳墓, 門, 南門內夾道 事與書違

孝哀傅皇后,定陶太后從弟子也。(十九下)

樹 達按 傅后爲傅晏之女,晏爲定陶太后弟中叔之子。 然則傅后於定陶太后爲姪孫, 此云從弟子,

誤也。

馮捷仔男立爲信都王。(二十下)

樹達按:王名興。

後徵定陶王爲太子,封中山王舅參爲宜鄉侯。二十下)

樹達按: 徵定陶王在綏和元年, 此 因中 山王 未微、故封廖以慰王,見參傳。

孝王薨,有一男嗣爲王。(二十下)

| 表表,丁子 || 号。二二、一樹達按 || 嗣王名箕子,即平帝也

時未滿歲,有眚病。(二十下)

師古日 孟康曰:炎眚之眚,謂妖病也。 …下文禱祠解含,孟說是也。 服虔曰:身盡青也。 未滿歲者, 謂爲王未滿歲也。 蘇林曰:名爲肝厥,發時唇口手足十指甲皆青。 **告音所領反**, 字不作青, 服虔

誤也。

樹達按 嵗 輒上逆。」然則 ,非謂 一孝王薨于綏和元年, 平帝生于元延四年, 爲綏和元年之前一年, 故文云未滿歲, 爲王未滿 蘇 林 嵗 肝厥之說爲得之。 也 ) 意說誤。 情病 蘇云 īlī. 服、蘇三 一發時唇口手足十指甲皆青, 家異 說。 按平帝紀太后詔云三皇帝 知正 文作青者是。 疾 謂生未滿 一發,氣 顏主作

**售**,以孟說爲是,非也

外戚傳第六十七下(漢書九十七)

漢

由素有狂易病。(二十下)

師古曰"狂易者,狂而變易常性也。

樹達按 通於士,其夫早自外而來,士適出。 國語吳語云:「稱疾辟易。」韋注云:「辟易,狂疾。 夫日 何客也? 其妻曰: 」韓非子內儲說下篇云:「燕人,其妻有私 無客。 問 左右, 左右言無 有 如出

說之,非也。 口。其妻曰:公惑易也!因浴之以狗矢。」按:辟易、惑易、狂易,皆同義連文之字,顏分狂易爲二事 王子侯表云:「樂平侯訢病狂易。」義同

元延四年, 生平帝, 年二歲, 孝王薨, 代爲王。 二十一下)

先謙曰:官本重平帝二字,二作三。

云三孝王薨,有一男嗣爲王,時未滿歲。與此異者,彼以實數計之,此以計年齡之法計之,故 樹達按:景祐本重平帝二字,是也。又按:孝王薨于綏和元年,為元延四年平帝生之明年。 年齡之法,始生墮地即爲一 歲,故明年爲二歲。此文二字是, 作三者誤也。 景祐本亦作二。 我國計 不同 前篇

莽欲顓國權,懲丁 」、 傅行 事,以帝爲成帝後, 母衛姬及外家不當得至京師。二十一下)

非矛盾也

徙定陶王於信都。(三十二上)

樹達按:據後書申

屠剛

傳,莽

時隔絕帝

外家馮、

衛二族,不得交官,與關同

剛對策諫正,見罷免

樹達按立楚孝王孫景爲定陶王者,成帝以哀帝爲己後,故以景爲定陶共王後也。 今徙於信都,是

翻前事,而以哀帝後定陶矣,故莽以爲罪也。

不畏天命,假聖人之言。(二十二上)

大人,侮聖人之言。」故此文引之也。 假古侮字。 師古曰:論語稱「孔子曰:君子有三畏,畏天命,畏大人,畏聖人之言。 小人不知天命而不畏也, 狎

謂之仲嬰齊?爲人後者爲之子也。」按以哀帝後定陶王, 樹達按:春秋成公十五年,仲嬰齊卒。公羊傳曰:「仲嬰齊者,何?公孫嬰齊也。 違爲人後者爲之子之義, 公孫嬰齊則 故葬假借以爲 曷爲

平帝卽位,年九歲。(二十二下)

侮聖人之言耳。顏注未晰。

王先愼曰 年上脫后字,平帝年已見紀矣,此處不必補敍。續列女傳正作后年九歲。

樹達按 王說非也。下文云 莽即真時,太后年十八矣。是后當生於成帝元延四年,與平帝爲同年 生,帝卽位時年亦九歲。然此文自敍平帝之年,所以敍者,以起下句成帝母太皇太后稱制之文也。

王莽傳云:帝年九歲,太后臨朝稱制,」與此文義正同。 若作后年, 則語爲無因,與下句不貫矣。

樹達按:藩即爲中郎將使匈奴者,見匈奴傳

遺長樂少府夏侯藩。(二十三上)

執金吾尹賞。(二十三上)

樹達按賞見酷吏傳

外戚傳第六十七下(漢書九十七)

#### 便時上林延壽門。(二十三下)

漢

書

窥管

卷十

明而 古曰 取時日之便也。姚鼐曰 顏注便時不明。 實非。 蓋平后之便時,未嘗非欲待吉時,而此但言取便停住許時耳。 章懷注楊震傳引此解云一待吉時而後入,其解似 此時非指吉時 如以 此

樹達按 便 時為吉時,以解楊震傳, 便時爲漢人習語。 尚亦可通,而以解魯丕傳之便 潛夫論浮侈篇云一奔走便時,去離正 時,不 可通矣。 宅。」 此及魯丕楊震傳文義皆同,

爲人婉麽有節操。(二十四上)

卽

顏所謂待時日之便者也。

姚說迷離惝恍,進退失據

師古曰:婉,順也。瘱,靜也,吾鳥計反。

|漭敬憚傷哀,欲嫁之,乃更號爲黃皇室主。(二十四上) 樹達按一說文十篇下心部云一感,靜也。從心,疾聲。」於計切。 文選女史箴善注引此文作處。

樹達按: 莽傳云: 絕之於漢也。 室主者, 若漢之稱公主。

令立國 師古 日 [將軍成新公孫建世子豫飾將緊往問疾。(二十四上) 黎,盛 飾也 音丈,又音象。 日 **徽**,首飾也。 在 兩耳後,

刻鏤而爲之。

樹達按:

說文八篇上衣部云

徽

飾也。

### 元后傳第六十八(漢書九十八)

其自本日。二上

樹達按:游自本與司馬遷自序、楊雄自傳、王充自紀同,名各異耳。

十一世,田和有齊國,三世稱王。(一上)

宋祁曰"舊本三作二。

樹達按:景祐本作二。按田齊自威王因齊稱王,傳宣王辟疆、湣王地、襄王法章、至王建始滅,實五

嘆曰"吾聞活千人有封子孫。(1下)

世稱王也。

樹達按"活千人下當有者字。後漢書史照傳論云"活千人者子孫必封。

注引此傳云: 活千人者有

封孫。活千人下有者字,是其證。

昔春秋沙麓崩,晉史卜之,曰:陰爲陽雄, 土火相乘, 故有沙麓崩。 後六百四十五年,宜

有聖女興。(二下)

樹達按:雄、乘、崩、興,古登部韻。

初,李親任政君在身。〈三上〉

樹達按:李親爲政君之母,下文屢見。

元后傳第六十八(漢書九十八)

七九五

及司馬良娣死,太子悲恚發病,忽忽不樂。(三下)

因以過怒諸娣妾,莫得進見者。(三下) 樹達按:時宣帝遣王襲之太子宮虞侍太子,見襲傳。

宋祁曰:越本無者字。

樹達按 景祐本無者字,字當衍。

又獨衣絳綠諸于。(三上)

師古曰:諸于,大掖衣,卽桂衣之類也。

樹達按:說文八篇上衣部云:行:諸行也。

此作于,省形存罄字。

長御卽以爲。(三上)

錢大昭曰:爲下脫是字,閩本不脫。 先謙曰:官本南監本有是字。

樹達按:景祐本有是字。

先是者太子後宮娣妾以十數,御幸久者七八年,莫有子。(三上) 樹達按:者字景祐本同,然於文義不可通,疑字當爲諸,誤脫其半爲者字耳。

樹達按:禁與石顯雜治楊興賈捐之,見捐之傳。

封父禁爲陽平侯,後三日,婕妤立爲皇后,禁位特進。(三上)

以鳳爲大司馬大將軍,領尚書事,益封五千戶。(三下)

育傳。 樹達按:鳳爲大將軍,薦薛宣爲長安令, 奏補陳咸爲長史,見咸傳。 薦陳湯習外國事,以湯爲從事中郎 見宣傳。 舉朱博為機陽 令, 見博傳。 並見湯傳。 除蕭育爲功曹, 薦班伯宜勸學,

見

王傳。 見敍傳。 京師訛言大水,鳳議太后上可御船,及傾陷王商,並見商傳。 薦辛慶忌,見慶忌傳。 禮聘鄭子真,見王貢兩襲鮑傳。不許東平王求書之請, 從杜欽言,白遣楊焉等治河 見宣元六

天子以問諫大夫楊興、博士駟勝等。(三下)

見溝洫志。

樹達按:興嘗為長安令,見劉向賈捐之傳。

後五年,諸吏散騎安成侯崇薨,諡曰共侯。(四上)

樹達按:共侯夫人名放,共養長信宮,見王古傳。

左右常薦光祿大夫劉向少子歌通達有奇異材。(四下)

樹達按景祐本無奇字。 先謙曰:官本無奇字,引宋祁曰 舊本異字上有奇字,考異無,故削之。 今越本亦無。

不以往事爲纖介。(五上) 師古曰:往事謂先帝常欲以代太子也。 言無纖介之嫌怒。

樹達按一注嫌怒景祐本同,疑當作嫌怨,怨怒形近致誤耳。

共王辭去,上與相對泣而決。(五上)

元后傳第六十八(漢書九十八)

七九七

先謙曰:官本南監本泣上有涕字。

樹達按景祐本有涕字。

天道聰明,佐善而災惡。(五下)

先謙曰:官本南監本佐並作佑。

天子曾不一舉手。(五下)

樹達按:景祐本作佑。

樹達按:景祐本作壹。 先謙曰:官本南監本一作壹。

自鳳之白罷商、後遣定陶王也,上不能平。及聞章言,感寤納之。(六上)

樹達按:說文七篇下膠部云:第,寐覺而有言曰寤。 叉十篇下心部云:悟,覺也。

傳文假寤爲悟。

日日益甚。(六下)

先謙曰"官本下日作月,引宋祁曰"越本月作日。 先謙案南監本作日月。

樹達按:景祐本作日月。

故天變屢臻,咸在朕躬。(七上)

先謙曰:官本屢作婁,此下有師古曰婁古屢字七字。

樹達按一景祐本作婁,有師古注七字。按婁爲屢字之假,省形存聲耳,非古屢字也。

章知野王前以王舅出補吏,而私薦之,欲令在朝阿附諸侯。(七上)

樹達按:此所謂附益之法也,見諸侯王表。

百姓歌之曰:五侯初起,曲陽最怒,壞決高都,連竟外杜,土山漸臺,西白虎。(七下) 宋祁曰"浙本西字下有象字。王念孫曰"西字下下當作上,案浙本是也

象字景祐本亦脱去。

樹達按:怒、杜、虎,古韻同屬模部。

先謙曰:官本作其奢侈如此。 南監本作其奢僭如此。

奢僭如此。(八上)

死,此事爲劉王二氏消長之樞機,史家於此極力舖寫,所以深責成帝之昏庸也。 樹達按:景祐本作其奢僭如此,是也。 毛本脫其字。 清官本作奢侈,誤。

叉按:王鳳見留,

王章罪

復固薦音自代,譚等五人必不可用。(八上) 先謙曰:官本譚上有言字。

樹達按:景祐本有言字,是也,毛本脫。

御史大夫音竟代鳳爲大司馬車騎將軍。(八下)

樹達按一時音信用陳湯、見陳咸翟方進二傳。 召楊雄爲門下史,見雄傳。

隆傳。 請補谷永爲營軍司馬、薦永爲護菀使者,並見永傳。

領城門兵。(八下)

元后傳第六十八(漢書九十八)

七九九

請毋將隆爲從事中郎,見

漢

NOO

先謙曰:官本兵作外。

樹達按:景祐本作兵。外字文不可通,清官本誤。

後又穿長安城,引內灃水注第中大陂以行船。(八下)

樹達按:說文十四篇下自部云:陂,池也。

赤墀青瑣。(九上)

樹達按:景祐本作連鎖,塗下無之字,而下無以字。

師古曰:青瑣者,刻爲連環文而青途之也。

先謙曰:官本連環作連瑣,而下有以字。

一人頓首省戶下。(九上)

先謙曰:上責問者商、立、根三人,下又云商、立、根皆負斧質謝, 此不當止有二人,明二當爲三

樹達按"王說非也。尚書所責問者爲司隸校尉京兆尹,則二人自指司隸校尉京兆尹而言,下文始 別言商、立、根謝事耳。景祐本亦作二人,二字不誤。省戶下省謂尚書省。

又賜車騎將軍音策書曰:外家何甘樂禍敗?(九上) 師古曰:言此罪過並身自爲之。

樹達按"李慈銘云"此謂何自甘禍敗,文義甚明,顏語殊不可解。

王氏爵位日盛,唯音爲修整,數諫正,有忠節。(九下)

樹 達按一音數切諫成帝微行,見五行志中之上。 鴻嘉二年飛雉之異,晉上言,又對成帝 問 語 頗

切

直 ,見五行志中之下。

特進成都侯商代音爲大司馬、衞將軍。(十上)

樹達按:商憎陳湯,白其罪過,見湯及翟方進傳。

辟鮑宣,薦爲議郎,見宣傳。

候樓護,見游俠傳。

紅陽侯立次當輔政,有罪過,語在孫寶傳,上迺廢立。(十上)

樹達按:時立疑淳于長毀譖己,怨長,見長傳。

而用光祿勳曲陽侯根爲大司馬、票騎將軍。(十上)

樹達按:時根薦何武及谷永,見谷永傳。

虚己問李尋,又薦尋,見尋傳。

補房鳳爲長史,見儒林傳。

初害張禹龍、後又親就馬、見馬傳。 令夏侯藩從匈奴求地,見匈奴傳。

太皇太后詔休就第。(+下)

宋祁曰:越本無太皇字。

樹達按:景祐本無太皇二字,按有者是也。

大治第宅。(十下) 先謙曰:官本南監本第宅作室第。

樹達按一景祐本作室第

傅太后、帝母丁姬皆稱 尊號。

元后傳第六十八(漢書九十八)

虧損孝道,

有司奏:新都侯莽前爲大司馬,貶抑尊號之議,

八〇二

及平阿侯仁臧匿趙昭儀親屬,皆就國。 天下多冤王氏。(十一下)

樹達按:有司奏謂丞相朱博,見莽傳。

時登高遠望,獨不慙於延陵乎?(+|下) 樹達按 延陵,成帝陵。

曲陽侯根薨,國除。(十一下)

樹達按:李慈銘云:根諡曰煬侯。

仁諡日刺侯。(十二上) 樹達按:景祐本作刺侯,是也,刺字誤。

太后旁弄兒病,在外舍。(十二下)

服虔曰「官婢侍史生兒,取以作弄兒也。

樹達按:武帝以金日磾子爲弄兒,是大臣子亦作弄兒,不必官婢侍史子也。

服說非是。

莽徵宣帝玄孫,選最少者廣戚侯子劉嬰,年二歲。(十二下)

天下豈有而兄弟邪?(十三下) 樹達按:莽傳 舜為莽之從弟。 樹達按:廣戚侯劉顯為楚孝王之孫,見王子侯表。

**舜亦悲不能自止,良久,迺仰謂太后:臣等已無可言者。(+三下)** 

師古曰:言不可諫止。

樹達按:舜意似謂事已至此,無可言說,合觀下二語,意甚明顯。 顏說似非其義。

我老已死,知而兄弟,今族滅也。(十三下)

宋祁曰:知而越本知作如,考異更作如。先謙曰:官本族滅作滅族。

樹達按:景祐本作如,是也。 如而兄弟爲一讀。族滅景砧本同,清官本作滅族,誤。

予伏念皇天命予爲子,更命太皇太后爲新室文母太皇太后,協于新室故交代之際,信于

漢氏。(十四上)

宋祁曰:熙寧監本作協于新,淳化本作新室。 何焯日:室字疑行。

樹達按:李慈銘云:室字行。 協于新故交代之際,謂合于漢新交代之際,故謂漢,新謂漭也。 新室

文母四字合於新,太皇太后四字合于漢也。

樹達按:事見哀紀建平四年及五行志。 哀帝之代,世傳行詔籌,爲西王母共具之祥。(十四上)

當爲歷代爲母。(十四上)

樹達按:此句文義不可通,爲母爲字疑因上文爲字而衍。 當爲歷代母,謂太后旣爲漢室母,又當爲

新室母也。景祐本同行。

及莽改太后爲新室文母,絕之於漢,不令得體元帝。(十四下)

元后傳第六十八(漢書九十八)

八〇四

漢 書 窺 管 卷 +

|莽詔大夫||楊雄作誄,曰:太陰之精, 樹 達按 莽傳云:元帝與皇太后爲體。 沙麓之靈,作合於漢,配元生成。(十五上) 顏注云:夫婦一體也。 即此傳體字之義

樹達按:精、靈、成,古韻同在青部。

## 王莽傳第六十九上(漢書九十九)

家凡 九侯五大司 馬, 語 在元后傳。二上 齊召 "案外戚及元后傳言十侯,

師古 親屬計之,並數定陵侯淳于長也。 日 外戚傳 言十侯,此云九侯,以鳳本嗣禁爲侯。 此專言王氏,故云

九侯。

周壽昌曰:外戚傳云家凡十侯,此云九

南日

自元后

侯,益知淳于長之不能與也

樹達按 是也。 一外戚傳十侯,顏注有二說。 此文顏注與彼注後說同,齊氏申明其說,是矣。 前說以王禁王鳳父子爲二侯,後說不數王鳳 數淳于長爲十侯, 不數為九侯, 而數淳于長, 合觀三傳, 後說

其 證 文義顯白無疑。 然乎! 彼 一十侯不數淳于長之說,然則周意九侯十侯皆不數淳于長,而班云九侯十侯乃全無理致矣。 此既違班書之意,且蹈思理霧亂之病矣。 周氏於外戚傳之十侯主顔前說,不數淳于長,今則欲以此文九侯之不數淳于長申 豊

受禮經,師事沛郡陳參,勤身博學。(一上)

樹達按:游從陳欽受左氏,見儒林傳及後書陳元傳。 從徐宣受易,見後書徐防傳。

#### 及長樂少府戴崇。(1下)

樹達按:崇爲張禹弟子,見禹傳。

侍中金涉。(二下)

樹達按:涉爲金安上之孫。

中郎陳湯,皆當世名士,咸爲莽言。(一下)

樹達按:中郎者,從事中郎,王鳳所奏補也,見湯傳。

薦莽事亦詳湯傳。

收瞻名士,交結將相卿大夫甚衆。(一下)

樹達按: 养兄事班斿, 斿卒, 修總麻, 賻贈甚厚, 見敍傳上。

光年小於葬子字,葬使同日內婦,賓客滿堂。 比客罷者數起焉。(一下) 須臾, 一人言:太夫人苦某痛, 當飲某藥。

爲者,謂至客罷時漭屢起往候太夫人之疾也。 樹達按 比客罷者數起焉,景祐本同,然文不可通。 翟方進傳云三天子親臨弔者數。」 疑起字誤倒,當在者數二字上。 汲黯傳云三上常 比客罷起者數

莽陰求其罪過。(二上) 賜告者數。」外戚傳云 聞衛子夫得幸,幾死者數焉。 。」句例並與此同,可證。

先謙曰:官本陰作因。

樹達按一景祐本作陰,清官本作因,誤。按此或因陰因二字音近致誤,然清官本頗喜妄改史文,殊爲 王莽傳第六十九上(漢書九十九

是。

淺 陋。 漢 王 先 書 謙 窺 於其 等 是者稱之,其誤者, 卷 + 以 其爲官書,皆避而不說。 今頗爲揭發 八〇六 用 歸 眞

春秋之義,母以子貴。(三下)

樹達按:見隱公元年公羊傳。

上於是徵莽。(三下

樹達按 莽徵還後,王邑嘗矯元后指為莽求特進給事中,又莽從何武求舉太常,並見武傳。

歲餘、 樹達按 哀帝崩、無子,而傳太后、丁太后皆先薨、太皇太后即日駕之未央宮收取璽綬。(四上) 哀帝 臨崩, 以壓綬付董賢, 由王閎白太后奪之於賢,事具後書張步傳。

劉歆典文章。(五 樹達按 舜爲車騎將軍,高云敞之節,奏以爲椽, F 又薦之,並見敞傳。 莽白以舜爲車騎將軍。

(四上)

樹達按 李慈銘云 歌自哀帝建平元年已改名秀,此傳皆作歌,班 避 光 武 龍也 。

聖王之法; 樹達按一託號於周,謂周公以周 臣有大功, 則生有 為號也。 美號,故周公及身 在而託號 於周。 (五下)

師古 樹 選,善也。 國 家欲褒其 善, 加 號疇邑,乃以 疾辭

君以

選故而辭以疾。(六上

達按 李慈銘云 選當讀爲巽,異即遜也。 古選巽遜三字通用。 樹達按: 李說是也,遜謂遜

大司馬新都侯莽三世爲三公,典周公之職,建萬世策,功能爲忠臣宗。(六下)

先謙曰:官本南監本能作德。

樹達按:景祐本作德,是也。下文張竦為陳崇草奏云:「陛下旣知公有周公功德,不行成王之裹 賞。」正據此詔爲言,其明證也。 李慈銘云:忠臣當作中臣,謂中朝臣也。 樹達按:中忠,通用字。

聞中國譏二名,故名囊知牙斯,今更名知,慕從聖制。(八下)

樹達按:故,舊也。

博采二王後及周公、孔子世列侯在長安者適子女。(八下)

樹達按:國語晉語云:非德不及世。 韋注云:世,嗣也。 周公、孔子世謂周公、孔子之繼嗣,

|莽遣長史以下分部曉止公卿及諸生。(九上)

王後也。

師古曰:分音扶問反。

宜承大序,奉祭祀。(九上) 樹達按:分部之分,自是分別之義,顏音非。

先謙曰:官本大作天,是。

樹達按:景祐本作天。

信鄉侯佟上言。(九上)

王莽傳第六十九上(漢書九十九)

漢

八〇八

師古曰: 佟音從冬反。先謙曰: 官本南監本從作徒。

樹達按:景祐本作徒,是。

下有司,皆白。(九下)

樹達按"皆白景祐本作皆曰,是也。

古者天子封后父百里,尊而不臣,以重宗廟,孝之至也。(九下)

樹達按:白虎通汪者不臣篇云:王者不臣妻父母,何?妻者,與己一體,恭承宗廟,

欲得其歡心, 上

承先祖,下繼萬世,傳于無窮,故不臣也。

雖有實育,不及持刺。(十一上)

師古曰:持刺,謂持兵力以刺。

樹達按:力乃刃字之誤。 景祐本及清官本皆作刃。

與大司徒光。(十一下)

宋祁曰:徒當作馬。

樹達按"上文云大司徒孔光,宋說誤。

朝之執事,亡非同類,割斷

歷久,統政

曠世。(十四下)

當國統三絕,所遭倍戴。 先謙曰"天子崩逝,更繼新君,是謂割斷也。 此言景帝崩已歷久,武帝自統大政又數十年,

以喻莽

樹達按:朝之執事以下四句皆承上未嘗離朝而言。 意謂 霍光輔相昭帝, 始終居朝, 持政又久也。

割斷者,韓非子說林下篇云:「宋太宰貴而主斷。」斷字與此義同,猶言宰 斷,殊爲無據。 據王說割斷二句事屬景武二帝,與霍光何相干涉乎? ·制也。 王以新君繼位爲割

師古曰:既有備物而加之策書也。

備物典策。(十五上)

樹達按:備乃服之假字。 顏如字讀之,非是。 二字古通,說詳下文盡備厥辜補注。

儀形處周之盛。(十六上)

師古曰:儀形謂則而象之。

**樹達按::詩大雅文王云:「儀刑文王。」形與刑古字通。** 

字與師吳章及婦兄呂寬議其故。(十六上) 樹達按:吳章見儒林傳。

字妻馬懷子,繫獄,須產子已殺之。(十六下)

須百日後行刑。」皆古制也。 樹達按:春秋繁露三代改制質文篇記古制不刑有身懷任新產, 此莽擬古爲之。 清律、「產婦有罪,

臣不敢隱其誅。(+六下)

樹達按:時逢萌見捧殺字,謂友人曰:不去,禍將及人。 王莽傳第六十九上(漢書九十九) 因將家屬浮海去。 見後書逸民傳

漢

**春秋列功德之義,太上有立德,其次有立功,其次有立言。(+七上)** 

樹達按:見襄公二十四年左傳。

三公言事,稱敢言之。(十七下)

樹達按:論衡謝短篇云:郡言事二府,曰:敢言之。

太后臨前殿,親封拜,安漢公拜前,二子拜後,如周公故事。(十七下) 樹達按:文公十三年公羊傳云:周公拜乎前,魯公拜乎後。

固當聽其讓令紙事邪?(十七下)

別一字。書傳二字多相亂,景就本漢書獨不誤。 樹達按一眠景祐本作眠,从氐,是也。說文八篇下見部視或作眠,从目,氐聲。 師古曰:眠、古視字。

別有既字,从氏聲,

上書言。臣以元壽二年六月戊午倉卒之夜,以新都侯引入未央宮。(十八上) 樹達按:倉卒之夜謂哀帝崩時也。 漢大喪恆云倉卒,下文亦云:是夜倉卒。

穀梁傳曰:天子之宰通于四海。(十八上) 樹達按"見僖公九年及三十年。

爲學者築舍萬區,作市、常滿倉。(十八下) 樹達按:李慈銘云:市上當有會字。

五年正月,祫祭明堂,諸侯王二十八人、列侯百二十人、宗室子九百餘人徵助祭。(十九十)

宋祁曰: 瀉化本祭字下有祀字。

即有所間非,則臣漭當被詿上誤朝之罪。(二十下) 樹達按:景祐本無配字,後書城陽王祉傳注引此亦無配字。

師古曰:間音居莧反。

有非間之言也。」孟子雕裝篇云:「政不足間也。」趙岐注云:「間,非也。」間與非同義,故漢書及陳摹 樹達按"方言卷三云"「間,非也。」論語先進篇云"人不間於其父母昆弟之言。」陳羣注云"「人不得 皆以爲連文。

諸侯宗室辭去之日,復見前重陳。(二十下)

宋祁曰:復見前重陳,當依越本作復重見前陳。 樹達按:文不誤,景祐本亦作復見前重陳。 宋說謬。

於是公卿大夫、博士、議郎、列侯富平侯張純等。(二十一上)

惟元始五年五月庚寅,太皇太后臨于前殿,延登,請韶之。(二十一上) 樹達按一景祐本無富平侯三字。 純後書有傳。

沈欽韓曰:請當爲親。 漢舊儀 :拜丞相,皇帝延登,親詔之。 先謙曰:官本作親,南監本與此同。

樹達按:景祐本作親,不誤。

王莽傳第六十九上(漢書九十九)

漢

位在上公。(二十二上)

先謙曰:官本位在作位爲。

樹達按:景祐本作位為。

**瑒琫瑒珌。**(二十二下) 孟康曰"瑒,玉名也。佩刀之飾,上曰琫,下曰珌。先謙曰"蘇興云"說文"瑒,圭尺二寸,有瓚,以祠

侯盪琫而璆珌。

宗廟者也。從玉,易聲。

非刀飾。

此瑒蓋盪之借字。

說文: 璗,金之美者,與玉同色。

禮

"佩刀,諸

樹達按: 孟康注佩刀之飾四字屬下讀, 非訓瑒字。 蘇說瑒非刀飾,殊爲誤會。

蘇說盪字屢見,皆邊

字之誤。又此注蘇說與沈欽韓漢書疏證同。 蘇先生性嚴謹,非襲人者,不知緣何致誤。

孟康曰:一今齊祀履鳥頭飾也,出履一二寸。 先謙曰:官本南監本注無

字。

樹達按:景祐本作出履三寸。

句履。(二十二下)

十二月,平帝崩。(二十四下)

說日。(二十六上) 樹達按:此莽鴆私,故翟義、隗囂皆云莽鴆殺孝平皇帝,詳平紀顏注。

師古曰:謂說經義也。

樹達按:藝文志尚書家有歐陽說義二篇。

臣聞:古者畔逆之國,旣已誅討,而豬其宮室,以爲汙池,納垢濁焉,名曰凶虚,

雖生菜茹

而人不食。(二十八下) 樹達按一藝文類聚八十二草部下引尚書大傳云一大夫有汙豬之宮,殺君之地,雖有美菜, 有義之士

衝其匈,刃其軀,切其肌,後至者欲撥其門,仆其牆。(ニ+ハ下)

宋祁曰: 刃其軀,舊作判其體,鄧展利音近跣,晉灼音判。

字林日"判"切也。

樹達按 說文四篇下刀部云一刊,切也。

長安謂之語曰。(二十九下)

先謙曰:官本謂作爲,古字通。

樹達按一景站本作爲,是也

欲求封,過張伯松。 力戰鬭,不如巧爲奏。(二十九下)

樹達按一封、松,古鍾部韻;鬭、奏,古侯部韻。

遣護羌校尉竇況擊之。二年春,竇況等擊破西羌。(三十上)

樹達按"後書寶融傳云"從祖父爲護羌校尉, 了兄卽況也。 蓋即況也。

王莽傳第六十九上(漢書九十九)

八一三

翟義傳云一中郎將震羌侯寶兄爲奮威將

漢

八一 20

放

大誥作策。(三十上)

遣王邑孫建等八將軍擊義, 樹達按一策文見翟方進 傳。

樹 達按"翟義傳云三擊義將軍七人,屯關者又七人。」與此互異。 分屯諸關守阨塞。(三十下)

漭恐, 遣將軍王奇、王級將兵拒之。<三+下> 樹達按: 奇爲王邑之弟, 見下卷。

口 師古曰 威 陳崇使監 "為使而監軍於外。 軍。(三十下)

樹達按:使謂見使,顏說非。

**簢三等,有其說,無其文。**(三十一下)

殷

師古 曰:公一等,侯二等,伯子男三等。

事稱 惟亞 與酒語文略同, 「庶邦侯甸男衞 樹達按一書酒語說殷初內外臣工不嗜酒之事云;一越在外服,侯甸男衞邦伯;越在內服,百僚庶 惟服宗工越百姓里居,居當作君罔敢 小 臣屏侯甸,」召誥稱 侯田男卽書文之侯甸男也。 庶殷侯甸男邦伯 湎于酒。」下文又云:"汝劼毖殷獻臣侯甸男衞。」 全盂鼎稱一般邊侯甸, 周 初沿襲殷制, 男, 與 卿 旋與事同寮諸 康誥 與君爽稱侯甸者同。 言侯 尹 旬 男邦采 1 君 百 衞 工」爲對文, 君奭 層 甲文有 命言 說 殷 尹

多田。 查侯、丁侯、禾侯、伊侯、先侯、靳侯、侯光、侯唐、侯專、侯县、侯告、侯知等。 稱男者有男芒。 綜合觀之,殷蓋以侯田男爲三等,顏說非也。 稱田者有 田耳。 然其傳 叉稱

於是封者高爲侯伯,次爲子男,當賜爵關內侯者更名曰附城, 說猶近眞,有如此矣。 凡數百人。 西漢末年去般已遠, 擊西海者以羌

以功封建武男,是以武為號之例也。 樹達按一中卷有懷羌子王福,翟義傅有震羌侯寶兄,是以羌爲號之例。 後書資融傳記, 融攻槐里,

爲號,槐里以武爲號。(三十二上)

春秋善善及子孫,賢者之後宜有上地。(三十二上) 樹達按:善善及子孫、見公羊傳昭公二十年。賢者子孫宜有地,見傳昭公二十一年。

明攝皇帝與尊者爲體,承宗廟之祭,奉共養太皇太后,不得服其私親也。(三十三上) 樹達按:奉共養不辭,奉字疑當在承字上。景祐本與此本同。

車騎將軍千人扈雲。(三十四上) 樹達按 元和姓纂卷六云 愿,夏時姒姓國也。 漢有扈輒,又上郡太守扈育、廣陵太守扈商。

,視其文而說其意也。

騎都尉崔發等眂說。(三十四下)

師古曰: 眠古視字也

王莽傳第六十九上(漢書九十九)

樹達按:後書儒 林傳 云:「光武以尹敏博通經記,令校圖讖,使蠲去崔發所爲王莽著錄比次。」

據此

漢 書 窥 管 卷 +

以戊辰直定御王冠,卽眞天子位。(三十六上) 發嘗以莽圖讖附著舊讖,不僅眠說已也。正文及注眠字景祐本皆作眠,是也,此誤

支,△。」云云。每日干支下記其建除之次及神殺,見羅振玉流沙墜簡。 除,八魁。十六日戊辰,平、(平字誤,當作滿)△。十七日已巳,平、△八魁。 樹達按:敦煌出土漢木簡有東漢和帝永元六年曆譜云:十二月大,一日癸丑, 建,大△。 十八日庚午, 二日 定,反 印

# 王莽傳第六十九中(漢書九十九)

始建國元年正月朔。(一上)

上月似 即养 所 改

以太傅左輔驃騎將軍安陽侯王舜爲太師,封安新公。(三上) 樹達按"時舜薦云敞可輔職,見敞傳。

與三公司卿凡九卿,分屬三公。(三下) 樹達按三古為葬九卿,見儒林傳。

更名大司農日義和。(三下) 魯匡為莽義和,見後書魯恭傳。

## 少府日共工。(三下)

樹達按"宋弘爲莽共工,見後書弘傳。

## 大夫置元士三人。(三下)

樹達按:彭龍為大司空士,見後書龍傳。

莽以富人張長叔薛子仲為納言士,見貨殖傳。

**衞尉日太衞。**(三下) 樹達按:太衞景祐本作大衞,是也,下文有大衞脩寧男,可證。

又置大贅官,主乘興服御物。(四上)

「綴衣。」傳云:「掌衣服。」古文苑楊雄雍州牧箴:「牧臣 師古曰:贅,聚也,言財物所聚也。 音之銳反。 劉奉世 司 日一贅讀如虎賁綴衣之綴。 雍, 敢告贅衣。」 崔瑗北 軍 沈欽韓日 中候 箴 「贅衣 立政

近侍常伯之人。」公羊襄十六年傳:「君若贅旒然。」 鄭取以解商頌綴旒, 則綴贅通用。 顏解爲贅

樹達按 班固 西 都賦云一虎賁綴衣, 閹尹闘寺。 劉沈說是, 顏說非 也。

樹達按一代混爲莽繡衣執法,見後書湛傳。

御史曰執法。(四上)

聚,謬。

又置司恭、司徒、司明、司聰、司中大夫,及誦詩工,徹膳宰以司 過。(四上)

樹達按:李慈銘 云一司中當作 司 容, 容亦作蓉,皆據洪範五事之文。 上文已言改光祿勳爲司中,此

王莽傳第六十九中(漢書九十九)

不應同名。

營求其後。(五上) 樹達按:書序云:高宗夢得說,使百工營求諸野,得諸傅嚴,作說命三篇。

梁護爲脩遠伯,奉少昊後。(五上)

樹達按:護,梁鴻之父也。後書鴻傳作讓,蓋字誤。趙咨傳注作護,與此傳同。

四代古宗宗祀于明堂,以配皇始祖考虞帝。(五下)

劉奉世曰:四代以下十七字其義不倫, 漭方封先聖後, 未當及此。 樹達按:四代正謂夏殷周漢,此因封後而連言及之,劉說非。 古宗蓋擬瞽宗。 且已有後文, 此字當行。

神祇報況,或光自上復于下爲烏。(五下)

春秋貴公篇注云:或,有也。鄭玄注論語爲政篇 樹達按:史記周本紀云:「旣渡,有火自上復于下,至於王屋,流爲鳥。 云:或之言有也。下文「或黃氣, 按史公本書太誓之文。 一義同

自黃帝至于濟南伯王而祖世,氏姓有五矣。(五下)

師古曰:濟南伯王,莽之高祖

所以輔劉延期之述,靡所不用。(七上) 樹達按…李慈銘云…而乃高字之誤,注文自明。

樹達按:述字景祐本作術,是也。

正月剛卯金刀之利,皆不得行。(七上)

服虔曰 剛卵以正月卯日作,佩之,長三尺,廣一寸,四方。

樹達按:長三尺,景祐本作三寸,是也,此誤。

厥名三十稅一,實什稅五也。(八下)

然非皇天所以鄭重降符命之意。(十上)

樹達按…鹽鐵論未通篇云:「一人之作,中分其功,」與此說相合。

師古曰"鄭重猶言頻煩也。重音直用反。

樹達按:黃生云:顏訓是也。 蓋鄭重即申重之轉去音者。三國志云三國家哀汝、故鄭重賜汝好物。

顏氏家訓『吾亦不能鄭重,聊舉近世切要以啓寤汝耳。」義皆與顏合。

後世用爲珍重之意,

非本

故是日天復決其以勉書。(十上)

指也。

晉灼曰:勉字當爲龜,是日自復有龜書及天下金匱圖策事也。 宋祁曰:邵本無其字。

樹達按:李慈銘云:其字疑衍。 勉字當爲龜,晉說是也。 龜與黽形相近,黽勉古通用,故由龜誤黽,

**叠叠在左右之不得從意。(+下)** 

由黽誤勉耳。

師古曰:亹亹,自勉之意。左右,助也。 言欲助漢室,而迫天命,不得從其本意也。 左右音曰佐佑

王莽傳第六十九中(漢書九十九)

也。 先謙 左 右 音佐 佑,則不當云在 左右。 在字疑傳寫加之也。 顏音佐佑,所見本亦 必 無在字。

樹達按:在字疑即左字之形近誤衍

樹達按:祗景滿本作祇,字从氏,是也。此誤。新室既定,神祗懽喜。(十一上)

治者掌寇大夫陳成自免去官。(十二下)

樹達按 龍傳,龍正是沛郡人。 據此文云掌寇大夫陳成,寵傳謝不應之說,恐非其實。 後書陳寵傳云『寵曾祖父咸,莽篡位 成爲咸字之誤 無疑 , 召咸爲掌寇大夫, 謝 下文又云「沛郡 病不肯應。 陳成爲講禮祭酒 成咸形近,成字疑

又今月癸酉,不知何一男子遮臣建車前。(十三上) 達按"莽以李業爲酒士,見後書獨行傳。上文云"更名大司農日 義和 犧當作羲。

犧和置酒士,郡一人,乘傳督酒利。(十三上)

先謙曰 "不知何,謂不知何處,言何,省文。漢鏡歌 " 艾而張羅夷於何,」亦謂夷於 樹達按:史記李斯傳云:「不知 何人賊殺人,移上林。 按不 知何是不知爲 誰 何之義, 非 何 所 謂 也。 不

朱雀闕,言天下大亂。」魏志夏侯玄傳云「有何人,天未明,乘馬以詔版付門吏, 文或單言何。 後書來歙傳云。臣夜人定後爲何人所贼殺,中臣 一要害。 宦者曹節傳 曰:有詔 云三有何人曹 知 何 處。

明德侯劉龔。(十四上)

樹達按 "董仲舒傳贊云:「向曾孫襲,篤論君子也。 」後書蘇竟傳云:「襲,字孟公。」不知是否一人。

或貢昌言。(十四上)

師古曰:昌、當也。 先謙曰:官本當作善,是。

言,見孟子注引書。 樹達按:顏訓本爾雅釋話,郭注引書「禹拜昌言」為證。 昌黨讜古音皆相近,昌當乃聲訓也。 昌言或作黨言, **腈官本由淺人妄改,而王氏信之,謬矣。** 見逸周書祭公篇。 又作讜

厭難將軍陳欽、震狄將軍王巡出雲中。(千四下)

樹達按 "儒林傳云"「飲以左氏授王莽,至將軍。」後書陳元傳云"「元父欽,習左氏春秋,王莽從欽受

左 氏學,以欽為厭難將軍

討穢將軍嚴尤出漁陽。(十四下)

樹達按

"後書光武紀注引桓譚新論云"莊尤字伯石,言嚴,避明帝諱也。

初,甄豐、劉歆、王舜爲莽腹心。(十五上)

居攝之萌,出於泉陵侯劉慶、前煇 樹達按 "後書彭龍傳"朱浮云:「王莽爲宰衡時,甄豐旦夕入謀議。 光謝囂、長安令田終術。(十五下) 時人語曰 夜华客,甄長伯。

樹達按:終術師翟方進學星歷,見方進傳。

拜豐爲右伯,當述職 西 出。(千五下)

樹達按 西域傳 云 "當出西域。

|莽傳第六十九中(漢書九十九)

並爲 田禾將軍。(十七上)

樹達按 "後書趙孝傳云"「父普,王莽時爲田禾將軍。」字作普, 不作並。 惠棟謂普从並聲, 字通,

爲太子置師友各四人,秩以大夫。 是也。 以故大司徒馬宮爲師疑, 故少府宗伯鳳爲傅丞, 博士

袁聖爲阿輔,京兆尹王嘉爲保拂:是爲四師。(十七下) 師古日 :拂讀日齊。

樹達按:禮記文王世子云:「記曰:處、夏、商、周,有師保, 有四鄰,前曰疑,後曰丞,左曰輔,右曰酌。 此游制所本。 有疑丞。」 疏引尚書大傳云:「古者天子必

故尚書令唐林爲胥附。(十八上)

周壽昌曰:"胥附即疏附,胥疏一音。

樹達按:林事詳王貢兩襲鮑傳

博士李充爲奔走,諫大夫趙襄爲先後,中郎將康丹爲御侮,是爲四友。(十八上) 樹達按:詩大雅縣云:「予曰有疏附,予曰有先後,予曰有奔奏,予曰有禦侮。」按奏與走音同。

尚書大傳云:周文王胥附奔輳先後禦侮,謂之四鄰,以発于羑里之害。 孔子曰:文王有四臣以免虎口, 丘有四友以禦侮。 玉海官制引尚書大傳云 懿子 日 夫子 文王以閎天、太公望 亦 有 四鄰 乎? 疏引

南宮括、散宜 生爲四友。

琅邪左咸爲講春秋。(十八上)

樹達按一咸受公羊春秋於冷豐,爲顏安樂再 傳 弟 子 見儒林傳

類川滿昌爲講詩。(十八上)

樹達按:滿昌為匡衡弟子,見儒林后蒼傳。

長安國由 爲講易。(十八上)

樹達按一下文又有講易祭酒戴參。

錢大昭! 日 匈奴傳作陳欽。 厭難將軍陳歆。(十八下)

使侍中講禮大夫孔秉等。(十九下) 樹達按一上下交皆作飲,後書陳元傳亦作欽,歌是誤字。

衡咸為莽講學大夫,當為講易大夫。 夫,蓋當爲講春秋大夫。 樹達按一上文沛郡陳咸爲講禮祭酒, 又記治毛詩之陳挾爲莽講學大夫,當爲講 此復有講禮大夫。 宋祁引蕭該音義云:風俗通姓氏篇 據儒林傅記蕭秉治穀梁春 詩大夫。 漢有衡咸, 又記梁 秋, 講學祭酒 Fr. 爲养 賀

傳 满 學大 弟

此

州 郡 歸咎於高 句驪侯騶。(二十上)

應

仲遠誤以大夫爲祭酒也。

叉記歐

陽政為漭講學大夫,政治尚書,當為講書大夫也。

達按: 騶魏志東夷傳作 駒

王莽傳第六十九中(漢書九十九)

漢 書 颖 管 卷 +

五年二月,文母皇太后 崩,葬渭陵,與元帝合而溝絕之。三十一下)

之諫而 樹達按:左傳定公元年記季孫將溝公氏,以惡昭公故, 止。 今莽溝絕元后於元帝,師季孫之意也。 欲溝絕其兆域,不使與先君同也, 以榮駕鴉

大昆爾者,中國外孫也。(二十二上)

樹達按:大昆彌伊秩靡,乃楚主解憂之孫,故云。

明年,改元日天鳳。(二十二上)

莽候騎鉦, I. 樹達按 宋葉夢得避暑錄話云 「韓丞 一遵造。 天鳳上猶冒始建國,蓋通爲一 銘文題新始建國地皇六年, 相玉 稱, 劉體智小校經開金文卷十四 汝家藏莽時 未嘗去舊號。 銅科, 今 銘 按羅 云新始建國 振玉 載养候騎鈕銘文題新始建 真松堂集古遗文卷十五 天鳳上戊六年十二月, 載 國

如湻曰 利苗,邑名。 沈欽韓日 案訴上脫 苗字。

以利苗男訴爲大司馬。二十三上

地皇上戊二年,與韓藏

銅

科文例同

樹達按 李慈銘 云下云大司 馬 苗 訢,此為 苗 訢 無 疑。 莽傳諸 臣 皆 繫姓,其封號皆 取嘉名, 無以 邑

置州牧部監二十五人。(三十四上)

名者。

此處

苗男字誤倒

,利字上下或有脫字,

如注望:

文爲

說

樹達按敦煌 木簡載始建國四年濟詔有收監之部, 其勉於考績語, 王國 維謂建國 時已有收 點

此 云

天鳳始置者,誤也

百姓犇走往觀者有萬數。(二十六下)

樹達按"漢書以字皆作目,此有字乃目字形近之誤。 景祐本亦誤。

西收前言當誅侍子者故將軍陳欽。(二十六下)

樹達按:飲為厭難將軍。

寧始將軍|戴參歸故官。(三十八上)

樹達按:參故官講易祭酒。

月之祿十纓布二匹。(二十八上)

樹達按一景祐本作八十縷。

孟康曰:緵,八十緵也。

先謙曰:八十變南監本同,官本作八十樓,是也。

雖未能充裕,略頗稍給。(二十八下)

周壽昌曰:略頗稍三字連文。魏其田韓傳贊有云:「尚頗有存者,」句法相似。

西嶽國師寧始將軍保西方一州二部二十五郡。(二十九上) 樹達按:魏其田韓傳贊無此語,此乃魏豹田儋韓王信傳贊語,交衍其字,周氏原書不誤。

樹達按:一州二部,景祐本同,疑當作二州一部。

王莽傳第六十九中(漢書九十九)

大司徒保樂卿、典卿、宗卿、秩卿。(二十九上)

八二六

樹達按一劉攽謂典樂秩宗不合分爲兩,下文有秩宗將軍嚴茂,似劉說得之。 然後書李通傳記通父

守爲王莽宗卿師,則又是兩分之證。疑漭改置紛紜,前後不一,故岐出如此也。

翟義黨王孫慶捕得,莽使太醫、尙方與巧屠共刳剝之,量度五藏,以竹筵導其脈,

知所終

樹蓬按一此事甚有理,不當以事出自莽非之。

始,云可以治病。(三十下)

王莽傳第六十九下(漢書九十九)

故諫議祭酒琅邪紀逡。(二上) 「注言フーラー

樹達按: 逡事見王貢兩襲鮑傳。

置執法左右刺姦,選用能吏侯霸等分督六尉六隊。(三上)

| 吏告其將,奴婢告其主。(三上) |樹達按:後書霸傳云:再選爲執法刺姦,糾案勢位者,無所疑憚。

先謙曰:開導使言。

開

樹達按 開蓋本作啓,班避文帝諱改開。

療秋之義,君親毋將,將而誅焉。<<br/>(三下)

師古曰:春秋公羊傳之辭也。 以公子牙將爲弑逆而誅之,故云然也。

樹 達按:文見莊公三十二年傳,昭公元年傳亦有二語。

下書日:紫閣圖 王念孫曰:此本皆作僊而上天,今本脫而字,則句法局促不伸。 日:太一、黃帝皆僊上天。(四上) 初學記地部上、御覽時序部一引此

並作僊而上天。

樹達按:王校非也。 史記封禪書云:「黃帝僊登於天。」又云:「上封則能僊登天矣。」 **僊上天與僊登** 

史記 愿下 並無而字,何局促不伸之有?類書喜用後來文法加字,未可從也。

及吏民以義入錢穀助作者駱驛道路。(九上)

天僊登於天義同。

師古曰:絡釋言不絕

樹達按:注絡釋景祐本作駱驛,與正文合。

壞徹城西苑中建章、承光、包陽、大臺、儲元宮及平樂、當路、陽祿館,凡十餘所。(九上)

江充傳云 充召見大臺宮。

樹達按:如上文云:春夏斬人,是也。

自莽爲不順時令。(十上)

樹達按:沈欽韓云:犬訛爲大。按沈說是也。

又以歷遺公卿。(十下) 師古曰:以瓦器盛食遺公卿

樹達按:李慈銘 云歷 同歷,即 扇字。 史記銅歷爲棺,亦作歷。

也

王莽傳第六十九下(漢書九十九)

入二八

封尊爲平化侯。(+下)

樹達按:尊事又見王貢兩襲鮑傳。

臨妻愔,國師公女,能爲星。(十一上)

出迺可。」是歐本通星歷,暗受其父學也。

樹達按

一款傳言數術方技無所不究。下文歌荅王涉言:「天文人事,東方必成。」又言:「當待太白星

傳相監趣。(十五下)

樹達按"傳與轉同。下文云"「轉相告語」即用轉字。

四月,遣太師王匡、更始將軍廉丹東。(十七上)

樹達按一丹之東,馮衍嘗勸丹背漭據郡自立,丹不從,見後書衍傳。

東方爲之語曰:寧逢赤眉,不逢太師。太師尙可,夏始殺我。(十七下) 樹達按:眉、師,古韻屬微部。 可、我,屬歌部。

沈欽韓曰"王光不可通,當爲天元之訛。是王光上戊之六年也。(十七下)

達按…王國維云…莽作新歷,六歲一改元,王光其所豫定之年號也。

先是莽使中黃門王業領長安市買。(十八上)

樹達按"貨殖傳記漭以王孫卿爲京司市師,即漢司東市令也。 王業所領,蓋亦其類。

|丹使吏持其印载符節付匡,曰:「小兒可走,吾不可。」遂止戰死。(十八下) 樹達按:後書馮衍傳云:「丹至定陶,莽追詔丹曰:倉廩盡矣,府庫空矣,可以怒矣,可以戰矣。

將軍

受國重任,不捐身於中野,無以報恩塞責。」然則莽固迫丹以必死矣。

莽數召問太史令宗宣諸術數家,皆繆對言:天文安善,羣賊且滅。(十九下)

莽日與方士涿郡昭君等於後宮考驗方術,縱淫樂焉。<二十下) 樹達按"方術謂藝文志方技略中房中也。 樹達按:此公孫祿所稱宗宣以凶爲吉,亂天文,誤朝廷者也。

樹達按: 閎事詳董賢傳。

卒正王閎。(二十一上)

樹達按"說文十一篇下魚部云"「鰒,海魚也。」今俗稱鮑魚。 師古曰:鰒,海魚也,音雹。

滅發火。(二十四下)

樹達按:沈欽韓云:發當爲廢。

移書郡縣,數莽罪惡萬於桀紂。(二十四下) 樹達按一此書具見後書囂傳

王莽傳第六十九下(漢書九十九)

八二九

天文郎按拭於前。(二十七上)

沈欽韓曰:拭當爲式。

樹達按:史記龜策傳云:衛平乃援式而起,字作式。

傳捧首詣更始,縣宛市,百姓共提擊之。(二十八上) 樹達按一莽首後藏晉武庫,與孔子屐、高祖斬蛇劍同焚毀,見晉書張華傳。

又揚言三輔點共殺其主。二十八下)

紫色蠅聲,餘分閏位。(二十九下) 樹達按:張增云:通鑑引此三輔下有兒大二字,文意乃足。

此費爲蠅聲,因詩匪鷄則鳴,蒼蠅之聲,尤穿鑿矣。

師古曰:雖者樂之淫聲,非正

曲也。

近之學者便謂蠅之鳴,已失其義,又欲改

應劭曰:蠅,邪音也。

樹達按"說文二篇上口部云"哇, 諂聲也。從口, 圭聲。

蠅乃同音假字。

敍傳第七十上(漢書一百)

鄭寬中、張禹朝夕入說尚書、論語於金華殿中。(三下) 樹達按 寛中講尚書,禹講論語。

既通大義,又講異同於許商。(三下)

樹達按一此講尚書異同也。商爲夏侯勝再傳弟子,見儒林傳。

宜頗攝錄盜賊。(三上)

錄。」小爾雅廣詁三禁, 樹達按 章太炎先生文始云 录有約束義,舊皆以錄爲之。 錄也。」列子楊朱篇三拘此廢虐之主, 詩傳云三、癸、歷錄也,一轉五束,東有歷 錄而不舍。」與發傳此攝錄並 東縛

所謂衆惡歸之,不如是之甚者也。(三下)

之義。

師古曰:論語稱孔子曰:「紂之不善,不如是之甚也。 是以君子惡居下流,天下之惡皆歸焉。」 故伯

|洒出放爲邊都尉。(四下)||樹達按:王峻云:此論語記子貢語,非孔子語也。

引此爲言。

樹達按:北地都尉也。

是時許商爲 少府,師丹爲光祿勳, 上於是引商、丹入爲光祿大夫。(四下)

勳,則此文兩官爲互誤也。 樹達按:光祿大夫爲光祿勳屬官,丹爲光祿勳,不當以爲大夫。 丹本傳先敍光祿大夫,

後敍光祿

與兩師並侍中。(四下)

如湻曰一兩師,許商、師丹。

八三

害 窥

管 卷

+

達按 師丹傳 丹於成帝末年任太子太傅,是哀帝師,非成帝師也。 此文疑 有

左將

軍師丹舉賢良方正。(五上)

先謙曰 ilij 左將軍,踰年而哀帝卽位,則舉斿者蓋史丹, 四年,而云左將軍史丹舉者,從其後官書之。 官本作史丹。據公卿表,成帝河平三年, 非 師丹也。 史丹爲左將軍,永始三年薨。 建始三年詔舉賢良方正在史丹為 綏和二年,

左將 師丹爲 軍

王莽少與稱兄弟同列,友善。(五下) 樹達按一莽成帝時為黃門郎,與稱為同列也。

樹達按

師丹景站本作史丹,不誤。

且後宮賢家,我所哀也。(五下)

師古曰:班倢仔有賢德,故哀閔其家。

**輝生彪。(六上)** 樹達按 元帝紀應劭注 閔,非是。 樹達按"呂氏春秋報更篇云"人主胡可以不務哀士? 謂彪外祖爲金敞,則穉妻爲敞之女也。 高注 云『哀,愛也。」此文哀當訓愛,顏訓哀

繫名聲之顯鎖。(六下) 師古曰疆,如馬韁也。 音蓝。

樹達按:說文十三篇上糸部云 溫,馬紲也。 韉蓋 疆之或作。

伏周孔之軌躅。(六下)

師古曰:躅音文欲反。

樹達按一景祐本作文欲反,是也。 文字誤。

良、严短祚,國嗣三絕。(七上)

危自上起,傷不及下。(七上)

樹達按"李賢云"哀帝在位六年,平帝在位五年,故曰短祚。

成、哀、平俱無子,是三絕也。

樹達按一李賢云:漢德無害於百姓,是傷不及下也。

假號雲合, 咸稱劉氏。(七下)

樹達按:李賢云:謂王郎、盧芳等並詐稱劉氏也。

昔秦失其鹿,劉季逐而掎之。(七下)

時民復知漢乎?(七下) 樹達按 王補云 左傳 晉人角之,諸戎掎之。 又按:鹿字說詳本書卷五蒯通傳。

沈欽韓曰:漢當作秦。先謙曰:沈獻疑亦有因,然後書亦作漢,則時民當謂今時之人。

樹達按 囂亦可以得天下也。 時民謂秦漢當時之民。 沈王說並非。 當意謂:當時之民不知漢,而漢竟有天下。 今民雖知漢而不知囂

敍傳第七十上(漢書一百)

至於湯武而有天下。(八上)

漢

窺 晉

卷 +

樹達按:湯爲契後,武王爲后稷之後也。

游說之士,至比天下於逐鹿,幸捷而得之。(八下)

嬰母止之,曰:自吾爲子家婦,而世貧賤。(十上) 樹達按游說之士謂蒯通也。

樹達按 師古曰"而,汝也。 訓汝未安,而當讀爲仍。

作幽通之賦以致命遂志。(十一下)

乃二雅之所祇。(十三上) 樹達按:易困卦象傳云:澤无水,困,君子以致命遂志。

晋衞叔之御昆兮,昆爲寇而喪予。(十三下)

樹達按:祇景祐本作祗,字从氐,是也。祇字誤。

說文一篇上示部云"祗,敬也。

从示、氐聲。

解在五行志。 孟康曰"御,迎也。 昆,兄也。 衛叔武迎兄成公, 成公令前驅射殺之。 師古曰:御音王駕 反。 衞叔

樹達按:御迎之義、說文字作訝。三篇上言部云:訝、相迎也。 重文迓字。 叔武事見僖公二十八年左傳 引周禮曰:諸侯有卿訝也。 大徐本增

東以虐而殲仁兮,王合位序三五。(十五下)

應劭曰:東丛、紂也。 師古日、山、古鄰字也

樹達按:易既濟九五云:「東鄰殺牛,不如西鄰之論祭,實受其福。」易家說東鄰爲粉,西鄰爲文王,

此用其義也。

潛神默記,恆以年歲。(二十下)

樹達按"說文六篇上木部云"柜,竟也。從木,恒聲。或作瓦。按瓦字本從二从舟,注文恒當作恆, 如瀉曰:恆音亘竟之亘。師古曰:恆音工贈反。 先謙曰:善注引方言曰:縆,竟也。

亘當作亙。

守突與之熒燭,未卬天庭而覩白日也。(二十下)

應劭曰:爾雅:東南隅謂之笑,西南隅謂之奧。

樹達按"笑說文作官,七篇下一部云"室之東南隅。 今爾雅釋宮作姿。 說文十篇下焱部云: 熒,屋

下燈燭之光。

福不盈眦,既益於世。(三十二上) 先謙曰:官本益作溢,文選同,益字誤。

樹達按:景祐本作溢

皆闇而久章者,君子之眞也。<二十四下)

敘傳第七十上(漢書一百)

入三六

師古曰:時闇,有時而闇也。

樹莲按:時閣久章謂當時閣昧,久而愈章。顏訓時爲有時,誤。

## 敍傳第七十下(漢書一百)

憲章六學,統壹聖眞。(三上)

樹達按:此指武帝專崇六藝,屛黜百家而言。

閹尹之呰,穢我明德。(三下)

推,見也,盡也,使爲政以病其治也。 先讓曰"官本引蕭該音義同。韋昭告作推字,云"子爾反。 劉氏云推,效也,或言極也。

晉灼曰:

樹達按"注文氣不貫,劉氏以下十八字文見上卷末「班輸権巧於斧斤」下, 誤衍於此。 使爲政句又

本文如湻注之衍文也。

後昆承平,亦有紹土。(四下)

宋祁曰:監本浙本越本作亦猶有紹。 王念孫曰:監本浙本越本是也。

枯楊生華,曷惟其舊?(八上)樹達按:景祐本作亦猶有紹。

應劭曰"易云"枯楊生華,暫時之意也。 曷惟其舊,言不能久也。

樹達按:應以 久釋舊,上卷「營龍虎之文舊矣,」孟康晉灼亦以久釋舊。 按書無逸云 「舊惟小人」」

舊 史記作人。 詩抑箋 云三舊 久也。」久舊二字音義並相 近。

横雖雄材,伏于海陽。(八上)

樹達按:朱一新云:隝同島。

旅人慕殉,義過黃鳥。(八上)

劉德曰:黃鳥之詩刺秦穆公娶人從死,言今橫不要而有從者,故曰過之。

樹達按"田横客自殺殉横者五百人,故云旅人慕殉。

說文七篇上於部云軍之五百人為族也。

縮自同閈,鎮我北 樹達按:同開敦煌寫本作閱開。 疆。(八上)

其在於京,奕世宗正。(八下)

錢大昭曰:劉辟彊、劉德父子並爲宗 E

樹達按 。」李賢注云:奕猶重 劉郢客、劉向、 也。 劉慶忌皆嘗爲宗正,

不止辟彊父子二人也。

後書班固傳典引云

奕世

子政博學,三世成名。(八下)

師古曰: 謂劉德、劉向、劉歆俱有名聞。

樹達按一德是向之父,不宜以子政統之,顏說未合。

敘傳第七十下(漢書一百

余疑三世謂子駿,子駿兄子伯玉,

及向曾孫名

漢書窥管卷十

襲字 之。」李賢注引班叔皮與京兆丞郭季通書曰:「劉孟公藏器於身,用心篤固, 書董仲舒傳贊云:「向曾孫襲,篤論君子也。」後書蘇竟傳云:「襲字孟公,善議論,馬援班 如此,此文所云三世成名者,孟公爲其一人,殆無疑義。 也。」三輔決錄云:「長安劉氏,惟有孟公,談者取則。」 此孟公之說也。 孟公者也。 意林引新論 云:「劉子政,子子駿,子駿兄子伯玉,俱是通人。」 果爾,不惟劉德不在此數, 按叔皮、孟堅父子推重 實瑚璉之器, 此伯 玉之說 即向亦不在三 宗廟之質 彪 並器 也。 孟 公 重 本

赳赳景王,匡漢社稷。(九上)

世之中。文意謂子政博學,因而子歌、孫伯玉、曾孫襲三世成名也。

樹達按:景王劉章、誅諸呂有功也

安國廷爭,致仕杜門。(九下)

樹達按:王陵封安國侯。 廷爭 謂言 王呂非高祖約事。 杜說文字作數,三篇下支部 云 敗 閉也。

樹達按"張蒼封北平侯。

樹達按: 申屠嘉封故安侯。 故安執節。(十上)

榮如辱如,有機有樞。(十一下)

樹達按:易繫辭云:「言行者, 君子之樞機也, 樞機之發, 榮辱之主也。」此謂賈山等四人皆有言

安國壯趾。(十二上)

有凶也。 孟康曰:易,壯於趾,征凶。 師古曰:壯於趾,大壯初九爻辭也。 安國臨當爲丞相,墮車,蹇,後爲將,多所傷失而憂死,此爲不宜征行而 壯; 傷也。趾, 足也。 直謂墮車蹇耳, 不言不宜征

樹達按"顏說是也。顏訓壯爲傷, 讀爲戕。 易豐釋文引鄭注云,戕,傷也。 蓋讀壯爲刅。 說文四篇下办部云:办, 傷也。 壯與孙音近。

或

行也。

趙敬險詖。(十二下)

樹達按"謂趙敬肅王彭祖。 險讀爲儉,說文十篇下心部 云、「儉、儉詖也。 从心,僉聲。」息廉切。

蘇武信節,不詘王命。(十二下)

師古曰:信讀曰申。

長平桓桓。(十二下) 樹達按:法言淵騫篇云: 張騫蘇武之奉使也,執節沒身,不屈王命。」班語本此。

樹達按:衛青封長平侯。

衝輣開閉。(十二下)

教傳第七十下(漢書一百) 樹達按:詩大雅皇矣云:臨衝閑閑。〔毛傳云:閑閑,動搖也。

讜言訪對,爲世純儒。(十三上)

師古曰:讖,善言也。訪對,謂對所訪也。讜音黨。

樹達按一訪對謂仲舒對策,及家居時朝廷有大義,使使者及張湯就家問之,其對皆有明法,

是也。

文豔用寡,子虛烏有。(十三上)

樹達按:法言君子篇云:文麗用寡,長卿也。

杜周治文,唯上淺深。(十三下)

樹達按"刺景祐本作刺,是也。 刺字 誤。

燕刺謀逆。(十四上)

樹達按"書願命云"道揚末命。

末命導揚。(十五上)

貤子子孫。(十五上)

陳湯誕節,救在三悊。(十五下)

樹達按一貤下子字誤,景祐本作于,

樹達按"詩邶風旄丘云"旄丘之葛兮,何誕之節兮。 師古曰:誕節,言其放縱不拘也。

毛傳云:誕,闊也

玄成退讓,仍世作相。(十六上)

師古曰"仍,類也。

樹達按:類字誤,景祐本作頻,是也。

樹達按:作翊,謂爲左馮翊

延壽作翊。(十六下)

敞亦平平,文雅自贊。(十六下)

師古曰:贊,助也,以文雅助治術也。

說…贊,進也,以文雅自進也。

顏注前說得之。

寬饒正色,國之司直。(十七上)

樹達按"本傳云"「然敞本治春秋,以經術自輔

樹達按:詩鄭風羔裘云:彼己之子,邦之司直。

並有立志。(十七上)

樹達按:孟子萬章下篇云:頑夫廉,懦夫有立志。

**偪上**拌下。(十九上)

樹達按:韓非子外儲說左下篇云: 孔子曰:泰侈偪上。

周宣攘之,亦列風雅。(二十上)

樹達按:詩小雅出車云:赫赫南仲,

**玁**狁于襄。

釋文云三裏本或作攘。

」潛夫論救邊篇云:「獫犹于

敍傳第七十下(漢書一百)

八四

攘,非貪土也。 班及王符所見詩皆作攘也。

西戎即序,夏后是表。(二十下)

樹達按:書馬貢云 …西戎即敍。

周穆觀兵,荒服不旅。(二十下) 樹達按:事具國語周語上。

詭矣禍福,刑於外戚。(三十下)

師古曰:詭,遠也,言禍福相違,終始不一也。

禍福倚伏,變易不常,形見于外戚者爲獨顯也。下文皆申述此意。 樹達按:跪當讀爲惟。 說文十篇下心部云:惟,變也。 刑讀爲形,見也。 顏訓詭爲違,殊失其義 詭矣禍福,刑於外戚者,謂

王氏 一仄微,世武作嗣。(二十一上)

樹達按:書序云:「虞舜 側微, 仄與側同。

師古曰"易,熾也。

子夫旣興,扇而不終。(三十一上)

陽平作威,誅加卿宰。(三十一下) 樹達按:說文八篇上人部云 偏,熾盛也。 从 人,扇聲。 **詩**日 豔妻偏方處。

文假扇爲偏。

樹達按:王鳳封陽平侯。

## 後記

究 + 版 過 有 萬 字 六 漢 定的 的 卷 書 親管 鉅 本 漢 卷, 影 響 是 書 楊 補 九 遇夫 注 Ŧi. 納 Ŧi. 先生的學 }IE 年 由 爲當 中 國 時 術代表著 科 的 學 學 H 者 版 作 所 加上 之 推 初 重 版 受 漢 到 書 九 窺 我 國 管 四 學 是 年 術 在 他 界 補 在 更爲 北京 E 的 廣 基 師 泛的 範 礎 大學設 上 重 視 不 教 斷 時, 對 積 於 集 學 曾 而 成 經 術

了 俗 體 改 Œ 适 間 次 学 重 版 以 仔 求 統 細 校 0 勘 J \_\_\_ 遍。 凡 初 版 中 字、 凡 初版 詞、 句 中解釋間 排 印 錯 誤 隙、 中間 標 點 符 間 隔諸義使 號 有 錯 及 用 應 增 閒 加 字 標 的, 點 的 律 改 作 用

音義 班 顏 在 史 解 史 書 師 釋義,棄述古音,是有鑒於歷 記 又嫌 相 古 記 澳 重 書窺管是一 涉 漢 博採奉 在 書 過 釋 輒 注 一音,是 於省 加 和 書, X 略。 述 手 部 有 折 這感於當日 衷諸 11 裴氏之所以及 篇 藉 麼 以 的 性質 說 糾 E 日 來的 舉 先 以 的 流 H 書? 舊 謙 行 漢書 注 注 的 評 時撰 楊先 家, 種 各 班 種 補 種 書 注 往 的 注 史 諸 生在自己的兩 往 是要「增演 違 記 注 也 昧 誤 手 的 於 不 本, 得 班 能 全書各 失。 書 冤 多「真 的 病 徐氏,有所稗 版自序 體 章 卷, 例 向 偽 大 略 雖全是 古 而 舛 中, 同 義, 雜 傾 裴 Ŀ, 紕 補 畢 注 都 由 牛 繆 而 有 L. 所論 精 相 經 而 此 而 過 力, 循 着 零 楊 述。 徐 眼 先 散 時 廣 卽 點 生的 時 短 號 研 不 大 語 泛 抵 稱 核 同 連 濫 漢書窺管, 班 衆 仿 級 文 史功 装 裴 本 籍 III 氏 所 馬因 成 凡 E 作 的 的 集 卻 與 的 的 解 重

四

記

的

是著 者 三十 年 間 瀝 血 ne. 心 堅 持 鈍 學累 功的 總結 ,實在是一 部很不尋常的讀 書札

這部十卷本的 漢書 窺管 糾 舉 舊 注 違 誤, 使 用 的 是訓 詁與校勘銀行 的 方法。 舉 凡 舊說 舊 注

不 瞭 大 班 抵 書 按體 古義 例, 而 把 誤 故 訓 訓 」、據 的 訂 前 誤 X 妄竄 書 證 的 而 疏 改 解 不 誤之班 版 本的 書 鑒別 」、不知班 作了 合理的 文省 略 歸 類 概 姐 編 次, 加 以 使三 郭辛 解 者 與 的 釐 內 IE 在

漢書 假 所 校 又 訂 最 故 易 訓 犯 穿 D 鑿 許 附 愼 會 的 的 說文為 立說 通 病 據 的 楊 先生 旨意,豁 參以 高 爾 度注 然貫 雅 及 意 衆 到 說。 這 點 班 書 凡 遇 多 有 古 字 疑 似 古 義, 的 字 訓 而 歷 必 來 窮 訓 究 詁 其 學 形 家 聲 的 明 鑽

辨

研

通

以

能

够

深

刻

地

領

會

A

通

緊密

切

、條理

貫

晰

評

議

翔實。

避 記 居 引 空 用 書證 論 以 漢 書本文 旅證 爲 經 引羣書 相互 發明 爲緯 探索古義, 窮 源 竟委, 得出 新的 論斷 力

選 用 版 本, 以 涵 芬樓百納本廿四史影印 北宋景祐本漢書爲定本, 參以 閩 本、 南監· 木、 官 本為 主

種。 軸 聯結 叉 引 全 近 書 人 羅 各 卷, 振 玉 旁 排 及 印 汲 的 古 敦 煌 閣 本、 残 卷子 南 雍 本、 本、 敦煌 德藩 出 本、景德本、浙本、越 士: 木簡 网 種 最爲可貴。 本、粤本、汪 從 īfij 本、 使 毛本 版 本 等二 的 使 一十餘 用 價

的 餘 緒, 先生 並 未 博 超出 通 經 二王的 史 百家 軋 、聲韻、 範。 不 文字 過, 訓 舊 漢學家的 詁之學。 主要缺 他的 做學問的基本觀點與 點 好學而 不肯深 思; 方法,是承 擅 長考 清 據 代 而 往 樸學 往目

植,

提

高

到現

代科學

的

新

水

平。

的 不 明, 爲 考據 而考 據。 這在 王念孫、 王先謙 **靠尚未能意識** 到的, 而在他的 著作 1 卻 E 得 到了 相 應

的克服。

立 致 左 使 傳 說 漢 體 ,至陷入迷惘,不 楊 書 先 所 作 的 4: 某些 漢 精 紀 於 篇 的 校 讎, 茸 紕 能自 同 繆 却不 拔 書中 事 局 或 限 詞 於文字 再揭 的 訓 示出 解 的 荀氏 儲梭。 在 |漢 統已 因 111 不 因 瞭 校 面 目 然 勘 全非 於班 高 郵 ; 書 王 而 立 氏 說 讀 高 史的得 郵 的 旨意 E 氏 义 失, 往 41: 往 往 īfi 穿 據漢 E 製, 探 紀及類 東漢 妄加 荷 宜 悦 書 改, 以 依

蒐 可 却 1: 帶着 集 追 舊 楊 先生 訓 懷 車 疑 大 務斂華 成 的 精 於訓 服 的 漢書 光 就 校 詁,卻不局限於字句的 質 勘 注 的 及 補 願 注 高 亭 郵 林 籀 Ŧ. 讀 氏 治 過, 班 書 訓釋, 軱 的 復 失 拾遺 誤。 因 揣摩王先謙漢書補注的 補 儘管顏 闕 疏 記 Ŧ. 治 簡端 漢書 L-0 他 素 的 DJ. 得失, 最精 這 種 慣 最 īħĵ 密 富 窺討 的 著 治 稱 唐 學 於 初顏 精 世 神 師 而

古

直 他

補注之後、 術 的 淵 漢 學 楊 源 先生 家 實 對 一幼承家 得 生 於訓 於考證學。 不 治 詁 學, 經 校勘 史, 對 於史 尤精 今人 很有參考 籍有 陳 小 學 直 特 著 及 價值 異 淡書新 目 的 錄 嗜好 學 陳氏 證 其 可以 對本 青少年 體 窺 書所作 例完全仿 見他 時又師 的 的 做學 事 桃 漢書親管 括性 薬 間 德 與樸 評語 輝、 胡 嘗 學 實先 元 一的 說 儀 (漢 獲 深 我意 葉氏 刻 書窥管 關 係 是 清 在 季 他 漢 著名 的 學

高揚

一九八二年

九月十五日

後



(全二册) 一书号: 11186·60 定 价: 3.20元